

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍԻՏՈՒՏ**

ՍԱՐԳՍՅԱՆ ԱՐՄԱՆ ՍՈՒՐԵՆԻ

**ԿԱՐԻՆԸ ՀԱՅ ԱԶԱՏԱՄԱՐՏՈՒՄ ՀԻԽ ԴԱՐԻ
ՎԵՐՋԻՆ ՔԱՌՈՐԴԻՆ**

ԱՏԵՆԱԽՈՍՈՒԹՅՈՒՆ

**Է.00.01 - «Հայոց պատմություն» մասնագիտությամբ պատմական գիտությունների
թեկնածուի գիտական աստիճանի հայցման համար**

**Գիտական դեկավար՝
ՀՀ ԳԱԱ ակադեմիկոս Ա.Ա. Մելքոնյան**

ԵՐԵՎԱՆ – 2017

ՆԵՐԱԾՈՒԹՅՈՒՆ.....3

ԳԼՈՒԽ I

**ԿԱՐԻՆԻ ՆԱՀԱՆԳԸ ՀԻԽ ԴԱՐԻ 80-ԱԿԱՆ ԹԹ. ԱԶԱՏԱԳՐԱԿԱՆ
ՇԱՐԺՄԱՆ ԿԵՆՏՐՈՆ**

1.1 Ազատագրական պայքարի գինված փուլի նախադրյալները.....	20
1.2 Ազատագրական խմբակները: «Պաշտպան հայրենյացը» որպես գինված պայքարի կազմակերպական կառույց.....	34
1.3 Հայ ազգային կուսակցությունների տեղական մարմինների ստեղծումը Կարինում և դրանց գործունեության վաղ շրջանը.....	56

ԳԼՈՒԽ II

**ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐԸ ԿԱՐԻՆԻ ՆԱՀԱՆԳՈՒՄ ՀԻԽ
ԴԱՐԻ ՎԵՐՋԻՆ ՏԱՍՆԱՄՅԱԿՈՒՄ**

2.2 Հունիսյան դեպքերը և 1894-1896թթ. հայկական կոտորածները Կարինի նահանգում.....	83
2.3 Ֆիդայական շարժումը Կարինի նահանգում.....	109

ԵԶՐԱԿԱՑՈՒԹՅՈՒՆՆԵՐ.....137

ՕԳՏԱԳՈՐԾՎԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ.....141

ՆԵՐԱԾՈՒԹՅՈՒՆ

XIX դարի վերջին քառորդին երբեմնի հզոր Օսմանյան կայսրությունը խիստ թուլացել էր: Եվրոպական երկրների արևելյան քաղաքականության մեջ դեպի հարավ՝ տաք ջրեր ուսական առաջխաղացման դեմ հուսալի պատվար համարվող «տարբեր ռասաների հավաքածու»¹ կայսրությունում այդ երկրների թելադրանքով իշխանություններն իրավիճակը շտկելու համար մի շարք միջոցառումներ ձեռնարկեցին: Սակայն դա գրեթե անհնարին էր «միջնադարյան մակարդակում»² մնացած թուրքերի դեպքում: Ուստի XIX դարի ընթացքում այդ երկրում ձեռնարկվող բարենորոգումների փորձերին գրգահեռ՝ անմիջապես առաջ էին քաշվում սովորական հպատակներին թուրքացնելու նպատակ ունեցող քաղաքական ծրագեր, որոնցից մեկը ձևակերպված էր 1869 թ. սովորական Արդուլ Ազիզին թողած Ֆուադ փաշայի կտակում:

Օսմանյան կայսրության թուրք կառավարողների համար 1877-1878 թթ. ռուս-թուրքական պատերազմը և որպես դրա արդյունք՝ Եվրոպայից դուրս մղվելու իրողությունը կայսրության արևելյան հատվածի (առաջին հերթին՝ Արևմտյան Հայաստանի) վրա ուշադրությունը կենտրոնացնելու նոր առիթ դարձավ: Մինչ այդ էլ, զգուշանալով, որ «հայերը հակում ունեն ոտնձգութեան և խելացի կիխի նրանց եռանդը չափաւորել»³, թուրքերը «1870-77 թթ., երբ տակավին ո՞չ հայ հեղափոխութիւն գոյութիւն ունէր, ո՞չ հայ կամավոր, գործադրութեան մեջ էին դրել հայկական բնաջնջումի ծրագիրը»⁴:

Այդ հարաբերություններից անմասն չէր Արևմտյան Հայաստանի հայաշատ ու տարածական մեծ ընդգրկում, տնտեսական ու մշակութային բարձր համարում ունեցող Կարինի նահանգը: Այն իր աշխարհագրական դիրքով (հետևաբար նաև՝ ռազմաքաղաքական ու ռազմավարական նշանակությամբ) հսկայական տնտեսական, քաղաքական, ռազմավարական և մշակութային դերակատարություն ուներ⁵:

¹ Տե՛ս Երեմեև Դ. Ե., Եթոգենեզ տրօք, Մ., 1971, էջ 222:

² Տե՛ս Չիխաչև Պ. Ա., Վելիկие դержавы и Восточный вопрос, Մ., 1970, էջ 173-174:

³ Տե՛ս Սերոբեան Մ., Հայկական հարցը և անոր փովերը, Պեյրութ, 1937, էջ 115-116:

⁴ Տե՛ս Սերոբեան Մ., Հայկական մղճավանջը, Պութըն, 1916, էջ 20-21:

⁵ Հայ ռազմասպահողներից բոլոր նրանք, ովքեր անդրադարձել են Կարինի պատմությանը համակարծիք են այս հարցում. տե՛ս Ա-Դո, Վանի, Բիթլիսի և Էրզրումի վիլայեթները, Ե., 1912, Զատիկյան Հ., Կարինի նահանգը XIX դարի երկրորդ կեսին, Ե., 2013, Հովհաննիսյան Ռ., Արևմտահայ ազգային-

Կարինի նահանգի սոցիալ-տնտեսական պատմությունն ու ժողովրդագրական նկարագիրը բավականին լավ է ուսումնասիրված՝ ի տարբերութուն այստեղ սկիզբ առած հայոց վերազարթոնքի և ազգային-ազատագրական շարժման պատմության մինչ օրս լուսաբանման կարուտ մի շարք հարցերի: Որպես Կարինում ծավալված ազատագրական պայքարի վճռորոշ նախադրյալներ կարևորել ենք՝ ա) սահմանադրական շարժումը, որի ծավալմանը Կարինի նահանգում նպաստեցին 1872 թ. մշակված «Սահմանադրական հրահանգ գավառաց համար» և «Կարինի բարենորոգումների ծրագիրը» փաստաթղթերը, բ) Զեյթունի ապստամբությունը որպես կայսրության դեմ հայերի անդրանիկ գինված բացահայտ ելույթի և դրա ազդեցությունը, գ) Հայկական հարցի միջազգայնացումը և դրա հետևանքները, դ) 1890 թ. հունիսյան հայտնի դեպքերը և դրանց նշանակությունը, ե) ազատագրական խմբակների հիմնումը Կարինում, զ) հայկական ազգային կուսակցությունների տեղական մարմինների ստեղծման գործընթացը, է) ֆիդայական պայքարը Կարնո աշխարհում և այլ հիմնահարցեր:

Հայ ազգային-ազատագրական պայքարի պատմությունը մշտապես ուսումնասիրության առարկա է եղել սիյուռքահայ և թույլատրելիության տարբեր չափաբաժիններով նաև՝ խորհրդահայ պատմագիտության համար: Խորհրդային կայսրության մայրամուտին և անկախության տարիներին հայ ուսումնասիրողների ուշադրությունն ավելի սևեռվեց այդ հիմնախնդրի վրա: Դա պատահական չէր, քանի որ մեր օրերում, երբ պետական մակարդակով բարձրացվում են Հայոց ցեղասպանության և

ազատագրական շարժումները և Կարինի «Պաշտպան հայրենյաց» կազմակերպությունը (XIX դարի 70-80-ական թթ.), Ե., 1965, Զարդ Ղ., Յուշամատեան Բարձր Հայք, Կարինապատում, Պեյրութ, 1957, Քոսեան Յ., Բարձր Հայք, հ. Ա (Կարին քաղաքը), Վիեննա, 1925, և ուրիշներ: Նահանգի ու նոյնանուն քաղաքի կարևոր դերակատարությունը շեշտել են նաև օտարազգի գործիչները: Նրանցից Գրոտեն համարում էր, որ «միակ ճանապարհը Կենտրոնական Ասիայից ու Կովկասից դեպի Փոքր Ասիայի խորքը անցնում է Էրզրումով: Էրզրումն արդարացիորեն համարվում է Թուրքիայի արևելյան տիրությունների բանալին», տե՛ս Գրոտե, Պո Ազնատսկոյ և Եվրոպեյսկոյ Տүրքի, Մ., 1904, էջ 97: Ռուսական բանակի գլխավոր շտարի բնութագրումով է՝ «Կարինի բերդը միակ կետն է ամրող ասիական թուրքիայում, որը միաժամանակ պաշտպանում է Անատոլիան, և Սիրիան, և կարգավորում ստրատեգիական շարժումը դեպի Միջազգետք: Ընդհուպ մինչև Բնոսիորը այսպիսի մի ուրիշ կետ չկա», տե՛ս «Հայ ժողովրդի պատմություն», հ. 6, Ե., 1981, էջ 543: Ռուս գրավար Ա. Կայութակինն էլ նշում է, որ «հնագոյն ժամանակներից Էրզրումը ունեցել է հսկայական ռազմական նշանակություն: Որ քաղաքի աշխարհագրական դիրքը նրան տալիս է ոչ միայն տնտեսական ու քաղաքական մեծ նշանակություն, այլև այն դարձնում է անվիճարկելի «գլխավոր կենտրոն», տե՛ս Կոլյօնակին Ա., Մատերիալы для описания Персии, Азиатской Турции и Закавказского края. Тифлис, 1888, с. 219. Ֆրանսիացի դիվանագետ Բերտելոնն էլ գտնում էր, որ «Էրզրում քաղաքը մի հզոր ամրոց է, որը թողնել թուրքերին, կնշանակի տեղավորել նրանց ուղիղ հայերի վզին», տե՛ս Ջորդյ Լոյդ, Правда о мирных договорах, т. 2, М., 1957, с. 426.

դրան ածանցյալ տարածքային, էթնիկական, հոգևոր-մշակութային ժառանգության և պատմական արդարության վերականգնման հարցերը, հիմնախնդիրն ու դրանց սերտորեն միահյուսված հայ ազգային-ազատագրական պայքարին ու Հայկական հարցին առնչվող իրադարձությունների համապարփակ ուսումնասիրությունը և պատմութան դասերը հաշվի առնելը ոչ միայն ճանաչողական, այլև արդիական-քաղաքական կարևոր նշանակություն ունեն: Հայ ժողովրդին նետված մերօրյա մարտահրավերների և տարածաշրջանում ընթացող խորքային գործնթացների հետնախորքի վրա հիմնախնդրի լուսաբանումն ավելի քան կարևոր է:

XIX դարի վերջին քառորդին Կարինի նահանգում հայոց զարթոնքի և դրա շարունակության՝ ազատագրական պայքարի մասին մի քանի ուսումնասիրություններ են գրվել, սակայն հիմնախնդրի շատ կողմեր և առանձնահատկություններ այսօր էլ սպառիչ լուսաբանված չեն, մի մասն էլ վերագնահատման կարիք ունեն: Մասնավորապես, համակողմանիորեն չի ուսումնասիրվել ազգային-ազատագրական պայքարի սկզբնավորումը Կարինի նահանգում և դրանում կարինահայության դերակատարությունը: Գիտաթեմայի ուսումնասիրության գործում կարևորելով այդ իրողութունը, միաժամանակ խոսափել ենք փաստական նյութի ավելորդ կուտակումից, և աշխատել ենք կատարել փաստերի համակողմանի և անաշառ վերլուծություն: Մեր առջև խնդիր ենք դրել՝ ա) արժևորել խնդրո առարկա ժամանակաշրջանին նվիրված ուսումնասիրությունները, շեշտադրել այն հարցերը, որոնք մեր կարծիքով ոչ բավարար են լուսաբանված պատմագիտական գրականության մեջ, բ) արխիվային փաստաթղթերի, տպագիր սկզբնադրյուրների, մամուլից քաղված նյութերի և ուսումնասիրությունների օգտագործմամբ ներկայացնել նշված ժամանակաշրջանում Կարինի նահանգի հայերի իրավագործկ կացությունը, գ) ներկայացնել օսմանյան իշխանությունների հայակործան քաղաքականության արդյունքում վտանգված արև-մտահայութան կողմից ազատագրական պայքարին օժանդակելու դժվարությունները: Ուսումնասիրության խնդիրն է նաև փաստագրական հարուստ հենքով ներկայացնել ու անկողմնակալ գնահատել Կարնո աշխարհի տեղն ու դերը XIX դարի վերջին քառորդի հայ ազատագրական պայքարում: Ասենախոսության շարադրանքում բացահայտվում են հետևալ պատմական իրողությունները.

1. XIX դարի վերջին քառորդին զարթոնք ապրող, հարստահարված ու կեղեքված կարինահայությունը, այլևս չկարողանալով հանդուժել իշխանությունների ապօրինությունները և քուրդ, չերքեզ ու այլ հրոսակների կողմից ժողովրդի հարստահարություններն ու կեղեքումները, ոտքի ելավ պայքարելու իր իրավունքների համար: Այդ պայքարին նպաստող կարևոր քաղաքական նախադրյալներ էին Ազգային սահմանադրությունը և դրա օրգանական շարունակությունը դարձած ու կարինահայության կյանքում կարևոր դերակատարություն ունեցած 1872 թ. «Սահմանադրական իրահանգ գավառաց համար» և 1879 թ. «Ծրագիր բարենորոգմանց Կարին նահանգի» փաստաթղթերը: Թեև դրանք իրավական կարևոր փաստաթղթեր էին, բայց զուրկ լինելով գործադրվելու իրավունքից՝ իմանականում մնացին թղթի վրա՝ միաժամանակ դառնալով հայ ազգային-ազատագրական պայքարի կարևոր նախադրյալներ:

2. Հասկանալով, որ անտեսելով Ազգային սահմանադրությունը և նրա հիման վրա ձևավորված ազգային հաստատությունների կամքն ու բարենորոգումների խոստումների միջոցով ժամանակ շահելով՝ թուրքերը Հայկական հարցում որևէ զիջման չեն գնալու, հայ ժողովուրդը որդեգրեց զինված պայքարի ուղին և դրան նախապատրաստվելու համար իրականացրեց կրթալուսավորչական, գաղափարա-քարոզչական և կազմակերպական ընդգրկուն աշխատանքներ: Արժևորելով դրանք՝ ներկայացվում են Կարինի հայության կարևոր դերակատարությունն ու մեծ ներդրումն այդ գործում:

3. Բացահայտվում են Կարինում հայ ազգային կուսակցությունների տեղական կառույցների ստեղծման և վաղ շրջանի գործունեության մանրամասները:

4. Շարադրելով կարինահայության՝ 1895 թ. կոտորոծի մանրամասները՝ բացահայտվել են դրանց խորքային պատճառները, մարդկային և նյութական կորուստների չափը և պատուհասին դիմագրավելու կարինահայության փորձերը: Ընդգծել ենք, որ այդ կոտորածները թեև հաճախ մնում են 1915 թ. իրականացված Հայոց ցեղասպանության ստվերում, սակայն դրանք թուրքերի տիրապետության բոլոր ժամանակներում կարինահայությանը հասցված ամենամեծ հարվածներն էին Մեծ Եղեռնից առաջ:

5. Ներկայացնելով ֆիդայական պայքարի նախաքայլերը՝ ցույց տալ, որ այն առաջիններից մեկն սկզբնավորվեց հենց Կարինի նահանգում, իսկ այնուհետև տարածվեց ամբողջ Արևմտյան Հայաստանում: Հստակեցնել Կարնո աշխարհի ազատագրական կազմակերպությունների ու խմբակների և ֆիդայական խմբերի ունեցած ներդրումը, ներկայացնել կարևոր դերակատարություն ունեցած ֆիդայիններին, դեպի Երկիր զենք-զինամթերք փոխադրելու ուղիները, գնահատել կարնեցի ֆիդայինների սխրանքները, ցույց տալ այդ պայքարի ստվերոտ կողմերն ու անարդյունավետության պատճառները:

6. Շեշտել, որ XIX դարի վերջին քառորդում Կարինի հայության կյանքում տեղի ունեցած բոլոր կարևոր փոփոխությունները դիտարկվում են մեկ ամբողջության և օրգանական կապի մեջ ու ոչ միայն պայմանավորված են միմյանցով, այլև իրենց հերոսականությամբ ու դրամատությամբ նախադրություններին անդրադառնախ:

Ասենախոսությունը ժամանակագրական առումով ընդգրկում է XIX դարի վերջին քառորդը: Սակայն որոշ դեպքերում որևէ հարց ավելի խորքային, պատճառաբանված և հիմնավոր ներկայացնելու նկատառումով ժամանակագրական փոքրիկ շեղումներ ենք կատարել հատկապես, ազատագրական պայքարի նախադրյալներին անդրադառնախ:

Ասենախոսությունը գրվել է պատմահամեմատական մեթոդով և քննական-վերլուծական մոտեցմամբ: Հարազատ մնալով գիտական ճշմարտությունը վեր հանելու սկզբունքին՝ փորձել ենք առաջնորդվել պատճառների վերլուծության և պատմական օրինաչափությունների հաշվառման սկզբունքով: Օգտագործված արխիվային փաստաթղթերի, տպագիր սկզբնադրյուրների, հուշագրությունների, պարբերական մամուլի նյութերի, պատմագիտական ուսումնասիրությունների նկատմամբ ցուցաբերվել է քննական մոտեցում, համեմատվել, պարզաբանվել և վերլուծության են ենթարկվել բազմաբնույթ, երբեմն իրարամերժ փաստեր և տեսակետներ:

Ասենախոսության գիտական նորույթն ամենից առաջ այն է, որ XIX դարի վերջին քառորդին հայ ժողովրդի կյանքում տեղի ունեցած կարևորագույն իրադարձությունների լուսի ներքո հայ պատմագիտության մեջ առաջին անգամ համակողմանիորեն ներկայացված է ազգային-ազատագրական պայքարում կարինահայության

Դերակատարության ամփոփ պատմությունը: Բացահայտվել է հայոց վերազարթոնքի ու ազատագրական պայքարի գաղափարական նախադրյալ սահմանադրական շարժման կոնկրետ դրսևորումը Կարինի նահանգում՝ 1879 թ. «Ծրագիր բարենորոգմանց Կարին նահանգի» փաստաթղթը ու նրանում տեղ գտած դրույթները: Նորովի է լուսաբանված Կարինում ստեղծված կրթամշակութային և ազատագրական խմբակների պատմությունը: Մանրամասն ներկայացված է ազգային կուսակցությունների տեղական մարմինների հիմնադրման ու գործունեության ընթացքը, և պարզաբանված են դրանց հետ առնչվող մի քանի վիճահարուց հարցեր: Տրված է Կարնո աշխարհում ֆիդայական պայքարի և կարնեցի ու Կարինում գործած նշանավոր ֆիդայինների հերոսական պայքարի պատմությունը: Լուսաբանված է 1895-1896 թթ. նահանգին պատուհասած կոտորածների պատմությունը ու տարածաշրջանի հայաթափման գործընթացը: Հայ պատմագիտության մեջ առաջին անգամ ներկայացվում է Համիդիե գնդերի կազմավորմանը զուգահեռ ստեղծված ոչ պակաս վտանգավոր «խաֆիէններ»-ի համակարգը (ինստիտուտը), որի նպատակն էր հայ ազգային-ազատագրական պայքարը ներսից քայլայելը:

Ատենախոսությունում պատմագիտության մեջ առաջին անգամ օգտագործված են արխիվային նորահայտ մի շարք փաստաթղթեր, ցայսօր ուշադրության չարժանացած վավերագրեր, նամակներ, ժամանակակիցների վկայություններ և մամուլում սփոված որոշ հրապարակումներ, որոնք հնարավորություն են տալիս ամբողջական պատկերացում կազմելու հիմնախնդրի մասին:

Ատենախոսության հիմնախնդրին վերաբերող աղբյուրագիտական նյութերն այնքան էլ շատ չեն: Կարինի նահանգում քննության առարկա ժամանակահատվածում տեղի ունեցող կարևոր իրադարձությունների՝ հայոց վերազարթոնքի, կրթամշակութային ու ազատագրական խմբակների հիմնադրման, հայկական կուսակցությունների տեղական մարմինների ստեղծման, 1890 թ. հունիսյան դեպքերի, հայության կոտորածների ու ֆիդայական պայքարի սկզբնավորման մասին ժամանակին հրատարակվել են կազմակերպությունների կանոնադրությունները, կուսակցությունների ծրագրային փաստաթղթերը, առկա են արխիվային վավերագրերի հավաքածուներ, ժամանակակիցների հուշագրություններ, ուսումնասիրություններ և այլն:

Տպագիր սկզբնաղբյուրները մեծ արժեք ունեն, սակայն առանց արխիվային վավերագրերի՝ ուսումնասիրվող թեմային վերաբերող լուրջ պատմագիտական ուսումնասիրություն հնարավոր չէ գրել: Մեր ուսումնասիրության շրջանակներում օգտվել ենք Հայաստանի ազգային արխիվի անձնական ծագում ունեցող վավերագրերի հավաքածուից⁶, իայ ազատագրական շարժումներին վերաբերող փաստաթղթերից⁷, տարբեր երկրների դեսպանների, հյուպատոսների, դիտորդների գեկուցագրերից ու ականատեսների վկայություններից, Կարինի նահանգում կատարված զարիուրելի դեպքերի նկարագրություններ պարունակող Էջմիածնի Ս. Լուսավորչական Սինոդի, Ամենայն իայոց կաթողիկոսի դիվանի⁸, արտասահմանից ստացված վավերագրական նյութերի⁹, Արտակ Դարբինյանի¹⁰, Անուշավան Տեր-Մկրտչյանի¹¹, Ապահ Պետրոսյանի¹², Հայկազուն Գալրատյանի¹³, ՀՅ Դաշնակցության¹⁴, Մկրտիչ Ներսիսյանի¹⁵, Եղիշե քահանա Գեղամյանի¹⁶, Սոցիալ-դեմոկրատ հնչակյան¹⁷ կուսակցության և այլ ֆոնդերից¹⁸:

Արխիվային կարևոր փաստաթղթեր են պարունակում նաև Եղիշե Զարենցի անվան Գրականության և արվեստի թանգարանի արխիվը¹⁹ և «ՀԱԱ պատմության ինստիտուտում պահվող Լեռյի անձնական արխիվը²⁰:

Ասենախոսության համար կարևոր սկզբնաղբյուր են հանդիսացել վավերագրերի տպագիր ժողովածուները: ՀՅԴ Բոստոնի կենտրոնական արխիվում պահվող

⁶ Տե՛ս Հայաստանի ազգային արխիվ (այսուհետև՝ ՀԱԱ), §. 314, գ.8, գ. 6, գ. 32, գ. 8:

⁷ Տե՛ս նոյն տեղում, §. 56, գ. 68, 70, §. 57, գ. 5, գ. 3, գ. 17, §. 402, գ. 1, գ. 24, 25:

⁸ Տե՛ս նոյն տեղում, §. 41, 56, 114 և այլն:

⁹ Տե՛ս նոյն տեղում, §. 420, գ. 16, գ. 8, 9, 12, գ. 81, գ. 214:

¹⁰ Տե՛ս նոյն տեղում, §. 424, գ. 2, գ. 116:

¹¹ Տե՛ս նոյն տեղում, §. 1396, գ. 1, գ. 1, 8, 15, 46, 66, տարբեր թերթեր:

¹² Տե՛ս նոյն տեղում, §. 453, գ. 1, գ. 59, 72:

¹³ Տե՛ս նոյն տեղում, §. 476, գ. 4, գ. 51:

¹⁴ Տե՛ս նոյն տեղում, §. 4047, գ. 2, գ. 9, թ. 132:

¹⁵ Տե՛ս նոյն տեղում, §. 818, գ. 1, գ. 23, 515:

¹⁶ Տե՛ս նոյն տեղում, §. 1296, գ. 1, գ. 51:

¹⁷ Տե՛ս նոյն տեղում, §. 1456, գ. 1, գ. 38, գ. 2, գ. 7, 9, 24:

¹⁸ Կան դեպքեր, երբ որևէ փաստաթղթի վերաբերյալ կոնկրետ հղում չենք արել սակայն դրանք ժամանակաշրջանն ու տեղի ունեցող իրադարձությունները ճիշտ հասկանալուն և գնահատելուն շատ են նպաստել, ուստի ճշմարտության դեմ չմեղանելու համար դրանք հիշատակել ենք աղբյուրների ցանկում: Դա վերաբերում է հատկապես Թ. Նազարբեկովի, Լ. Սարգսյանի, Վ. Շահպարոնյանի և այլոց հուշերին:

¹⁹ Տե՛ս Եղիշե Զարենցի անվան Գրականության և արվեստի թանգարանի արխիվ (այսուհետև՝ ՀԱԹ), Թ. Ազատյանի §., բաժ. XII, գ. 11507, 11508, 11512, 11519, Սրվանձտյանց Գ.-ի §., II բ., գ. 65, Բ. Նավասարդյանի ֆոնդ, վավ. 9-111, թ. 38, «Ձ» 55:

²⁰ Տե՛ս «ՀԱԱ պատմության ինստիտուտ, Լեռյի անձնական արխիվ, §.1, գ. 1, գ. 162, 175:

փաստաթղթերի դասակարգման և հրատարակման գործում հատկապես անգնահատելի է Հրաչ Տասնապետյանի²¹ և Երվանդ Փամբուկյանի²² կատարած հսկայածավալ աշխատանքը, որի արդյունքում տպագրվել են «Նիւթեր Հ.Յ. Դաշնակցութեան պատմութեան համար» մեծածավալ հատորները: Մեծ արժեք է ներկայացնում նաև Սիմոն Վրացյանի կազմած «Դիան Հ.Յ. Դաշնակցութեան» Երկիատորյակը²³:

Խորհրդային Հայաստանում փաստաթղթերի ու նյութերի հրատարակման գործում որոշակի ներդրում են ունեցել Մկրտիչ Ներսիսյանը²⁴, Զոն Կիրակոսյանը²⁵, իսկ Սիյուռքում՝ ՀՅԴ գործիչ Գաբրիել Լազյանը, հնչակյան գործիչներ Ստեփան Սապահ-Գյույյանը և Արսեն Կիտուրը, ուսմկավարներից՝ Վաչե Ղազարյանը²⁶: Կարևոր տպագիր սկզբնադրյուրներ են թուրքական վավերագրերը²⁷, օտարալեզու մի քանի հրապարակումներ²⁸ և «Բանքեր Հայաստանի արխիվների» հանդեսում տպագրված որոշ վավերագրեր²⁹:

²¹ Տե՛ս Նիւթեր Հ.Յ. Դաշնակցութեան պատմութեան համար (այսուհետև՝ Նիւթեր...), խմբ.՝ Հր. Տասնապետեանի, հրատ.՝ Հ. Յ. Դաշնակցութեան, Պէյրութ, Ա. հատ., թ. Տպագր., 1984, Բ. հատ., թ. Տպագր., 1985, Գ. հատ., 1976, Դ. հատ., 1982:

²² Տե՛ս Նիւթեր..., խմբ.՝ Եր. Փամպութեանի, հրատ.՝ Հ. Յ. Դաշնակցութեան, Պէյրութ, Ե., 2007, Զ. հատ., 2010, Է. հատ., 2010, Ը. հատ., 2011, Թ. հատ., 2012:

²³ Տե՛ս Դիան Հ. Յ. Դաշնակցութեան (այսուհետև՝ Դիան...), յաւելած «Հայրենիք» ամսագրի, հրատ., Պութըն, 1934, 395 էջ, Բ. հատ., Ե., 1938:

²⁴ Տե՛ս Հայերի ցեղասպանությունը Օսմանյան կայսրությունում (փաստաթղթերի և նյութերի ժողովածու), Մ. Ներսիսյանի խմբագրությամբ, Ե., 1991: Հարկ ենք համարում արձանագրել, որ Մ. Ներսիսյանի անձնական արխիվում հայտնաբերել ենք ատենախոսության թեմային առնչվող վավերագրեր, որոնք չեն ներառվել նրա կողմից հրատարակված փաստաթղթերի և նյութերի ժողովածուում:

²⁵ Տե՛ս Հայաստանը բուրժուական դիվանագիտության և սովետական արտաքին քաղաքականության փաստաթղթերում (1828-1923), Զ. Կիրակոսյանի խմբագրությամբ, Ե., 1972:

²⁶ Տե՛ս Լազեան Գ., Հայաստան եւ հայ դատը եւ ոռու յարաբերութիւններու լոյսին տակ, Գահիրէ, 1957, Տե՛ս նաև Յիսնամեակ Սօց. Դէմոկրատ Հնչակեան (1887-1937), խմբ.՝ Սր. Սապահ-Գիլեանի, Փրովիտէնս, 1938, Տե՛ս նաև Պատմութիւն Ս.Դ.Հնչակեան կուսակցութեան (1887-1962), Ա. հատ., խմբ.՝ Ա. Կիտուր, Պէյրութ, 1962, Տե՛ս նաև Ռամկավար ազատական կուսակցութիւն, հիմնական ծրագրեր, կանոնագրեր եւ վաւերագրեր, կազմեց՝ որևէ Վաչե Ղազարեան, Պէյրութ, 1988:

²⁷ Տե՛ս Փափազյան Ա., Թուրքական վավերագրական նյութեր Օսմանյան կայսրության ոչ մահմեդական ժողովուրդների մասին (1839-1915 թվականներ), Ե., 2002:

²⁸ Տե՛ս Сборник договоров России с другими государствами, 1856-1917, М., 1952, տե՛ս նաև Современное состояние Османской империи, составил М. А. Убичини и П. де Куртейль, Санкт-Петербург, 1877, տե՛ս նաև Амфитеатров А., Армянский вопрос, С.-Петербург, 1906. տե՛ս նաև Колюбакин А.. Материалы для описания Персии, Азиатской Турции и Закавказского края. Тифлис, 1888, տե՛ս նաև М. Макколь. Ответственность Англии перед Арменией (Положение армян в Турции до вмешательства держав в 1895 году, М., 1896, с. 131-211. տե՛ս նաև Ролен-Жекмен М. Г., Армения, армяне и турки. Положение армян в Турции до вмешательства держав в 1895 году, М., 1896, տե՛ս նաև Գասյմլы М., Анатolia и Южный Кавказ в 1724-1920-е гг. в поисках исторической истины, М., «2014, տե՛ս նաև

Վավերագրերի բացակայության դեպքում սկզբնաղբյուրի արժեքը ունեն նաև ականատեսների ու ժամանակակիցների հուշագրությունները, որոնք, արժեքավոր լինելով հանդերձ, աչքի են ընկնում կուսակցական կողմնակալությամբ, հաճախ նաև՝ ժամանակագրական անցություններով։ Այդ ամենով հանդերձ, ուսումնասիրվող թեմայի վերաբերյալ արժեքավոր վկայություններ են պարունակում Մինաս Տեր-Մինասյանի (Ռուբեն)³⁰, Ռուբեն Խանազատի (Նշան Կարապետյան)³¹, Սեպուհի (Արշակ Ներսիսյան)³², Արամայիս Ազնավուրյանի³³, Արամայիս Տեր-Դանիելյանի (հանձին Ա. Տեր-Դանիելյանի պետք է նկատի ունենալ արշավանքը գլխավորող Սարգիս Կոկոնյանին, քանի որ Արամայիսը միայն վերարտադրել է վերջինիս պատմածը)³⁴, Միհրան Տամատյանի³⁵, Արմենակ Եկարյանի³⁶ հուշերը։

Աղբյուրների արժեքավոր մյուս խումբը մամուլում հրապարակված նյութերն են։ Դրանք երբեմն տվյալ պահի կամ իրադարձության անմիջական ազդեցության ներքո են գրվել, հաճախ էլ անձնավորված բնույթ ունեն, սակայն արժեքավոր տեղեկություններ են պարունակում կարևոր շատ իրադարձությունների ու գործիչների մասին։ Հիմնախնդրի հետ կապված տարբեր հարցեր լուսաբանելիս օգտագործել ենք «Արարատ», «Արմենիա», «Արեւ», «Արևմուտք», «Արծովի Վասպուրականի», «Դրօշակ», «Լրաբեր

Karal E., Armenian questions (1878-1923), Ankara, 1975, տե՛ս նաև Hakobian A., Armenia and the war, London, 1917, տե՛ս նաև Wittin Alma, Abdul Hamid, The Shadow of God, London, 1940 և այլն։

²⁹ Տե՛ս Բանքեր Հայաստանի արխիվների, Ե., 1991, թիվ 3։

³⁰ Տե՛ս Ռուբեն, Հայ յեղափոխականի մը յիշատակները, Ե., «Ա հատ., 1990, Բ հատ., 1990, Գ հատ., 1990, Դ հատ., 1991, Ե հատ., 1991, Զ հատ., 1991։

³¹ Տե՛ս Խան-Ազատ Ռ., Հայ յեղափոխականի յուշերից, «Հայունիք» ամսագիր, 1927, թիւ 1, էջ 122-135, թիւ 2, էջ 112-124, թիւ 8, էջ 60-72, թիւ 9, էջ 52-63, թիւ 10, էջ 56-72, թիւ 11, էջ 124-138, թիւ 12, էջ 122-129, 1928, թիւ 1, էջ 146-154, թիւ 2, էջ 91-100, թիւ 3, էջ 114-128, թիւ 4, էջ 123-135, թիւ 5, էջ 102-114, թիւ 6, էջ 126-141, թիւ 7, էջ 153-160, թիւ 8, էջ 134-148, թիւ 10, էջ 136-142, թիւ 11, էջ 146-156, թիւ 12, էջ 149-157, 1929, թիւ 3, էջ 117-125, թիւ 4, էջ 99-108, թիւ 5, էջ 102-114, թիւ 6, էջ 107-115, թիւ 7, էջ 147-160, նույնի Յիշողութիւններ, «Մշակ», Թիֆլիս, 13 փետրվարի, 1908, թիվ 35։

³² Տե՛ս Զօրաւար Սեպուհի յուշերը (մանկութիւն, պատասեկութիւն, երիտասարդութիւն), Հալէպ, 1992։

³³ Տե՛ս Արամայիս Ազնաւորեանի յուշերը, գրի առաջ՝ Ե. Հայրապետեան, «Հայունիք» ամսագիր, Խմբ.՝ Ռ. Դարբինեան, Բոստոն, 1936, թիւ 9, էջ 99-110, թիւ 10, էջ 75-82, թիւ 11, էջ 115-122, 1937, թիւ 1, էջ 136-142, թիւ 2, էջ 135-144, թիւ 4, էջ 144-149, թիւ 5, էջ 135-141, թիւ 6, էջ 150-153, թիւ 8, էջ 133-141, թիւ 9, էջ 145-151, թիւ 10, էջ 156-160, թիւ 11, էջ 133-136, թիւ 12, էջ 126-136, 1938, թիւ 1, էջ 145-150, թիւ 2, էջ 118-123, թիւ 3, էջ 130-137, թիւ 4, էջ 158-163, թիւ 6, էջ 130-136, թիւ 7, էջ 137-140, թիւ 8, էջ 154-157, թիւ 9, էջ 140-143, թիւ 11, էջ 149-155, թիւ 12, էջ 134-139, տե՛ս նաև Ազնաւորեան Ա., Առաջին յեղափոխական սուլթանակները Ալաշկերտի մէջ, «Հայունիք» ամսագիր, աշուն, 1968, թիւ 3, էջ 59-67։

³⁴ Տե՛ս Արամայիս (Տեր-Դանիելյան), Սարգիս Կոկոնեան (կեանքն ու գործը), Դիւան Հ.Յ.Դաշնակցութեան, Խմբ.՝ Ս. Վրացեան, Բ հատ., էջ 5-25։

³⁵ Տամատեան Մ., Իմ յուշերս, Պեյրով, 1985։

³⁶ Եկարեան Ա., Յուշեր Արմենակ Եկարեանի, Պեյրով, 1985։

հասարակական գիտությունների», «Ծաղիկ», «Կոռոնկ հայոց աշխարհին», «Հայրենիք», «Հնչակ», «Հորիզոն», «Մասիս», «Մամուլ», «Մուրճ», «Մեղու», «Մշակ», «Պատմաբանասիրական հանդես», «Վէմ», «Փարիզ», «Փորձ», «Մոսկովսկի տելեգրաֆ» և այլ պարբերականների նյութերը:

Աղբյուրների վերջին խումբն էլ էլեկտրոնային կայքերն են³⁷: Դրանց հաղորդած տեղեկություններին թեև վերաբերվել ենք խիստ վերապահությամբ, սակայն երբեմն արժեքավոր տեղեկություններ ենք քարել:

Ատենախոսության թեման ընդգրկող համապարփակ ուսումնասիրություն հայ պատմագիտության մեջ առ այսօր չի գրվել: Հրապարակի վրա առկա՝ Սփյուտքում և Հայաստանում ստեղծված գրականության մեջ այս կամ այն չափով լուսաբանվել են միայն հիմնախնդրի առանձին կողմեր: Թեմայի ներկայացմանը նպաստող ուսումնասիրություններ են Նաումանի³⁸, <Հակոբ ծ. վ. Քոսյանի³⁹, Հակովքոս վ. Տաշյանի⁴⁰ և այլ հեղինակների⁴¹ գործերը, որոնք ավելի շատ տեղեկատվական բնույթ ունեն: Հիմնախնդրը լուսաբանելու առաջին փորձերը կատարել են <Հ. Նշկյանը⁴², Ղ. Չարզգը⁴³, Օ. Ճգնավորյանը⁴⁴, Տ. Կերեքցյանը⁴⁵, որոնք, բոլորն էլ լինելով կարնեցիներ, առաջնորդվել են հայրենակցական մղումներով, սակայն կատարել են արգասաբեր աշխատանք:

«Պաշտպան հայրենյացի» հիմնադիրներից և Գերագույն խորհրդի անդամ Կարապետի եղբայր <Նշկյանը, խոսելով այդ կազմակերպության ստեղծման ու գործունեության մասին, ընդգծում է, որ թուրքական բռնատիրության դեմ ծավալված

³⁷ <http://www.aztagdaily.com/archives/190231,akunq.net/am/?p=2241,armeniancommunity.ge/News/954,http://www.armenianreligion.am/images/menus/752/pastatxter.pdf>, էջ 119, էջ 130, <http://www.slaq.am/arm/news/148100/>, <http://www.genocide-museum.am,http://www.aztagdaily.com/archives/190231, http://www.armenianreligion.am/images/menus/752/pastatxter.pdf>:

³⁸ Տե՛ս Նաուման, Էրզրում, Թիֆլիս, 1896:

³⁹ Տե՛ս Քոսյան Յակոբ ծ. վ., Բարձր Հայք, հ. Ա (Կարին քաղաքը), Վիեննա, 1925:

⁴⁰ Տե՛ս Տաշյան վ. <Յակովքոս, Հայ բնակչութիւնը Սեւ ծովէն մինչեւ Կարին, պատմա-ազգագրական հարեւանցի ակնարկ մը, Վիեննա, 1921:

⁴¹ Տե՛ս Կարնոյ յիշատակին, Վիեննա, 1869, Մալамա Յ., Описание Эрзрумского жилайета, СПб, 1874:

⁴² Տե՛ս Նշկյան Յ., Առաջին կայձերը, էջ մը Կարնոյ զարթոնքէն, Ֆրեզնո, 1930:

⁴³ Տե՛ս Չարզգ Ղ., Յուշամատեան Բարձր Հայքի: Կարինապատում, Պեյրութ, 1957:

⁴⁴ Տե՛ս Ճգնաւորեան Օ., Հայ ազատագրական ճիգերը Արեւմտեան Հայաստանի մէջ, նիւթեր պատմութեան համար, տե՛ս ՀԱԱ, ֆ. 420, գ. 16, գ. 81, գ. 214:

⁴⁵ Տե՛ս ԳԱՇ, Բ. Նավասարդյանի ֆոնդ, կավ. 9-III, Կերեկցյան Տիգրան, Խաչատոր Գևորգ Կերեկցյանի կենսագրությունը, ծեռագիր:

շարժման ալիքն իր մեջ էր առել Արևմտյան Հայաստանի մեծ քաղաքներն ու Թուրքիայի հայաբնակ շատ այլ վայրեր⁴⁶ և մեծ ազդեցություն ունեցավ հայ ազատագրական պայքարի վրա: «Պաշտպան հայրենյացի» հիմնադիր Խ. Կերեքցյանի կենսագրությունն է ներկայացրել նրա եղբայր Տիգրան Կերեքցյանը⁴⁷: Այդ ձեռագիր հուշերում տալով կազմակերպության հիմնադրման ու բացահայտման համառոտ պատմությունը՝ հեղինակն անում է եզրակացություններ, որոնք ոչ բոլորն են քննություն բոնում:

Թիֆլիսի և Կ.Պոլսի արանքում գտնվող, «Հայաստանի կեդրոնական բարձունքին վրայ նստած» Կարինը, ըստ Ղ. Զարզգի, բնականաբար պիտի դառնար արևմտահայության խմբումների կարևոր կենտրոններից մեկը, որի «հայ կեանքը յուզող առաջին հասարակական ալիքը Ազգային Սահմանադրութեան հաստատումն էր եւ անոր խոստացած բարիքները»⁴⁸: Նշելով Սահմանադրության, Կարինի բարենորոգումների ծրագրի, «լոկ քաղաքական մեքենայութիւն մը»⁴⁹ 61-րդ հոդվածի ունեցած կարևոր դերակատարությունն ազատագրական պայքարի ելած հայության համար՝ Ղ. Զարզգն իրավացիորեն շեշտում է, որ հայության բոլոր խավերն էին մասնակցում այդ պայքարին, բայց հիմնական շարժիչ ուժն արհեստավորությունն էր:

«Ազգային Սահմանադրութեամբ արբեցած պոլսահայութեան եւ թուրք ու քուրդ իրական դժոխքի մեջտեղում» գտնվող կարինահայությունը հեղինակի դիպուկ բնորոշմամբ դարձավ հայկական «պահանջներուն կեդրոնը, հետեւաբար նաեւ՝ զանոնք առաջնորդողը»⁵⁰: Ընդգծելով Կարինի կարևոր դերակատարությունը՝ հեղինակը նշում է, որ սահմանադրությունը եղավ հայության հոգևոր-գաղափարական պայքարի մեկնակետը: Իսկ եկեղեցու խուզարկության առիթով տեղի ունեցած ցույցն ու դիմադրությունը, երբ «առաջին անգամն էր, որ հայու գնդակով եւ սուրով թուրք դիակներ կը մնային կոռի դաշտին վրայ»⁵¹, ազդարարեցին հետագա ռազմական պայքարի սկիզբը: Այնուհետև Ղ. Զարզգը նշում է, որ դրանց մասնակցած

⁴⁶ Տե՛ս Նշկեան Յ., նշվ. աշխ., էջ 27-29:

⁴⁷ Տե՛ս Կարեքցյան Տիգրան, Խաչատուր Գետրգ Կարեքցյանի կենսագրութ., ԳԱԹ, Բ. Նավասարդյանի ֆոնդ, վավ. 9-III, թ. 49:

⁴⁸ Տե՛ս Զարզգ Ղ., նշվ. աշխ., էջ 392:

⁴⁹ Տե՛ս նույն տեղում, էջ 402:

⁵⁰ Տե՛ս նույն տեղում:

⁵¹ Տե՛ս նույն տեղում, էջ 413:

գործիչներնազատագրական պայքարի նախակարապետները եղան և «իրենց պատուալոր տեղը պիտի ունենան հայոց պատմութեան մէջ»⁵²:

Հայ քաղաքական մտքի՝ քրիստոնյա մեծ տերությունների վրա հույսը դնելուց ձերբազատվել չկարողանալը ժողովրդի դժբախտության «առարկայական պատճառը» համարելով՝ Օ. Ճգնավորյանն էլ գտնում է, որ Արևմտյան Հայաստանում ազատագրական պայքարը նախապես ծրագրված չէր, այն ծնվեց ինքնաբուխ, որպես պատասխան օսմանյան դաժան բռնատիրության և «պատմական անձերու ճիգերով, որոնք ի յայտ եկած սխրագործութիւններ էին լոկ»⁵³ և հաղթական ավարտ չունեցան: Ձեռագիր անավարտ, բայց փաստառատ այս աշխատությունը⁵⁴, որում քարտեզներ և Կարինի բնակչության թվաքանակի ու կազմի մասին հարուստ տեղեկություններ կան, կարևոր աղբյուր է՝ խնդրո առարկա թեման ուսումնասիրելու համար: Չնայած որոշ դեպքերում դաշնակցամետ դիրքորոշումներին, ընդհանուր առմամբ զինված պայքարն առաջինը շեփորողի պատվին արժանացած կարնեցու մասին այս մեծածավալ աշխատությունը, որը զարմանալիորեն սպորել է ուսումնասիրողների ուշադրությունից, հիմնականում անաշառ դիրքերից է գրված և կարևոր ճանաչողական ու աղբյուրագիտական արժեք ունի:

Հետագայում գրած իր հուշերում թեև հայտնած վիճելի այն տեսակետին, թե «Կարինում 1890 թ. հունիսի 8-ի ընդհարման գաղտնի զսպանակները գտնվում էին Կովկասում⁵⁵, հիմնախնդրի լուսաբանման համար հետաքրքիր տեղեկություններ է հաղորդում Կարինի «Պաշտպան հայրենյացի» ղեկավար դեմքերից մեկի՝ Կարապետ Նշկյանի եղբայրը՝ Միսաք Նշկյանը:

Սփյուռքում հիմնախնդրի վերաբերյալ ուսումնասիրությունների մեծ մասը գրվել է ՀՅԴ գործիչներ Ս. Վրացյանի⁵⁶, Մ. Վարանոյանի⁵⁷, Գ. Գյուզալյանի⁵⁸, Ս.

⁵² Տե՛ս նոյն տեղում, էջ 402:

⁵³ Տե՛ս Ճգնաւորեան Օ., Հայ ազատագրական ճիգերը Արեւմտեան Հայաստանի մէջ, նիւթեր պատմութեան համար, տե՛ս ՀԱԱ, ֆ. 420, գ. 16, գ. 8, գ. 81, գ. 214, 2-3:

⁵⁴ Աշխատության մեջ աղյուսակներ կան, որոնցում ներկայացված են Կարինի բնակչության թվաքանակն ըստ քաղաքի թաղամասերի և փողոցների, ըստ կրոնական պատկանելության, վարժարանների աշակերտների քանակը և այլ արժեքավոր տվյալներ:

⁵⁵ Տե՛ս Նշկեան Մ., Ո՞վ փճացուց հայութիւնը, Ֆրէզնօ, 1920, էջ 14:

⁵⁶ Տե՛ս Վրացեան Ս., Կեանքի ուղիներով: Դէպքեր, դէմքեր, ապրումներ, Գահիրէ, 1955, նոյնի՝ Վրացյան Ս., Բագրատ վրդ. Թավաքայանի նամակները, «Հայրենիք», Բոստոն, 1933, հ. 12, թիվ 1, էջ 103-110, հ. 12, թիվ 2, էջ 98-112, 1934, հ. 12, թիվ 3, էջ 84-95:

Գյովիսանդարյանի⁵⁹, Վ. Վալադյանի⁶⁰ և այլոց կողմից: Դրանք ավելի շատ փաստագրական, հրապարակախոսական և կուսակցական բնույթ ունեն և անսխալականության մտայնություն, որը զգայորեն խանգարել է խնդրի անաչառ լուսաբանմանը: Եվ այնուամենայնիվ, XIX դարի վերջին քառորդի ազատագրական պայքարի ու դրանում կարինահայության ունեցած դերակատարության լուսաբանման գործում անժխտելի է սկյուտքահայության կարևոր ներդրումը:

Սկյուտքում հիմնախնդրի առանձին հարցեր լուսաբանվել են պատմաքննական մոտեցմամբ աչքի ընկնող Գաբրիել Լազյանի⁶¹, Մուշեղ Եպիսկոպոս Սերոբյանի⁶², Կարո Սասունու⁶³, Լևոն Չորմիսյանի⁶⁴, Հրաչ Տասնապետյանի⁶⁵, Հակոբ Վարդիվառյանի⁶⁶, Հրանտ Գանգրունու⁶⁷, Սարգիս Իզմիրյանի⁶⁸ և այլոց աշխատություններում:

Խորհրդային Հայաստանում հիմնախնդրի առանձին հարցեր առաջին անգամ լուսաբանվել են Լեոյի աշխատություններում⁶⁹: Հայ ազգային-ազատագրական շարժումների պատմության ուսումնասիրության հարցում խորհրդահայ պատմագիտությանը բնորոշ են եղել գաղափարական կաղապարները և քաղաքական

⁵⁷ Տե՛ս Վարանդեան Մ., <.Յ.Դաշնակցութեան պատմութիւն, Ա. Եւ Բ. հատորներու միացեալ հրատարակութիւն (անձնանուններու Եւ տեղանուններու ցանկերով հարստացած), Բ. հրատարակութիւն, Պեյրութ, 2013:

⁵⁸ Տե՛ս Գիւղալեան Գ., Հայ քաղաքական մտքի զարգացումը և ՀՀ. Դաշնակցութիւնը, Փարիզ, 1927:

⁵⁹ Տե՛ս Գիւղանդարեան Ա., Ազգային շարժումների դրդապատճառները ԺՇ դարում, Փարիզ, 1939:

⁶⁰ Տե՛ս Վ. Վալադեան, Տիգրան Օքոնեան, «Հայրենիք» ամսագիր, Բուստոն, թիւ 6, 1960, նոյնի՝ Վ., Քեռին, «Հայրենիք», 1959, թիւ 8, 11, 12, նոյնի՝ Հրոսակապետ Յունօն, «Հայրենիք», 1958, թիւ 5, 11 և այլն:

⁶¹ Տե՛ս Լազեան Գ., Յեղափոխական դէմքեր (մտաւորականներ Եւ հայդուկներ), Գահիրէ, 1945, տե՛ս նոյնի՝ Դէմքեր հայ ազատագրական շարժումէն, Գահիրէ, 1949:

⁶² Տե՛ս Սերոբեան Մ., Մեր պայքարը ազատագրութեան ուղիով (Վերլուծումներ Հայկական հարցին շուրջ), Գահիրէ, 1948:

⁶³ Տե՛ս Սասունի Կ., Հրայրի դերը հայ ազատագրական շարժման մէջ (ակնարկ մը անոր յեղափոխական նկարագրին վիայ), Պեյրութ, 1964:

⁶⁴ Տե՛ս Չորմիսեան Լ., Համապատկեր արևմտահայոց մէկ դարու պատմութեան, Բ. հատ., 1878-1908 թթ., Պեյրութ, 1974:

⁶⁵ Տե՛ս Տասնապետեան Հ., <.Յ.Դաշնակցութիւնը իր կազմութենէն մինչեւ Ժ. Ընդհանուր ժողովը (1890-1924 թթ.), Արթնք, 1988, նոյնի՝ <.Յ.Դաշնակցութեան կազմակերպական կառոյցի հոլովոյթը Եւ այլ ուսումնասիրութիւններ, Պեյրութ, 2009:

⁶⁶ Տե՛ս Վարդիվառեան Հ., Մեծ երազի ճամբուն ուղեւորները Եւ համապարփակ պատմութիւն Ռամկավար ազատական կուսակցութեան, հ. Ա, Նիւ Ճըրզի, 2015, և հ. Բ, Նիւ Ճըրզի, 2016:

⁶⁷ Տե՛ս Գանգրունի Հ., Հայ յեղափոխութիւնը Օսմանեան բռնատիրութեան դէմ (1890-1910), Պեյրութ, 1973:

⁶⁸ Տե՛ս Իզմիրլեան Ա., Դատումներ մեր հարիւրամեյ յեղափոխութեան մասին, անձնական յուշերու ընդմեջէն, հատ. 1, 2, Պեյրութ, 1962, 1966:

⁶⁹ Տե՛ս Լէօ, Թիւրքահայ յեղափոխութեան գաղափարաբանութիւնը, հատ. Բ., Պարիզ, 1935, տե՛ս նաև Լեո, Անցեալից, Թիֆլիս, 1925:

շահարկումները, որոնք խոչընդոտում էին հիմնահարցի գիտական պատշաճ ուսումնասիրությունը: Իրավիճակը մասամբ փոխվեց 1956 թ. հետո, երբ գաղափարական կաղապարները որոշ չափով մեղմացան: Գրվեցին աշխատություններ, որոնցից առանձնանում են Մ. Ներսիսյանի⁷⁰, Ռ. Հովհաննիսյանի⁷¹, Վ. Պարսամյանի⁷² և Զ. Կիրակոսյանի⁷³ ուսումնասիրությունները:

Հայ ժողովրդի ազգային-ազատագրական պայքարի հիմնահարցերին նվիրված Մ. Ներսիսյանի աշխատությունը նոր խոսք էր օսմանյան տիրապետության տակ հեծող տառապյալ հայ ժողովրդի, նրա անհավասար, սակայն հերոսական պայքարի մասին: Հեղինակը զարգացրել է այն տեսակետը, որ արևմտահայության ազգային-ազատագրական պայքարն ունեցել է գերազանցապես ինքնապաշտպանական բնույթ, գոյատևման նպատակ, սակայն քիչ չեն եղել նաև ապստամբություններն օսմանյան բռնատիրության դեմ: Մ. Ներսիսյանի այս աշխատությամբ սկիզբ դրվեց հայ ժողովրդի ազգային-ազատագրական պայքարի գիտական ուսումնասիրությանը:

Ժամանակաշրջանի խոր իմացությամբ, հարուստ փաստական հենքով և առաջ քաշված հարցադրումներին տրված սպառիչ պատասխաններով առանձնացող Ռ. Հովհաննիսյանի ուսումնասիրությունը նոր ու սպառիչ խոսք է Կարինի «Պաշտպան հայրենյաց» կազմակերպության և դրան առնչվող այլ կառուցների ու խնդիրների մասին: Եթե բացառենք սոցիալ-դասակարգային դիրքերից պատմությունը մեկնելու պարտադրված դրսնորումը, ապա կարող ենք նշել, որ հեղինակին հիմնականում հաջողվել է անաչառ գնահատել պատմական ժամանակաշրջանն ու իրողությունները:

XIX դարի 70-80-ական թթ. արևմտահայության քաղաքական պատմությանը նվիրված երկիատոր ուսումնասիրությամբ Զ. Կիրակոսյանը փորձել է բացահայտել հայոց ազգային-ազատագրական պայքարի և օտար տերությունների դիվանագիտական հակամարտությունների առնչությունները, վեր հանել ազգային ինքնագիտակցման,

⁷⁰ Տե՛ս Ներսիսյան Մ., Հայ ժողովրդի ազատագրական պայքարը թուրքական բռնապետության դեմ 1850-1870 թթ., Ե., 1955: Ավելի ուշ այն վերահրատարակվեց, տե՛ս Հայ ժողովրդի ազատագրական պայքարը թուրքական բռնապետության դեմ 1850-1890 թթ., Ե., 2002:

⁷¹ Տե՛ս Հովհաննիսյան Ռ., Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը (XIX դարի 70-80-ական թթ.), Երևան, 1965:

⁷² Պարսամյան Վ., Հայ ազատագրական շարժումների պատմությունից: Ուսումնասիրություն և փաստաթղթեր, Ե., 1958:

⁷³ Տե՛ս Կիրակոսյան Զ., Բուրժուական դիվանագիտությունը և Հայաստանը (XIX դարի 70-ական թթ.), Ե., 1978, նույնի՝ Բուրժուական դիվանագիտությունը և Հայաստանը (XIX դարի 80-ական թթ.), Ե., 1980:

ինքնաճանաչման գործընթացի հանգամանքները: Աշխատությունը մեծապես նպաստել է Ռուսաստան-Օսմանյան կայսրություն-Անգլիա դիվանագիտական լաբիրինթոսում հայտնված անփորձ արևմտահայության անելանելի վիճակը պատկերացնելու, օգնել ճիշտ ըմբռնելու Կարինի կարևոր ռազմավարական նշանակությունը բոլոր կողմերի համար և այն տիսուր իրողությունը, որ կարինահայությունը կորսվեց հենց այդ հակասությունների կիզակետում հայտնվելու արդյունքում:

Վերակառուցման և անկախության առաջին տարիներին հայ ազգային-ազատագրական պայքարին նվիրված ուսումնասիրություններով պատմագիտության մեջ նոր խոսք ասացին ավագ սերնդի որոշ ներկայացուցիչներ: Մյուս կողմից կոմունիստական գաղափարախոսության կաղապարներից ձերբազատված և թարմ ասելիքով հանդես եկավ պատմաբանների երիտասարդ սերունդը:

Թեմային անմիջականորեն առնչվում են Հովհաննես Զատիկյանի աշխատությունները⁷⁴, որոնք ներկայացնում են Կարինի նահանգի՝ XIX դարի երկրորդ կեսի սոցիալ-տնտեսական և քաղաքական կացությունը, նահանգի գավառների պատմությունը, ժողովրդագրությունը և այլ հարցեր:

XIX դարի վերջին քառորդի ազատագրական պայքարին առնչվող հիմնահարցերի խորագիտակ քննարկումներով և գիտական բարձր մակարդակով ու հիմնարար եզրակացություններով առանձնանում են ակադեմիկոս Հրաչիկ Սիմոնյանի ուսումնասիրությունները⁷⁵: Հիմնախնդրին որոշակիորեն առնչվող արժեքավոր աշխատություններ են հեղինակել Ա. Համբարյանը⁷⁶, Հ. Ղազարյանը⁷⁷, Է.

⁷⁴ Տե՛ս Զատիկյան Հ., Կարինի նահանգը XIX դարի երկրորդ կեսին, Ե., 2013, տե՛ս նոյնի՝ Կարինի նահանգի հայ բնակչության, արևմտահայության, 1894-1896 թթ. կոտորածների, Մեծ եղեռնի զոհերի՝ թվաքանակի հարցի շուրջ, «ՊԲՀ», թիվ 1(125), էջ 143-151), տե՛ս նոյնի՝ Կարին նահանգի պատմությունից, «ԼՀԳ», 1991, թիվ 1, տե՛ս նոյնի՝ Կարին քաղաքը որպես ռազմական խոշոր կենտրոն, «Հայոց քանակ», 2002, թիվ 1-2, տե՛ս նոյնի՝ Կարինի բարենորոգումների ծրագիրը (1879 թ.), «ԲՀԱ», 1991, թիվ 3: Բնականաբար առանձին լույս տեսած հոդվածների դրույթների զգալի մասը տեղ են գտել նշված մենագրությունում, սակայն շատ տեսակետներ ու փաստական տվյալներ են դուրս են մնացել: Այդ պատճառով է, որ որոշ հոդվածներ առանձին ենք նշում:

⁷⁵ Տե՛ս Սիմոնյան Հ., Անդրանիկի ժամանակը, երկու գրքով, Ա գիրք, Ե., 1966, տե՛ս նաև Ազատագրական պայքարի ուղիներում, գիրք I, Ե., 2003, գիրք II, Ե., 2003, գիրք III, Ե., 2009, գիրք IV, Ե., 2010, գիրք V, Ե., 2013:

⁷⁶ Տե՛ս Համբարյան Ա., Հայ հասարակական-քաղաքական միտքը արևմտահայության ազատագրության ուղիների մասին, XIX դ. վերջ-XX դարի սկիզբ, Ե., 1990:

⁷⁷ Տե՛ս Ղազարյան Հ., Արևմտահայությունը ցեղասպանության նախօրյակին, Ե., 2001:

Կոստանդյանը⁷⁸, Ա. Խառատյանը⁷⁹, Ա. Մելքոնյանը⁸⁰, Վ. Պողոսյանը⁸¹, Հ. Պողոսյանը⁸², Ստ. Պողոսյանը և Կ. Պողոսյանը⁸³, Ս. Սարգսյանը⁸⁴, Կ. Եղիազարյանը⁸⁵, Խ. Ստեփանյանը⁸⁶ և այլ ուսումնասիրողներ: Իրենց շահեկան և բարձրարժեք աշխատություններում հայ ազգային-ազատագրական պայքարին, մասնավորապես ՀՅԴ-ի պատմությանը վերաբերող բազմաթիվ տեսական ու գործնական հարցեր են լրսաբանել Հ. Գևորգյանը⁸⁷, Գ. Խուդինյանը⁸⁸, Ա. Ներսիսյանը⁸⁹, Հ. Գրիգորյանը⁹⁰ և այլ հետազոտողներ:

Վերևում հիշատակված աղբյուրագիտական նյութի և պատմագիտական ժառանգության համակողմանի ուսումնասիրությունն ու քննահամեմատական վերլուծությունը թույլ են տալիս հիմնախնդրի վերաբերյալ ստեղծել ամբողջական և համակողմանի ուսումնասիրություն:

⁷⁸ Տե՛ս Կոստանդյան Է., Մկրտիչ Խրիմյան, հասարակական-քաղաքական գործունեությունը, Ե., 2000, տե՛ս նույնի՝ Ակնարկներ արևմտահայ մշակութային և հասարակական-քաղաքական կյանքի պատմությունից (19-րդ դարի 80-ական թվականներ), Ե., 2005, տե՛ս նույնի՝ Դրվագներ Մադաքիա արքեպիսկոպոս Օրմանյանի կյանքի և գործունեությունից, Ե., 2015:

⁷⁹ Տե՛ս Խառատյան Ա., Դարձյալ արևմտահայերի սահմանադրության մասին, «ՊԲՀ», թիվ 2, 2008, էջ 84:

⁸⁰ Տե՛ս Մելքոնյան Ա., Զավախը ԽIX դարում և XX դարի առաջին քառորդին (պատմաքննական ուսումնասիրություն), Ե., 2003:

⁸¹ Տե՛ս Պողոսյան Վ., Հայոց ցեղասպանության առաջին փուլը ֆրանսիական պատմագրության և հասարակական մտքի գնահատմամբ (XIX դ. վերջ-XX դ. սկիզբ), Ե., 2005:

⁸² Տե՛ս Պողոսյան Հ., Զեյթունի պատմությունը, Ե., 1969:

⁸³ Տե՛ս Պողոսյան Ստ., Պողոսյան Կ., Հայկական հարցի և հայոց ցեղասպանության պատմություն, հ. առաջին, Ե., 2000:

⁸⁴ Տե՛ս Սարգսյան Ս., Հայ Սահմանադրական ռամկավար կուսակցություն (1908-1921 թթ.), Ե., 2009, տե՛ս նույնի՝ «Արմենիա» պարբերականը ազատագրական գաղափարախոսության ակունքներում, Ե., 2014:

⁸⁵ Տե՛ս Եղիազարյան Կ., Սարգիս Կովկոնյանի արշավանքը, Եր., 2016, տե՛ս նույնի Սարգիս Կովկոնյանը և նրա գլխավորած արշավանքը, «ՊԲՀ», 2000, թիվ 1, 18.

⁸⁶ Տե՛ս Ստեփանյան Խ., Ռուբեն Տեր-Մինասյան (կյանքը և գործը), Ե., 2008, տե՛ս նույնի՝ Ռուբեն Տեր-Մինասյան. պայքարի առաջին փորձառությունը, «ԲՀԱ», 2004, թիվ 1, էջ 144-149:

⁸⁷ Տե՛ս Գևորգյան Հ., Ազատագրական պայքարի ուսումնավարությունը և էջեր նրա հերոսապատումից, Ե., 2012:

⁸⁸ Տե՛ս Խուդինյան Գ., Հայ Յեղափոխական Դաշնակցության ծնունդը, Ե., 2000, տե՛ս նույնի՝ Հ. Յ. Դաշնակցության քննական պատմություն (ակունքներից մինչև 1895 թվականի վերջերը), Ե., 2006: Հայ Յեղափոխական Դաշնակցության ծրագրի և կանոնագրի պատմությունից, «ԲՀԱ», Ե., 2002, թիվ 1, էջ 63-64: Տե՛ս նաև Հ.Յ. Դաշնակցության գործունեությունը Էրզրումի վիլայեթում 1890-1895 թթ., Հայոց պատմության հարցեր, Ե., 2003, էջ 57-65:

⁸⁹ Տե՛ս Ներսիսյան Ա., Զորավար Սեպուհ, Ե., 2006, տե՛ս նույնի՝ Ռուբեն, «Ապրող հերոսներ» մատենաշար, թիվ 4, Ե., 2007:

⁹⁰ Տե՛ս Գրիգորյան Հ., Հայ ազատագրական պայքարի մարտավարությունը 1885-1898 թթ., Ե., 2002:

ԳԼՈՒԽ I

ԿԱՐԻՆԻ ՆԱՀԱՆԳԸ ՀԻԽ ԴԱՐԻ 80-ԱԿԱՆ ԹԹ. ԱԶԱՏԱԳՐԱԿԱՆ ՇԱՐԺՄԱՆ ԿԵՆՏՐՈՆ

1.1 Ազատագրական պայքարի գինված փուլի նախադրյալները

ա) Արևմտահայ Սահմանադրությունը որպես գինված պայքարի գաղափարական նախադրյալ

XIX դարի II կեսի հայոց պատմության հիմնախնդիրների մեջ առանձնակի տեղ են գրավում հայ ժողովրդի վերազարթոնքն ու դրա օրգանական շարունակությունը ազգային-ազատագրական շարժումը: Այն արդյունք էր և հետևանք թուրքական իշխանությունների օրեցօր խստացող սոցիալ-տնտեսական, հարկային և ազգային քաղաքականության: Ազատարար այդ պայքարի տեսական-գաղափարական նախադրյալներից մեկը եղավ արևմտահայության Սահմանադրական շարժումը, որը թեև շոշափելի ոչինչ չտվեց, սակայն տարրական իրավունքներից գուրկ արևմտահայությանն իր ուժերի նկատմամբ վստահություն ներշնչեց և փոփոխության պահանջ առաջացրեց: Արևմտահայ Սահմանադրական շարժման կենտրոնը մայրաքաղաք Կ.Պոլիսն էր, սակայն արձագանքներ ունեցավ նաև գավառներում, այդ թվում՝ Կարինում: Հենց Սահմանադրական շարժումը դարձավ նաև XIX դարի վերջի կարինահայության ազատագրական պայքարի հիմնաքարը:

Դեռևս 1856 թ. ընդունված միլլեթների վերակառուցման հաթթը շերիֆով⁹¹ հոչակվել էին առանց խտրականության բոլոր հպատակների կյանքի, պատվի ու գույքի ապահովություն և հավասարություն օրենքի առաջ: Այդ օրենքին համապատասխան

⁹¹ «Հաթթը-Շերիֆ» կոչվող հրովարտակը («Թանգիմաթ») հրատարակվել է սովորան Արդուլ Մեջիղի (1839-1861) օրոր: Թանգիմաթը բարեփոխումների իրականացման ծրագիր էր, որը կոչված էր զարգացնելու Օսմանյան կայսրության հետամնաց տնտեսությունը, ռազմական գործն ու մշակութային կյանքը: Թանգիմաթի հիմնադրույթները հոչակում էին առանց խտրականության բոլոր հպատակների կյանքի, պատվի և գույքի ապահովություն, հարկերի ու տուրքերի հավասար բաշխում, բոլոր հպատակների հավասարություն օրենքի առաջ, քրիստոնյաներին թույլատրվում էր ծառայել, և այլ ազատություններ: Դրանց մեծ մասը մնաց թղթի վրա: Տե՛ս Советская историческая энциклопедия, том 14, М., 1973, с. 163:

1856 թ. դեկտեմբերին Կ. Պոլսի հայերի Գերագույն ժողովը կազմեց հանձնախումբ՝ ազգային վարչության կանոնադրություն մշակելու համար:

Արևմտահայերի կրոնահամայնական կյանքը կարգավորող այդ կանոնադրության (Ազգային սահմանադրության) հեղինակներն էին Նիկողայոս Պայյանը, Նահապետ Ռուսինյանը, Գրիգոր Օսոյանը⁹²: Այդ գործին ակտիվորեն մասնակցել են նաև Սերովը Վիչենյանը (Սերվիչեն), Կարապետ Ութուճյանը, Գրիգոր և Մկրտիչ Աղաթոն Եղբայրները: Առանձնապես մեծ էր Ն. Պայյանի ներդրումը: Այդ փաստաթուղթը սահմանադրություն անվանելով⁹³ հեղինակները ոչ թե տուրք էին տալիս սնապարծությանը, այլ խնդիրն այն է, որ արևմտահայերենում «կանոնադրություն» և «սահմանադրություն» բառերը պարզապես հոմանիշներ են⁹⁴:

Երկար քաշքուկից հետո՝ 1863 թ. մարտի 17-ին, կառավարությունը հաստատում է⁹⁵ ներածությունից («Հիմնական սկզբունք») և հինգ գլուխներից բաղկացած սահմանադրությունը⁹⁶: Մայրաքաղաքում տարաբնույթ հարցեր լուծելու համար ստեղծվում էին թաղային խորհուրդներ, իսկ գավառների գործերը տնօրինելու էին ազգային գավառական վարչությունները՝ տվյալ եկեղեցական թեմի առաջնորդի նախագահությամբ:

Ավելի շատ «կառավարության սովորական գործողություն, երբ փառավոր պիտակներ էին փակցվում դատարկ տուփերի վրա»⁹⁷ հիշեցնող սահմանադրությունը գործեց մինչև 1866 թ.: Որոշ ժամանակ արհեստական պատճառաբանությամբ

⁹² «Սահմանադրություն» է կոչվել Նահապետ Ռուսինյանի առաջարկով, քանի որ գրվել էր թելքիական սահմանադրության գլխավոր սկզբունքների հիման վրա՝ միաժամանակ կրելով 1848 թ. Ֆրանսիական հեղափոխության գաղափարների ազդեցությունը:

⁹³ Երբեմն սահմանադրության հեղինակներին քննադատել են այն բանի համար, որ նրանք հայ համայնքի կանոնադրությունը կոչել են «սահմանադրություն» հավակնութ բառաեզրով, որը կարող է ունենալ միայն անկախ պետականություն ունեցող ժողովուրդը: Ժուրըքերեն տեքստում այն թարգմանված է «Նիշամանամեթ միլլեթի էրմենիյան» (Հայ ազգի կանոնադրություն) և ոչ թե «կանունու էսասի» (սահմանադրություն):

⁹⁴ Տե՛ս Խառատյան Ա., Արևմտահայ սահմանադրական շարժումը: Արևմտահայերի ազգային սահմանադրությունը: Տե՛ս Հայոց պատմություն, հ. III, գիրք առաջին, էջ 365:

⁹⁵ Տե՛ս Սարուխան, Հայկական խնդիրն ու ազգային սահմանադրութիւնը Թուրքիայում (1860-1910), հ. Ա, Թիֆլիս, 1912, էջ 24-25: Այդ տարբերակը տե՛ս նաև՝ Սարուխան, Օսմանեան հայերի Ազգային սահմանադրութիւնը (1860-1910), տե՛ս «Արօր» հանդես, Թիֆլիս, 1910, թիվ 1, 2, 3, 4, 5, 6-7, 8-9-10, 12 և 1911, թիւ 1, 2-3, 4, 5-6, 7-8, 9 համարներում:

⁹⁶ Տե՛ս Նուրբեկյան Լ., Արևմտահայերի ազգային ժողովի հոգևոր գործառույթները, «ՊԲՀ», թիվ 4, 2011, էջ 93:

⁹⁷ Տե՛ս Ռոլեն-Ջեկմեն Մ., Արմենիա, արմեն և տրակտատի. Պոլոյն արմեն և արմենաց արմարներում: 1895 թ. մարտի 18:

դադարեցվեց, իսկ այնուհետև 1868 թ. մարտին Գր. Օտյանի և Սերվիչենի ջանքերով հաջողվեց առանց վերաքննության վերագործադրել այն⁹⁸: Սահմանադրությունը, որի նպատակն էր կարգավորել պետության և արևմտահայության փոխհարաբերությունները, թերություններով ու անկատարությամբ հանդերձ առաջադիմական երևոյթ էր արևմտահայության կյանքում: Գործադրման ամենաբեղուն շրջանում՝ 1870–90-ական թթ., Ազգային ժողովը բազմիցս քննարկել է նաև գավառահայության խնդիրները:

Սահմանադրություն-կանոնադրությունը կարգավորում էր հայ ժողովրդի մշակութային, կրոնական ու հասարակական գործերը: Իրավականորեն ծևակերպում էր ժողովրդի և նրա առաջադեմ մտավորականության պայքարի արդյունքները հայ հանրության վարչությունն ազատականացնելու, նրա մտավոր ու մշակութային զարգացումն ապահովելու ասպարեզում: Դրա շնորհիվ մայրաքաղաքում և գավառներում ստեղծվեցին ազգային բազմաթիվ դպրոցներ, կրթական ու հասարակական կազմակերպություններ, հիմնվեցին մամուլի նոր օրգաններ: Հայ հանրության վարչության մեջ հոգևորականության դերի թուլացումը և աշխարհիկ հարաբերությունների զարգացումը, որի միջոցով օսմանիզմի գաղափարախոսները փորձում էին խարխլել հայերի ազգային ինքնությունը թուրքական զանգվածի մեջ՝ նրա ձուլումը նախապատրաստելու նպատակով, հուսախար արեցին այդ նույն գաղափարախոսներին: Իր ամբողջ կանոնադրական բնույթով հանդերձ՝ սահմանադրությունը սնուցում էր ազգային ինքնորոշման տրամադրությունները, և դա այն անսպասելի իրողությունն էր, որ պետք է ընդունեին օսմանյան բարենորոգիչները:

XIX դարի երկրորդ կեսին կայսրության հպատակ ժողովուրդներին, այդ թվում նաև արևմտահայությանը, համակել էր պայքարի ու ազատագրական ոգին: Դրա առաջին դրսեւումը եղավ Սահմանադրական շարժումը: Դրա համար էլ օսմանյան իշխանություններն ամեն կերպ խոչընդոտում էին Ազգային սահմանադրության կիրառումը, իսկ 1896 թ. Աբդով Համիդ II-ը արգելեց այն⁹⁹:

⁹⁸ Մ. Խրիմյանի ժամանակից սկսած՝ Ազգային ժողովը գրադպել է նաև գավառական հարստահարությունների խնդրով, կազմել և կառավարություն ներկայացրել տեղեկագիր: Այդ աշխատանքներն առավել հետևողականությամբ արծարձվեց Ներսես Վարժապետյանի պատրիարքության (1874-1884) տարիներին: Սահմանադրության շրջանի կարևոր հարցերից մեկը բարենորոգումների խնդիրն էր:

⁹⁹ Ավելի ուշ՝ 1908 թ., կրկին արտոնվելով, Ազգային սահմանադրությունը գործել է մինչև Առաջին աշխարհամարտը, երբ ազգային մարմինների անդամների մեծ մասը դարձան Մեծ Եղեռնի զոհ:

Սահմանադրությունն արևմտահայության ծանր վիճակը ոչնչով չփոխեց: Բոնածնշումները, սոցիալ-քաղաքական ու ազգային հալածանքները ոչ միայն շարունակվում էին, այլև օրեցօր ավելի էին խստանում: Այդ ամենին հակադարձելու և այդ հարձակումներից պաշտպանվելու համար հայ ժողովուրդն, այլ ելք չտեսնելով, պարզեց ազգային-ազատագրական պայքարի դրոշը և դուրս եկավ պայքարի: Այդ պայքարի առաջնագծում էր Օսմանյան կայսրության հայաշատ նահանգներից Կարինի հայությունը, որտեղ թեև հայությունը բնակչության բացարձակ մեծամասնություն չէր կազմում, սակայն համեմատաբար կազմակերպված էր և նպատակասլաց:

Երկրում ծայր առած Սահմանադրական շարժման արգասիք և անբաժանելի մասն են կազմում 1872 թ. մշակված «Սահմանադրական իրահանգ գավառաց համար»¹⁰⁰ և «Կարինի բարենորոգումների ծրագիրը» փաստաթղթերը:

1868 թ. պատրիարք ընտրված Մ. Խրիմյանն աշխատանքներ ձեռնարկեց սահմանադրությունը գավառներում գործադրելու ուղղությամբ: Գավառահայության աղերսագին դիմումներին բավարարություն տալու նպատակով կազմվեց «Սահմանադրական իրահանգ գավառաց համար» փաստաթուղթը¹⁰¹, որտեղ որոշակիություն էր մտցվում գավառական ընդհանուր ժողովների և տեղական իշխանությունների հետ հարաբերությունների ասպարեզում: Ըստ էության եթե Ազգային սահմանադրությունը կարող ենք դիտարկել արևմտահայոց կենտրոնական, ապա «Սահմանադրական իրահանգ գավառաց համար»-ը՝ տեղական կառավարման համակարգերը կարգավորող կանոնական նորմեր:

Սահմանադրական շարժման հիմնական նպատակն արևմտահայ կյանքի տնտեսական և իրավական բարեփոխումն էր: Այս տեսանկյունից այդ նույն շարժման արդյունք էր նաև Կարինում մշակված բարենորոգումների ծրագիրը (այն գրվել է 1879 թ.)¹⁰², որը ճիշտ կլինի վերլուծել Սահմանադրական շարժման հետ անմիջական

Սահմանադրության գործունեությունը վերջնականապես կասեցվել է հանրապետական Թուրքիայում (թեև որոշ դրույթներ ներկայումս դեռ կիրառվում են):

¹⁰⁰ Տե՛ս Սահմանադրական իրահանգ գավառաց համար, Կ. Պոլիս, 1872:

¹⁰¹ Տե՛ս նույն տեղում:

¹⁰² Մեր որոնումները ՀԱԱ-ում, Մատենադարանում և ԳԱԹ-ում անարդյունք եղան: Փաստաթղթի բնօրինակը, որը, «Փորձ» ամսագրի հավաստման համաձայն («...դորա հարզաւ պատճեներ արժան համարեցինք հրապարակ հանել»), գոյություն է ունեցել, մեզ չհաջողվեց գտնել, ուստի օգտագործում ենք Լեոյի «Հայոց հարցի վավերագրերը» գրքում (տե՛ս Լեո, Հայոց հարցի վավերագրերը, Թիֆլիս, 1915, էջ

փոխկապակցվածության մեջ: Ավելին, ծրագիրը Սահմանադրական շարժման անմիջական արդյունք դիտելը հնարավոր է դարձնում առավել ճիշտ պատկերացում կազմել այդ շարժման արդյունքի մասին, ավելի պարզ ու հստակ է դարձնում յոթ տասնամյակ տևած պայքարի գաղափարական աճի պատկերը, որն, ինչ խոսք, 1863 թ. սահմանադրության համեմատությամբ առաջադիմական երևույթ էր: Ծրագիրն իր պահանջների ու առաջադրված խնդիրների առումով մի քայլ առաջ էր ինչպես սահմանադրության, այնպես էլ հրահանգի համեմատությամբ և հենվում էր 1876 թ. թուրքական սահմանադրության ու Բեռլինի Համաժողովի ընձեռած իրավունքների վրա: Սահմանադրությունը, Հրահանգը և Կարինի բարենորոգումների ծրագիրը¹⁰³ նույն շարժման բաղկացուցիչ մասերն են, դրա զարգացման փուլերը: Բարենորոգումների ծրագիրը բաղկացած է առաջաբանից, քառասունվեց հոդվածներից ու վերջաբանից:

Հեղինակներն առաջարանում, դիմելով Բ. Դուան կոմիսարին, հույս են հայտնում, որ, ժամանելով «Հայաստան աշխարհ», նա կիրագործի այն բոլոր միջոցառումները, որոնք «զորս տեղական պիտոյքը կը պահանջեն»¹⁰⁴, քանի որ Երկար տարիներ, հակառակ շատ խոստումների, Երկրամասում ոչ մի բարենորոգում չի իրականացվել: Նահանգի անմիջար կացությունը ներկայացնելով՝ ծրագրի հեղինակներն ավելացնում են, որ այդ ամենին նպաստել են տեղական պաշտոնյաներն իրենց «ապիկար և անհմուտ», «իրենց անձի քան Երկրի» համար ծավալած գործունեությամբ: Նրանցից շատերը, ընդգծում է փաստաթուղթը, պատահական ու շահամոլ մարդիկ են: Ստացվում է այնպես, որ կառավարությունը «միշտ մարդու համար պաշտոն փնտուած է և ոչ պաշտոնի համար մարդ»¹⁰⁵: Ավելին, տառաճանաչությունից գուրկ մահմեդական պաշտոնյաները, նույնիսկ «քրդերը և նոցա նման վայրենի ցեղերն են իսկ, որք Երկրին

135) և Հ. Զատիկյանի հրապարակման մեջ (տե՛ս Հատիկյան Հ., Կարինի բարենորոգումների ծրագիրը (1879 թ.), ԲՀԱ, 1991, թիվ 3, էջ 185-200) տեղադրված տարրերակները:

¹⁰³ «Փորձ»-ի խմբագրությունը տեղեկացնում է. «...ծրագիրը, որ մեր Կարնեցի ազգայինքը պաշտոնապես ներկայացրել են Օսմանեան Հայաստանի կոմիսարների, եթե բոլորովին կամ մասամբ, միայն թողթի վրա էլ մնալու լինի, այնուամենայնիվ դորա ներկայացումն իսկ նշանավոր երևույթ է՝ իբրեւ բուն ժողովրդական ձգտումների արտահայտութիւն, վասնորո ծեռք բերելով դորա հարազատ պատճենը՝ արժան համարեցինք հրապարակ հանել այն:

¹⁰⁴Տե՛ս Լեռ, Հայոց հարցի վավերագրերը, Թիֆլիս, 1915, էջ 135:

¹⁰⁵Տե՛ս նույն տեղում, էջ 136:

պատուհաս եղած են միշտ, ամենակարևոր պաշտոններու կանչված են», այն դեպքում, երբ «որ մի հայազգի արժանավոր անձի հանձնված չէ ցարդ նույնպիսի մի պաշտոն»¹⁰⁶:

Դատարանները միշտ գործում էին շարիաթի օրենքներով, ուստի «անհնար է, որ քաղաքական օրենքը անարգել գործադրովի դատարանանց մեջ»¹⁰⁷: Նույնպիսի վիճակում է նաև ոստիկանությունը, որը կարգ ու կանոն պաշտպանելու փոխարեն, «հաճախ ինքն է եղած հարստահարիչ, հարստահարիչին պաշտպան և քաջալերիչ»¹⁰⁸: Ծրագրում նշվում է նաև, որ անօրինական հարկահավաքությունը զանազան շահախնդրությունների համար լայն դռներ է բացում: Այնուհետև խոսվում է հայ գյուղացու հողագրկման, իր աշխատանքի արդյունքից մաս չունենալու, դատարանների կողմից հափշտակումներն արդարացնելու, հարստահարություններին ուղեկից դաժանությունների մասին: Որպեսզի Վարչական ապարատը հարազատանա և ծառայի ժողովրդին, ծրագրում առաջարկվում էր հայկական նահանգներում նահանգապետից սկսած մինչև տեղական պաշտոնյաներ հայացնել:

Ծրագրի վերջաբանում լավատեսորեն և չարտարացված աներեր հավատով նշվում է, որ կառավարությունը «հաստատապես որոշած և ձեռնարկած է բարվոքել մեր ազգին ներկա աղետալի վիճակը, որուն ազգային իրավունքները այսքան տարիներե ի վեր ուտնակոխ լինելին չարաչար և անընդհատ տառապած է»¹⁰⁹: Նոյն ոգով շարունակելով՝ ծրագրի հեղինակները շեշտում են, որ իրենք, համոզված լինելով, «թե տերության և ժողովրդյան զորությունն ու մեծությունը ուրիշ կերպով չկրնար գոյանալ և հաստատ մնալ, եթե ոչ այս այժմու ապարդյուն հոռի դրության բարեփոխությամբը»¹¹⁰, այդ պատճառով են գրել և կայսեր ուշադրությանը ներկայացրել այս ծրագիրը:

Ակներև է, որ այս ծրագրի հիմնական դրույթները բխում են 1863 թ. սահմանադրության ու գավառների սահմանադրական իրահանգի հիմնական նորմերից, կիսում դրանց գաղափարները և կատարում արժեքավոր լրացումներ: Նշենք նաև, որ 1863 թ. սահմանադրության, 1872 թ. «Հրահանգի», 1879 թ. Կարինի բարենորոգումների ծրագրի ընդհանրությունն ակնհայտ է, վերջնական նպատակի ծգտումն՝ անսպող,

¹⁰⁶ Տե՛ս նոյն տեղում, էջ 137:

¹⁰⁷ Տե՛ս նոյն տեղում:

¹⁰⁸ Տե՛ս նոյն տեղում, էջ 139:

¹⁰⁹ Տե՛ս Զատիկյան Հ., Կարինի բարենորոգումների ծրագիրը (1879 թ.), «ԲՀԱ», 1991, թիվ 3, էջ 198:

¹¹⁰ Տե՛ս նոյն տեղում, էջ 198-199:

դրանք շատ են առնչվում կորցրած տնտեսական ու քաղաքական իրավունքները հետ ստանալու գաղափարին: Այսինքն՝ ենթադրում ենք, որ ծրագրի հեղինակները քաջածանոթ են եղել առաջին երկու փաստաթղթերի բովանդակությանը և ձգտել են խորացնել դրանցում եղած հայանպաստ նորմերը: Նաև զարմանալի է, որ Կարինի բարենորոգումների այս ծրագիրն առանձնապես չի արժանացել ուսումնասիրողների ուշադրությանը¹¹¹ և չի ստացել իր արժանի գնահատականը: Նրա առաջին արժեսրող «Փորձ» ամսագիրը զարգացնում է այն տեսակետը, թե կարևոր այն չէր, թե ծրագիրը կգործադրվեր, կունենար ակնկալվող արդյունքը, այլ կարևոր նրա թողած ազդեցությունն էր, որովհետև «դրա ներկայացումն իսկ նշանավոր երևոյթ է՝ իբրև բուն ժողովրդական ձգտումների արտահայտություն...»¹¹²:

1863 թ. սահմանադրությունը, գավառների սահմանադրական իրահանգը, Կարինի բարենորոգումների ծրագիրը՝ իբրև նոյն շարժման բաղկացուցիչ մասեր, վկայում են արևմտահայության ազգային ու քաղաքական ինքնագիտակցության աճի մասին: Այդ հիմնաքարերի վրա հետագայում կառուցվեց ազգային համախմբման, միասնության ու արևմտահայ ազատագրության գաղափարախոսությունը: Նոյն հենքի վրա էլ թափ հավաքեց արևմտահայ ազատագրական շարժումը, որի հատկապես սկզբնական մասում իր մեծ դերակատարությունն ունեցավ կարինահայությունը:

Դիտարկելով Սահմանադրական շարժումը անընդհատական զարգացման և փոփոխությունների համատեքստում՝ նկատելի է դառնում, թե հատկապես վերջին փաստաթղթում այդ գործընթացն ինչ կարևոր ու խոր առաջընթաց է ապրել: Շերություններով հանդերձ՝ Ազգային սահմանադրությունը և նրանից բխող «Սահմանադրական իրահանգ գավառաց համար» և «Կարինի բարենորոգումների ծրագիրը» նոր և առաջադիմական երևոյթ էին արևմտահայ կյանքում:

Ամփոփելով նշենք, որ Ազգային սահմանադրությունն ազգային և հոգևոր-մշակութային փոխհարաբերությունների նոր փուլ էր, որը արևմտահայությանն իր ուժերի նկատմամբ վստահություն ներշնչեց, դարձավ ազատագրական գաղափարախոսության ամուր հիմնաքարը: Սահմանադրության շնորհիվ արևմտահայությունը ճեղքում էր կրոնական համայնքի կաղապարները և իր վարչությունը կազմակերպում

¹¹¹ Միակ բացառությունը Հ. Զատիկյանի վերոնշյալ իրապարակումն է:

¹¹²Տե՛ս «Փորձ», 1879, № 9, էջ 181:

քաղաքակիրթ իրավական նորմերի շրջանակներում: Այն ազգային և հոգևոր-մշակութային փոխհարաբերությունների նոր փուլ էր նշանակելու արևմտահայ կյանքում: Իրավականորեն ձևակերպում էր ժողովրդի և նրա առաջադեմ մտավորականության պայքարի արդյունքները, իայերին ընձեռված բողոքելու իրավունքով հող էր նախապատրաստում ազգի ազատ ապրելու՝ ազգային ինքնորոշման իրավունքի ուղղությամբ պայքարելու համար: Միևնույն ժամանակ Սահմանադրական շարժումը նպաստեց արևմտահայ գաղափարական պայքարը գործնականի՝ Զեյթունի 1862 թ. գինված ապստամբության վերածելու համար: Այսինքն՝ եթե Սահմանադրական շարժումը եղավ XIX դարում արևմտահայ զարթոնքի ու ազգային-ազատագրական շարժման գաղափարական մեկնակետը, ապա Զեյթունի 1862 թ. ապստամբությունը՝ գինված պայքարի:

բ) Զեյթունի 1862 թ. ապստամբությունը

XIX դարի կեսերից կայսրությունում ծայր առած հպատակ ժողովուրդների ազգային-ազատագրական շարժումները Բ. Դուռը ոչ միայն դաժանորեն ճնշեց, այլև դիմեց մի շարք կտրուկ միջոցների, որպեսզի նոր ապստամբություններ թույլ չտա: Ակնհայտ էր դառնում, որ օսմանիզմի դրույթները միայն արտաքուստ էին ենթարրում բարեփոխումների անհրաժեշտությունը, բայց իրականում գործադրվում էին հպատակ ժողովուրդների ծովման քաղաքականությունն իրականացնելու համար:

Իշխանությունների տեսադաշտից, բնականաբար չէր կարող դուրս մնալ արևմտահայությունը, որի ներսում ևս Սահմանադրական շարժման հենքի վրա արդեն պարարտ հող էին գտել ազատասիրության սերմերը: Զգտելով կանխել ազատախոհական շարժումներն արևմտահայերի մեջ՝ Բ. Դուռն սկսեց աստիճանաբար սահմանափակել և ոչնչացնել հայկական ինքնավարության վերջին մնացորդները՝ նախ և առաջ վերացնելով Զեյթունի կիսանկախ դրությունը¹¹³:

¹¹³ Դեռևս 1626-1627 թթ. սովթան Մուրադը Զեյթունի գավառակին տրված ֆերմանով տեղի հայ բնակչությանն ազատել էր գլխահարկից և պարտավորեցրել անհամեմատ թեթև տարեկան՝ 15.000 դահեկան տուրք վճարել Այս Սոֆիա մզկիթին՝ իբրև կանթեղների ձերի վճար: Հարկի այդ չափը հիմնավորելու համար անհրաժեշտ էր ցոյց տալ հայ բնակչության միևնույն թվաքանակը. «Միշտ 78.000-ի անձանց չափ ցոյցուցած են թիւը», իսկ տների քանակը՝ 3.000-ի, (տե՛ս Զեյթունի պատմագիրը, Պուէնոս Այրէս, 1960, էջ 135):

Թուրքական իշխանությունները մի քանի անգամ փորձել էին ծնկի բերել զեյթունցիներին, սակայն վերջիններս միշտ հաղթող էին դուրս եկել: Վախենալով, որ այն կարող է հայ ազատագրական շարժման կենտրոն դառնալ՝ իշխանությունները հարձակումներ ձեռնարկեցին Զեյթունի վրա, որին ի պատասխան սկսվեց 1862 թ. Զեյթունի զինված ապստամբությունը¹¹⁴: Զնայած լեռնականները անօրինակ սխրանքներ գործեցին, սակայն ուժերը խիստ անհավասար էին, և զեյթունցիները պարտվեցին ու փաստորեն կորցրին կիսանկախ կարգավիճակը: Բայց ապստամբության շնորհիվ հնարավոր եղավ պահպանել Կիլիկիայի հայության ֆիզիկական գոյությունը: Բացի այդ, ապստամբությունը կարևոր նշանակություն ունեցավ հայության ազգային ինքնագիտակցության բարձրացման, համախմբման և թուրքական բռնություններին ուժով հակադրվելու մտայնության տարածման համար: Հատկանշական էր 1862 թ. օգոստոսին հայերի բազմամարդ ցուցը Կ. Պոլսում, երբ ցուցարարները պահանջում էին իշխանություններից վերջ տալ Զեյթունը ուժով հնազանդեցնելու փորձերին և վերահաստատել արևմտահայերի դադարեցված սահմանադրությունը: Ըստ Փարիզում հրատարակվող «Փարիզ» թերթի՝ Զեյթունի օրինակին հետևելով՝ իսկական ճակատամարտի էր վերածվել Վանում հայերի զինված ընդհարումը թուրքերի հետ¹¹⁵: Մուշում հայերը զինված բախումներ ունեցան հայկական գյուղերն ասպատակող քրդերի հետ և այլն:

Զեյթունի ապստամբությունը մեծապես խթանեց նաև հայության ազատագրական ձգտումները, աննախընթաց չափերով բարձրացրեց նրա ազգային ինքնագիտակցությունը: Հայ մամուլ Զեյթունի իրադարձությունները որակում էր իբրև կարևոր հանգրվան՝ օսմանյան բռնակալության դեմ ուղղված ազատագրական պայքարի գործընթացում: Սվաճյանի «Մեղուն» հիմնավորում էր զեյթունցիների պայքարի

¹¹⁴ Պետք է փաստել, որ 1862 թ. Զեյթունի հերոսամարտն ավելի շուտ ապստամբության, քան ինքնապաշտպանական բնույթ ուներ, թեև նշված երկու հասկացություններն էլ օգտագործվում են համապատասխան գրականության մեջ: Հարկեր չվճարելը և օսմանյան տիրապետության պայմաններում այդպիսի իրավունք ձեռք բերելու համար զինված պայքարը Բ. Շոան թելադրանքով զեյթունցիներին պատերազմ հայտարարած Մարաշի փաշայի զորքերի դեմ ոչ այլ ինչ էր, եթե ոչ բացահայտ ապստամբություն: Բնականաբար, ապստամբությունն իրականացվում էր նաև ինքնապաշտպանական մարտերով, որը նախ և առաջ զեյթունցիների՝ իրենց վաղեմի կիսանկախությունն օսմանյան ոտնձգություններից պաշտպանելու նպատակ ուներ: Բայց դրանից «ապստամբություն» որակումը չի կարող փոխվել:

¹¹⁵ Տե՛ս «Փարիզ», 1862, 28 փետրվարի, 28 մարտի:

արդարացիությունը¹¹⁶: Կ. Պոլսում Կ. Փանոսյանի հայատառ «Մյունատիի Էրճիաս» («Արգեսուի մունետիկ») թերթը հոդված տպագրեց, որտեղ պարսավում էր Զեյթուն արշավող Ազիզ փաշային՝ անվանելով նրան «փարավոնական բարբարոս», որի համար թերթն ընդմիշտ փակվեց¹¹⁷: Զմյուռնիայի «Ծաղիկ» հանդեսը համառ պայքարով պահպանելու իրենց պատիվը և իրավունքը «անիրավ թշնամությանց դեմ» հայերին ուղղված կոչ տպագրեց¹¹⁸: «Արծուի Վասպուրական» ամսագրում տպագրվեց Գ. Ս.-ի (Գ. Սրվանձտյանց) «Սկսենք մեր գործ, նորեն սկսենք» հոդվածը, որ համարձակ կոչ էր զեյթունցիներին և ամբողջ հայությանը՝ շարունակելու դիմակայել բռնակալությանը¹¹⁹: «Մասիս», «Դիմակ», «Փարիզ» և արևմտահայ ու գաղութահայ այլ պարբերականներ ևս պաշտպանեցին զեյթունցիների հերոսական պայքարը:

Իրադարձություններին աշխուժորեն արձագանքեց նաև արևելահայ մամուլը: «Մեղու Հայաստանի» թերթը, «Կոռունկ հայոց աշխարհի» ամսագիրը հանգամանալի լրատվություն էին տալիս ապստամբության ընթացքի և դեպքերի հետագա զարգացումների վերաբերյալ¹²⁰: Գաղութահայ պարբերականներից Զեյթունն իրենց ուշադրության կենտրոնում էին պահում «Արևմուտքը» և այլ պարբերականներ: Ստ. Ոսկանյանը «Լեռնականք» հոդվածում ժխտում էր ազգային սահմանադրության ընձեռած՝ արևմտահայերի կյանքի ազատականացման հնարավորությունները Օսմանյան կայսրությունում և բռնակալությունը թոթափելու միակ միջոց էր համարում ազատագրական զինված պայքարը:

Թեև Զեյթունի «զինված ելույթը ոգևորեց, օրինակ ծառայեց, բայց չվերածվեց համազգային կովի»¹²¹, սակայն հայրենասիրական հզոր լիցք ներարկեց հայ հասարակական ամենատարբեր շրջաններին, խորացրեց նրանց մեջ ազգային միասնության գիտակցումը: Զեյթունի 1862 թ. իրադարձությունները հասունացրին հայ հասարակական միտքը: Ապստամբությունը հայերի մեջ ամրապնդեց ազգային իրավունքները զինված պայքարով պաշտպանելու մտայնությունը: Ի վերջո, եթե

¹¹⁶ Տե՛ս «Մեղու», 1862, թիվ 169, էջ 174-175:

¹¹⁷ Տե՛ս «Մասիս», 1862, 25 օգոստոսի և 11 սեպտեմբերի:

¹¹⁸ Տե՛ս «Ծաղիկ», 1862, թիվ 42, էջ 351-352:

¹¹⁹ Տե՛ս «Արծուի Վասպուրական», 1862-1863, թիվ 1, էջ 9-19:

¹²⁰ Տե՛ս «Կոռունկ հայոց աշխարհին», 1862, թիվ 10, էջ 781-814, 1863, թիվ 1, էջ 71-76, թիվ 3, էջ 213-230:

¹²¹ Տե՛ս Կիրակոսյան Զ., Բուրժուական դիվանագիտությունը և Հայաստանը (XIX դարի 70-ական թթ.), Ե., 1978, էջ 44:

արևմտահայությունը սահմանադրությունը համարում էր ազգային կյանքը ժողովրդավարացնելու հնարավորություն, ապա այդ նույն սահմանադրության դադարեցումը հայ հանրությանը հուշում էր բռնակալությանը զենքով դիմակայելու գաղափարը: 1862 թ. Զեյթունի ապստամբությունը դրա գործնական արտահայտությունն էր:

Հայ քաղաքական մտքի այս վերափոխումները՝ զուգակցվելով զինված պայքարին փարելու արմատներ նետող մտայնությանը, թեև դանդաղ, բայց հիմնավորապես յուրացվեցին հայ հասարակության կողմից և շուտով ունեցան իրենց արձագանքները: Չնայած տարածքային հեռավորությանը, այդ ազդեցությունը կրողներից էր նաև կարինահայությունը, որն իր կազմակերպչական ու գործնական արարքներով մարտահրավեր նետեց շարունակական հարմարվողականությանը և դուրս եկավ ազատագրական պայքարի: Գաղափարական հասունացման այդ գործընթացին մեծապես նպաստեց նաև Հայկական հարցի միջազգայնացումը:

գ) Հայկական հարցի միջազգայնացման նշանակությունը ազատագրական պայքարի նախաշեմին

XIX դարում թուլացած Օսմանյան կայսրությունը դարձել էր Եվրոպայի մեծ տերությունների մրցակցության ասպարեզ: Առաջնորդվելով սեփական շահերով՝ այդ տերություններն իրենց ձգտումները քողարկում էին կայսրության ստատուս քվոյի պահպանման իմաստագործկ սկզբունքով¹²²: Դա ձեռնտու էր նաև Օսմանյան իշխանություններին: Արևմտյան Հայաստանում և կայսրության այլ վայրերում բնակվող շուրջ երեք միլիոն հայեր, որոնք ենթարկվում էին ազգային, տնտեսական, քաղաքական և կրոնական ճնշման ու հալածանքների, համաշխարհային առաջադեմ գաղափարախոսությունների և Սահմանադրական շարժման ազդեցությամբ գարթոնք էին ապրում: Սկսվեցին ազատախոհական խլրտումներ, որոնք ծավալվեցին Օսմանյան

¹²²Տե՛ս ՀԱԱ, §. 450, գ. 2, գ. 1, թ. 27, փաստաթղթերի հավաքածու Հայկական հարցի վերաբերյալ:

Թուրքիայի շատ գավառներում¹²³: Ընդվզումներ եղան Վանում, Մուշում, Զեյթունում և այլ վայրերում:

1877-1878 թթ. տեղի ունեցավ ռուս-թուրքական պատերազմ: Այն ավարտվեց, և 1878 թ. փետրվարի 19-ին Սան Ստեֆանոյում կնքվեց հաշտության պայմանագիր¹²⁴, նոր պատմության շրջանում առաջին անգամ Հայաստան անվանումը և հայերը հիշատակվում էին այդ միջազգային դաշնագրում¹²⁵: Ասպարեզ նետվեց և միջազգային դիվանագիտական վավերացում ստացավ Հայկական հարցը, որը տարբեր ժամանակներում տարբեր ծավալներ է ունեցել: Դիվանագիտության պատմության մեջ օսմանյան տիրապետությունից Արևմտյան Հայաստանի ազատագրման, հայ ժողովրդի ինքնորոշման, սեփական պետականության վերականգնման, հայ ժողովրդի համախմբման և այդ նպատակներին հասնելու համար հայ ժողովրդի մված ազգային-ազատագրական պայքարի անվանումն է: Հայ ժողովուրդը մեծ հույսեր էր կապում ռուսական գենքի հաղթանակի հետ, ինչն օբյեկտիվորեն համընկնում էր հայ ժողովրդի ազատագրական ձգտումներին: Այդ պատճառով էլ ոտքի ելավ և աջակցեց ռուսական զորքին:

27-րդ հոդվածը պարտադրում էր օսմանյան կառավարությանը պատժիչ միջոցներ չձեռնարկել այն անձանց նկատմամբ, որոնք պատերազմի ընթացքում աջակցել էին ռուսական բանակին, և «եթե ոմանք իրանց ընտանիքներով ռուսական զորքին կցվելով երկրից (Թուրքիայից) հեռանալ ուզեն, օսմանյան իշխանությունները նրանց մեկնելուն պիտի չընդդիմանան»¹²⁶: 27-րդ հոդվածի այս երկու կետերն էլ միանշանակ կարևոր էին արևմտահայության և հատկապես կարինահայության համար: Նախ՝ քանի որ նահանգի հայ բնակչության ստվար մասը մեծ համակրանքով էր ընդունել ռուսական բանակին, որը նրանց պատկերացմամբ պիտի պաշտպաներ օսմանյան

¹²³ Տե՛ս Սարուխան, Հայկական խնդիրն և Ազգային սահմանադրությունը Թուրքիայում (1860-1910), հ. Ա, Թիֆլիս, 1912, էջ 129:

¹²⁴ Ռուսաստանի կողմից պայմանագիրն ստորագրեցին կոմս Ն. Իգնատեն ու Ս. Նելիդովը, Թուրքիայի կողմից՝ Սավսետ փաշան ու Սահադովլահ բեյը: Տե՛ս Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923), պղոփ. Զ. Ս. Կիրակոսյանի խմբագրությամբ, Ե., 1972, էջ 83-98:

¹²⁵ Դաշնագիրը բաղկացած էր 29 հոդվածից: Հայերին էին վերաբերում այդ պայմանագրի մի քանի (16-րդ, ինչ-որ չափով 19-րդ, 25-րդ, 27-րդ) հոդված: Տե՛ս նույն տեղը:

¹²⁶ Տե՛ս Հարությունյան Գ., Արևմտահայության կացությունը և Հայկական հարցի միջազգայնացումը (1850-1870-ական թթ.), Ե., 2009, էջ 138: Տե՛ս նաև 1877-1878 թթ. ռուս-թուրքական պատերազմը և Հայկական հարցը Սան-Ստեֆանոյի պայմանագրում, «ՊԲՀ», թիվ 2, 2006, էջ 31:

տիրապետության տակ տառապող հարստահարված քրիստոնյաներին¹²⁷: Ռուսների՝ տարածաշրջանում գտնված ժամանակ ամբողջովին ռուսամետ պահվածք դրսնորած կարինահայերի կացությունն ավելի էր վտանգված: Նրանց բարեկամական տրամադրվածությունն ու համակրանքը ռուսների նկատմամբ կարող էին դառնալ նոր բռնությունների ու հալածանքների աղբյուր, և «ռուսների քաշվելուց հետո նոր կոտորած և հալածանք կսկսվեր տեղի հայերի դեմ»¹²⁸:

Իրադարձությունների հետագա ընթացքը եկավ ապացուցելու, որ Ռուսաստանի «դիվանագիտական հավատամք Սան Ստեֆանոյի պայմանագրի»¹²⁹ թվայցալ հոգատարությունը շինծու էր, և ռուսական դիվանագիտությունը մտադրություն չուներ պայքարելու Արևմտյան Հայաստանի համար, ինչպես դա տեղի ունեցավ բալկանյան ժողովուրդների դեպքում: Այդ պատճառով Սան Ստեֆանոյում իրավական ծևակերպում ստացած Հայկական հարցը,¹³⁰ դառնալով քաղաքական գործոն, դիվանագիտական բարդ խաղերում արևմտահայությանն առևտրի առարկա դարձրեց:

1878 թ. հունիսին Բեռլինում իրավիրված վեհաժողովի դաշնագրի 61-րդ հոդվածով Ռուսաստանը զրկվեց հայոց գործերը տնօրինելու մենաշնորհից, այսինքն՝ Հայկական հարցը ձախողվեց: Ինչպես իրավացիորեն նշել է Գ. Հարությունյանը. «...քչի և ոչնչի միջև Ռուսաստանը պետք է նախընտրեր քիչը, իսկ Հայկական հարցը տարրալուծվելու էր հենց այդ ոչնչի մեջ»¹³¹: Չնայած Բեռլին մեկնած հայոց պատվիրակության թափած ջանքերին՝ այստեղ ևս որոշվեց ընդամենը բարեկուսումներ իրականացնել

¹²⁷ Տե՛ս Սարուխան. Հայկական խնդիրն և Ազգային սահմանադրությունը Թուրքիայում (1860-1910), հ. Ա, Թիֆլիս, 1912, էջ 291:

¹²⁸ Տե՛ս Հարությունյան Գ., նշվ. աշխ., էջ 292: Հայերն ամենուրեք մեծ ոգևորությամբ էին դիմավորում ռուսական բանակին. «Նորին կայսերական բարձրություն Մեծ իշխան Նիկոլաևիչին մի քանի ոչխար նվիրաբերեցին, որոնք, համաձայն արևելյան սովորույթի, պիտի զրհաբերվեին հանուն ռուսական զենքի հաջողության», «Դեպի Ղըզըլ-չախ-չախ և Ղըզըլ-քիլսա տանող ճանապարհների հատման մասում հարևան գյուղերի հայ հոգևորականությունը դիմավորում էր ռուսական զորքին, իր աղոթքը ուղելով ազատագրող (ռուսական) արքային, որն իր սուրն էր մերկացրել ի պաշտպանություն հարստահարված քրիստոնյաների» (Հարությունյան Գ., 1877-1878 թթ. ռուս-թուրքական պատերազմը և Հայկական հարցը Սան-Ստեֆանոյի պայմանագրում, «ՊԲՀ», թիվ 2, 2006, էջ 32):

¹²⁹ Տե՛ս С. Л. Чернов. К вопросу о Сан-Стефанском договоре 1878 г., “История СССР”, 1975, с. 136.

¹³⁰ Առաջին հայ հեղինակը Կ. Թումայանն է, որ միջազգային իրավունքի շրջանակներում է գնահատում Սան Ստեֆանոյի և Բեռլինի դաշնագրերը՝ նշելով, որ առաջինը արևմտահայության վիճակի բարելավման լուրջ երաշխիքներ էր տայիս Ռուսաստանի շնորհիվ, մինչդեռ Բեռլինի վեհաժողովը Անգլիայի ճնշումներով հայերին թողեց առանց որևէ պաշտպանության: Տե՛ս Թումայան Կ.,.. Պատմութիւն Արևելեան խնդրոյ և առաջնորդ Հայկական հարցի, հ. Ա-Բ, Լոնդոն, 1905:

¹³¹ Տե՛ս Հարությունյան Գ., 1877-1878 թթ. ռուս-թուրքական պատերազմը և Հայկական հարցը Սան Ստեֆանոյի պայմանագրում, «ՊԲՀ», 2006, թիվ 2, էջ 32:

կայսրության հայաբնակ նահանգներում¹³²: Բայց այս դեպքում դրա հսկողությունը Ռուսաստանի փոխարեն պետք է իրականացնեին Եվրոպական վեց տերությունները, որը նշանակում էր. «...ընդհանուր պարտավորվածությունը և ոչ մեկի պարտավորվածությունն էլ չէր»¹³³:

Էականն այն է, որ Սան Ստեֆանոյի և Բեռլինի պայմանագրերի համապատասխանաբար 16-րդ և 61-րդ հոդվածներով սկզբնավորվեց Հայկական հարցի դիվանագիտական պատմությունը, ինչպես նաև հասարակական-քաղաքական կյանքում Եվրոպական դիվանագիտության օգնությամբ թուրքական բռնատիրությունը թոթափելու, հայերի անկախությունն ու ինքնավարությունը ձեռք բերելու մտայնությունն ու գործելակերպը: Բեռլինի վեհաժողովը ոչ միայն շրջադարձային եղավ Հայկական հարցի պատմության մեջ, այլև խթանեց հայ ազգային-ազատագրական շարժումը¹³⁴: Եվրոպական դիվանագիտությունից հուսախար հայ հասարակական-քաղաքական շրջանակները որդեգրեցին Արևմտյան Հայաստանը թուրքական տիրապետությունից զինված պայքարով ազատագրելու տեսլականը: Հայկական հարցը, որ տիրապետող դարձավ հայ քաղաքական մտքի վրա, եղավ այն նշանակետը, որի լուծմանն ուղղվեց հայ ազգային-ազատագրական շարժումը: Հայ հասարակության մեջ, հատկապես Խրիմյանի «Երկաթե շերեփի» քարոզ-կոչից հետո աստիճանաբար տիրապետող էր դառնում զենքի դիմելու անհրաժեշտության գիտակցումը, որին առաջիններից մեկն արձագանքեց կարինահայությունը և անմիջապես լծվեց գործի՝ ձեռնարկելով ընդգրկուն կրթալրսավորչական, քարոզական և կազմակերպչական աշխատանքներ:

¹³²Տե՛ս Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923), պրոֆ. Զ. Ս. Կիրակոսյանի խմբագրությամբ, Ե., 1972, էջ 128:

¹³³Տե՛ս Մակկոլ Մ., Ответственность Англии перед Арменией (Положение армян в Турции до вмешательства держав в 1895 году, в кн.: Положение армян до вмешательства держав в 1895 году, М., 1896, с. 131-211).

¹³⁴Տե՛ս Армянский вопрос. Геноцид армян, библиография литературы на русском языке (1877-1997), составители П.О. Оганесян, Э. А. Бабаян, издательство «Хоск», 1998, с. 6.

1.2 Ազատագրական խմբակները: «Պաշտպան հայրենյացը» որպես զինված պայքարի կազմակերպական կառույց

Արևմտյան Հայաստանի զգալի մասը կազմող և երթեմնի ստվար հայկական բնակչություն ունեցող Կարինի նահանգն ու նույնանուն քաղաքը XIX դարի ընթացքում տեղի ունեցած ռուս-թուրքական չորս պատերազմների ընթացքում կովախնձոր ու պատերազմների թատերաբեմ էին դարձել: Արևելքի այդ երկու հզոր կայսրությունների մրցապայքարի ընթացքում նահանգը թեև զգալիորեն հայաթափվեց, սակայն 1880-ական թթ. դեռևս պահպանում էր իր հայկական դիմագիծը¹³⁵: Ճիշտ է, քաղաքի բնակչության գերակշիռ մասը թուրքերն ու քրդերն էին կազմում, սակայն տնտեսական լծակները, հատկապես արհեստներն ու առևտուրը, գտնվում էին հայերի ձեռքում:

Հատկանշական է, որ 1877-1878 թթ. ռուս-թուրքական պատերազմի ընթացքում Կարինի հայությունը Հայաստանի ուղղությամբ առաջացող ռուսական զորքին համակրանքով էր վերաբերվում և սատարում էր: Սակայն պատերազմն ավարտվելուց հետո Կարինի նահանգը հայտնվեց հերթական ողբերգական իրադարձությունների կիզակետում: Սան Ստեֆանոյի ու Բենինի դաշնագրերով Հայկական հարցի միջազգային վավերացումից վերազարթոնք ապրող հայությանը սովորական գահին նոր բազմած Աբդով Համիդը կատաղի պայքար հայտարարեց: Նրա դեկավարությամբ դիվանագիտության մեջ հմուտ թուրքական կառավարությունը «...որոնում էին և հղանում դիվային ծրագիր մի ողջ ազգության ֆիզիկական գոյության վերաբերյալ՝ ցանկանալով թուրքավարի լուծել հայկական հարցը»¹³⁶:

Թուրքական իշխանությունները դիմեցին նաև հերթական խարդավանքին. Հայկական հարցի պատրվակով հրահրեցին և պատերազմի ընթացքում «անհավատարիմ» պահվածք դրսնորած հայ ժողովրդից վրեժինդիր լինելու համար ոտքի հանեցին քուրդ ռազմական ավագանուն: Էրզրումի վիլայեթը, որ պաշտոնական

¹³⁵ Կարինի նահանգիէ ՀՀ դարի առաջին երեսնամյակի վարչականիկական պատկերը, էթնոժողովրդագրական գործընթացներն ու տեղաշարժերը և մասնավորապես, 1829 թ. նահանգից մեծարանակ հայության արտագաղթի ճշմարտացի պատկերը հարուստ փաստական հենքով ներկայացրել է Ա. Մելքոնյանը, տե՛ս Մելքոնյան Ա., Էրզրումի նահանգի հայ ազգաբնակչությունը XIX դարի առաջին երեսնամյակին (ժողովրդագրական ռատումնասիրություն), Ե., 1994: Մեզ համար կարևոր է եղել նաև հեղինակի «Զավախքը 19-րդ դարի վերջին և 20-րդ դարի սկզբին» աշխատությունը, Ե., 2003:

¹³⁶ Տե՛ս Կոստանդիան Ե., Ակնարկներ արևմտահայ մշակութային և հասարակական-քաղաքական լյանքի պատմության (19-րդ դարի 80-ական թվականներ), Ե., 2005, էջ 80:

փաստաթղթերում էրմենիստան էլայեթ էր կոչվում, նախատեսում էին վերանվանել Քուրդիստանի էլայեթի: «Բաժանիր, որ տիրես» քաղաքական կուրսով առաջնորդվող Բ. Դունը հաջողվեց թշնամացնել հարևան երկու ժողովուրդներին և առանձին-առանձին հաշվեհարդար տեսնել նրանց հետ¹³⁷: Բ. Դունը գաղտնի հրահանգում էր հայկական նահանգների կառավարիչներին բոլոր միջոցներով արգելակել հայոց վերազարթոնքն ու ազատագրական ծգտումները: Այդ ամենը «...փոփոխութիւն մը առաջ բերին հայ մտայնութեան մէջ և 1878-է 1882 հանդարտ աղերսարկուն և խերճուկ աղարավորը գրեթե բռնադատեալ նոր միջոցներու մղուեցավ և հայուն կյանքին ու գործին վրա փոփոխութիւն նշմարեցավ:...Հայտնապես կտեսնվեր, որ օսմանեան կառավարութիւնն էր փոփոխութեան պատճառ տվողը, երբ հանդարտ աղերսարկուն կանարգեր և խոռվարար պահանջողը կը գոհացներ»¹³⁸: Այսինքն՝ հայոց ազգային-ազատագրական շարժումը, հայ ժողովրդի ինքնազիտակցության հզոր վերելքի, ազատաբաղծ ծգտումների և սեփական պետականության վերականգնմանը նպատակառությամբ պայքար ինելով հանդերձ, միևնույն ժամանակ համապատասխան արձագանք ու պատասխան էր թուրքական իշխանությունների՝ հայերի նկատմամբ որդեգրած սոցիալական և ազգային դաժան բռնատիրության: Ժողովրդի մեջ սկսված խլրտումների անմիջական արձագանքը եղան տարբեր «անմեղ» անունների տակ քաղաքական գաղտնի կազմակերպությունների ստեղծումը Արևմտյան Հայաստանում, այդ թվում նաև՝ Կարինի նահանգում:

1880-ական թթ. սեփական ուժին ապավինելու գաղափարներով տոգորված արևմտահայ ազգային-ազատագրական շարժումը թևակոխեց կազմակերպական շրջափուլ: Այդ պայքարում միմյանց զուգահեռ տիրապետող էին երկու հիմնական մտայնություն. նախ՝ կրթել, լուսավորել և միջնադարյան խավարից դուրս բերել ժողովրդին, ապա՝ պայքարել նրա ազատության և մարդավայել ապրելու իրավունքի

¹³⁷ Ի դեպ, մինչև վերջերս տարածված էր այն տեսակետը, որ քրոնը սուկ գործիք են եղել թուրքերի ծեռքին հայերին կոտորելու և Հայկական հարցը ցեղասպանության միջոցով լուծելու գործում: Սակայն նոր ուսումնասիրությունների արդյունքում աստիճանաբար քաղաքացիություն է ստանում մեկ այլ տեսակետ, որ քրոնը ոչ միայն կույր գործիք չեն եղել, այլ մշտապես հետապնդել են ազգային հեռագնա նպատակներ, որոնք պարզապես համընկել են թուրքական իշխանությունների հետապնդած նպատակներին: Տե՛ս Հովհաննիսյան Ն., Քրոնի մասնակցությունը հայերի ցեղասպանությանը, քրդական գործոնը Արևմտյան Հայաստանի հարցի լուծման հայկական հայեցակարգում, Ե., 2016:

¹³⁸ Տե՛ս Օրմանյան Մ., Ազգապատում, հ. Գ., Ե., 2001, էջ 5060-5061:

համար: Այդ նպատակներն իրականացնելու համար իրար հետևից ծևավորվեցին մի շաբթ ազատագրական խմբակներ, որոնց հենքի վրա հետագայում ստեղծվեցին նաև կուսակցությունները:

Հատկապես գավառահայությանը լրացրելու, աշխարհիկ դպրոցներ բացելու և հենց տեղերում ուսուցիչներ պատրաստելու խնդիրը լուծելու, գավառահային Կ.Պոլիս մեկնելուց հետ պահելու ու Երկիրը հայաթափելուց զերծ պահելու նպատակով ստեղծվում էին կրթամշակութային ընկերություններ, որոնցից էին «Միացեալ ընկերութիւնք հայոց» (ստեղծվեց «Արարատեան», «Դպրոցասիրաց-արևելեան» և «Կիլիկիան» ընկերությունների միավորման արդյունքում), «Ազգանւեր հայուիեաց», «Դպրոցասէր տիկնանց»: Մասնավորապես բեղուն գործունեություն ծավալեց «Միացեալ...»-ը, որի վարչության կազմում էին ժամանակի արևմտահայ առաջադեմ գրեթե բոլոր գործիչները՝ Մ. Փորթուգալյանը, Ա. Արիկիարյանը, Մ. Սարյանը, Մ. Չերազը, Հ. Շահնազարը¹³⁹:

Առաջիններից մեկը Գ. Սրվանձտյանցի անմիջական մասնակցությամբ և Մ. Խրիմյանի ղեկավարությամբ 1872 թ. կազմակերպված «Միութիւն ի փրկութիւն» գաղտնի խմբակն էր¹⁴⁰, իետո՛ 1878 թ. իմանադրված Վանի «Սև խաչը», որին անդամակցել են Մ. Խրիմյանը, Մ. Փորթուգալյանը և Կ. Կամսարականը¹⁴¹: Հենց վերջինիս միջոցով իրար հետ կապ հաստատեցին «Սև խաչը» և «Պաշտպան հայրենյացը»¹⁴²:

Կարին քաղաքը, որ առևտրական և մշակութային կապերով հաղորդակից էր Կ. Պոլսի և Թիֆլիսի «հաւաքական կեանքին», միանգամայն բնական էր, որ առավելագույնս էլ պետք է ազդվեր թե՛ արևելահայության և թե՛ արևմտահայության մեջ առաջացած քաղաքական և հասարակական շարժումներից, իսկ ավելի ուշ դառնար նաև այդ խմբումների և գործունեության կարևորագույն կենտրոններից

¹³⁹ Տե՛ս Հիմնական կանոնագիր Միացեալ ընկերութեանց հայոց, Կ.Պոլիս, 1880:

¹⁴⁰ Տե՛ս Դիվան հայոց պատմության, հ. ԺԳ, էջ 269-270, Ներսիսյան Մ., Հայ ժողովրդի ազատագրական պայքարը թուրքական բռնատիրության դեմ, էջ 169-171, Կոստանդյան Է., Գարեգին Սրվանձտյանց (կյանքը և գործունեությունը), Ե., 1979, էջ 100-109:

¹⁴¹ Ավելի մանրամասն տե՛ս Կոստանդյան Է., Մկրտիչ Խրիմյան, Ե., 2000, 440 էջ, Սարգսյան Ս., «Արմենիա» պարբերականը ազատագրական գաղափարախոսության ակունքներում, Ե., 2014, 679 էջ և այլն:

¹⁴² Տե՛ս Հայոց պատմություն, հ. III, գիրք առաջին, Ե., 2010, էջ 465:

մեկը¹⁴³: Դեռևս ոռուս-թուրքական պատերազմին նախորդող շրջանում քաղաքի երիտասարդությունը, որ իր քաղաքական և մտավոր դաստիարակությունն ու մշակութային զարգացումը «կ'ստանար Պոլիսէն և Կովկասէն», դրանք «կ'իուրացնէր ինքնուրոյն դրոշմ դնելէ Ետէն միայն»¹⁴⁴: Իսկ նահանգի գյուղացիները հետևում էին քաղաքացիների օրինակին: Միանգամայն բնական էր, որ XIX դարի 60-ական թթ. սկսած՝ արևմտահայ հոգևոր-մշակութային կենտրոն Կ.Պոլսին գրեթե զուգընթաց Կարինի շրջանի հայ բնակչությունը նույնպես տոգորվեց ազգային վերազարթոնքի շնչով, անսահման ոգևորվեց հայ կյանքը հուզող առաջին ալիքով՝ Սահմանադրական շարժումով: Առաջադեմ մտավորականների գլխավորությամբ երիտասարդությունը մեծ խանդավառությամբ սկսեց ինքնակազմակերպվել: Զարգացան մշակույթը, արհեստները և առևտուրը, կազմվեցին նոր միություններ և ընկերություններ:

Նկատենք, որ ինքնակազմակերպման շարժումը և կրթամշակութային վերելքը Կարինում պայմանավորել էին մինչ այդ եղած համանման կառուցները: Այսպես, դեռևս 1850-ական թթ. ծայր առած մշակութային վերազարթոնքի արդյունքում 1851 թ. Գրիգորիս վարդապետի ջանքերով Արձն քաղաքի անունով ստեղծվել էր «Արձնեան» կրթասիրաց ընկերությունը. «...հազարաւոր ազգայիններ ամսական 60 փարա վճարելով մէջտեղ բերին «Արձնեան» ընկերութիունը»¹⁴⁵: Սա էլ իր ուժերով 1855 թ. հիմնեց «Ժառանգաւորաց» վարժարանը, որի տեսուչ նշանակվեց վարդապետ Մամիկոնյանը: 1865 թ. նույն ընկերությունը դպրոցը վերանորոգելու նպատակով հանգանակություն կազմակերպեց: Արձագանքեցին շատերը, սակայն դպրոցը հիմնովին վերանորոգելու գործը ֆինանսավորեց քաղաքի պատվարժան այրերից մեկը. «...մահտեսի Յակոբալա Մակարեան յանձն առաւ դպրոցը հիմէն վերակառուցանել իր ծախքով», որից հետո այն անվանվեց «Արձնեան վարժարան»¹⁴⁶: Նույն ընկերությունը 1863 թ. փետրվարի 7-ին քաղաքի հասարակության համար «Օծնեցի Պետրոս Տէր Մարտիրոսեանի տեսչութեան տակ» բացեց գրադարան ընթերցարան: Ընթերցարանն ստանում էր 14 անուն հայերեն և մի քանի օտարալեզու պարբերականներ, որոնք կարող էին ընթերցել բոլոր ցանկացողները: 1877-78 թթ.

¹⁴³ Տե՛ս Զարզգ Ղ., Յուշամատեան Բարձր Հայքի, Կարինապատում, Պեյոութ, 1957, էջ 392:

¹⁴⁴ Տե՛ս §. 420, ց. 16, գ. 8, թ. 7-8:

¹⁴⁵ Տե՛ս ՀԱԱ, §. 420, ց. 16, գ. 8, թ. 11:

¹⁴⁶ Տե՛ս նույն տեղում:

ոուս-թուրքական պատերազմի ընթացքում ընթերցարանը դարձավ համաքաղաքային լսարան, որտեղ այցելուներին տեղեկացնում էին ընթացող պատերազմի և այլ իրադարձությունների մասին: Կարդացվում էին ամենատարբեր բովանդակությամբ դասախոսություններ, որոնց մեջ մեծ թիվ էին կազմում պատմական և հայրենասիրական թեմաները:

1862 թ. «աղջկանց վարժարան մը կառուցանելու նպատակաւ» Հարություն Եպիսկոպոսը հիմնեց «Ուսումնասիրաց ընկերությունը»: Սակայն հետագայում այդ ընկերության անունը փոխվեց և դարձավ «Վարդանանց ընկերութիուն», որն էլ «Հոհիսիմեանց աղջկանց վարժարան» հիմնելու համար ստեղծեց հիմնադրամ և մեծ գործ կատարեց այդ նպատակն իրականացնելու ուղղությամբ:

1864 թ. Հ. Եպիսկոպոս Վեհապետյանի նախաձեռնությամբ հիմնվեց Արշարունի ընթերցասիրական և գիտական ընկերութիունը, որը 14 տարի տեղի հանրությանը ծառայեց որպես «տեսակ մը չափահասներու դպրոց»¹⁴⁷: Հետաքրքրական է, որ Կարինում ունենոր խավն ու բարձրաստիճան հոգևորականությունը «...հակառակ իրենց հարուստ եւ իշխանական դիրքերուն, յանձն կ'առնեն գործակցել...և ունենալ զօրաւոր պատուանդան մը իրենց գործունեութեան համար քաղաքին արհեստաւորութիւնը»¹⁴⁸:

Համընդհանուր վերազարթոնքի այս շրջանում կարինահայությունը հայտնվել էր բացադիկ իրավիճակում՝ մի կողմից Ազգային սահմանադրությամբ ոգեշնչված պոլսահայության և մյուս կողմից թուրք պաշտոնեության և քուրդ թալանչիների ճիրաններում տառապող գավառահայության դժոխքի արանքում: Այս պայմաններում դառնալով գավառի հայության հալածանքների և սարսափների փոխանցման միակ կենտրոնը Կարինը տեղյակ էր Կ.Պոլսի մտավորականության անզորությանն ու ստեղծված իրավիճակի լուր համակերպմանը: Միևնույն ժամանակ նկատելի էր դառնում, որ Կ.Պոլսի պատրիարքարանում տեղի ունեցող ժողովներում հետզհետե «գաւառը ուրանալու յանցանքը կզգացուեր»¹⁴⁹: Սակայն չվիատվելով այդ կացությունից՝ Կարինի հայությունը միշտ եղավ գավառի հայության կողքին, մնաց նրան ցավակից:

¹⁴⁷ Տե՛ս ՀԱԱ, ֆ. 420, գ. 16, գ. 8, թ. 12:

¹⁴⁸ Տե՛ս Զարդգ Ղ., նշվ. աշխ., էջ 392:

¹⁴⁹ Տե՛ս նույն տեղում:

Այդ պայմաններում Կարինում նոր թափով զարգացան մշակույթը, արհեստները և առևտուրը, կազմվեցին նոր միություններ և ընկերություններ, իմանվեցին հանրային հասարակական իմանարկություններ, իրատարակվեցին պարբերականներ: Կարինում մշակութային և մտավոր վերածնության ռահվիրա հանդիսացան Մաղաքիա Եպիսկոպոս Օրմանյանը, Սողոմոն Տեր Ազարյանը, Ալեքսան Ներսեսյանը, Հակոբ Հովհաննեսիանը, Հակոբ Մակարյանը, Հակոբ Արծնյանը, Մկրտիչ Աղապալյանը, Գևորգ Մսրենցը, Մարկոս Գաֆայանը և այլ նշանավոր անձինք¹⁵⁰: Նրանց ջանքերի շնորհիվ երիտասարդ սերունդը, ստանալով ազատաբաղծ ձգտումներով տոգորված դաստիարակություն, ոտքի կանգնեց ժողովորի ազատության համար պայքարի:

Կարինահայության կրթական ու հասարակական կյանքն ավելի է աշխուժանում, երբ 1862 թ. քաղաքի բոլոր վարժարանների լիազոր տեսուչ է հաստատվում մայրաքաղաք Կ.Պոլսում կազմված կրթական միությունների աշխատանքներին և դրանց «գաւառներու մասին ունեցած ծրագիրներուն եւ տածած գուրգուրանքին»¹⁵¹ քաջատեղյակ Գ. Սրվանձտյանցը¹⁵²: Մարդ, ով իր բազմահմուտ և պատկառելի գիտելիքներով, համառ աշխատասիրությամբ ու «շէնշող» բնավորությամբ «մտերմութիւն մը կը պարտադրէր» և բոլորի վստահությունը «կը շահեր», քանի որ բնավորության գծերով շատ նման էր կարնեցիներին¹⁵³: Գ. Սրվանձտյանցին հաջողվեց որոշ չափով բարելավել «Կարնոյ հայութեան եւ դաշտի գիւղացիութեան» կյանքն ու կենցաղը, ձերբազատել նրան տարբեր հորի սովորույթներից: Քաղաքի և մասամբ էլ նահանգի բնակչության շրջանում անգրագիտության դեմ պայքարում զգալի գործ կատարեց նրա ջանքերով 1869 թ. իմանադրված «Անձնուեր» ընկերությունը, որի նպատակն էր «անգրագետ ազգայնց համար կիրակնօրեայ դպրոց մը իմանել»¹⁵⁴: Արդեն առաջին տարում այդ դասընթացին պարբերաբար հետևում էին 30-40 աշակերտներ, որը ժամանակի ու տեղի հայ բնակչության համար փոքր թիվ չէր¹⁵⁵:

¹⁵⁰ Տե՛ս ՀԱԱ, §. 420, գ. 16, գ. 9, թ. 72-73:

¹⁵¹ Տե՛ս Զարդգ Ղ., նշվ. աշխ., էջ 185:

¹⁵² Տե՛ս ԳԱԹ, Սրվանձտյանց Գ.-ի §., Ա թ., գ. 65: Գ. Սրվանձտյանցը որոշ ընմիջումներով Կարինի բոլոր վարժարանների ընդհանուր տեսուչը եղավ 1862-69 թթ. ընթացքում:

¹⁵³ Տե՛ս Զարդգ Ղ., նշվ. աշխ., էջ 185:

¹⁵⁴ Տե՛ս ՀԱԱ, §. 420, գ. 16, գ. 9, թ. 72-73 (Ճգնաւորեան Օ., Հայ ազատագրական ճիզերը Արեւմտեան Հայաստանի մէջ):

¹⁵⁵ Տե՛ս նույն տեղում:

1877-78 թթ. ոռությունական պատերազմի՝ ոռուների համար հաջող ընթացքը, Կարինում նրանց մի քանի ամիս մնալու հանգամանքը նպաստեցին՝ և քաղաքում ստեղծվեցին նոր կրթամշակութային ընկերություններ՝ «Ղևոնդյանց», «Մամիկոնյանց» և այլն: Դրանց նպատակն էր նպաստել կրթական գործին և երիտասարդ սերնդին հայեցի դաստիարակելուն: Այդ աշխատանքներին ավելի լայն թափ հաղորդեց այն իրողությունը, որ քաղաքի երիտասարդության ակտիվ միջամտությամբ քսանմեկ տարի պաշտոնավարելուց հետո հաջողվեց Կարնո առաջնորդ Վեհապետյանին հեռացնել և նրա փոխարեն նշանակել տալ Գ. Զոհրապի բնորոշմամբ. «... մեր եպիսկոպոսներեն երիտասարդ, ինչ որ մեծ բան է հարկավ և մեր երիտասարդներուն եպիսկոպոսը, ինչ որ ավելի մեծ բան մըն է... Մաղաքիա Օրմանյանին»¹⁵⁶:

Երիտասարդ առաջադեմ և ազգասեր Օրմանյանն իր հերթին նախաձեռնություն դրսելուց և նահանգի դպրոցներում դասավանդելու հրավիրեց ունակ և առաջադեմ շատ ուսուցիչների, բարենորոգեց վարժարանները և վերափոխեց կրթական համակարգը¹⁵⁷: Շարունակելով Գ. Սրվանձտյանցի հայրենանվեր գործն ու ավանդույթները՝ նա Կարինի կրթամշակութային կյանքը նոր մակարդակի բարձրացրեց: Նրա ջանքերով և ղեկավարությամբ քաղաքի քաղաքական ժողովի կողմից կազմված նոր ուսումնական խորհուրդը դպրոցների համար հատուկ ծրագիր է պատրաստում, որով դպրոցները բաժանվում էին երեք կարգի: Ընտելարան՝ երեք տարվա ուսման շրջան, նախակրթարան՝ չորս տարվա, և ուսումնարան՝ երեք տարվա¹⁵⁸: «Մասիս» պարբերականը հաղորդում էր, որ այդ շրջանում (1880 թ.) Արծնյան եռամյա երկսեռ վարժարանն ուներ ընտելարան, նախակրթարան և ուսումնարան, 460 աշակերտ: Հոհիսիմյան իգական դպրոցն ուներ միայն ընտելարան և նախակրթարան, 370 աշակերտ: Վարժարաններում սովորողների ընդհանուր թիվը

¹⁵⁶ Տե՛ս Գ. Զոհրապ, Ծանոթ դեմքեր ու պատմվածքներ, Փարիզ, 1932, էջ 74-75: Կարինի առաջնորդ դառնալու ժամանակ՝ 1880 թ., Մ. Օրմանյանը ծայրագույն վարդապետ էր, եպիսկոպոս ձեռնադրվեց 1886 թ.:

¹⁵⁷ Տե՛ս Կոստանդյան Է., Դրվագներ Մաղաքիա արքեպիսկոպոս Օրմանյանի կյանքից և գործունեությունից, Ե., 2015, էջ 152-153:

¹⁵⁸ Տե՛ս «Մասիս», 1880, թ. 2718: Տարիներ հետո «Խոհեմարդ և Խօսք»-ում Օրմանյանը անդրադառնալով այդ ծրագրին, հայտնում է այլ տեղեկություններ: Ըստ այդ տեղեկության՝ դպրոցների ուսման տևողությունը բաժանված էր 5 շրջանի՝ յուրաքանչյուրը 2 տարվա տևողությամբ՝ ծաղկոց, ընտելարան, նախակրթարան, կրթարան և ուսումնարան: Ընդ որում, առաջին երեքում կրթությունն անվճար պետք է լիներ, իսկ վերջին երկուսում վճարովի: Օրմանյան Մ., Խոհեմարդ և Խօսք, էջ 110:

մոտ 1300 էր, որը, սակայն, բավարար չէր, և նոր կրթարաններ բացելու անհրաժեշտություն կար¹⁵⁹:

Օրմանյանի խորհրդով քաղաքում գործող չորս մշակութային ընկերությունները՝ «Վարդանանց», «Դպրաց», «Ուսումնասիրաց» և «Ընթերցասիրաց», միավորվում են և կազմում «Բարձր հայոց միությունը»¹⁶⁰: Այս ընկերությունն իր հովանավորությունը տարածում է տեղի հայկական Արծնյան, Սանասարյան, Աղբայան և մյուս դպրոցների վրա և բարերար ազդեցություն ունենում ոչ միայն կրթության որակի բարելավման, այլև սաների մեջ ազատաբաղծ ձգտումներ սերմանելու գործում: Դրանցից հատկապես Սանասարյան վարժարանը դարձավ ապագա ազատամարտի նվիրյալներ պատրաստելու դարբնոց: Դրա պատերի ներսում սերմանվեցին ազատ ու մարդավայել ապրելու, իրավազուրկ ու չարքաշ գոյատևելու փոխարեն պայքարի ելնելու և դարավոր անարդարությանը վերջ դնելու սրբազան գաղափարները¹⁶¹: Թուրքական իշխանությունները «Բարձր» բառի մեջ իրենց համար ինչ-որ վտանգավոր ու ստորացուցիչ երևոյթ տեսան, կասկածեցին նաև, որ այն քաղաքականացված է և շուտով արգելեցին: Նրանց թելադրանքով այն ստացավ ավելի անմեղ «Երկրագործական ընկերություն» անվանումը: Ընկերությունն ուներ գրադարան-ընթերցարան, աշխատավորների համար կիրակնօրյա դպրոց, որտեղ արվում էր ամեն ինչ իրենց ունկնդիրների շրջանում ազգային ինքնագիտակցությունը բարձրացնելու ուղղությամբ:

Կարինում սոցիալ-տնտեսական և կրթալուսավորական փոփոխություններն ու հայրենաբաղծ ձգտումներով դաստիարակված նոր սերնդի առկայությունը պարարտ հող դարձան ազգային-ազատագրական շարժմանը նոր լիցք հաղորդելու գործում: Հայկական հարցի միջազգայնացումը մեծ հույսերի, սպասումների ու ակնկալիքների առիթ էր տվել, իսկ թուրքական բռնատիրությունից ազատագրվելու խնդիրը օրակարգի հարց դարձրել: Անհրաժեշտ էր ստեղծված նոր պայմաններին համապատասխան նոր մարտավարություն մշակել: Աղերսագրերը, հնագանդությունը թուրքական «բարեխնամ» պետությանը չտվեցին սպասվող արդյունքները: Հնագանդ

¹⁵⁹ Տե՛ս «Մասիս», 1880, թ. 2718:

¹⁶⁰ Տե՛ս Օրմանյան, Ազգապատում, հ. Գ, էջ 5000:

¹⁶¹ Ավելի մանրամասն տե՛ս ՀԱԱ, ֆ. 524 (Կարինի Սանասարյան վարժարանին նվիրված նյութերը):

հայն այլս չէր ուզում հաշտվել ստեղծված իրականության հետ և հանդես էր գալիս մարդկային ամենատարրական իրավունքների պահանջներով: Աստիճանաբար ուրվագծվել ու հստակ էր դարձել, որ դրան հասնելու համար անհրաժեշտ էր համախմբվել, ստեղծել ժողովրդին իր հետևից տանող ուժեղ կազմակերպություններ:

Մինչև ազգային կուսակցությունների ստեղծումը արևմտահայ իրականության մեջ տարածական ընդգրկումով, անդամների թվաքանակով, ծրագրային դրույթների համեմատաբար հստակ ձևակերպումներով, կազմակերպական կուռ կառուցվածքով և գաղտնի գործելու կարողությամբ ամենաուժեղ կազմակերպությունը 1881 թ. մայիսին Կարինում հիմնադրված «Հայրենասիրաց գաղտնի ընկերութիւն Բարձր Հայոց Պաշտպան Հայրենյաց»¹⁶² ազատագրական գաղտնի կազմակերպությունն էր, որն ավելի հայտնի է «Պաշտպան հայրենյաց» անունով¹⁶³:

Նշենք, որ մեզ համար «Պաշտպան հայրենյաց»-ի գործունեության ներկայացումն ու գնահատումը կարևոր են: Օսմանյան բռնակալության դեմ հայ ժողովրդի վերսկսած պայքարի նոր շրջանն սկզբնավորող «Պաշտպան հայրենյաց» կազմակերպության մասին բավական հանգամանալից տեղեկություններ կան ժամանակի հայ, որոշ չափով նաև օտարալեզու մամուլի էջերում: Ավելի ուշ (1905 թ.) կազմակերպության մասին հուշագրել են Բ. Մելիք-Գրիգորյանը և Հ. Նշկյանը¹⁶⁴: Ապա գիտական հոդվածով հանդես եկավ Սարովսանը «Գործ» ամսագրում¹⁶⁵: Առանձին հետաքրքրություն են ներկայացնում Մ. Օրմանյանի «Խոհ և խօսք» աշխատության մեջ եղած Ժատ, բայց արժեքավոր էջերը¹⁶⁶: Ավելի ուշ կազմակերպության պատմությանն անդրադարձել են Մ. Ներսիսյանը¹⁶⁷, Վ. Պարսամյանը¹⁶⁸ և Է. Կոստանդյանը¹⁶⁹: «Պաշտպան հայրենյացի»

¹⁶² Սկզբում նախատեսվում էր կազմակերպությունն անվանել «Մասիս լեռների միություն», բայց հետո նպատակահարմար գտան իրաֆարվել այդ մտադրությունից: Կարինի նոր շրջանի պատմությանը նվիրված և ցայսօր ուսումնասիրողների ուշադրությունից վրիպած մի ուսումնասիրության մեջ հանդիպեցինք նաև կազմակերպության «Արարատ Լեռան Ընկերություն- Պաշտպան Հայրենյաց» անվանաձևին, տե՛ս ՀԱԱ, ֆ. 420, գ. 16, գ. 8, թ. 52:

¹⁶³ Տե՛ս Հովհաննիսյան Ռ., Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը (XIX դարի 70-80-ական թթ.), Ե., 1965:

¹⁶⁴ Տե՛ս Նշկյան Յ., Առաջին կայծերը էջ մը Կարնոյ զարթօնքէն, Ֆրեզնօ, 1930:

¹⁶⁵ Տե՛ս «Փորձ» ամսագիր, 1917, թիվ 3: Տե՛ս նաև Սարովսան, Հայկական խնդիրն ու Ազգային սահմանադրությունը Թուրքիայում, Թիֆլիս, 1912:

¹⁶⁶ Տե՛ս Օրմանեան Մ., Խոհ եւ խօսք, Երուսաղեմ, 1929:

¹⁶⁷ Տե՛ս Ներսիսյան Մ., Հայ ժողովրդի ազատագրական պայքարը թուրքական բռնապետության դեմ 1850-1890 թթ.», Ե., 2002:

¹⁶⁸ Տե՛ս Պարսամյան Վ., Հայ ազատագրական շարժումների պատմությունից, Ե., 1958:

մասին բարձրարժեք գիտական ուսումնասիրություն է հեղինակել Ռ. Հովհաննիսյանը:
Համաձայն չլինելով հեղինակի որոշ մոտեցումների հետ (նախ և առաջ
իրադարձությունները սոցիալ-դասակարգային պայքարով պայմանավորելը՝ նշենք, որ
Ռ. Հովհաննիսյանը փաստառատ հենքի վրա և համակողմանիորեն շարադրել է
կազմակերպության ընդգրկուն պատմությունը:

1870-80-ական թթ. ազգային զարթոնքին ու առաջընթացին մեծապես նպաստել
էին նաև 1877-1878 թթ. պատերազմի ընթացքում ոռուական բանակի հաղթանակները:
Կարինը գրավելուց հետո ոռուական բանակի և մասնավորապես հայազգի
զորավարների ներկայությունը քաղաքում ոգևորեցին, ուժ, համարձակություն ու եռանդ
ներշնչեցին Կարինի երիտասարդությանը: Չնայած հայազգի հրամանատարներ Մ.
Լոռիս Մելիքովի, Ս. Տեր-Ղուկասովի, Հ. Լազարյանի և Կ. Կամսարականի
«զգուշացումներուն եւ բացատրութեանց, թե իրենք հայ ըլլալով հանդերձ, ոռուական
բանակի վերին հրամանատարութեան եւ անոր կարգադրութեանց ենթակայ են»¹⁷⁰ և
ամենայն հավանականությամբ վաղ թե ուշ թողնելու են Կարինը թուրքերին, ամենուրեք
թևածում էին ազգային արժեքները վերագնահատելու, կրթամշակութային ասպարեզը
զարգացնելու և ազատաբաղծ ձգտումներին հագուրդ տալու մղումները:

Բեռլինի վեհաժողովից հետո ոռուական զորքերը լքեցին Կարինը: Տեղի
հայությունը, անզոր ու անապահով վիճակից ելնելով, ցանկացավ հեռանալ երկրից:
Ոռուական կողմի պահանջով թուրքերի «խաղաղասեր» ձեռնարկների արդյունքում
հայերը որոշ ժամանակ հանդարտվեցին և ոչ միայն անցան խաղաղ կյանքի, այլև
սկսեցին մտածել կրթական ու մշակութային կյանքը զարգացնելու մասին: Հայկական
նահանգների «ցաւերուն եւ պահանջներուն իրական կերպոնը, հետեւաբար նաեւ
զանոնք առաջնորդողը» դարձած Կարինի հայությունը, առանձնապես առաջադեմ
մտավորականությունը, եզրակացրին, որ «61րդ յօդուածը լոկ քաղաքական
մեքենայութիւն մըն էր» հայկական բարենորոգումները զանց առնելու և թուրքական
իշխանություններին որևէ պատասխանատվությունից ազատ պահելու գործում¹⁷¹:

¹⁶⁹ Տե՛ս Կոստանդյան Է., Ակնարկներ արևմտահայ մշակութային և հասարակական-քաղաքական կյանքի պատմությունից (19-րդ դարի 80-ական թվականներ), Ե., 2005:

¹⁷⁰ Տե՛ս Զարզդ Ղ., նշվ. աշխ., էջ 396-397:

¹⁷¹ Տե՛ս նույն տեղում, էջ 402:

Իշխանությունների հետզհետե խստացող քաղաքականությունը (Կարինի զինվորական նորանշանակ իրամանատար Ֆազլ փաշայի առաջին գործը եղավ հայկական բոլոր տեսակի հավաքույթների արգելումը, մշակութային ընկերությունների փակումը և այլն), քուրդ ու չերքեզ հրոսակների ավագակություններն ու անպատճելիությունը գալիս էին հակառակը համոզելու բոլոր նրանց, ովքեր դեռևս հոյս ունեին ապավինելու իշխանությունների բարեհոգությանը: Հետզհետե ոռւսական զսպաշապիկից ձերբազատվող թուրք ամբոխն էլ սկսեց կրկին ցուց տալ իր նենգ ու տմարդի դեմքը և բազմազան անօրենություններ կատարել հայեր նկատմամբ: Ստեղծված կացության արդյունքում Կարինի երիտասարդության մեջ «կը սկսի ներքին շարժում մը, որուն նպատակն էր երիտասարդութեան կազմակերպումը եւ զինուիլը, ինքնապաշտպանութեան դիմելու համար»¹⁷²: Կարինի առաջնորդարանն էլ դարձել էր գավառների յուրատեսակ կենտրոնը: Այս հանգամանքը «Կարնոյ ազգային մարմիններուն եւ երիտասարդութեանը կուտային առաջնորդողի դեր մը»¹⁷³:

Այս պայմաններում «Հայրենասիրաց» գաղտնի ընկերության հենքի վրա ազգանպաստ գործեր կատարելու անհագ մղումներով տոգորված երիտասարդներ՝ «Էրզրումցի Խաչատուր Կէրեկցեան գործակցելով Կարապետ Ազաթեանի հետ երկուատեք հիմնեցին Հայրենասիրաց գաղտնի ընկերութիւնը, որի¹⁷⁴ աչքառու անդամներն էին Յակոբ Իշգալացեան, Ալեքսան Էթէլէկեան, Յովհաննէս Աստուրեան, Եղիշէ Թուրսունեան, Կարապետ և Յովհաննէս Նշկեաններ, Հաճի Յակոբ Սէրինկիվեան, Տիգրան և Խաչատուր Կերեքցեաններ, Աւետիս և Գէորգ Վէմեաններ»¹⁷⁵: Խ. Կերեքցյանի ղեկավարությամբ և այդ ժամանակ Կարինի հայոց թեմի առաջնորդ Մ. Օրմանյանի օրինությամբ կյանքի կոչված գաղտնի այդ

¹⁷² Տե՛ս նույն տեղում, էջ 403:

¹⁷³ Տե՛ս նույն տեղում, էջ 404:

¹⁷⁴ Այս անունով ընկերության մասին արխիվային վավերագրերում, ժամանակի նշանավոր գործիչների թողած հուշերում, գրագրություններում և պատմագիտական ուսումնասիրություններում այլ տեղեկություններ մեզ չհաջողվեց գտնել: Ենթադրելի է, որ «Հայրենասիրաց գաղտնի» ընկերությունը Կարինի առավել ակտիվ երիտասարդների կողմից ստեղծված ընկերություն էր, որը նախատիպը եղավ և առաջին քայլը «Պաշտպան հայրենյացի» ստեղծման ճանապարհին, և որ վերջինիս կազմակերպական ու ծրագրային հիմնադրույթների նախաձևերը եղել են այս ընկերության հիմնական ուղենիշները:

¹⁷⁵ Տե՛ս ՀԱԱ, §. 420, գ. 16, թ. 52:

կազմակերպությունը, ուղղակիորեն, ընդառաջումն էր Բեռլինի վեհաժողովից հետո Մ. Խրիմյանի «Երկաթե շերեփ» ունենալու պատգամին¹⁷⁶:

Կազմակերպության առաջնահերթ նպատակը՝ ծրագիր-մինիմումը, եղել է հայ ժողովողի ինքնապաշտպանության կազմակերպումը, որի մասին հետագայում՝ դատավարության ժամանակ, խոստովանել են կազմակերպության անդամները: Իսկ վերջնական նպատակը՝ ծրագիր-մաքսիմում՝ սեփական ուժերով Հայաստանի անկախության վերականգնումը, որը հասկանալի պատճառներով դատավարության ընթացքում նրանք չեն խոստովանել:

Կազմակերպության հիմնական շարժիչ ուժը և գործող անձինք «գործատր, արհեստաւոր եւ գիւղացի դասերն էին»¹⁷⁷, քանի որ ավելի շատ ու հաճախ այս խավերն էին ենթարկվում թուրքերի ու քրդերի բռնություններին, բնականաբար նրանք էլ նախ և առաջ փրկության եզրեր էին որոնում: Սակայն քիչ չեն եղել դեպքերը, երբ կազմակերպությանը նյութապես և այլ միջոցներով սատարել են նաև քաղաքի ունկոր խավի և եկեղեցական դասի ներկայացուցիչները:

1882 թ. նոյեմբերին կազմակերպությունը, որի անդամների ու համակրողների թիվն օր օրի ավելանում էր և հասավ հարյուրների¹⁷⁸, պատահականորեն հայտնաբերվում է և հիմնականում ջախջախվում, թեև դանդաղ ու խաթարված ընթացքով հարատևեց մինչև 90-ական թվականների սկզբները¹⁷⁹:

Ընկերությունը նպատակ էր դրել առողջ, համարձակ, խելացի, ուժեղ և վստահելի հայ երիտասարդներին համախմբելու նույն տեսլականի շուրջ և գոյացնելու նույն գաղափարի համար զրիոնությունների պատրաստ կազմակերպություն: Միջոցներ հայթայթել, զենք ձեռք բերել և զինավարժել երիտասարդությանը, որպեսզի նրանք ի վիճակի լինեն պաշտպանելու «ինքզինքնին հարստահարիչներուն և սպաննիչներուն

¹⁷⁶ Տե՛ս Նշկեան Յ., Առաջին կայձերը, Էջ մը Կարնոյ զարթօնքն, Ֆրեզնօ, 1930, Էջ 110:

¹⁷⁷ ՀԱԱ, §. 420, գ. 16, գ. 8, թ. 48:

¹⁷⁸ Կազմակերպության անդամների թվաքանակի ճշգրտումը մեր խնդիրներից դուրս է: Պարզապես նշենք, որ հուշագրություններում, մասնագիտական գրականության մեջ և թերթային հրապարակումներում երբեմն խոսվում է գնում չորս հազար և նույնիսկ ավելի անդամների մասին: Հաշվի առնելով ժամանակն ու Կարինի հայ բնակչության թվաքանակը՝ ենթադրում ենք, որ կազմակերպության անդամների թիվն ընդամենը մի քանի հարյուրի կարող էր հասնել:

¹⁷⁹ Տե՛ս Հովհաննիսյան Ռ., նշվ աշխ., Էջ 11-13:

դէմ երբ առիթը ներկայանայ»¹⁸⁰: «Պաշտպան հայրենյացն» աչքի էր ընկնում երկաթյա կարգապահությամբ:

Ըսկերության յուրաքանչյուր անդամ ստորագրում էր հատուկ այդ նպատակով մշակված երդմնագիր, որով պարտավորվում էր քաղաքական ազատություն ձեռք բերելու համար բացարձակ գաղտնապահությամբ և կատարյալ անձնագործությամբ կատարել ընկերության բոլոր հրահանգները: Ապա նրանք ստանում էին կազմակերպության անդամատոմսեր, որոնք «Պ. Հ.» («Պաշտպան հայրենյաց») դրոշմով թերթիկներ էին¹⁸¹: Երդմնագրերի վրա նկարված էին խաչաձևված թուր և դաշույն, ու գրված էր «ազգային բարենպատակ ձեռնարկս», որը հետամուտ էր հայ ժողովրդին ազատագրել քրդերի, չերքեզների և թուրքական պաշտոնյաների դաժան բռնություններից: Այն վերջանում էր ամերիկյան հայտնի քաղաքական գործի դասական դարձած թևավոր արտահայտությամբ՝ «Ազատություն կամ մահ»¹⁸² նշանաբանով»¹⁸³: Երդմնագրերի օրինակն առաջինը ստորագրած Ալեքսան Էթալիկյանը, որն իր վրա էր վերցրել դեռ կազմակերպական շրջանում գտնվող ընկերությանը սեփական միջոցներից դրամական օժանդակություն ցույց տալու գործը, գերագույն խորհրդի հանձնարարությամբ հետևողականորեն ձեռնամուխ է լինում կազմակերպության մեջ նոր անդամների հավաքագրմանը:

Կազմակերպության ղեկավարությունն իրականացնում էր յոթ հոգուց բաղկացած Գերագույն խորհուրդը (Խ. Կերեքցյան, Հ. Իշգալացյան, Ա. Էթալիկյան, Հ. Աստուրյան, Ե. Տուրսունյան, Կ. և Հ. Նշկյաններ)¹⁸⁴: Գաղտնապահության նպատակով կազմակերպությունը ձևավորվել է տասնյակների համակարգով. ղեկավարներից յուրաքանչյուրը հավաքագրում էր 10 անդամի, երդում ընդունում, և ինքը դառնում

¹⁸⁰ Տե՛ս ՀԱԱ, ֆ. 420, ց. 16, գ. 8, թ. 52:

¹⁸¹ Կարծում ենք, որ հուշագիրների, ինչպես նաև ուսումնասիրողների գրքից գիրք անցած այս դրույթն այնքան էլ չի համապատասխանում իրականությանը: Անդամատոմսերն ավելի շուտ ստեղծվել էին «դրսում» ներկայացնելու, տպավորություն ստեղծելու և օգնություն ստանալու համար, քան թե անդամներին բաժանելու, քանի որ կազմակերպության ղեկավարները խելացի մարդիկ էին և չին կարող այդպիսի հասարակ միջոցով վտանգել կազմակերպության գոյությունն ու մարդկանց կյանքը:

¹⁸² Պատրիկ Հենրին ամերիկյան քաղաքական գործի էր, անկախության պայքարի նվիրյալ: Վիրջինիա նահանգի օրենսդիր ժողովում 1755 թ. նա հանդես եկավ Ամերիկայի ժողովրդի իրավունքների պաշտպանական կրակոտ ճառով, որտեղ նրա արտասանած «Տվեր ինձ ազատություն կամ մահ» (give me liberty or give me death) նախադասությունը դարձավ դասական թևավոր արտահայտություն: Որևէ փաստ մեզ հայտնի չէ, թե ինչ աղյուրից էին նրանք տեղեկացել այդ կոչի մասին:

¹⁸³ Տե՛ս Նշկեան Յ., Սոացին կայծերը, էջ մը Կարնոյ զարթօնքէն, Ֆրեզնօ, 1930, էջ 122:

¹⁸⁴ Տե՛ս նույն տեղում, էջ 110:

տասնապետ: Տասնյակի անդամներն իրար չէին ճանաչում և կաա էին պահպանում միայն տասնապետի հետ: Անդամներն իրավասություն ունեին անհատաբար հեղափոխական այս գաղտնի ուստի միանալու երդում վերցնել կամավոր հայ երիտասարդներից: Նորագիր յուրաքանչյուր հեղափոխական իր երդումով հանձնառության տակ էր մտնում իր շուրջը խմբել տասհոգիանց ուխտյալներ, որոնք միասնաբար պիտի կազմեին «Պաշտպան հայրենյաց»-ի մի բջիջ՝ իրամանատար ունենալով իրենց անդամագրող հեղափոխականին: Եթե անդամներից որևէ մեկը եռանդ ու գործելու հատուկ ունակություն էր դրսնորում, տասնապետը նրան թույլ էր տալիս կազմել իր տասնյակը: Անդամների համար սահմանված էր անդամավճար՝ տարեկան մեկ քառորդ մեջիդիե, հավաքված գումարով պետք է զենք գնվեր: Նախատեսվում էր զենքի հայթայթումը կազմակերպել հայ վաճառականների միջոցով և ցածր գներով, իսկ հարկ եղած դեպքում նաև անվճար բաժանել ժողովրդին: Այդ ուղիով զենք ձեռք բերելու գործում կարնեցիները որոշ փորձ ունեին, դեռ 1877 թ. վաճառականներ < Եգանյանը և < Նշկյանը Կ. Պոլսից զենք էին տեղափոխում Կարին և վաճառում հատկապես հայերին¹⁸⁵: Զենք ձեռք բերելու համար նաև կազմակերպության ունենոր անդամների կողմից կամավոր նվիրատվություններ էին կատարվում, ինչպես նաև հանգանակություններ կազմակերպվում:

Կազմակերպության անդամները արհեստավորներ էին, երկրագործներ: Կազմակերպությունը հովանավորվում էր Կարինի հոգևոր առաջնորդ Մաղաքիա Օրմանյանի կողմից: «Պաշտպան հայրենյացն» իր մասնաճյուղերն ուներ Արևմտյան Հայաստանի տարբեր նահանգներում: Սերտ կապեր էին հաստատվել նաև արևելահայերի հետ: Այդ տեղական մասնաճյուղերի դեկավարությունն իրագործելու նպատակով որոշվում և է Արևմտյան Հայաստանի քաղաքներում ստեղծել հինգական մարդուց կազմված խորհուրդներ, որն իրագործվում է մասամբ: Շարժման գաղափարներն ու գործելակերպը մեծ տարածում էին գտել հատկապես Արևմտյան Հայաստանի մեծ քաղաքներում, ինչպես նաև Օսմանյան կայսրության հայաբնակ շատ այլ վայրերում. «Ամենուր պատրաստ են զենքի դիմելու, որպեսզի թոթափեն

¹⁸⁵ Տե՛ս նույն տեղում, էջ 27-29:

թուրքական լուծը», - գրում էին ժամանակի մամուլի ռուսական ու Եվրոպական բազմաթիվ օրգաններ¹⁸⁶:

Կազմակերպությունը միասնական ուժերով թուրքական բռնատիրությունը թոթափելու կոչերով թողոցիկներ էր տարածում: «Պաշտպան հայրենյաց»-ի «արմատական» թևը, ազատագրության միակ ուղին համարելով զինված ապստամբությունը, կողմ էր անհապաղ զինված ելույթին: Իսկ «չափավոր» թևը ժողովրդի վիճակի բարելավումը տեսնում էր աստիճանական բարեկոխումների միջոցով մեծ տերությունների, մասնավորապես Ռուսաստանի օգնությամբ և գտնում էր, որ զինված ելույթը պետք է իրականացնել մանրակրկիտ և երկարատև նախապատրաստությունից հետո միայն:

Զենք ու զինամթերք ձեռք բերելու համար «Պաշտպան հայրենյացը» փորձել է նյութական միջոցներ հայթայթելու նպատակով կապեր հաստատել հայ քաղաքական և կրոնական գործիչների՝ Մ. Խրիմյանի Գ. Արծրունու, Կ. Պոլսի պատրիարք Ն. Վարժապետյանի և հայ ազգի վիճակով մտահոգ այլ անհատների հետ: Կազմակերպության գաղափարական ու գործնական աշխատանքների որոնումների շրջանում զենք հայթայթելու և կովկասահայերի հետ խորհրդակցելու նպատակով որոշվում է Խ. Կերեքցյանին ուղարկել Կովկաս: Ճանապարհին նա մտնում է Վան, կապ հաստատում «Սև խաչի» անդամների հետ, հանդիպում է Մ. Խրիմյանին: Վերջինս քաջալերում է նրան, հրահանգներ և արևելահայ գործիչներին ուղղված նամակներ տալիս¹⁸⁷: Նրա խորհրդով Խ. Կերեքցյանը Վանից անցնում է Թիֆլիս, ապա՝ Երևան: Թիֆլիսում հանդիպումներ է ունենում արևելահայ մի շարք գործիչների հետ, խրախուսավում նրանց կողմից, այնուհետև վերադառնում Կարին: Այդ ընթացքում կազմակերպության մասին տեղեկանում է Մ. Օրմանյանը: Հայրենասեր եպիսկոպոսը ոգևորվելով ոգևորում է անդամներին, հորդորում լինել խիստ գաղտնապահ և գործել զգուշավոր, առանց ցուցադրական քայլերի:

Իրենց հերթին արևելահայերն ապստամբության հարցը խորը և բազմակողմանի ուսումնասիրելու և կազմակերպության աշխատանքներն ավելի գործնական դարձնելու

¹⁸⁶ Տե՛ս, օրինակ, «Московский телеграф», 1883, № 2 և այլ թերթեր:

¹⁸⁷ Տե՛ս Նշկեան Յ., Առաջին կայծերը, Էջ մը Կարնոյ զարթօնքն, Ֆրեզնո, 1930, Էջ 110:

համար որոշում են Թիֆլիսից գործիչներ ուղարկել Կարին: Այդ նպատակով 1882 թ. հովհանն Կարին են գալիս Բագրատ Նավասարդյանը և Արսեն Թոխմախյանը:

Մինչ այդ էլ 1882 թ. նոյեմբերի 1-ին առևտրական գործունեության պատրվակով դրամ հայթայթելու և զենք տեղափոխելու նպատակով Կ.Պոլիս է մեկնում կազմակերպության հիմնադիրներից Կ. Նշկյանը: Այստեղ նա հանդիպում է պատրիարք Ն. Վարժապետյանին: Վերջինս ևս հրահանգում է գործել ծայրահեղ զգուշ, ձեռնպահ մնալ ցուցամոլ արարքներից և որևէ գրավոր հետք թողնելուց: Առաջ խոստումներ ստանալով՝ մի քանի ամսից նա վերադառնում է Կարին:

Անցնում էին օրեր, ամիսներ, սակայն խոստացված օգնությունն ուշանում էր: Այդ ժամանակ Գերագույն խորհրդի նիստերից մեկում ևս Կերեքցյանը մի հանդուգն ծրագիր է առաջարկում՝ զենք ու զինամթերք ձեռք բերելու համար հարձակվել Կարինի կառավարական զինապահեստի վրա: Այս առաջարկությունը բուռն քննարկումների տեղիք է տալիս և՝ իրենց համար ուժերի ոչ նպաստավոր փոխհարաբերակցության պատճառարանությամբ մեծամասնության կողմից մերժվում:

Բուռն քննարկումներից հետո «Գերագույն խորհուրդը» որոշում է արևելահայերից դրամական և այլ տեսակի օգնություն խնդրելու նպատակով այլևս չհապաղել և ևս Կերեքցյանին նորից ուղարկել Թիֆլիս, սակայն այս անգամ Թիֆլիս է մեկնում Կ. Նշկյանը: Կազմակերպության գոյությունն ու անդամաշատությունը հավաստելու նպատակով հանձնարարվում է նկարիչ-ձևավորող Միքայել Մանուկյանին անդամատոմսեր և երդմնագրեր տպել: Մի քանի օրինակ իր հետ դրանցից վերցնելով՝ Կ. Նշկյանը մեկնում է Թիֆլիս, հանդիպումներ է ունենում տեղի հայ գործիչների, այդ թվում՝ Գր. Արծրունու և Պ. Տեր-Ասատուրյանի և այլոց հետ: Գր. Արծրունին Հ. Նշկյանին խորհուրդ է տալիս շուտափույթ ոչնչացնել բոլոր տեսակի երդմնագրերը, անդամատոմսերն ու մյուս վտանգավոր թղթերը, որոնք կարող են ընկնել թուրքական ոստիկանության ձեռքը և դառնալ կազմակերպության հայտնաբերման պատճառ: Ինչպես իրավացիորեն գրում է Մ. Օրմանյանը. «...ընկերակիցներու արձանագրության տոմսեր բաշխելու ձևը գազանության (ակնհայտ է, որ Օրմանյանը նկատի ունի գաղտնապահությունը, իսկ թե ինչու է այդ բառաձևով գրել, մեզ չհաջողվեց պարզել)

պահանջին չէր հարմարեր և ծախող հետևանք ալ ունեցավ»¹⁸⁸: Ի դեպ, եթք կազմակերպության անդամներից մեկը (Ենթադրում ենք՝ Կ. Նշկյանը) Կ.Պոլսում պատրիարք Ն. Վարժապետյանին ներկայացնում է կազմակերպության անդամատոմսը, վերջինս, «խակ և անփորձ» գործ համարելով այդտեսակ պահվածքը, պատվիրում է անմիջապես ոչնչացնել դրանք, «լրջանալ և հասուն խորհուրդներով գործել»¹⁸⁹:

Անսալով այդ խորհուրդներին՝ Կարինում «Պաշտպան հայրենյացի» անդամները հավաքում և այրում են բոլոր անդամատոմսերը: Միայն մի քանի օրինակ մնում է Պալաս Էհրամցյանի տանը, որոնք էլ դառնում են կազմակերպության բացահայտման իրական պատճառը: 1882 թ. նոյեմբերի 25-ին Պ. Էհրամցյանը և Գալուստը գնում են այդ անդամատոմսերը վերցնելու: Ճանապարհին՝ կարգալովծ քահանա Մելքիսեդեկի տան մոտ, կոհվ է սկսվում «Պաշտպան հայրենյացի» մի քանի անդամների միջև: Քահանայի որդին ոստիկանություն է կանչում և պահանջում պատասխանատվության Ենթարկել բոլոր կովողներին: Նրանց տանում են ոստիկանատուն, որտեղ էլ խուզարկության ժամանակ Պալաս Տեր-Ղազարյանի և Հարությունի մոտ հայտնաբերվում են ընկերության անդամատոմսեր, հավանաբար նաև այլ թղթեր: Խոշտանգումներին երկար չդիմանալով՝ Պալասը հանձնվում է և մատնում նկարիչ Մ. Մանուկյանին, գուցե նաև իր հարյուրապետ Ա. Էթալիկյանին և այն տասնյակի անդամներին, որի հրամանատարն էր ինքը: Լսելով, որ կազմակերպությունը հայտնաբերված է, նկարիչ Միքայելը ներկայանում է ոստիկանատուն և խոստանում ամեն ինչ ճշտությամբ ու մանրամասնորեն պատմել, եթե իրեն ընդունեն ոչ թե որպես շարժման մասնակից, այլ որպես վկա, լրատու («մյուսապիր») և վարձատրեն: Կուսակալը երդումով երկուսն էլ խոստանում է: Միքայելի մատնությամբ ձերբակալվում են Գերագույն խորհրդի՝ քաղաքում գտնվող անդամները, բացառությամբ Կ. Նշկյանի, որը դեռ չէր վերադարձել Կովկասից¹⁹⁰, ապա և «Պաշտպան հայրենյաց»-ի բազմաթիվ

¹⁸⁸ Տե՛ս Օրմանեան Մ., Խոհ և խօսք, Երուսաղեմ, 1929, Էջ 119:

¹⁸⁹ Տե՛ս Հայոց պատմություն, հ. III, գիրք առաջին, Ե., 2010, Էջ 469:

¹⁹⁰ Ռ. Հովհաննիսյանի մի հոդվածում որպես Գերագույն խորհրդի չերբակալված անդամ հիշատակվում է Եղ. Տուրսունյանի անունը, որը, սակայն, հիշատակված չէ Գերագույն խորհրդի անդամների մեզ հայտնի ցուցակում: Նրա մասին որևէ տեղեկություն չկա նաև մեզ հայտնի մյուս աղբյուրներում: Տե՛ս Հովհաննիսյան Ռ., Կարինի «Պաշտպան հայրենյաց» կազմակերպության պատմությունից, «ՊԲՀ», 1964, թիվ 2 (292), Էջ 296:

շարքային անդամներ, որոնց թիվը, շնորհիվ կազմակերպության տասնապետական կառուցվածքի, 72-ից չի անցնում: Չնայած բոլոր խոշտանգումներին՝ Խ. Կերեքցյանն ու նրա ընկերները չմատնեցին Թիֆլիսի իրենց բարեկամներին, որոնցով դատաքննիչները փութաջանորեն հետաքրքրվում էին:

Կազմակերպության հայտնաբերումից անմիջապես հետո օսմանյան իշխանությունները սարսափի մեջ ընկան: Կառավարության շրջանակներում հնչում է տագնապի ազդանշան Օսմանյան կայսրությունը տապալելու նպատակով ստեղծված մի հզոր կազմակերպության հայտնաբերման մասին: Կարինի կուսակալի տենդագին հեռագրերը համաշխարհային հանրությանը հայտնում էին չափազանցված թվեր և հայերի դավադրական գործունեության մասին: Ազդարարեցին նաև այն մասին, որ ողջ Արևմտյան Հայաստանը հեղափոխական շարժման մեջ է և առաջիկայում Ռուսաստանի օժանդակությամբ ապստամբություն է բարձրացնելու: Ողջ կայսրությունով մեկ արձագանքեցին օգնության խոճապային աղաղակներին: Նույնիսկ Երգնկայում տեղափորված թուրքական չորրորդ բանակը «քալեց Կարինի վրա»: Քաղաքի ամրոցների հրանոթներն ուղղվեցին դեպի հայկական թաղամասերը: Տեղական զինվորներն ու ռստիկանությունը լրացնեցիչ փամփուշտ ստացան, և ամենուր պատերազմական ժամանակների պահակություն սահմանվեց: Այնպիսի իրարանցում էր սկսվել կարծես «ահեղ բանակ մը օսմանյան գահուն հաստատությանը սպառնար»¹⁹¹: Շուտով, սակայն, պարզ դարձավ, որ այդպիսի իրարանցման հարկ չկա, և նրանք հանդարտվեցին: Այնուիետև, վախենալով եվրոպական տերությունների, մասնավորապես, Ռուսաստանի միջամտությունից, Բ. Դուտը սկսեց հերքել նախկին հայտարարությունները՝ միաժամանակ շարունակելով ձերբակալությունները: Կ. Պոլսից ստացված իրահանգների համաձայն՝ արդեն այդ ձերբակալություններն ու հարցաքնությունները սկսեցին ավելի գաղտնի կատարվել, իսկ օտարերկրյա դիտորդներին շարժումը ներկայացվեց որպես տեղական բնույթ ունեցող աննշան մի դեպք: Կազմակերպության հայտնաբերվելու հենց հաջորդ օրը Խաչատուր Կերեքցյանի կրտսեր եղբայրը հեղափոխական կոչերով և այլ փաստաթղթերով լի արկող բեռնակիր Հովհաննեսի միջոցով Պողոս Թերզիբաշի (Իշղալացյան) տանից տեղափոխում է

¹⁹¹ Տե՛ս ԳԱԹ, Թ. Ազատյանի §., բաժ. XII, գ. 11507:

առաջնորդարանի ծառա Մարուքեի բնակարան և նրա հետ միասին այրում այնտեղ եղած թղթերը՝ հավանաբար դրանով էլ շատերին փրկելով անխուսափելի պատժից:

Բանտում ահավոր խոշտանգումների էին ենթարկում ձերբակալվածներին: Բայց ոչինչ չէր վիատեցնում հայրենասերներին¹⁹²: Այդ օրերին Կարինի հովները մի փոքրիկ գումար են հավաքում և, ի նշան հովն ազգաբնակչության լուր համերաշխության, իրենց առաջնորդի միջոցով հանձնում Մ. Օրմանյանին՝ ձերբակալվածների ընտանիքներին օգնելու նպատակով¹⁹³:

1883 թ. ապրիլի սկզբին ավարտվեց մեղադրական եզրակացություն հերյուրելու արարողությունը: 1883 թ. ապրիլի 7-ին սկսվում է «Պաշտպան հայրենյացի» անդամների դատավարությունը, որը Օսմանյան կայսրությունում հայերի առաջին քաղաքական դատավարությունն էր: Պետական մեղադրողը հայտարարում է, որ կազմակերպության անդամները ցանկացել են հեղափոխական ճանապարհով թուրքիայից անջատել «օսմանյան երկրների մի մասը, այսինքն՝ էրզրումը և շրջակայքը»¹⁹⁴: Դատավարության վերջում պետական շահերի պաշտպանը կազմակերպության հիմնադիր անդամների համար պահանջեց մահապատիժ: Սակայն դատարանը համեմատաբար մեղմ պատիժներ սահմանեց: Խ. Կերեքցյանը դատապարտվեց 15, Կ. Նշկյանը (հեռակա)՝ 13, Հ. Ասատուրյանն ու Հ. Իշգալացյանը՝ 10-ական, Ա. Էթալակյանը՝ 7 տարի բանտարգելության, 4 հոգի դատապարտվեցին 6, 31 հոգի՝ 5-ական տարի ազատազրկման, 16 հոգի դատարանի վճռով, հաշվի առնելով, որ նրանք նախնական կալանքում արդեն կրել են իրենց պատիժը, ազատ արձակվեցին: Կալանքից ազատ արձակվեցին նաև մյուս ձերբակալվածները¹⁹⁵:

Դատապարտյալները Կ. Պոլիս ուղարկեցին բողոքագրեր, որոնցում հերքում էին մեղադրանքներն ու դժգոհություն հայտնում հարցաքննությունների ժամանակ օրինապահների թույլ տված կամայականությունների և կտտանքների համար: Իշխանությունները «արդարադատ լինելու» իրենց կեցվածքն ապացուցելու համար հերթական արարը բեմադրեցին և դատավճիռը բեկանելով՝ գործը վերաքննության

¹⁹² Տե՛ս Հովհաննիսյան Ռ., Կարինի «Պաշտպան հայրենյաց» կազմակերպության պատմությունից, «ՊԲՀ», 1964, թիվ 2 (292), էջ 297:

¹⁹³ Տե՛ս ԳԱԹ, Թ. Ազատյանի ֆ., բաժ. XII, գ. 11508:

¹⁹⁴ Տե՛ս ԳԱԹ, Թ. Ազատյանի ֆ., բաժ. XII, գ. 11519: Տե՛ս նաև «Մասիս», 1883, թիվ 3463-3464:

¹⁹⁵ Տե՛ս Զարդգ Ղ., նշվ. աշխ., էջ 409:

ուղարկեցին: 1883 թ. մայիսի 31-ի վճռով Կարինի դատարանը վերահաստատեց մեղադրանքի ծավալը և դատավճիռները թողեց անփոփոխ: Առաջ անցնելով նշենք, որ բանտարկվածներից ոչ ոք սահմանված պատիժը մինչև վերջ չկրեց: 1884 թ. հովհանն նրանց մեծ մասը ներում ստացավ, իսկ մյուսներն ազատվեցին մի քանի ամիս անց: Միայն Խ. Կերեքցյանն ու Ա. Էթալակյանը ազատվեցին 1886 թ. սեպտեմբերին:

Նկատենք, որ «Պաշտպան հայրենյաց»-ի գործունեությունը լայն արձագանք գտավ արևմտահայության մեջ: Տարբեր տեղերից հայ մարդիկ իրենց համակրանքն էին արտահայտում բռնադատված հերոսներին: Խոզ դժգոհությամբ և հուզումներով ու խլրտոցներով էր սպառնում Վանի, Մուշի, Տարոնի, Փոքր Հայքի, Կ. Պոլսի և այլ վայրերի հայությունը: Շարժմանն արձագանքեց նաև մամուլը: Հրապարակումներ եղան «Մասիս», «Մամուլ» «Մշակ» և այլ պարբերականներում¹⁹⁶: Իսկ Կարինի ողջ բնակչությունն ակնդետ հետևում էր այդ գործընթացներին, քանի որ նահանգի հայության մեծ մասու ուղղակի կամ այլ ձևով առնչվում էր դրան: Այսինքն՝ այդ շարժումը համաժողովրդական բնույթ ուներ: «Պաշտպան հայրենյաց»-ը իր ճյուղավորումներով տարածվել էր ողջ Արևմտյան Հայաստանում և կապեր էր ստեղծել արևելահայության հետ՝ փորձելով դառնալ արևմտահայության սոցիալական ու քաղաքական հարստահարությունների դեմ ուղղված ժողովրդական ընդվզումների կենտրոն:

Շարժումը ժողովրդական բնույթ ուներ, իսկ կազմակերպության հիմնական շարժիչ ուժը քաղաքի արհեստավորներն էին և գյուղացիությունը: «...Գրեթե բոլորը կա’մ բոլորովին կարոտ են, կա’մ օրը աշխատող և օրը ուտող», -գրում էր Օրմանյանը «Պաշտպան հայրենյաց»-ի բանտարկված անդամների մասին¹⁹⁷: «Մեկ-երկու վաճառականի, դերձակի կամ ուսուցչի բացառությամբ, բոլորն էլ հայ աշխատավորներ էին՝ կոշկակարներ, դարբիններ, անագողներ, կտավագործներ, ասպանդակագործներ, հյուաներ, մաղագործներ, ջրաղացաններ, մշակներ, ջորեպաններ և մոտիկ գյուղերի հողի աշխատավորներ»¹⁹⁸, -գրում է Ռ. Հովհաննիսյանը: Կազմակերպության պատմության բոլոր ծալքերին քաջատեղյակ հեղինակը, կաշկանդված լինելով

¹⁹⁶Տե՛ս «Մասիս», 1883, թիվ 3463-3464, թիվ 3497, «Մամուլ», 1882, թիվ 973, «Մշակ», 1883, թիվ 4, թիվ 6 և այլն:

¹⁹⁷Տե՛ս ԳԱԹ, թ. Ազատյանի ֆ., բաժ. XII , գ. 11512:

¹⁹⁸Տե՛ս Հովհաննիսյան Ռ., Կարինի «Պաշտպան հայրենյաց» կազմակերպության պատմությունից, «ՊԲՀ», 1964, թիվ 2 (292), էջ 298:

խորհրդային գաղափարախոսական կապանքներով, թեև փորձում է ժխտել այդ իրողությունը, սակայն շարժումն իրականում համակրում ու շարժմանն աջակցում էին նաև ունենոր խավի և հոգևորականության բազմաթիվ առաջադեմ ներկայացուցիչներ: Իր իրապարակումներում ակադեմիկոս Մ. Ներսիսյանը նույնպես անընդհատ շեշտել է ազատագրական շարժման համաժողովրդական բնույթը և այն հանգամանքը, որ նրանում ընդգրկված են եղել բնակչության գրեթե բոլոր խավերը և որպես օրինակ վկայակոչում է Կարինի «Պաշտպան հայրենյաց» գաղտնի կազմակերպության կազմը¹⁹⁹:

«Պաշտպան հայրենյաց»-ի նկատմամբ իշխանությունների դաժան հաշվեհարդարը թեև որոշ հիասթափության առիթ եղավ, սակայն ժողովուրդը չհուսալքվեց: Ժամանակակիցների միաձայն պնդմամբ 1882-1886 թթ. ընթացքում բանտարկյալների ընտանիքներին օգնելու և նրանց ազատման գործը «կը դառնայ նուիրուած գործունեութեան ասպարեզ մը» բոլորի համար: Հոգևոր առաջնորդը, ազգային իշխանության մարմինները և քաղաքի բոլոր ազդեցիկ անհատներն աշխատանքներ էին տանում այդ ուղղությամբ: Նյութական զոհողություններին բոլորն էին մասնակցում²⁰⁰: Այդ իրադարձություններից հետո Կարինում ոչ միայն ազատագրական շարժումը չմարեց, այլև ընդհակառակը՝ ծերբակալվելուց ազատ մնացած, ավելի փորձված ու հասունացած գործիչները նոր եռանդով նետվեցին ազատագրական պայքարի հորձանուտը: Ազատագրական ձգտումներին ավելացել էր նաև վրեժի գործոնը: Ավելի ակտիվ էր Սանասարյան վարժարանի շուրջը համախմբված մտավորականությունը: Նրանց ջանքերով և հատկապես Գ. Զիլինկիրյանի եռանդուն մասնակցությամբ սկսվում են երիտասարդության գործունեությունն ավելի նպատակառությած հունի մեջ դնելու և ավելի զգուշ գործելու եռանդուն աշխատանքներ: «Թուրքական բանտի ամբողջ սարսափները կրած ազնիվ հայորդին»²⁰¹ (Խ. Կերեքցյանը), որ դարձել էր ավելի լուրջ, խոհուն և շրջահայաց, ազատվելուց հետո միանալով նրանց, փորձում էր վերջիններին հետ պահել անխոհեմ արարքներից: Պահպանելով գաղտնիության սկզբունքը (ավելորդ կասկածներ

¹⁹⁹ Տե՛ս Մելքոնյան Է., Մկրտիչ Ներսիսյանն ընդդեմ հայ ազգային-ազատագրական շարժման պատմության կեղծարարների, «ԼՀԳ», թիվ 1, 1996 թ., էջ 28-40:

²⁰⁰ Տե՛ս Զարյան Դ., նշվ. աշխ., էջ 407:

²⁰¹ Տե՛ս Հայոց պատմություն, հ. III, գիրք առաջին, Ե., 2010, էջ 470:

չհարուցելու համար կազմակերպության հավաքները տեղի էին ունենում տներում՝ խնջույքների անվան տակ՝ Խ. Կերեքցյանն ու < Հ. Իշգալացյանը փորձեր արեցին վերականգնելու կազմակերպությունը, սակայն որևէ կոնկրետ քայլ չձեռնարկեցին:

Այդ ընթացքում շարժումը կրկին որոշ աշխուժություն ապրեց, որը դրսևորվեց 1890 թ. Կարինում տեղի ունեցած տարածամ զինված ելույթով: Որից հետո այն դանդաղ մարեց՝ աստիճանաբար տեղը զիջելով առավել կազմակերպված քաղաքական կառույցներին՝ ազգային կուսակցություններին, որոնք 1890-ական թթ. սկզբին փորձեցին իրենց ձեռքը վերցնել ազատագրական շարժումների ղեկավարությունը: Դա էլ տարածայնությունների և երկպառակությունների պատճառ դարձավ այդ ասպարեզում փորձված գործիչների և հայրենի երկիրն ու սեփական ժողովրդին անմիջապես ազատ տեսնելու մղումներով առաջնորդվող երիտասարդության միջև: Հետևանքը եղավ այն, որ 1891 թ. օգոստոսին Խ. Կերեքցյանը սպանվեց:

«Պաշտպան հայրենյաց»-ի գործունեությունը, որ Ա. Արփիարյանն իրավացիորեն գնահատում է որպես Զեյթունի հերոսական ապատամբության նման մի իրադարձություն²⁰², համազգային բնույթ ստանալով, հուշեց հայ ժողովրդին, որ նա իր ազատությունը կարող է ձեռք բերել միայն կազմակերպված, հետևողական ու զինված պայքարով: Ճիշտ է, միայն մանկության շրջան ապրած և առաջին անվստահ քայլերն անող «Պաշտպան հայրենյացն» իր նպատակների կենսագործման համար մղած պայքարի արշալույսին նահատակվեց, սակայն նրա գործունեությունը նշանակալից երևոյթ էր արևմտահայ ազգային-ազատագրական շարժումների համատեքստում և կազմում է 1880-ական թթ. սկսված նրա վերելքի փառապսակը: «Չնայած քաղաքական ասպարեզից հեռանալուն, «Պաշտպան Հայրենյաց»-ը կարևոր նշանակություն ունեցավ արևմտահայ ազգային-ազատագրական շարժման համար՝ իր գործունեությամբ նշանավորելով օսմանյան բռնապետության դեմ հայ ժողովրդի պայքարի նոր շրջանի սկիզբը»²⁰³: «Պաշտպան հայրենյաց»-ի գործունեությունից խիստ անհանգստացած իշխանություններն արեցին ամեն հնարավոր՝ հայ ժողովրդի ազատագրական ձգտումները խեղղելու համար, սակայն չհասան իրենց նպատակին, քանի որ՝ այդ

²⁰² Տե՛ս «Մշակ», 1883, թիվ 6:

²⁰³ Տե՛ս Հայոց պատմություն, հ. III, գիրք առաջին, Ե., էջ 467:

ազատաբաղδ նպատակները որդեգրելով՝ շուտով պայքարի նետվեցին ազգային կուսակցությունները:

«Պաշտպան հայրենյացի» շնորհիվ Կարինում ազգային-ազատագրական շարժումն իր շղթայազերծման կարևորագույն խոստումներից մեկը կատարեց: Հայկական հեղափոխության բացահայտ ծնունդը տեղի ունեցավ 1882 թվականի դեկտեմբերի 4-ին, երբ Կարինում հայ երիտասարդությունը, ըմբռստանալով սովորանի բռնատիրության դեմ՝ հայոց ազատամարտի բռնկման ազդանշանը տվեց իր կազմակերպած մեծ ցուցով: Դրանից ներշնչված՝ հայ գուսանները սերունդներ ոգեշնչող երգի վերածեցին «Զայնը մը հնչեց Էրզրումի հայոց լեռներից» պատգամը, իսկ ժողովուրդը մեծ խանդավառությամբ փարվեց զինված ապստամբության գաղափարին:

1.3 Հայ ազգային կուսակցությունների տեղական մարմինների ստեղծումը Կարինում և դրանց գործունեության վաղ շրջանը

Մինչև ազգային կուսակցությունների տեղական մարմինների ձևավորումը առանց «դուրսի թելադրութեան եւ ծրագրուած գործունեութեան»²⁰⁴ Կարինում զանազան «անմեղ» անուններով («Երկրագործական», «Պաշտպան հայրենյաց», «Ուսումնասիրաց», «Ընթերցասիրաց» և այլն) քողարկված արդեն ստեղծվել էր «անանուն կուսակցութիւն մը», որի գաղափարական դեկավարներն անցյալի դառը փորձից դաս քաղելով, դանդաղ և զգուշավոր քայլերով, իրենց շարքեր ներառելով խելացի երիտասարդներին, ընթանում էին դեպի ազատություն տանող բաղձալի նպատակը: Շուտով տարածաշրջան ներթափանցեցին ազգային կուսակցությունների առաջին քարոզիչները, որոնք, պարարտ հող գտնելով, եռանդուն գործունեություն ծավալեցին Կարինում:

1885 թ. Վանում հիմնադրված հայ առաջին՝ Արմենական կուսակցության պատմության մասին գրվել են զգալի թվով ուսումնասիրություններ՝²⁰⁵ որոնցում,

²⁰⁴ Տե՛ս Զարըգ Ղ., նշվ. աշխ., էջ 423-424:

²⁰⁵ Տե՛ս Համբարյան Ա., Հայ հասարակական-քաղաքական միտքը արևմտահայության ազատագրության ուղիների մասին, Ե., 1990: Նաթանեան Մ., Արմենական կուսակցութիւնը, ծագումն սկսեալ մինչեւ Սահմանադրական Ռամկավար կուսակցութեան կազմութիւնը, խմբագրութիւն եւ ներածութիւն

սակայն, որևէ խոսք չկա Կարինում գործող կազմակերպությունների ու արմենականների կարինահայության հետ ունեցած առնչությունների մասին: Մեր փնտրտուքների արդյունքում որոշ աղոտ և վիճելի ակնարկների հանդիպեցինք արխիվային մի քանի վավերագրերում²⁰⁶: Ինչպես նաև՝ կուսակցության պատմագիր-տեսաբան Արտակ Դարբինյանի և արմենական նշանավոր Փիդայի Արմենակ Եկարյանի հուշագրություններում²⁰⁷:Ա. Դարբինյանի հայտնած հետևյալ տեղեկությունը, որ «Տարիներէ ի վեր Կ.Պոլսէն Կիլիկիա, Փոքր Հայքէն մինչեւ Մուշ եւ Կարին կայձկլտացող տարերային ըմբռստութեան մասնակի պողթկումները եկեր ծեւատրուեր էին հայակեդրոն Վանի մէջ եւ ծնունդ տուել յեղափոխական կազմակերպութեան մը, որ մկրտուեցաւ «Արմենականութիւն» անունով»²⁰⁸, անուղղակի հուշում է, որ արևմտահայ ազգային-ազատագրական շարժումը մեկ ամբողջական երևոյթ էր, իսկ երկու միմյանց հարևան ու Ռուսահայաստանին սահմանակից գավառներում այդ շարժումն անկասկած առնչություններ ու շփումներ կունենար: Այդպիսի անուղակի, սակայն իրականությանը շատ մոտ մի վկայություն է նաև հետևյալը. «Սովորանական կառավարութեան համար անհանդուրժելի էր Ռուսիոյ սահմանակից դարձած երկու նահանգներու՝ Էրզրումի եւ Վանի մէջ Հայերու կեդրոնացումը եւ անոնց շրջահայեաց կեցուածքը: Հայակեդրոն Էրզրումի նահանգին ջարդերէն յետոյ կարգը պիտի գար Վանին»²⁰⁹: Այսինքն՝ իշխանությունները նոյն հարթության վրա էին տեսնում տարբեր երկրամասերում շարժման դրսնորումները, քանի որ դրանք ունեին միևնույն գաղափարախոսությունը, նպատակները, գործելակերպն ու հիմնական շարժիչ ուժերը: Հետևապես կարելի է ենթադրել, որ նոյն նպատակի շուրջ ծնավորված, այդքան ընդհանրություններ և նմանություններ ունեցող կազմակերպությունների համար

Տիգրան Գէորգեանի, Գահիրէ, 1990: Ղազարեան Վ., Արմենական կուսակցութիւն, Պեյրութ, 1985, Ուգրւնեան Հ., Արևմտահայ ազատագրական պայքարին ծագումը Արմենական կուսակցութեան մէջ եւ Ռամկավար Ազատական կուսակցութիւնը իր 60-ամեակին, Լու Անճելըս, Գալիֆորնիա, 1986: Սարգսյան Ս., Հայ Սահմանադրական ռամկավար կուսակցություն 1908-1921 թթ., Ե., 2009, նոյնի՝ «Արմենիա» պարբերականը հայ ազատագրական պայքարի ակրոնքներում, Ե., 2014, նոյնի՝ 1885-1908 թթ. հայ ժողովրդի ազգային-ազատագրական պայքարը արմենական գործիչների գնահատմամբ, Ե., 2010, Կարապետյան Ա., Արմենական կուսակցություն, ատենախոսության սեղմագիր, Ե, 1995:

²⁰⁶ Տե՛ս ՀԱԱ, ֆ. 424, 1396 (Արտակ Դարբինյանի և Անուշավան Մկրտչյանի ֆոնդեր):

²⁰⁷ Տե՛ս Դարբինեան Ա., Հայ ազատագրական շարժման օրերէն, Ցուշեր 1890էն 1940, Ե., 2003 և Եկարեան Ա., Հուշեր, Պեյրութ, 1985:

²⁰⁸ Տե՛ս Դարբինեան Ա., նշվ. աշխ., էջ 25:

²⁰⁹ Տե՛ս նոյն տեղում, էջ 34:

աշխարհագրական գործոնը հազիվ թե այն աստիճան խոչընդոտ լիներ, որ նրանց միջև համագործակցության եզրեր չլինեին:

Թեև շատ ընդհանրական, սակայն հօգուտ ասվածի մի ակնարկ կա նաև Ղ. Զարդգի աշխատությունում. «Կարնոյ ղեկավար շրջանակները լայն կապեր ունեին հայկական բոլոր կեդրոններու եւ գլխաւոր շրջաններու հետ»²¹⁰: Մի անչափ կարևոր հանգամանք էլ է հուշում, որ այդպիսի առնչություններ եղել են: Այսպես, հայտնի իրողություն է, որ մինչև կուսակցության հիմնումը Կ. Կամսարականի միջոցով (նա հաճախ կապավորի դեր էր կատարում տարբեր վայրերում հայ հասարակական գործիչների միջև)²¹¹ իրար հետ կապ էին հաստատել, բավականին ակտիվ շփումներ և համագործակցություն ծավալել Կարինի «Պաշտպան հայրենյաց» և Վանում գործող «Սև խաչ»²¹² կազմակերպությունները: Իսկ Օ. Ճգնավորյանը գրում է, թե «Վանի հայ երիտասարդության կազմած «Սև խաչ» գաղտնի կազմակերպությունը ճյուղավորումներից մեկն էր «Պաշտպան Հայրենյաց»ի²¹³: Հայտնի փաստ է նաև այն, որ թե՛ «Սև խաչ»-ի և թե՛ արմենականների գաղափարական արմատները սնվում էին իրենց բեղուն կրթալուսավորական և գաղափարաքաղաքական ու կազմակերպչական գործունեությամբ առանձնացած Մ. Խրիմյան-Մ. Փորթուգալյան փառավոր Երկյակի ու նրանց համախոհների անդաստանում: Երկու կազմակերպություններին էլ հովանավորում, դրամական և բարոյական օգնություն էին ցուցաբերում Մ. Խրիմյանը, Մ. Փորթուգալյանը, Կ. Կամսարականը և նրանց համախոհները²¹⁴: Հետո էլ արմենականների զգալի մասը նախկին սևսաչականներ էին: Հետևապես ի՞նչը կարող էր խոչընդոտել արմենականների և Կարինում գործող ազատագրական շրջանակների համագործակցությունը: Այս տեսակետն անուղղակի հաստատում է նաև Հ.Յ.Դաշնակցության նշանավոր գործիչ, տեսաբան և պատմագիր Մ. Վարանդյանը, որը, խոսելով 1890 թ. Հայաստանի «սրտին մէջ-իսկ Էրգրումում», իսկ այնուհետև

²¹⁰ Տե՛ս Զարդգ Ղ., նշվ. աշխ., էջ 404:

²¹¹ Տե՛ս Հայոց պատմություն, հ. III, գիրք առաջին, Ե., 2010, էջ 465:

²¹² Կազմակերպության մասին տե՛ս Կոստանդյան Է., Գարեգին Մրվանձոյանց (Լյանքը և գործունեությունը), Ե., 1979, էջ 126-134, նոյնի՝ Մկրտիչ Խրիմյան, հասարակական-քաղաքական գործունեությունը, Ե., 2000, էջ 288-295: Նոյնի՝ Ակնարկներ արևմտահայ մշակութային և հասարակական-քաղաքական լյանքի պատմության (19-րդ դարի 80-ական թվականներ), Ե., 2005, էջ 175:

²¹³ Որքան էլ փորձեցինք այս տեսակետը հաստատող այլ փաստ կամ հիշատակություն գտնել, չհաջողվեց:

²¹⁴ Տե՛ս Հայոց պատմություն, հ. III, գիրք առաջին, Ե., 2010, էջ 465:

Կ.Պոլսում տեղի ունեցած ցոյցերի մասին, գրում է, որ դրանք «տեղի ունեցան Հնչակեաններու ձեռքով, արմենական գործիչներու աջակցութեամբ և ուժեղ ցնցում պատճառեցին հայ շրջաններու»²¹⁵: Այսինքն՝ արմենականների և Կարինի հեղափոխական ուժերի միջև համագործակցություն եղել է: Դրանից կարելի է եզրակացնել նաև, որ եթե արմենականների տեղական կառուց չի էլ եղել, ապա Կարինում անհատ արմենականներ գործել են: Այնպես որ, թեև մեզ չհաջողվեց ուղղակի վկայություններ գտնել Կարինում Արմենական կուսակցության գործունեության մասին, սակայն վերոնշյալ իրողություններից կարելի է ենթադրել, որ այդպիսի առնչություններ, այնուամենայնիվ, եղել են: Պարզապես դրանց մասին տեղեկությունները կամ չեն պահպանվել, կամ ուղղակի մեզ չեն հասել, քանի որ արմենականները, թշնամուն ավելորդ փաստեր չտալու զգուշավորությունից ելնելով, խուսափում էին իրենց ու իրենց գործունեության մասին գրավոր հիշատակություններ թողնելուց:

1887 թ. Ժնևում (Շվեյցարիա) հիմնադրված Հնչակյան կուսակցությունը²¹⁶ Կարինի նահանգում և մասնավորապես նրա կենտրոն Կարինում կուսակցություններից առաջինը նշանակալի գործունեություն ծավալեց:

Կուսակցության հիմնադիր ղեկավարները եղան ոռուսահպատակ հայ ուսանողները՝ Ա. Նազարետիկը, Մ. Վարդանյանը, Գ. Կաֆյանը, Ռ. Խանազատը և ուրիշներ: Նրանք 1887 թ. հիմնեցին «Հնչակ» թերթն ու կուսակցությունը: Կուսակցության սոցիալական հիմքը կազմում էին հայ հասարակության տարբեր խավերից սերված մտավորականությունը, արհեստավորները, մանր առևտրականները, հայ քաղաքային

²¹⁵ Տե՛ս Վարանդեան Մ., Հ.Յ.Դաշնակցութեան պատմութիւն, Ա. Եւ Բ. հատորներու միացեալ իրատարակութիւն (անձնանուններու եւ տեղանուններու ցանկերով հարստացած), Բ. իրատարակութիւն, Պեյրութ, 2013, էջ 42:

²¹⁶ Հնչակյան կուսակցության պատմությունը համեմատաբար լավ է ուսումնասիրված: Առաջին փորձը կատարել է Հմայակ Արամյանցը (Պատմութիւն հնչակեան կուսակցութեան, Կ.Պոլիս, 1918), որին հաջորդեց հնչակյան գործիչների վերաբերյալ հուշերի ժողովածուն (Հիսնամեակ 1887-1937 սօցիալ-դեմոկրատ հնչակեան կուսակցութեան, Ֆրեզնո, 1938), այնուհետև՝ հայ ազատագրական շարժման հայտնի գործիչ Մանուկ Ճիզմեճեանի շահեկան ուսումնասիրությունը (Պատմութիւն ամերիկահայ քաղաքական կուսակցութեանց, 1890-1925, Ֆրեզնո, 1930): Հնչակյան կուսակցության առաջին ամբողջական ուսումնասիրությունն Արսեն Կիտուրի գրչին է պատկանում (Պատմութիւն Ս.Դ.Հնչակեան կուսակցութեան, 1887-1962, Պեյրութ, հ. Ա, 1962 և հ. Բ, 1963): Կուսակցության 1887-1915 թթ. պատմությանը նվիրված հաջողված ուսումնասիրություն է նաև մերօրյա հետազոտող Գեղամ Հովհաննիսյանի աշխատությունը (Հնչակյան կուսակցության պատմություն 1887-1915 թթ.): Կուսակցության տարբեր տարիների պատմությանն ու գաղափարական, ծրագրային հիմնադրույթների մասին աշխատություններ են հեղինակել նաև Ս. Սապահ-Գյուլյանը, Հ. Գանգրունին, Ա. Համբարյանը, Լ.Խուրշուրյանը, Ռ. Խուրշուրյանը, Մ. Ստեփանյանը և այլ հեղինակներ:

և գյուղական մանր սեփականատերերը: 1888 թ. հրատարակված նրանց ծրագրում կուսակցության մոտակա նպատակ էր հոչակվում համազգային ապստամբությամբ թուրքական բռնատիրությունից Արևմտյան Հայաստանի ազատագրումը:

Կուսակցության ծրագրի համաձայն՝ հնչակյանների գործունեության առանցքը Հայկական հարցն էր: Ազգային ճնշման դեմ իրենց մարտավարական նկրտումներում հնչակյանները համատեղում էին խաղաղ ցուցերը և զինված հայդուկային ելույթները: Թեև հնչակյանները գտնում էին, որ «ատրճանակի մի կրակոցը Կ. Պոլսում ավելի մեծ արձագանք կունենա, քան իրանոթների որոտը Արևմտյան Հայաստանում»²¹⁷, այնուամենայնիվ XIX դ. 80-90-ական թթ. Արևմտյան Հայաստանում ստեղծեցին իրենց կազմակերպությունները և անցան քարոզակազմակերպչական լայն գործունեության²¹⁸:

Կանոնադրության համաձայն՝ կուսակցության Կենտրոնական վարչությունը պետք է գտնվեր Հայաստանի²¹⁹ տարածքում. «Գործունէութեան ասպարէզը լինելով թիւրքաց Հայաստանը, բնականաբար, և կազմակերպութիւնն էլ պիտի այնտեղ հաստատվէ»²²⁰: Նկատի ունենալով, որ Հայաստանի տարածքում կուսակցությունը դեռևս «չէր կազմակերպուած՝ կը որոշուի ժամանակաւոր կերպով զայն հաստատել Տրապիզոն»²²¹, որը թեև մայր Երկրի սահմաններում չէր, սակայն սահմանակից էր նրան, և բազմատեսակ ինտենսիվ կապեր կային նրա հետ: Այդ պատճառով էլ կուսակցության դեկավարությունը նախապես որոշել էր, որ հնչակյան մասնաճյուղերի մեջ դեկավար դերը պետք է պատկաներ Օսմանյան կայսրության տարածքում առաջինը Տրապիզոնում իրմնադրված և իր կազմավորման օրից «Երկրի կեդրոն» անվանված տեղական մասնաճյուղին, թեև գործնականում այդ դերը վիճակված էր Կ.Պոլսի

²¹⁷ Տե՛ս Յիսուսամեակ Սօց. Դէմոկրատ Հնչակեան կուսակցութեան /1887-1937/, Խմբ.՝ Ստ. Սապահ-Գիլեանի, Փրովինտէնս, 1938, էջ 67:

²¹⁸ Կարծ ժամանակամիջոցում հնչակյան մասնաճյուղեր ստեղծվեցին Օսմանյան կայսրությունում (114), ԱՄՆ-ում (86), Ռուսաստանում (36), Իրանում (15), Բուլղարիայում (9), Ռումինիայում (7) և այլուր: Տե՛ս Պատմութիւն Ս. Դ. Հնչակեան կուսակցութեան (1887-1962), հատ. Ա., Խմբ.՝ Ա. Կիտուր, Պէյրութ, 1962, էջ 42:

²¹⁹ Մինչև Հայաստանի Առաջին հանրապետության հոչակումը Հայաստան ասելիս նկատի էր առնվում իիմնականում Արևմտյան Հայաստանը:

²²⁰ Տե՛ս «Հնչակ», սեպտեմբեր, 1888, էջ 9:

²²¹ Տե՛ս Պատմութիւն Ս. Դ. Հնչակեան կուսակցութեան 1887-1962, հ. Ա, Պեյրութ, 1962, էջ 49:

հնչակյան վարչությանը²²²: Միաժամանակ նշենք, որ Տրապիզոնին մոտ գտնվող հայաշատ ու արդեն իսկ «յեղափոխական» կազմակերպություն ունենալու փորձ ունեցող Կարինը ևս հենց սկզբից գտնվում էր հնչակյանների ուշադրության կենտրոնում: Ուստի պատահական չէր, որ կուսակցության առաջին մասնաճյուղերից մեկը հիմնադրվեց հենց այդտեղ:

Արևմտահայության ազատագրության խնդիրը և հնչակյանների ձեռնարկած քարոզական-բացատրական աշխատանքներն ալեկոծումներ էին առաջացրել նաև արևելահայության մեջ: Ռուսական կայսրության տարբեր հայաշատ քաղաքներից՝ «Ռուսովէն, Արմալիրէն, Ախալցխայէն, Ալեքսանդրապոլէն և ուրիշ տեղերէ» Մշոյ Սուրբ Կարապետ վանքը «ուխտի» երթալու համար»²²³ և զանազան այլ պատրվակներով մեծ թվով երիտասարդներ, ոգևորվելով արևմտահայ եղբայրներին ազատելու մտքից, խմբեր էին կազմում և մեկնում Արևմտյան Հայաստան: «Ուխտավորների» այդպիսի մի խմբի, որ «իրենց հետ Հայաստան կը տանէին Ռաֆֆիի գործերը, որոնք հոն ձեռքէ ձեռք կը խլումէին»²²⁴, Էրզրումում միանում է քաղաքի մեծահարուստներից Մարտիրոս Սահաթճյանը: Վերջինս «խիստ կը գետրուի և կը խոստանայ իր վերադարձին էրզրումի մէջ եւս մասնաճիւղ մը կազմիլ»²²⁵:

Կուսակցության կենտրոնի որոշումով պետք է մասնաճյուղերի լայն ցանց ստեղծվեր Երկրում. «Յեղափոխական շրջաններ պէտք է կազմվեն Երկրի որքան կարելի է շատ կէտերի վրայ, այսպէս ասած պէտք է Երկիրը ծածկեն իրենց ցանցով»²²⁶: Ելնելով դրանից՝ հնչակյանները բավականին ակտիվ քայլեր են ձեռնարկում Կարինում կուսակցության մասնաճյուղ ստեղծելու ուղղությամբ: Այդ նպատակով 1889 թ. Կարին են մեկնում Ռաֆայել Մովսիսյանը և Ալեքսան Ռոստոմյանը: Այստեղ նրանք ծանոթանում են «Պաշտպան հայրենյացի» հիմնադիր-դեկավար Խ. Կերեքցյանի եղբոր՝ S. Կերեկցյանի հետ, որը դեռ Կարին մեկնելուց առաջ Ա. Չագրյանի հանձնարարականով ներկայանում է Խանազատին: Հանդիպման ընթացքում Խանազատը Ս. Կերեքցյանի «միտքը կը մշակէ Հնչակեան նոր

²²² Տե՛ս ՀԱԱ, §. 408, գ. 1, գ. 2, թ. 7-8:

²²³ Տե՛ս ՀԱԱ, §. 1456, գ. 1, գ. 1, թ. 14:

²²⁴ Տե՛ս Պատմութիւն Ս.Դ. Հնչակեան կուսակցութեան 1887-1962, հ. Ա, Պեյրութ, 1962, էջ 82:

²²⁵ Տե՛ս նոյն տեղում:

²²⁶ Տե՛ս «Հնչակ», սեպտեմբեր, 1888, էջ 9:

գաղափարաբանութեամբ»²²⁷, ծանոթացնում է նրան կուսակցության ծրագրին և հորդորում, որ Կարին վերադառնալուց հետո ինքը ևս ձեռնարկի կազմակերպչական աշխատանքներ կուսակցության մասնաճյուղ հիմնելու համար: Միաժամանակ նա S. Կերեքցյանին պարզաբանում է, որ մշտապես հարկավոր է աչքաթող չանել հարևան ժողովուրդներին և ապահովել դրանց «գործակցութիւնը հասարակաց թշնամիին՝ թուրք կառավարութեան դէմ»²²⁸: S. Կերեքցյանը վերադառնում է Կարին և, բանտից ազատված «Պաշտպան հայրենյացի» հիմնադիր անդամներից «իրեն գործակից ունենալով Գրիգոր Զիլինկիրեան, Յակոբ Իշգալացեան, Սահաթճեան»²²⁹, ձեռնարկում է քարոզչական և կազմակերպչական լուրջ աշխատանքներ: Դրանց արդյունքում շուտով ստեղծվում է տեղի հնչակյան մասնաճյուղը: Այդ աշխատանքներին, բացի նշվածներից, իրենց ակտիվ մասնակցությունն են բերում նաև զգալի թվով տեղացի եռանդուն երիտասարդներ: Հնչակյան կուսակցության առաջին մասնաճյուղի անդամները Կարինում ոչ միայն ակտիվ շփումների, այլ նաև անմիջական կապերի մեջ էին «Պաշտպան հայրենյացի» նախկին անդամների մեծ մասի հետ²³⁰:

Մասնաճյուղի գաղափարական ու գործնական դեկավարը, նախաձեռնությունների մեծ մասի հեղինակն ու ոգին Գ. Զիլինկիրյանն էր. «Այդ շրջանին Հնչակեան կուսակցութիւնը Էրզրումի մէջ իր առաջին խումբը կազմեց 15 դեկտեմբեր 1890ին²³¹ Գ. Զիլինկիրեանի միջոցաւ»²³²: Հիմնականում հնչակյան հիմնադիր-դեկավարներից Ռ. Խանազատի հրահանգով ու գաղափարական ուղղորդմամբ ստեղծված այս մասնաճյուղն սկզբնական շրջանում «դրական արդիունք մը չունեցաւ Հայրենասիրաց Գաղտնի ընկերութեան ուժեղ դիրքին բերմամբ»²³³, սակայն շարունակական համառ

²²⁷ Տե՛ս Պատմութիւն Ս.Դ.Հնչակեան կուսակցութեան 1887-1962, հ. Ա, Պեյրութ, 1962, էջ 51:

²²⁸ Տե՛ս նույն տեղում:

²²⁹ Տե՛ս նույն տեղում: Նրանք բոլորն էլ «Պաշտպան հայրենյացի» հիմնադիր անդամներ էին:

²³⁰ Տե՛ս «Արօր», Երզնկա, 1911, 25 հոկտեմբերի, թիվ 245: Ավելացնենք, որ «Պաշտպան հայրենյաց»-ի անդամների մեծ մասն սկզբում անդամագրովեցին Հնչակյան կուսակցությանը, իսկ հետագայում շատերը համալրեցին նորաստեղծ ՀՅԴ-ի շարքերը:

²³¹ Տե՛ս ՀԱԱ, ֆ. 420, գ. 16, գ. 11, թ. 34:

²³² Տե՛ս նույն տեղում:

²³³ Տե՛ս նույն տեղում: Նկատի ունի «Պաշտպան հայրենյաց» կազմակերպությունը, որի նկատմամբ, չնայած թուրքական դաժան հաշվեհարդարին, այնուամենայնիվ պահպանվել էր տեղացի հասարակության և մասնավորապես երիտասարդության սերն ու նվիրվածությունը և նրա հետևած գնալու պատրաստակամությունը

քարոզությամբ մասնաճյուղի անդամներն աստիճանաբար սկսեցին ազդեցություն ձեռք բերել տեղի գործիչների և հանրության մեջ:

Այդ շրջանում Տրապիզոնի ամենաեռանդուն կուսակցականներից Գրիգոր Վարդանյանին հանձնարարվում է մշտական կապ պահպանել Կարինի մասնաճյուղի հետ: Արդյունավետ քարոզություն իրականացնելու նպատակով Գ. Վարդանյանն իր խմբից մեկին հանձնարարում է պարբերաբար անհրաժեշտ գաղափարախոսական գրականություն հասցնել Կարին: Այդ նպատակով նրան վարժեցնում են «կարաւանապետութեան» և ապրանքները փոխադրելու համար տրամադրում են մի ավանակ: Տրապիզոնից Կարին երթևեկող քարավանի բեռների հիմնական մասը «Հնչակ» թերթի կապոցներն էին և նամակներն ու այլ փաստաթղթեր:

Զգտելով կանխել իրադարձությունների զարգացումը՝ Աբդով Համիդը փորձեց դեռ սաղմում ոչնչացնել հայ ազատագրական շարժումը: Նրա հարվածը բնականաբար առաջին հերթին պետք է ուղղվեր արևմտահայության այն կենտրոնների դեմ, որոնք հայտնի էին ազատագրական պայքարի ավանդույթներով և ապագայում սպառնում էին վերածվել ապստամբական օջախների: Նման կենտրոններից մեկն անշուշտ Կարինն էր, որի մասին լրտեսական խիտ ցանցով պատված կայսրության համապատասխան կառույցները շարունակաբար գեկուցում էին սովորական: Դեռ թարմ էին նաև հիշողությունները «Պաշտպան հայրենյաց» կազմակերպության մասին: Թուրքերը չէին մոռացել նաև 1877-1878 թթ. ռուս-թուրքական պատերազմի ժամանակ կարինցիների կողմից ռուսական բանակին ցույց տրված փառահեղ ընդունելությունը և հարմար պահի էին սպասում իրենց «թուրքավարի» վերաբերմունքը դրսնորելու համար: Այդ իրեշավոր ծրագրերն իրականացնելու համար Համիդին գնդերի ստեղծմանը զուգահեռ հիմնվեց ոչ պակաս վտանգավոր «Խաֆիէներ»-ի համակարգը (ինստիտուտը), որոնց «պաշտոնը պիտի ըլլար հայ հանրային կեանքը քայքայել ներքին խնդիրներ հանելով, եւ թուրք կառաւարութեան մօտ ցուցումներ ու մատնութիւններ ընելով»²³⁴: Օգտելով առիթից՝ 1880-ական թթ. Խաֆիէները քայքայիչ աշխատանքներ իրականացրին Կարինում: Նրանք թունավորում էին առանց այդ էլ լարված մթնոլորտը քաղաքում, «ջղագրգիռ կը դարձնէին գործող տաքարին երիտասարդները»՝ նրանց մղելով

²³⁴ Տե՛ս Զարդգ Ղ., նշվ. աշխ., էջ 418:

ծայրահեղ արարքների: Հնարամիտ այս գործակալներից մի քանիսը «Պոլսէն յատուկ պաշտօններով փոխադրուած էին Կարին»²³⁵, ծանոթացել էին հայության կյանքի ներքին ծալքերին, գործակալներ հավաքագրել ինչպես թուրքերից, այնպես էլ հայերից և կատարում էին իրենց սև գործը: Ազգությամբ հայ, Ա. Գ. անունով և Մ. Օրմանյանի հետ կաթոլիկությունից հայ առաքելական եկեղեցու գիրկը վերադարձած այդպիսի գործակալի մասին հիշատակվում է Յ. Նշկյանի «Առաջին կայծեր» և Ղ. Զարդգի «Կարինապատում» գրքերում²³⁶: Կարին փոխադրվելուց անմիջապես հետո սա ամպագողոցո ճառերով կարողանում է իր շուրջը հավաքել մի խումբ երիտասարդների և փորձում է «հեղափոխական» կազմակերպություն հիմնել: Նրա նպատակը ազատագրական պայքարին նվիրված և նվիրվել պատրաստվողներին բացահայտելն էր և իշխանություններին մատնելը. «բաւական ժամանակ յետոյ միայն, հասկցուեցաւ թէ, անոր նպատակն էր լոկ հասկնալ, թէ այդպիսի կազմակերպութիւն մը գոյութիւն ունի Կարնոյ մէջ, թէ ոչ»²³⁷: Ըստ հուշագիրների՝ սա առաջին հայ «գործակալն է եղած», որ թուրքական իշխանությունների կողմից ուղարկվել էր Կարին, որպեսզի սաղմի մեջ խեղդեր քաղաքի ազատախոհներին և նրանց հավաքական գործունեությունը: Լավ է, որ շուտով այդ ամենը բացահայտվում է, և դավաճանությունը՝ կանխվում: Իսկ դրանից՝ հետո քաղաքի հայ ղեկավարներն ավելի զգուշավոր և շրջահայաց են դառնում: Սակայն քաղաքում կասկածի մթնոլորտ է գոյանում, որը պատճառ է դառնում «ծանրակշիռ չափազանցութիւններու եւ ճակատագրական դէպքերու»²³⁸:

1890թ. հունիսի 18-20-ին թուրքական իշխանությունների հրահանգով Կարինի հայկական թաղամասերում ջարդեր են կազմակերպվում: Կարինի այդ դեպքերը՝ որպես ազատության համար բողոքի պողոթկում, մեծ արձագանք են գտնում ինչպես արևմտահայության, այնպես էլ արևելահայության շրջանում: Այդ «դէպքերն յետոյ առհասարակ զայրոյթ ծագեցաւ տաճկաց մէջ ընդդեմ քրիստոնեաներու, մասնաւրապէս, ի հարկէ, հայոց»²³⁹: Հայությունը, տեսնելով դա և քրիստոնյա մեծ

²³⁵ Տե՛ս նույն տեղում:

²³⁶ Տե՛ս Նշկեան Յ., նշվ. Աշխ., էջ 68, նաև՝ Զարդգ Ղ., նշվ. աշխ., էջ 418-419:

²³⁷ Տե՛ս Նշկեան Յ., նշվ. աշխ., էջ 74:

²³⁸ Տե՛ս Զարդգ Ղ., նշվ. աշխ., էջ 419: Այդ կասկածամտության մթնոլորտի առաջին զոհերից մեկը եղավ Խ. Կերեցյանը:

²³⁹ Տե՛ս «Հնչակ», 1890, օգոստոս, թիվ 4, էջ 7:

տերությունների բացարձակ անտարբերությունը. «ինքզինք բոլորովին լքուած զգաց»²⁴⁰: Իսկ Տրապիզոնում գտնվող Հնչակյան կենտրոնական վարչությունը որոշում է մեծ ցույց կազմակերպել Կ.Պոլսում, որի նպատակն էր բողոքել Կարնո ապօրինի խուզարկությունների և ձերբակալությունների առիթով և Եվրոպական երկրների դեսպանների ուշադրությունը հրավիրել Հայկական հարցի վրա: «Մենք համոզումն ունենք,-գրում է Խանազատը,-թէ Երզրումի Եվրոպական հիւպատոսները իսկոյն ահազանգ պիտի հնչեցնեին այդ դեպքի առիթով եւ «հայկական հարցը» պիտի հրապարակ գար ու շուտով իր լուծումն ստանար»²⁴¹: Երկար քննարկումներից հետո վարչությունը հանգում է այն եզրակացության, որ «Եվրոպական պետություններին իրանց քար անտարբերութիւնից դուրս հանելու համար, անհրաժեշտ է մի ցույց կազմակերպել հենց սովորականի մայրաքաղաքում, դեսպանների քթի տակ»²⁴²:

Հիմնականում Կարինում տեղի ունեցած ոճի և արևմտահայության նկատմամբ համատարած անարդարացի քաղաքականության դեմ, ինչպես նաև ցանկանալով բարձրացնել գավառահայության ոգին և կրկին Հայկական հարցի վրա բնեուել մեծ տերությունների ուշադրությունը՝ հնչակյանները 1890 թ. հուլիսի 15-ին խաղաղ ցույց կազմակերպեցին Կ. Պոլսի Գում Գափու թաղամասում: Բողոքի այդ խաղաղ ցույցն իշխանությունների նախաձեռնությամբ վերածվեց կոտորածի: Շատերին էլ ձերբակալեցին և ենթարկեցին դաժան կտտանքների: Թեև «Հնչակ» թերթը Լոնդոնից փառաբանում էր ցույցի դեկավարներ ու գլխավոր գործող անձինք Հ. Ճանկովյանին, Մ. Տամայանին, Մուլադին և հայտարարում մատնիչների ահաբեկման ու մոտալուտ հաջողությունների մասին²⁴³, սակայն իրողությունն այն էր, որ հերթական անգամ հեղվեց անմեղ հայ մարդկանց արյունը և հերթական անգամ՝ անարդյունք: Կարինի դեպքերից հետո Գում Գափուի ցույցը հնչակյանների կազմակերպած առաջին զանգվածային ելույթն էր:

Նշենք, որ «Երզրումի հայոց լեռներէն» հնչած խրոխտ ձայնը անարձագանք չմնաց: Ազատության տենչով տոգորված հայությունը 1894 թ. Սասունում զինված պայքարի ելավ, որը Բեռլինի վեհաժողովից հետո արևմտահայերի առաջին զինված ելույթն էր

²⁴⁰ Տե՛ս Պատմութիւն Ս.Դ. Հնչակեան կուսակցութեան 1887-1962, հ. Ա, Պեյրութ, 1962, էջ 52:

²⁴¹ Տե՛ս Խանազատ Ռ., Հայ յեղափոխականի յուշերից, «Հայրենիք», Բոստոն, 1927, թիվ 1, էջ 124:

²⁴² Տե՛ս նոյն տեղում:

²⁴³ Տե՛ս «Հնչակ», 1890, թիվ 6, 14 սեպտեմբեր:

օսմանյան բռնատիրության դեմ: Այն թեպետ պարտություն կրեց, սակայն Եվրոպական տերություններին պարտադրեց Արևմտյան Հայաստանի համար բարեփոխումների ծրագիր մշակել, որն ստացավ «Մայիսյան բարենորոգումներ» անվանումը²⁴⁴:

XIX դարի վերջին տասնամյակում Կարինում Հայ հեղափոխական դաշնակցության կազմակերպական կառուց ստեղծելու և նրա գործունեությունը ճիշտ ու ամբողջական ներկայացնելու համար անհրաժեշտ ենք գտնում շատ հակիրճ տալ կուսակցության ձևավորման հիմնադրույթները: ՀՅԴ-ն ստեղծվել է 1890 թ. Թիֆլիսում: Հիմնադիրները և առաջին ղեկավարներն էին Ք. Միքայելյանը, Ս. Զավարյանը և Ս. Զորյանը (Ռուսում): 1890 թ. սեպտեմբերին հրապարակված ՀՅԴ ծրագրային առաջին փաստաթուղթ-մանհֆեստում նշված է, որ նոր ստեղծված կուսակցության նպատակն է համախմբել հայ ժողովրդի ուժերը և Հայաստանի համար ծեռք բերել քաղաքական ու տնտեսական ազատությունը²⁴⁵: 1892 թ. ընդունված ՀՅԴ առաջին ծրագրով²⁴⁶ որոշվեց կուսակցության կազմակերպական կառուցվածքում որդեգրել ապակենտրոնացման սկզբունքը²⁴⁷: Հիմնադրումից անմիջապես հետո կուսակցությունը ձեռնարկեց Երևան առաքել գինատար և մարտական խմբեր: Նպատակառուղված գործունեության արդյունքում ՀՅԴ-ն կարճ ժամանակամիջոցում դարձավ կուսակցություններից ամենազորեղն ու հեղինակավորը:

²⁴⁴ 1895 թ. սեպտեմբերի 18-ին, նպատակ ունենալով թուրքական կառավարությանը հարկադրել կենսագործելու «մայիսյան բարենորոգումները», հնչայեաններն ավելի մեծ ցույց կազմակերպեցին. Չորս 4.000 մարդ շարժվեց դեպի օսմանյան կառավարության նստավայր՝ Բար Ալի թաղամաս: Թուրքական ոստիկանությունը, զորքը և մահակներով զինված խուժանը հարձակվեցին ցուցարարների վրա. այդ օրը Կ. Պոլսում կոտորվեց 2000 հայ: Կ. Պոլսի այս ջարդերը հայերի զանգվածային կոտորածների ազդանշան եղան. 1895-ի սեպտեմբերի 26-ին՝ Տրապիզոնում, 30-ին՝ Բաքուրում, հոկտեմբերի 9-ին՝ Երզնկայում, 18-ին՝ Կարինում և Արևմտյան Հայաստանի մյուս բոլոր նահանգներում ու հայաշատ բնակավայրերում կազմակերպվեցին հայերի կոտորածներ:

1896 թ. օգոստոսի 14-ի «Բանկ Օսմանի» գործողությունը ևս առիթ դարձավ Կ. Պոլսում հայկական նոր կոտորածների: Օգոստոսի 14-16-ին Կ. Պոլսում կոտորվեց ավելի քան 10 հազար հայ: Այս իրադարձությունները գալիս էին ապացուցելու, որ հայերին կոտորելը և իր բնօրրանից տարբեր միջոցներով դուրս մղելը պետական հատուկ մշակված ծրագիր էր:

²⁴⁵ Տե՛ս Գալթճեան Ա., «Դրոշակ»ը Հ.Յաշնակցութեան դիմագիծն ու վկայականը (ՀՅԴ պաշտօնաթերթի 120-ամեակին առիթով), <https://arammanougian.wordpress.com/2011/08/06/>:

²⁴⁶ ՀՅԴ առաջին ծրագիրն առաջին անգամ հրապարակվել է 1894 թ., տե՛ս Ծրագիր Հայ Յեղափոխական Դաշնակցութեան, «Դրոշակ», թիւ 4, Ժնե, 1894, տե՛ս նաև Վերափոխված տարբերակը՝ վաւերացուած 1907 թ. ընդհանուր ժողովի կողմից, Թիֆլիս, 1917:

²⁴⁷ 1890 թ. հիմնադիր ժողովում ընդունված կանոնադրությամբ կուսակցության բարձրագույն մարմինը ընդհանուր ժողովն էր, գերագույն գործադիր մարմինը՝ բյուրոն:

XIX դարի 90-ական թթ. առաջին կեսը ՀՅԴ-ի՝ Արևմտյան Հայաստան մուտք գործելու առաջին՝ նախնական ժամանակահատվածն էր: Այդ շրջանում Կարին, Վասպուրական, Տարոն և Բարձր Հայք անցած կուսակցության լիազոր ներկայացուցիչների շուրջ ծևավորվում են առաջին ոչ մեծ բջիջները, որոնք արդեն 1890-ական թթ. երկրորդ կեսին ձեռք են բերում ավելի հստակ կազմակերպական կառուցների տեսք: 1890-ականների առաջին կեսին վերջիններիս շարժում առավել ուժեղ, բազմամարդ ու գործունյա միջուկը ծևավորվել է Կարինում: Դա պայմանավորված էր նրանով, որ Կարինում 1880-ական թվականների երկրորդ կեսին սկսվել էր խոսքից գործի անցնելու և արևմտահայերի ազատագրության համար պայքարող բոլոր խմբակներն ու կազմակերպությունները միավորելու բավականին ինքնաբուլս շարժում, որն անհրաժեշտ ենթահող էր ստեղծում ՀՅԴ-ի ընդարձակման համար: Այդ շարժման առանցքում 1886 թ. բանտից ազատված «Պաշտպան հայրենյացի» առաջնորդներն էին Խ. Կերեկցյանի գլխավորությամբ, որոնք, որոշակի կապեր հաստատելով մի կողմից՝ Կ. Պոլսում գործող Վարիչ մարմնի և նրա միջոցով՝ Հնչակյան կուսակցության հետ²⁴⁸ և մյուս կողմից էլ նախապատրաստվելով 1890 թ. սեպտեմբերին էջմիածնում նախատեսված մյուտոնօրինության առիթով հավաքվելու հարմար պահին, ցանկանում էին այն օգտագործել՝ արևմտահայերի ազատագրության համար պայքարող բոլոր կազմակերպություններին համախմբելու համար:

«Խ. Կերեկցյանը հասցրել էր անգամ կարգավորել անցագիր ձեռք բերելու հարցը՝ իբրև էրգրումից ընտրված պատգամավոր՝ «...էջմիածին գնալու զանազան կուսակցությունների միացման խնդրի առթիվ...»²⁴⁹, երբ 1890 թ. հունիսի 6-ին տեղի ունեցավ Սանասարյան վարժարանի հայտնի խուզարկությունը: Այդ պատճառով Խ. Կերեկցյանը մնում է Կարինում, իսկ նրա խորհրդով անմիջապես Կովկաս Է մեկնում

²⁴⁸ Թեև «Պաշտպան հայրենյացի» գործիչներից Գր. Զիլինվիրյանը նամակագրական կապ էր հաստատել Հնչակյան կուսակցության առաջնորդներից Ռուբեն Խանազատի հետ, բայց Կարինում Հնչակյան կուսակցության մասնաճյուղի ծևավորման մասին վերջինիս վկայությունը լուրջ կասկածներ է հարուցում: Եթե անգամ ստեղծվել էր նման մասնաճյուղ հիշեցնող մի բան, ապա միայն թղթի վրա, քանի որ 1890 թ. հունիսի 6-8-ի հայտնի ցուցի և ընդհարման առանցքում կրկին «Պաշտպան հայրենյացի» հին գործիչներն էին գտնվում:

²⁴⁹ Տե՛ս ԳԱԹ, Բ. Նավասարդյանի ֆոնդ, վավ. 9-III, թ. 38:

Տարոնում իր հայդուկային խմբի գործողությունների պատճառով հետապնդումների ենթարկված և Կարինում պատսպարված²⁵⁰ Հակոբ Սարկավագը (Տեր-Ղևոնդյան):

1890 թ. սեպտեմբերի սկզբներին գործունեությունն սկսած ՀՅԴ «Կենտրոնը» իր անդամներից մեկի՝ Լևոն Սարգսյանի վկայությամբ Կարինում ներկայացուցիչ նշանակեց «Պաշտպան հայրենյացի» նախկին ղեկավարներից մեկին՝ Հովհաննես Աստուրյանին²⁵¹: Դրանով պայմաններ ստեղծվեցին «Պաշտպան հայրենյացի» մեջ մտած գործիչների՝ ՀՅԴ-ի շուրջ համախմբվելու համար. «Հ.Յ.Դ.-ը իր կազմութեան առաջին օրերէն լայն հող գտաւ Կարնոյ մէջ»²⁵²: Սակայն այդ բնականոն գործընթացի ծավալման ճանապարհին լուրջ արգելք դարձավ այն փաստը, որ «Կենտրոնի» որդեգրած՝ Կարինի գործիչների վրա հենվելու մարտավարությանը զուգընթաց, արձանագրվեցին նաև Կովկասից ժամանող և տեղական պայմաններին անծանոթ «առաջին առաջայների» ակտիվ ու հախուռն քայլերը, որոնք հակասություններ ծնեցին հայ ազատամարտը ներկայացնող երկու տարբեր սերունդների միջև:

Կարինի աշխարհագրական դիրքը, 1877-1878 թթ. ռուս-թուրքական պատերազմի ժամանակ ռուսական բանակի հայազգի հրամանատարների առկայությունը, գրավված վիճակում հայության ունեցած արտոնյալ վիճակը և օդում կախված ազատության շունչը ոգևորում, ազատամարտի էին կոչում Կարինի հայությանը, իսկ դրա ազդեցության ներքո՝ նաև ամբողջ հայ ժողովրդին: Սահմանի երկու կողմում էլ գտնվեցին հզոր անհատներ, ովքեր իրենց հայրենանվեր ու անձնութաց գործունեությամբ ոգեկոչեցին ու պայքարի ձեռնոց նետեցին թուրքական իշխանություններին: Վավերագրերում և պատմագիտական գրականության մեջ հսկայական քանակությամբ փաստագրական նյութ կա, որում ներկայացված է կովկասահայության գործուն մասնակցությունն արևմտահայ ազատամարտին: Սակայն քանի որ այդ հայդուկ-ազատամարտիկների կենսագրականներում միշտ չէ, որ կարելի է գտնել վկայություններ նրանց իսկական անուն-ազգանունների, ծննդյան վայրերի մասին, բազմաթիվ գործիչների ով և որտեղացի լինելը մնացել է անհայտ²⁵³:

²⁵⁰ Տե՛ս նույն տեղում, թ. 38-39:

²⁵¹ Տե՛ս ՀԱԱ, ֆ. 4047, գ. 2, գ. 9, թ. 132, Լևոն Սարգսյան, Հուշեր 1889-1892 թվականներից (ՀՅԴ ծագումը, առաջին քայլերը և Ա. ընդ. ժողովը):

²⁵² Տե՛ս Զարդ Ղ., նշվ. աշխ., էջ 425:

²⁵³ Տե՛ս Մելքոնյան Ա., Զավախսը XIX դարի առաջին քառորդին, Ե., 2003, էջ 243-244:

Անդրկովկասից էրզրում անցած Հայ յեղափոխականների դաշնակցության առաջին գործիչը՝ Տիգրան Օքոնյանն էր (Շամիլը):

Դարավոր թշնամու դեմ հայ ժողովրդի աննկուն ոգու դրսենորում ֆիդայական պայքարի սկզբում հրապարակ իջան մեծ թվով հերոսներ՝ Աղբյուր Սերոբ, Անդրանիկ Օզանյան, Հրայր Դժոխք, Մարգար Վարժապետ, Միհրան Տամատյան, Սեբաստացի Մուլրադ, Արմենակ Եկարյան, Նիկոլ Դուման, Քենի (Արշակ Գաֆավյան)... Նրանցից շատերի մասին գրվել են հուշեր, ուսումնասիրություններ, հոդվածներ, նույնիսկ ժամանակն են անվանել նրանցից ոմանց անունով²⁵⁴: Կան նաև անուններ, որոնք հանդիրավի մոռացվել են կամ մնացել ստվերում: Դրանցից մեկը Տիգրան Օքոնյանն էր: Բնավորությամբ տաքարյուն ու անհամբեր, հայրենիքը շատ արագ ազատ տեսնելու անհագ ցանկությամբ տոգորված գործիչ, ում կյանքը դրամատիկ վախճանով ավարտվեց: Գործիչ-ֆիդայի, ով ապրեց ընդամենը 26 տարի, բայց բուռն հանրային գործունեություն ունեցավ, սակայն ում անունն այսօր քչերին է հայտնի²⁵⁵:

S. Օքոնյանը ծնվել է 1868 թ. Ախալցխայում: Տեղական քաղաքային պետական միջնակարգ դպրոցն ավարտելուց հետո, հաշվապահություն սովորելով, մեկնում է Կարս և մի հայի վաճառատան մեջ հաշվապահի պաշտոն ստանձնում: Մարտիրոս Մարգարյան-Սաֆոն, որ մոտիկից ճանաչել է Օքոնյանին, նշում է. «Բոլորովին ջահել, 17-18 տարեկան: Քնքոյշ, նուրբ կազմուածքով, գեղեցկադէմ, բայց շիկահեր. սիրեցին նրան բոլոր ընկերները, իբրեւ մի բարի, քնքոյշ երիտասարդի, որը սիրում էր կարդալ, վիճել եւ ամենայն հաւատարմութեամբ վաճառատան հաշիները պահել»²⁵⁶: Նա երկար չի մնում Կարսում, ընդամենը՝ Երկու տարի, բայց կարսեցիները երկար էին յիշում նրան: Շուտով տեղափոխվում է Թիֆլիս,-հիշում է Մարգարյան-Սաֆոն, «մի ուրիշ վաճառատուն եւ այդպիսով մեր աչքից մի առժամանակ հեռացաւ»²⁵⁷:

²⁵⁴ Տե՛ս Սիմոնյան <., Անդրանիկի ժամանակը, Երկու գրքով, գիրք Ա, Ե., 1996 և գիրք Բ, Ե., 1996:

²⁵⁵ Օքոնյանի մասին պատմագիտական գրականության մեջ որոշ հապանցիկ անդրադարձներ կան: Դրանց մեջ առանձնանում են Վ. Վալայյանի Տիգրան Օքոնեան, (տե՛ս «Հայրենիք», ամսագիր, Բոստոն, թիվ (412), 1960, 1-14 էջեր), Ռ. Հովհաննիսյանի Արևմտահայ ազգային-ազատագրական շարժումները և Կարինի Պաշտպան հայրենյաց կազմակերպությունը, Ե., 1965, Ա. Մելքոնյանի Զավախչը ԽIX դարում և XX դարի առաջին քառորդին, Ե., 2003, նոյնի՝ Հայաստանի պատմության և ժողովրդագրության հիմնահարցեր, Ե., 2011, Գ. Խուլինյանի <3. Դաշնակցության գործունեությունը Էրզրումի վիլայեթում 1890-1895 թթ., «Հայոց պատմության հարցեր», Ե., 2003, էջ 57-65 և այլ ուսումնասիրություններում:

²⁵⁶ Տե՛ս Վալայյեան Վ., նշվ. հոդվածը, էջ 4:

²⁵⁷ Տե՛ս նոյն տեղում:

Օքոնյանը Թիֆլիսում մնաց հավանաբար 1880-90 թթ., այսինքն՝ այն տարիներին, երբ այնտեղ սկսվել էր խմորվել Արևմտյան Հայաստանի ազատության համար ազատագրական շարժումը, և նախապատրաստվում էր առանձին գործող խմբակների համախմբումը: ՀՅԴ Կարինի հին գործիչների կենսագրական մանրամասներին քաջատեղյակ Օ. Ճգնավորյանի վկայությամբ Տ. Օքոնյանը մուտք է գործել Կարին 1890 թ. դեկտեմբերի 15-ին Արամ Արամյանի և Հաբեթ Նշկյանի հետ միասին²⁵⁸: Հիմնականում երիտասարդ գործիչներից կազմված այն շրջանակը, որը համախմբվեց Տ. Օքոնյանի շուրջը (Ա. Արամյան, Հ. Նշկյան, Տ. Գևորգյան, Հմ. Գալեմքերյան, Շ. Ղազարյան և այլք), մասամբ բաղկացած էր նաև նախկին «Պաշտպան հայրենյացի» անդամներից՝ Ղավաֆ Գրիգորն ու իր երեք որդիները, զինագործ-քահանա Ավետիս Վեմյանը, Հաջի Հակոբ Սերենկյույսանը և Հովհաննես Աստուրյանը, որին ՀՅԴ կենտրոնը համարում էր իր լիազոր ներկայացուցիչը Կարինում: Այս շրջանակին հարում էին նաև Էրզրումի դաշտավայրի (օվայի) գյուղացիներից օգենցի Տեր Արիստակեսը, ծիթողցիներ Հարություն Տեր-Վարդանյանը և Սերուակ Անանյանը, նորշենցի Թաթոսը, իլիշեցի Քյոսե Միքայելը և ուրիշներ²⁵⁹:

Հայ հայդուկային պայքարի սկզբնական փուլի կարևոր դերակատարներից Տ. Օքոնյանն Օլթիի գծով մտել էր Երկիր և հարձակումներ սկսել թուրք պաշտոնյաների և քուրդ ավազակների վրա: Տիգրան-Շամիլի խումբը սարսափ է ազդում թալանչիների ու կեղեքողների վրա և պաշտպանության տակ վերցնում հայ գյուղացիներին: Նրա խմբում էին մեկը մյուսից հանդուգն ու քաջ մարտիկներ՝ կտրիճ Վարդանը, որ հետո սպանվեց Արաբոյի խմբում, օլթեցի հայտնի և հանդուգն գործիչ «Հայ» մականոնով Մեխանը, Ուսուկ Գրիգորը, Քոռ Եղոն, Ալեքսանդրապոլից քիչ հեռու գտնվող Ղոնաղուան գյուղից Մարտիկը, հայտնի Կոլլիկի Տղան և էլի շատ ուրիշներ: Քիչ չէին դեպքերը, երբ Տիգրանը բռնազավթում էր վաշխառուների ու հարուստների ունեցվածքը և ավարը բաժանում չքավորներին:

Օքոնյանն անողոք էր թե՛ թշնամու և թե՛ խմբի անդամների հանդեպ: Խմբի յուրաքանչյուր անդամ ակնածում էր նրանից, չէր համարձակվում նրան խեթ նայել:

²⁵⁸ Տե՛ս ՀԱԱ, §. 420, գ. 16, գ. 11, թ. 29, Օ. Ճգնավորյան, Բարձր Հայք, Ա հ., Բ մաս, ինքնագիր մենագրություն:

²⁵⁹ Տե՛ս նույն տեղում, թ. 30:

Նրան հնազանդվում էին նույնիսկ այնպիսիները, որոնք, տասնյակ տարիներ ինքնագլուխ գործելով, քաջի անուն էին վաստակել. «Երիտասարդ Շամիլ... շատ երիտասարդ, բայց երկաթեայ կամքով, առնական բազուկներով ղեկավարում է իր հրոսակային խումբը մէկ արկածից միւսը: Եւ ո՞վ կարող էր կարսեցիներից կարծել, թէ այն շիկահեր քնքոյշ մանուկը, Տիգրան Օքոնեանն էր՝ ինքը Շամիլ»²⁶⁰: Դրոշակում տպագրված մի հոդվածում այդ մասին ասվում է, որ սեպտեմբերի 24-ին Կարինից 4-5 ժամ հեռավորության վրա ասպատակների մի խումբ Շամիլի առաջնորդությամբ կտրում է Լիսկավ և Նիխազ գյուղերի ճանապարհը, կողոպտում 25-ի չափ թուրք առևտրականների և բռնազավթում նրանց սայլերի վրա բարձած մանուֆակտուրայի, շաքարի, թեյի, բրնձի և ընդեղենի ողջ բեռը²⁶¹: Շուտով վրա են հասնում 150-ից ավելի թուրք զինվորներ և պաշարում խմբին: 15 հոգուց բաղկացած խումբը 6 ժամ շարունակ ոչ միայն կարողանում է դիմադրել թուրքերին, այլև իրենց հնարամիտ և ճարպիկ գործողությունների շնորհիվ բոլորովին անվնաս մնալով՝ կարողանում է մի քանիսին վիրավորել, շփոթեցնել և նույնիսկ փախուստի մատնել²⁶²:

Նոյն հրապարակման մեջ նշվում է նաև, որ Շամիլի խումբը կտրում է Սիվրիից Կարին տանող ճանապարհը: Երկու օր էլ այդտեղ կողոպտելով անցուդարձ անող քուրդ ու թուրք ավազակներին՝ խումբը հեռանում է: Նոյն օրը Շամիլի խումբը կողոպտում է մեկ այլ խումբ քուրդ ավազակների, դրանցից վերցնում եղած սնունդը, դրամ, ընտիր ձիեր և դրանց մեծ մասը նվիրում չքավոր գյուղացիներին²⁶³: Միևնույն ժամանակ նրանք ամեն անգամ ժողովրդին բացատրում էին, որ նրանց վնասելու միտք չունեն և «իրենց որսը կառավարութեան բարբարոս պաշտօնեաներն են»²⁶⁴: Այստեղ մեզ համար կարևոր խմբի և նրա առաջնորդ Տ. Օքոնյանի կեցվածքն է: Նրա խումբը սարսափ էր տարածում թալանչիների ու կեղեքողների վրա և պաշտպանության տակ էր վերցնում հայ գյուղացուն: Իմանալով խմբի կատարած գործերի մասին՝ օսմանյան իշխանություններն սկսում են ակնդետ հետևել նրա տեղաշարժերին: Հետապնդումներից ազատվելու համար Տիգրանը փորձում է անցնել սահմանը,

²⁶⁰ Տե՛ս Ա. Ազնաւորեանի յուշերը, գրի առաւ՝ Ե. Հայրապետեան, «Հայրենիք» ամսագիր, Բոստոն, թիվ 9, 1937:

²⁶¹ Տե՛ս Նամակ Կարինից, «Դրոշակ», թիվ 3, Փետրուար, 1892:

²⁶² Տե՛ս Նոյն տեղում:

²⁶³ Տե՛ս Նոյն տեղում:

²⁶⁴ Տե՛ս Նոյն տեղում:

սակայն դա նրան չի հաջողվում, ինչից հետո նա խոմբը ցրում է, զենքերը պահ տալիս գյուղերից մեկում, և ինքն անցնում է Կարին:

Հետաքրքիր է, որ թե՛ հուշագիրները, թե՛ ուսումնասիրողները միաբերան պնդում են, որ Օքոնյանի գործունեությունն էլ իր անձի նման շատերի համար անհայտ մնաց, «մինչև իսկ առեղծվածային»²⁶⁵, սակայն միևնույն ժամանակ հետաքրքրական: «Ահա մէկը, որ իրաւամբ օժտուած էր ժողովրդական մեծ հերոս լինելու բոլոր յատկություններով,- նրա մասին գրում է Ռ. Սեւեանը,- սակայն, նրա կեանքը, դժբախտաբար, չափազանց կարճատեւ եղաւ յեղափոխական ասպարէզում»²⁶⁶:

Կազմակերպվելուց անմիջապես հետո Օքոնյանը, անդամագրվելով ՀՅԴ-ին, միշտ կողմնակից մնաց ֆիդայական պայքարում առկա երկու՝ իրայրյան և անդրանիկյան ուղղություններից վերջինին: Նա գտնում էր, որ «Հայ յեղափոխութիւնը ոչ թե պէտք է նպատակ դնի կազմակերպելու ընդհանուր ապստամբութիւն, այլ պէտք է բաւականանայ պարտիզանական կոիներով, երբ քիչ ուժերով հնարաւոր է մեծ վնասներ հասցնել եւ անդադար անհանգստութեան մէջ պահել տաճիկ կառավարութիւնը»²⁶⁷:

Արամայիս Ազնավուրյանը հուշագրում է, որ Օքոնյանը ձգտում էր 1883 թվականին կազմակերպված «Հայրենասերների միությունից» անկախ մի կազմակերպություն ստեղծել, որի «մէջն էին Խ. Կէրէկցեանը, Յ. Աստուրեանը, Կ. Նշկեանը եւ Յ. Եաշխալացեանը»²⁶⁸: Ա. Ազնավուրյանի վկայությամբ Կերեկցյանը դժգոհում է, որ տեղական պայմաններին բոլորովին անձանոթ օտարական մի երիտասարդ, առանց հաշվի առնելու ժողովորի համակրանքը վայելող հայրենասերներին, եկել է և գաղտնի կազմակերպություն ստեղծելու ձախող փորձեր է անում: «Յարաբերութիւնները,- իր հուշերում գրում է Ա. Ազնավուրյանը,-Օքոնեանի եւ Կէրէկցեանի միջեւ լարում են, եւ անզիջում տեսք ստանում»²⁶⁹: ՀՅԴ հիմնադիրներից Մ. Շաթիրյանն էլ Օքոնյանի մասին հուշագրում է, որ առաջին շրջանում բացի վիճող, բանախոսող ու ծրագրող

²⁶⁵ Տե՛ս Նամակ Կարինից, «Դրօշակ», թիվ 3, Փետրուար, 1892:

²⁶⁶ Ռ. Սկանը Աբրահամ Գյովիսանդանյանն է: Տարիներ շարունակ նա կարգի է բերել ՀՅԴ արխիվը: Նա օգտվելով հիմնականում Մարտիրոս Մարգարյան-Սաֆոյի թողած չորսէջանոց ձեռագրից, տեղեկություններ է թողել նաև Օքոնյանի մասին:

²⁶⁷ Տե՛ս Հ.Յ. Դաշնակցութեան հիմնադիրները, «Հայրենիք» ամսագիր, Բուստոն, թիվ 6, 1937:

²⁶⁸ Տե՛ս Վ. Վալադեան, Տիգրան Օքոնեան, «Հայրենիք» ամսագիր, Բուստոն, թիվ 6, 1960, էջ 3:

²⁶⁹ Տե՛ս նոյն տեղում:

մարդկանցից, կային մեկ այլ տեսակի խումբ երիտասարդներ, որոնք դաշնակցական հիմնադիր սերնդի իսկական «տիպարն էին եւ չէին վիճում, քիչ էին խօսում եւ շատ էին գործում» և ավելացնում է, որ դրանց թվում էր նաև S. Օքոնյանը²⁷⁰: Շաթիրյանը նաև վկայում է, որ վերջիններս զենքեր էին կուտակում, հայդուկային խմբեր կազմում, վարժեցնում էին նորեկներին և առհասարակ անում էին այն ամենը, որը հետագայում դարձավ ՀՅԴ-ի անելիքը²⁷¹: Նրանք էին, որ ապրում էին հայ ցեղի տառապանքով և հավատում էին հայթանակին: Նրանք, ովքեր հեղափոխական ջիղ ու պայքարելու կորով ունեցող անհատներ էին, համեստ իրենց պահանջների և հանդուգն՝ «իրենց զոհաբերութեան, յամառութեան ու հաւատքի մէջ»²⁷²:

Կարինում S. Օքոնյանն աշխատանքներ է ձեռնարկում ՀՅԴ տեղական մարմին կազմակերպելու համար. «Նրա ջանքերով Կարնոյ կազմուեց առաջին կոմիտէն, որի մէջ մտնում էին մի շարք երիտասարդ»²⁷³ տեղացի խելոք ու բանիմաց մարդիկ, որոնց մեջ իր պատրաստակամությամբ և եռանդուն գործունեությամբ առանձնանում է Ա. Արամյանը: Հուշագիրների հավաստմամբ երկու ընկերները՝ Տիգրանն ու Արամը, հավասարապես խիզախ էին, պատրաստ նետվելու ցանկացած վտանգի մեջ: Բայց առաջինը համառ էր, ավելի ճարպիկ, նախաձեռնող ու հակված էր ինքնիշխանության: Օքոնյանն ուժեղ անհատականություն էր՝ «երկաթէ կամք ունէր ու գիտէր ուրիշներին պարտադրել իր կամքը»²⁷⁴:

Փաստորեն «Հայ յեղափոխական դաշնակցութիունը Էրզրումի մէջ իր առաջին խումբը կազմեց 25 դեկտեմբեր 1891ին»²⁷⁵, այսինքն՝ հիմնադիր ժողովից անմիջապես հետո ախալցիացի S. Օքոնյանի և Շ. Հովհաննի միջոցով: Վերջիններին միացան «Յ.Նշկեան, Տիգրան Գէորգեան (Էզրաէ), Շերամ Ղազարեան, Հմայակ Գալէմքէրեան, Սեդրակ Զնոյեան, Գարեգին Թէրզեան, Գարեգին Մալեժիզեան, Յովհաննէս Ղալաջի Գալուստ, Գրիգոր Իսականոնց, Ղաֆաֆ Գրիգոր իր երեք զաւակներով, որոնցմէ մեկը

²⁷⁰ Յիշողութիւններ մօտիկ եւ հեռաւոր անցեալից, «Հայրենիք» ամսագիր, թիվ 3, 1932, էջ 103:

²⁷¹ Տե՛ս նույն տեղում:

²⁷² Տե՛ս նույն տեղում:

²⁷³ Տե՛ս «Հայրենիք» ամսագիր, Բոստոն, թիվ 8, 1937, էջ 86:

²⁷⁴ Մելքոնյան Ա., նշվ. աշխ., էջ 246:

²⁷⁵ ՀԱԱ, §. 420, գ. 16, գ. 9, թ. 120:

ապագա Արշակ Գավաֆեանն է (Քեռի կամ Քէֆտէր Արշակ), Աստուրեան Յովիաննէս, Սապոնճոնց Գրիգոր»²⁷⁶ և ուրիշներ:

Կարինում S. Օքոնյանի խմբի ձեռնարկած հախուռն, իսկ հաճախ նաև անհաշվենկատ քայլերն անմիջապես առաջ բերեցին լուրջ տարածայնություններ նրա և «Պաշտպան հայրենյացի» առաջնորդ Խ. Կերեկցյանի միջև: Սերունդների հերթափոխի փաստով ու դրանից բխող գործելակերպի առանձնահատկություններով պայմանավորված, տարակարծություններն «ի վերջոյ, յանգում են խորը հակադրութեան»²⁷⁷: Դրանք սպառնում էին բացահայտ ընդհարման վերածվել S. Օքոնյանի շուրջը համախմբված երիտասարդության ու Խ. Կերեքցյանի նման փորձառու անհատների միջև: S. Օքոնյանի հախուռն բնավորությունը և բացահայտ գործելակերպն առաջ էին բերել Խ. Կերեկցյանի լուրջ դժգոհությունը: Իրենց հերթին երիտասարդներն ամբաստանում էին Խ. Կերեկցյանին դրամական հաշիվներում, ինչպես նաև իբր ոուսական հյուպատոսի հետ ունեցած գաղտնի կապերի մեջ: Իրականում այդ ամենը պարզ հերյուրանք էր: Իսկ պատճառը երիտասարդների կողմից որդեգրոված գործելակերպի մեջ առկա անհամբեր, տեղական պայմանները հաշվի չառնող, իսկ հաճախ էլ ուղղակի արկածախնդրական մղումներն էին: Նման պայմաններում թիֆլիսում գտնվող Հայ հեղափոխականների «Կենտրոնը» նամակներ ու բացատրություններ էր ստանում թե՛ մեկ և թե՛ մյուս կողմից և փորձում էր հարթել հակասությունները: Բողոքելով S. Օքոնյանի որդեգրած գործելակերպի դեմ՝ Խ. Կերեկցյանը նամակներ էր ուղարկում Կովկաս, որոնք նրա եղբայրը՝ Տիգրանը, հանձնում էր ոչ միայն «Կենտրոնին», այլև Գ. Արծրունուն, Կովկասի հին գործիչներին (Սև Սանդրո, Բ. Նավասարդյան և այլք), ինչպես նաև Հնչակյան կուսակցության ներկայացուցիչներին: Դիմելով ոուսահայ եղբայրներին՝ Խ. Կերեկցյանը թախանձագին գրում էր. «... այսպիսի թեթևսոլիկ անձնաւորութիւններ մի ուղարկեք... յետ կանչեցեք ձեր մարդիկը, մեզ թողուցեք մենք մեր իիւղովը տապակինք, (մեր ցաւերով) և մենք մեր ուժերով և մեր գիտցած կերպով գործեմք»²⁷⁸: Այս թախանձագին խնդրանքին ի պատասխան՝ «Կենտրոնը» խոստանում

²⁷⁶ Նոյն տեղում:

²⁷⁷ Վ. Վալադեան, Տիգրան Օքոնեան, «Հայրենիք» ամսագիր, Բուստոն, թիւ 6, 1960, էջ 3:

²⁷⁸ Տե՛ս Կերեկցյան Տիգրան, Խաչատուր Գևորգ Կերեկցյանի կենսագրությունը, ձեռագիր, ԳԱԹ, Բ. Նավասարդյանի ֆոնդ, վավ. 9-III, թ. 55:

է ուղարկել հարկ եղած մարդուն՝ մինչ այդ հորդորելով հաշտ լինել S. Օքոնյանի հետ²⁷⁹: Իր հերթին S. Օքոնյանն էլ ստորագրություններով ծանրաբեռնված նամակներ էր ուղարկում «Կենտրոնին»՝ հերքելով Խ. Կերեկցյանի մեղադրանքները: Տարածայնությունները հանգուցալուծելու խնդիրը բարդանում էր նաև այն պատճառով, որ լուրջ հակասություններ կային հենց իր՝ ՀՅԴ «Կենտրոնի» ներսում՝ արմատական-հեղափոխական գործելակերպի կողմնակիցների և չափավոր-ազատականների միջև:

Ի վերջո, ժամանելով Թիֆլիս, S. Օքոնյանը փորձեց ստանալ «Կենտրոնի» համաձայնությունը՝ ահաբեկման ենթարկելու Խ. Կերեկցյանին: Այդ շրջանում «Կենտրոնի» գործերը գրեթե միանձնյա տնօրինող Լևոն Սարգսյանն իր հուշերում վկայում է, որ «Վրդովված Կենտրոնը արգելում է S. O. շարունակել իր ազգափրկչական փորձերը և հեռագրով իմաց է տալիս 3. Ա. (Հովհաննես Աստուրյանին - Ա. Ա.), թե արգելվում է «օյի գնել»²⁸⁰: Սա նշանակում էր, որ էրգրումի կառույցը, որն այդ ժամանակ կոմիտեի կարգավիճակ ուներ, ոչ մի պարագայում իրավունք չուներ կայացնելու և իրագործելու մահվան վճիռ Խ. Կերեկցյանի հանդեպ, քանի որ բացի այդ կարգադրությունից, գոյություն ուներ նաև ՀՅԴ-ի նախնական կանոնագրով սահմանվող հստակ նորմ, համաձայն որի՝ մահվան վճիռ կայացնելու իրավունքը պատկանում էր միայն «Կենտրոնին»²⁸¹: Սակայն, անտեսելով այդ ամենը, Կարինի կոմիտեի տաքալուխ Երիտասարդները, որոնք առաջնորդվում էին «Ով մեզ հետ չէ, թշնամի է» սկզբունքով, S. Օքոնյանի նախաձեռնությամբ կայացնում են Խ. Կերեկցյանին ահաբեկման ենթարկելու որոշում: Խ. Կերեքցյանի «յանցանքն» այն եղած էր, որ կը մերժէր հապշտապ յեղափոխական գործողութիւնները, խոհեմութիւն կը քարոզէր, կը յորդորէր Երկարատեւ պատրաստութիւններ տեսնել»²⁸²: Տեղեկանալով այդ մասին, Խ. Կերեկցյանը շարունակում էր զսպել իր կողմնակիցների՝ կանխարգելիչ

²⁷⁹ Տե՛ս նույն տեղում, թ. 61:

²⁸⁰ ՀԱԱ, ֆ. 4047, գ. 2, գ. 9, թ. 90, Լևոն Սարգսյան, Հուշեր 1889-1892 թվականներից...,

²⁸¹ Այդ մասին քիչ անց «Կենտրոնը» ստիպված էր անգամ «Դրօշակի» առաջին համարում «Դաշնակցութեան կանոնադրութիւնն» վերտառությամբ հասուկ բացատրություն տպագրել, որտեղ նշվում էր. «Մահու պատիժը հայերի վերաբերմամբ ընդունվում է միմեայն անպայման ապացուցված դաւաճանութեան դէպքերում: Վարչական Կենտրոն», տե՛ս «Դրօշակ», «Հայ Յեղափոխակ. Դաշնակցութեան» օրգան, 1892, փետրուար, թիւ 3, էջ 12:

²⁸² Տե՛ս Վարանդեան Մ., Հ.Յ.Դաշնակցութեան պատմութիւն, Ա. Եւ Բ. հատորներու միացեալ հրատարակութիւն (անձնանուններու եւ տեղանուններու ցանկերով հարստացած), Բ. հրատարակութիւն, Պեյրութ, 2013, էջ 91:

քայլերի դիմելու ցանկությունը, հայտարարելով. «թողէք սպանեն ինձ որպէսզի սպանել սովորեն»²⁸³: Ահաբեկումն իրականացնելու խնդիրը վճռվում է վիճակահանությամբ, որն ընկնում է Խ. Կերեկցյանի պահած-փայփայած որբ հոգեզավակին՝ Արշավիր Հովասափյանին (նոյն ինքը՝ Արամ Արամյան, Աշոտ, Թաթուլ)²⁸⁴, վայելելով Խ. Կերեկցյանի վստահությունը, 1891 թ. օգոստոսի 26-ին նրան իրավիրում է Կարինի մոտակա բանջարանոցները և թիկունքից կրակելով՝ ծանր վիրավորում: Սեպտեմբերի 2-ին Խ. Կերեկցյանը մահանում է՝ պատվիրելով չհայտնել Ա. Արամյանի անունը, որին մինչև մահն էլ համարում էր իր ազնիվ ու խարված հոգեզավակը:

Ի պատասխան Խ. Կերեքցյանի եղբոր՝ Տիգրանի բողոքների՝ ՀՅԴ «Կենտրոնը» այդ տիտուր առիթով հանդես է գալիս հատուկ հայտարարությամբ, որտեղ ասվում էր. «Յանուն ընդհանուր գործի և բազմաչարչար ազգի ազատութեան գաղափարի մենք դիմում ենք հայ յեղափոխականներին, մէր կոմիտէներին, երբէք չդիմել այդպիսի միջոցի: Մենք բարձրաձայն յայտնում ենք, որ այդպիսի սպանութիւնը մենք համարում ենք յանցանք, ուղղուած ազգի շահերի դէմ, որի անունով կատարվում է նա»²⁸⁵:

Այնուհետև S. Օքոնյանը ձեռնամուխ է լինում զենք-զինամթերք Երկիր տեղափոխելու գործին: Նրա հանձնարարությամբ ձիթողոցի Հ. Տեր-Վարդանյանը մեկնում է Օլթի՝ զենքերի փոխադրության գործն սկսելու համար: Հենց վերջինիս ջանքերով է հիմնվում դեպի Կարին զինատար խմբերի անցման առաջին՝ Կարս-Օլթի-Նարիման-Զիթող-Կարին գիծը: Առաջին անգամ հաջողվում է տեղափոխել 40 ատրճանակ, 4000 փամփուշտ, որը հասցվում է Նարիմանի գավառի Վեզիխաս գյուղ, իսկ այնտեղից էլ՝ Շիփեկ: Այդ զինամթերքը բաշխվում է Կարինի կոմիտեին, իսկ Երկրորդ անգամ նույն գծով տեղափոխված 25 ատրճանակ և շուրջ 4000 փամփուշտով S. Օքոնյանը ձեռնամուխ է լինում 17-հոգանոց հայդուկային խմբի ծևավորմանը: Խմբի անդամներից մեկը՝ Հարություն Տեր-Վարդանյանը, հետագայում գրած իր հուշերում մանրամասն տեղեկություններ է հաղորդում S. Օքոնյանի գլխավորած արշավանքի

²⁸³ Տե՛ս Կերեկցյան Տ., Խաչատուր Գևորգ Կերեկցյանի կենսագրությունը, ձեռագիր, ԳԱԹ, Բ. Նավասարդյանի ֆոնդ, վավ. 9-111, թ. 67:

²⁸⁴ Սպանությունից հետո Արամ-Աշոտ-Թաթուլ փախչում է Կովկաս, «որ արկածալից կեանք մը ապրեցաւ ու մեռաւ 1899ին թրքական կախաղանին վրայ» (տե՛ս Վարանդեան Մ., նշվ. աշխ., էջ 91):

²⁸⁵ Տե՛ս Յայտարարութիւն, Դիւան Հ. Յաշնակցութեան, հ. 1, Պոսթըն, 1934, էջ 94-95:

մասին²⁸⁶. Նա վկայում է, որ խումբը հիմնվել է Օլթի Թանգուրատ գյուղում՝ հագնվելով լազի, քրդի, թուրքի հագուստներ և գյուղի քահանա տեր Նիկոլոսի օրինությունն ստանալուց ու երդվելուց հետո՝ 1891 թ. Սեպտեմբերին, մտել Նարիմանի գավառ՝ տեղի հայությանը հարստահարողներ Փաշա և Իդրիս բեկերին ահաբեկելու համար։ Սակայն, շուրջ երկու ամիս տևած անօգուտ ու վտանգաշատ ձեռնարկը, որին S. Օքոնյանից բացի մասնակցություն ունեցան հետագայում մեծ հեղինակություն ձեռք բերած՝ <37 առաջին հայուկներից Ղազախեցի Մեխակը, Նարիմանի Ագրակ գյուղից Որսորդ Գևորգը, ալեքսանդրապոլիցի Ուսոլ Գրիգորը, կարսեցի Հարություն Կիրակոսյանը (Տուրբախ) և ուրիշներ՝²⁸⁷, ոչ միայն չհասավ իր նպատակին, այլև ճիշտ հակառակ արդյունքն ունեցավ Նարիմանի գավառի հայության համար։ Նիխազից ժամանած թուրքական բանակի մի ամբողջ գումարտակի կողմից պաշարվելով՝ խումբը կարողացավ Քիրեջլի լեռան վրայով անցնել Դևելի լեռը ու իջևանել Իթ կոչվող յայլայում՝ կասկած անգամ չառաջացնելով իրենց հայ լինելու մեջ։ Այդտեղ նրանք սպանեցին մի քանի թուրքի, իսկ քիչ անց, Ախա լեռան վրա կովի բռնվելով քրդերի հետ, ընդհարման ժամանակ բացահայտեցին իրենց հայ լինելը։ Դրանից հետո խումբը վերադարձավ Թանգուրատ, լուծարվեց, և S. Օքոնյանը, վերցնելով իր երեք հայրենակիցներին՝ Զոլախ Ստեփանին, Փելնեկ Ենովքին ու Հակոբ Վարժապետին, մեկնեց Ախալցխա²⁸⁸:

«Դրօշակի» երրորդ համարում տեղ գտած «Նամակ Կարինից» ընդարձակ թղթակցության մեջ²⁸⁹ ներկայացվում էր Շամիլ ծածկանունով գործող S. Օքոնյանի խմբի գործողությունների համառոտ պատմությունը, փորձ էր արվում քողարկել

²⁸⁶ Տե՛ս ՀԱԱ, ֆ. 420, գ. 16, գ. 11, թ. 37-39:

²⁸⁷ Այս հայուկային խմբի գինվորների ցանկը տե՛ս ՀԱԱ, ֆ. 420, գ. 16, գ. 11, թ. 55:

²⁸⁸ Հետագայում Խ. Կերեքցյանի եղբայր Տիգրանը երկար հետապնդելուց հետո սպանում է S. Օքոնյանին։ Սակայն մինչ օրս անհայտ է մնում Օքոնյանի սպանության ո՞չ միայն ամսաթիվը, այլև տարին, քանի որ իրար չեն համապատասխանում տեղեկությունները, որոնք հայտնի են։ Փաստերի համադրությունը և հատկապես այդ հարցերին քաջատեյակ Ա. Գյուլխանդանյանի ճշգրտումները հուշում են, որ ամենայն հավանականությամբ նա սպանվել է 1896 թ. վերջին կամ 1897 թ. սկզբին։ Սակայն դա էլ դեռևս վերջնական ճշգրտման կարիք ունի։ Առհասարակ շատ բաներ նրա մասին անորոշ են ու հանելուկային, ինչպիսին ինքն էր՝ Տիգրան Օքոնյանը, ով գորավոր կամքի տեր ու խիզախ լինելով հանդերձ՝ որոշակիորեն իր իսկ ձեռնարկած ու սիրած գործի մեջ հարատևելու խառնվածք չի ունեցել։ Նա ավելի հակված էր հաճախ փոխելու գործն ու դրա վայրը։

²⁸⁹ «Դրօշակ», Հայ Յեղափոխակ. Դաշնակցութեան» օրգան, 1892, փետրուար, թիւ 3, էջ 6-7:

ձեռնարկված արշավանքի կապը նորաստեղծ կուսակցության հետ, սակայն ինչպես Նարիմանի գավառի հայության, այնպես էլ թուրքական իշխանությունների համար տեղի ունեցածն արագորեն պարզվեց: <. Տեր-Վարդանյանի վկայությամբ. «...Նարիմանի Վեգիխաս և Ագրակ գիւղացիներէն 60 հոգի կալանաւորուելով խոշտանգուեցան և 35-ը չը դիմանալով գործդրուած վայրագութիւններուն դիտապաստ ինկան բանտին մէջ»²⁹⁰: Դրանով, սակայն, գործը չփակվեց: 1893 թ. փետրվարի 20-ին Կարինում Ռուսաստանի հյուպատոս Վ. Մաքսիմովը հաղորդում էր Կ.Պոլսում իր երկրի դեսպանին, որ Նարիմանի կազայի հդա գյուղի յայլայում 1891 թ. սեպտեմբերին 3-ին թուրքերի սպանության առիթով ոչ պակաս 60 հայ է դատաքննության ենթարկվել: Ռազմական դատարանը, Թևֆիկ փաշայի գլխավորությամբ. «...առանց երկար մտածելու, փետրվարի 13-ին մեկ նիստի ընթացքում որոշեցին մեղադրյալներից 25-ին, մեկ այլ տեղեկությամբ՝ 27-ին դատապարտել մահապատժի՝ կախաղանի միջոցով, իսկ մյուսներին ենթարկել ցմահ աքսորի»²⁹¹:

S. Օքոնյանը համարձակ էր: Նրա նախաձեռնած արշավանքը կարինցիների շուրջերին վերածվեց երգի: Նա միշտ ուներ իր տեսակետները տարբեր հարցերի շուրջ, և պատահական չէ, որ առաջիններից էր, որ դժգոհություն հայտնեց կուսակցության կենտրոնից: Հովնան Դավթյանի հետ գրած «Հրաւէր առաջին ընդհանուր ժողովի հայ յեղափոխականներին», նամակում, նշելով հեղափոխական գործերի թույլ ընթացքը, ժողովրդի «գործից սառչիլը», նրանք պարզաբանում էին, որ դա հետևանք է «գործողների մէջ մի ընդհանուր ընկերական կապ, գործունեութեան որոշ ուղղութիւն-տաքտիկը չինելուն եւ բոլորիս դիմած կէտ-նպատակի անորոշութեան»²⁹², առաջարկում էին քննարկել և հստակեցնել հետևյալ կարևոր հարցերը.

- 1) հեղափոխության նպատակը,
- 2) կազմակերպական խնդիրներ,
- 3) գործելակերպի միջոցներն ու մարտավարությունը:

Այնուհետև ներկայացնելով իրենց տեսակետներն այդ հարցերի վերաբերյալ՝ նշում էին, որ իրենց նպատակն է հեղափոխության միջոցով «թուրքա-Հայաստանում ձեռք

²⁹⁰ ՀԱԱ, §. 420, ց. 16, գ. 11, թ. 39:

²⁹¹ Архив внешней политики России, ф. . "Политархив", 1889-94гг., оп. 482, д. 1630, л. 163.

²⁹² Նիւթեր Հ.Յ.Դաշնակցութեան պատմութեան համար, Բ հատոր, Բ տպագրութիւն, Պեյրութ, 1985, էջ 156:

բերել (իհմնել) ժողովրդավարական-ռամկավարական կազմակերպութիւն»²⁹³: Իսկ հեղափոխական կազմակերպությունը պետք է բաղկացած լիներ մի քանի շրջանային կառույցներից, որոնք պետք է ունենային իրենց գործադիր մարմինները: Ինչ վերաբերում էր կուսակցության մարտավարությանը, ապա նամակի հեղինակները, կարևորելով քարոզությունն ու տեղորոշ, մնացած միջոցները որոշելու իրավասությունը վերապահում էին ընդհանուր ժողովին:

Հայտնի է, որ հայ հեղափոխական շարժման արշալուսին ունեցել ենք գործիչներ, որոնց մեջ շաղկապվել ու որոշ ժամանակ գոյակցել են ասպատակն ու ազատամարտիկը, սակայն, ի վերջո մեջտեղում մնացել է միայն «յեղափոխական ոգին»: Այդպիսի օրինակները շատ են՝ Շատախսի Զաթոն ու Շերոն, Դերսիմի Քեռին (Երզնկացի Ռուֆէն Շիշմանեան), Արաբոն, Հունոն, Աղբյուր Սերոբը, որոնցից շատերն սկզբում փախստական էին դարձել՝ խուսափելով իշխանությունների հետապնդումներից: Իսկ երբ հեղափոխական կուսակցությունները իրապարակ իշան, հայ «ղաջաղները» շտապեցին միանալ նրանց և սկսեցին պայքարել արդեն հանուն ժողովրդի ազատության: Նրանց թվում էր նաև S. Օքոնյանը, միայն այն տարբերությամբ, որ նա մյուսների նման նախապես փախստական չէր դարձել թուրք կամ քուրդ սպանած լինելու պատճառով:

Բազմաթիվ հայդուկային կոհվների կազմակերպիչ S. Օքոնյանը, իր մղած կոհվների փորձն ամփոփելով, կազմեց նաև մի փաստաթուղթ՝ «Հրահանգ հրոսակային խմբերին» վերտառությամբ, որը փաստորեն <3. Դաշնակցության պատմության մեջ առաջին մարտական կանոնագրի նախագիծն էր»²⁹⁴: Սակայն ակնհայտ էր, որ նրա առաջարկած հարձակողական մարտավարությունը երբեմն անպաշտպան ժողովրդին դարձնում էր քավության նոխազ՝ հանգեցնելով հակառակորդից անհամեմատ ավելի մեծ կորուստների: Ուստի, պատահական չէ, որ թեև <3Դ 1892 թ. ամռանը կայացած առաջին ընդհանուր ժողովում հեղափոխական-արմատական թևի ներկայացուցիչները վերջնական հաղթանակ արձանագրեցին կուսակցության ներսում, սակայն հաջորդ տարիների ընթացքում ոչ միայն Կարինի

²⁹³ Նոյն տեղում:

²⁹⁴ Փաստաթղթի տպագիր օրինակը տե՛ս Խուդինյան Գ., Հայ Յեղափոխական Դաշնակցության ծրագրի և կանոնագրի պատմությունից, «ԲՀԱ», Ե., 2002, թիվ 1, էջ 63-64:

վիլայեթում, այլև ողջ Արևմտյան Հայաստանում մենք չենք հանդիպում նման հախուռն ու անկազմակերպ գործելակերպի: Ընդհակառակը, Էրզրումի կոմիտեն, որը 1894-ից հետո նույնիսկ կենտրոնական կոմիտե անվանվեց, սկսեց հետևողական աշխատանք ծավալել կուսակցության շարքերն ընդլայնելու ուղղությամբ՝ ՀՅԴ-ի մեջ լայնորեն ներգրավելով ինչպես քաղաքի զանազան վարժարանների (Սանասարյան, Արծնյան) շրջանավարտներին, այնպես էլ դաշտավայրի (օվայի) գյուղերի բնակչներին: Սանասարյանցիներից ՀՅԴ շարքերը ներգրավվեցին Գարեգին Փաստրմաճյանը (Արմեն Գարո), Արամ Արծնյանը, Արծնյան վարժարանի շրջանավարտներից՝ Հովհաննես Սերենկովյանը, Միհրան Թեղեմեզյանը, Լևոն Մազմանյանը, Վահե Թոգաճյանը, Տիգրան Օամհուրը և ուրիշներ: Կուսակցության մեջ մտան նաև Կարինի և շրջակա գյուղերի առավել ակտիվ ու գործունյա երիտասարդները՝ Դարբին Ստեփիանը, Անտոն Պոյաճյանը, Մինաս Օզենքյանը և ուրիշներ: Դաշտի գյուղերից առավել ուժեղ ու գործունյա կառույց ձևավորվեց Զիթողում՝ Սեղրակ Անանյանի, Հ. Տեր-Վարդանյանի և այլոց ջանքերով: Այստեղից Հ. 3. Դաշնակցությունը տարածվեց Հինձք, Թվանշ, Մուտուրկա, Սովուկջերմուկ, Խետե Մելեք, Դինարի գոմ, Արծրթի, Ռմուտում, Խաչկաց վանք, Երկնիստ, Ըղտաձոր ու Պատիշեն գյուղերում²⁹⁵:

ՀՅԴ Կարինի կոմիտեի ստանդնած հիմնական առաջադրանքը զենքի հայթայթումն ու ժողովրդի զինումն էր: Այդ նպատակով օգտագործվում էին զենքի փոխադրության միաժամանակ մի քանի գծեր: Դրանք էին՝ ա) Կարս-Օլթի-Նարիման-Զիթող-Էրզրում, բ) Ղալա-Բողազ-Հասան Ղալա-Հերթե-Խնուս-Սասուն, գ) Ղալա-Բողազ-Խսափիր-Կիվ-Լսոնք-Բաբերդ-Դերջան-Երզնկա-Դերսիմ:

Միաժամանակ Հ.3. Դաշնակցության առաջին ընդհանուր ժողովից հետո ժամանակավորապես մի կողմ քաշված Ա. Արամյանը 1894-ից սկսած կրկին Կովկասից երկիր անցնող Հրայրի (Արմենակ Ղազարյան) հորդորների շնորհիվ ակտիվացնում է իր գործունեությունը: Վերջինս կարևորում էր Բասենի ու Խնուսի դերը Մուշ-Սասուն զենք փոխադրելու գործում: Այդ նպատակով Ա. Արամյանը հաստատվում է Բասենի Քյոփիրի-Քյոյ գյուղում՝ դառնալով կապող օղակ Էրզրումի կոմիտեի, Կովկասի և Տարոնի գործիչների միջև:

²⁹⁵ՀԱԱ, §. 420, գ. 16, գ. 11, թ. 41:

1895 թ. օգոստոսին՝ ոռւսական ինքնաերի վաճառականի անվան տակ Կարին է մտնում նաև <3Դ առաջնորդներից մեկը՝ Ռուսումը (Ստեփան Զորյան): Այստեղից նա մեկնում է Տրապիզոն՝ զենքի փոխադրության գործը կարգավորելու համար: Նույն շրջանում <3Դ-ի կողմից մատնիչների և դավաճանների հանդեպ կազմակերպվում են մի շարք ահաբեկչական գործողություններ:

Այսպիսով, 1895 թ. աշնանն սկիզբ առած արևմտահայերի զանգվածային ջարդերի նախօրեին <3Դ-ն արդեն հասցրել էր իր կազմակերպական կառույցը ձևավորել Կարինի վիլայեթում: Վկայակոչելով Ռուսումի՝ «Դրօշակի» խմբագրությանը հասցեագրած մի նամակը, որտեղ ասվում է. «Ուղարկեք մի կնիք Պարսկաստանի համար..., միաը՝ «Կարնոյ Կենտրոնական Կոմիտէ»²⁹⁶, որոշ ուսումնասիրողներ²⁹⁷ գտնում են, որ Կարինի <3Դ կառույցն այդ ժամանակ ունեցել է Կենտրոնական կոմիտեի կարգավիճակ: Սակայն ուսումնասիրողների մյուս խմբի կարծիքով այդ կառույցը կենտրոնական կոմիտեի կարգավիճակ չունեցավ. «<3Դ գործունեությանը վերաբերող սկզբնադրյուրներում չկան այնպիսի տեղեկություններ, որոնք ցույց տան, որ այդ նահանգում գործիչները 1895-1908 թթ. կարողացել են հիմնել Կենտրոնական կոմիտե կամ թեկուզ կոմիտե», - գրում է Հ. Գևորգյանը²⁹⁸: Ապա ավելացնում է, որ եթե «այդ ժամանակ էրզրումում կազմակերպված լիներ <3Դ կոմիտե, ապա Զավարյանը կնշեր²⁹⁹ ոչ թե «Կարնոյ խումբ», այլ... «Կարնոյ Կոմիտէ»: Այնուհետև որպես լրացուցիչ փաստարկ գրում է, որ «Իրականում էրզրումի կուսակցական կառույցները, անգամ հրավիրյալի կարգավիճակով, չեն ունեցել իրենց ներկայացուցիչները <3Դ 3-րդ և 4-րդ Ընդհանուր ժողովներում»³⁰⁰: Աշխատանքը չծանրաբեռնելու համար ձեռնպահ ենք մնում նոր փաստեր վկայակոչելուց: Հակված ենք կարծելու, որ ավելի ճիշտ է երկրորդ տեսակետը: Սկսվել էր նաև զենքի ու զինամթերքի տեղափոխման երկարաւու ու դժվարին գործը: Սակայն, այդ քայլերի համար անհրաժեշտ ժամանակ էր

²⁹⁶ Տե՛ս Ռուսում, Նամականի, Պեյրութ, 1999, էջ 31:

²⁹⁷ Տե՛ս Խուդինյան Գ., <3. Դաշնակցության գործունեությունը Էրզրումի վիլայեթում 1890-1895 թթ., Հայոց պատմության հարցեր, <<ԳԱԱ պատմության ինստիտուտ, Ե., 2003, էջ 57-65:

²⁹⁸ Տե՛ս Գևորգյան Հ., Ազատագրական պայքարի ուազմավարությունը և էջեր նրա հերոսապատումից, Ե., 2012, էջ 10:

²⁹⁹ Խոսքը Ս. Զավարյանի մի նամակի մասին է, տե՛ս Դիւան <3. Դաշնակցութեան, հ. 1, Պոսթըն, 1934, էջ 181:

³⁰⁰ Տե՛ս Գևորգյան Հ., նշվ. աշխ., էջ 10:

պահանջվում, մինչդեռ 1895 թ. սեպտեմբերի 18-ին՝ ի պաշտպանություն 1895 թ. «Մայիսյան բարենորոգումների» ծրագրի Կ. Պոլսում հնչակյանների կազմակերպած ցուցը դարձավ մայրաքաղաքում ու կայսրության տարբեր վայրերում, այդ թվում և Երզրումի վիլայեթում, զանգվածային ջարդերի առիթ: Կարինում ՀՅԴ-ն, դիմադրելով ջարդարարներին, կորցրեց Ավետիս Վեմյանի և Հովհաննես Կորկոտյանի նման կարող ուժերի: Բայց ավելին անելու և սովորականի հայացինց ծրագրերի իրականացումը կանխելու հնարավորություն չունեցավ: Ուժերի հարաբերակցությունն ակնհայտորեն շարունակում է մնալ հակառակորդի օգտին:

Այսպիսով, 1880-ական թթ. ընթացքում Կարինում ազատագրական խմբակների գործունեությունը պարարտ հող էր նախապատրաստել, և 1890-ականների սկզբին այստեղ հայտնված կուսակցությունների ներկայացուցիչները կարողացան շատ արագ ստեղծել իրենց տեղական մարմինները: Նրանց գործունեությանը բնորոշ էին երկու հիմնական ուղղություն՝ ա) զգուշությամբ զինվելու, զինավարժվելու և հարմար պահին վճռական գործողությունների դիմելու և թ) պատժից գործողություններ ձեռնարկելու և անմիջապես զինված ելույթներ ունենալու, որոնցով հույս ունեին Հայկական հարցի վրա գրավել եվրոպական դիվանագիտության ուշադրությունը: Այս երկու ուղղությունների միջև անհամաձայնությունները նույնիսկ հանգեցրին բախման ու անհարկի կորուստների: Կարինում թե՛ հնչակյանների, թե՛ դաշնակցականների մոտ գերակշռողը երկրորդ ուղղությունն էր, որն այնքան էլ արդյունավետ չէր և հաճախ անցանկալի հետևանքներ էր ունենում: Միևնույն ժամանակ Կարինի վրայով կազմակերպվեցին տարանցիկ ուղիներ, որոնցով գենք-զինամթերք էին ներկրվում երկիր: Հատկանշական է այն իրողությունը, որ նահանգի բնակչության մեծ մասը սատարում էր սկսված պայքարը, նույնիսկ ունենոր խավը, ինչն այնքան էլ բնորոշ չէր մյուս տարածաշրջաններին: Այդ եռանդուն, համերաշխ ու միասնական գործելակերպը վախեցնում էր իշխանություններին, որոնք իրենց համար անցանկալի այդ զարգացումները կանխելու համար էլ սաղրեցին հունիսյան հայտնի դեպքերը:

ԳԼՈՒԽ II

ԱԶԳԱՅԻՆ-ԱՇՏԱԳՐԱԿԱՆ ՊԱՅՔԱՐԸ ԿԱՐԻՆԻ ՆԱՀԱՆԳՈՒՄ XIX ԴԱՐԻ ՎԵՐՋԻՆ ՏԱՍՆԱՄՅԱԿՈՒՄ

2.2 Հունիսյան դեպքերը և 1894-1896 թթ. հայկական կոտորածները

Կարինի նահանգում

1890 թվականի հունիսին Կարինում կեղծ լուրեր են տարածվում հայերի քաղաքում զինապահեստներ ունենալու և ապստամբության պատրաստվելու մասին: Այդ կեղծ ահազանգի հիման վրա Բ. Դոնից ստացված իրամանով խուզարկելու նպատակով թուրք ոստիկանները պատարագի ժամին ներխուժում են Եկեղեցի: Դա շատ ծանր տպավորություն է թողնում տեղի հայության վրա: Մասնավորապես հնչակյան գաղափարներով տոգորված երիտասարդությունն ընդվզում և բողոքում է այդ անօրնականության դեմ: 1890 թ. հունիսի 18-ի վաղ առավոտյան ժողովուրդը հավաքվում է Ս. Աստվածածին Եկեղեցու բակում, որպեսզի արգելի ծրագրված խուզարկությունը: Հուշագիրների վկայությամբ Հակոբ Իշգալացյանի, որ «Պոլիս երթալ-գալով Հնչակեան արձանագրուած էր Ազգաշեանի ձեռքով»³⁰¹, դեկավարությամբ երիտասարդներից ոմանք զինվում են ատրճանակներով: Ոստիկանապետ Մուրադի առաջնորդությամբ շուտով երեսուն ոստիկաններ խուժում են Եկեղեցու բակ և փորձում մտնել Եկեղեցի: Քաղաքի մի քանի պատվարժան հայեր դիմում են ոստիկանապետին, որպեսզի վերջինս հետ տանի ոստիկաններին և հրաժարվի Եկեղեցին խուզարկելու մտքից: Բանակցությունները դեռ չափարտված՝ ձերբակալված հայ երիտասարդներից մեկը ոստիկանից ձերբազատվելու մտադրությամբ ատրճանակից օդ է կրակում: Այդ կրակոցն էլ առիթ է դառնում և ոստիկաններն սկսում են կրակել հայերի վրա: Սպանվում և վիրավորվում են քսան հայեր և մեկ ոստիկան: Անկազմակերպ, բայց անկյունադարձային էր այս իրադարձությունը. հայ իրականության մեջ առաջին անգամ էր, որ «հայու գնդակով եւ սուլով թուրք դիակներ»³⁰² կը մնային կորոի դաշտին վրայ. թուրք վիրաւոր վայնատունն

³⁰¹ Տես Պատմութիւն Ս.Դ. Հնչակեան կուսակցութեան 1887-1962, հ. Ա, Պեյրութ, 1962, էջ 51:

³⁰² Իրականում սպանվել է մեկ հոգի:

ալ կը խառնուէր հայու ցափի ճիշերուն»³⁰³: Դեպքի անմիջական ազդեցության տակ հայ մարդու, մանավանդ երիտասարդության մեջ արթնանում էր արիությունը, մանավանդ «թուրքին զարնելու և սպաննելու հոգեբանութիւնը»³⁰⁴:

Կարինում, որտեղ թուրքերն անհամեմատ շատ էին, քան հայերը, հաստատվել էին նաև «ամէն տեսակ գիշատիչներ՝ լազեր, չերքեզներ, թարաքամաներ, քրդեր»³⁰⁵: Նրանք բոլորն էլ հայերի դեմ էին տրամադրված և միշտ հարմար առիթի էին սպասում նրանց թալանելու և կոտորելու համար: Այդ պատճառով էլ փոխանակ միջնորդեին ու կանխեին արյունահեղությունը, ավելի էին գրգռում զինվորներին ու մոտակայքում խոնված ամբոխին: Նույնիսկ այդ արյունահեղության վտանգը հետ չի պահում թուրք ժանդարմներին խուզարկության մտքից, ինչին էլ նրանք ձեռնամուխ են լինում անմիջապես: Խուզարկվում են Ս. Աստվածածին Եկեղեցին, առաջնորդարանը և Սանասարյան վարժարանը: Սակայն խուզարկության արդյունքում ոչինչ չի հայտնաբերվում: Եկեղեցի եկած բազմությունը «Պաշտպան հայրենյացի» ղեկավարներ էս. Կերեքյանի, Գ. Զիլինկիրյանի և Հ. Իշգալացյանի գլխավորությամբ դիմադրում է ոստիկաններին: Քաղաքում լարվածությունը հետզիետե աճում է, և երկու օր անց՝ հունիսի 20-ին, իշխանությունների հրահանգով քաղաքի հայկական թաղամասերում ջարդեր են կազմակերպվում: Այնուիետև իշխանությունները քաղաքում ձերբակալություններ են սկսում՝ շատ դեպքերում հաշվի չառնելով՝ ձերբակալվողները որսէ մեղք գործե՞լ են, թե՞ ոչ: Դպրոցի տեսուց և ցույցի ամենաակտիվ մասնակիցներից մեկը՝ Գ. Զիլինկիրյանը, ծածուկ հեռանում է Թիֆլիս, իսկ ցույցը կազմակերպող հնչակյաններ Կերեքյանը, Իշգալացյանը, Սահաթճյանը, Նշկյանը «կը կորսնցնեն իրենց հետքերը»³⁰⁶:

Ընդհանրապես ցույցին նախորդած օրերին հայության շրջանում այն կարծիքն էր իշխում, թե Եվրոպական դիվանագետները շատ մեծ կարևորություն պետք է տային դրան և կօգտագործեին այդ առիթը օսմանյան Թուրքիայի գործերին միջամտելու և ավելի ուժեղ ճնշում գործադրելու Բ. Դուան վրա, որպեսզի վերջինս անմիջապես իրագործի Սան Ստեֆանոյի 16-րդ և Բեռլինի 61-րդ հոդվածներով կանխագծված և իր

³⁰³ Տե՛ս Զարդգ. Ղ., նշվ. աշխ., էջ 413:

³⁰⁴ Տե՛ս նույն տեղում:

³⁰⁵ Տե՛ս Ռոստոմ մահուան վաթսունամեակին առթի, խմբագիր՝ Հ. Տասնապետեան, Պեյրութ, 1979, էջ 50:

³⁰⁶ Պատմութիւն Ս. Դ. Հնչակեան կուսակցութեան 1887-1962, հ. Ա, Պեյրութ, 1962, էջ 52:

կողմից բազմիցս խոստացված բարենորոգումները հայկական նահանգներում: Սակայն բոլորովին էլ այդպես չեղավ, և այդ կարծիքը հօդս ցնդեց հենց ցուցի հաջորդ օրը, երբ հստակ երևաց, որ օտար Երկրների հյուպատոսները շատ անտարբեր կեցվածք ընդունեցին և բավարարվեցին միայն իրենց կառավարություններին պաշտոնական տեղեկագրերով տեղի ունեցածի մասին իրազեկելով: Այսպես, դեռևս 1890 թ. փետրվարին Կարինում Մեծ Բրիտանիայի հյուպատոսը, որ դեսպանությանը տեղեկացրել էր թուրքական իշխանությունների կողմից հայ բնակչության հանդեպ կիրառվող գրաքննական խստությունների մասին, որ շուրջ 30 հայեր մեղադրվել և ձերբակալվել էին «արգելված» գրականություն ունենալու համար, որի մեջ էին Վենետիկում հրատարակված հայոց պատմության գրքերը, Ֆրանսիայում գնված՝ Հայաստան աշխարհագրական անվանումը պարունակող քարտեզները և նոյնիսկ ազգային երգերը, այս անգամ էլ բավարարվեց սոսկ դեպքերի մասին տեղեկացմամբ³⁰⁷: Ավելին, հայությունը ցնցված էր մինչ այդ չտեսած գազանություններից, որ իրականացրին իշխանություններն ու խուժանը Կարինում. «Կոտորածից առաջ նա (կարնեցին) դժուարութեամբ էր իրեն թոյլ տալիս մտածելու, որ կառաւարութիւնը ընդունակ է մի այդպիսի տմարդի եւ միեւնոյն ժամանակ գազանական գործողութեան»³⁰⁸: Այդպիսի ոճիր, որ մարդկության պատմության մեջ տեղի ունեցած բացառիկ դեպքերի շարքում կարելի է դասել, հայ ժողովուրդը նոյնիսկ սովորանական «ապուշ եւ վայրենի» կառավարությունից չէր սպասում: Կարինում տեղի ունեցած ոճիրը,- գրում է «Հնչակ»-ի թղթակիցը,- նաև ցուց տվեց, որ «յանկարծակի գրգռվիլը, առանց նախապատրաստութեան հարձակիլը անբարեհաջող ավարտ կունենայ»³⁰⁹: Միևնույն ժամանակ, քննարկելով ու վերլուծելով տեղի ունեցածը, «Հնչակը» եզրակացնում էր. «...դժուար չէ նկատել, որ թիւք կառաւարութեան գաղտնի նախագծով ու դրդումով է առաջացրել այդ դեպքը, որ նա այնտեղ խաղացել է պրօվոկատորի դեր իսկ միւս կողմից՝ հայ ժողովուրդը տրամադիր է եղել

³⁰⁷ Ste'us Turkey,թիվ 1(1892), London, 1892, էջ 16, 19, 37: Ste'us նաև Հայ ժողովուրդի պատմություն, հ. VI, Ե., 1981, էջ 233:

³⁰⁸ Ste'us Ռուստոմ մահուան վաթսունամեակին առթիւ, խմբագիր՝ Հ. Տասնապետեան, Պեյրութ, 1979, էջ 50-51:

³⁰⁹ Ste'us «Հնչակը», 1890, հուլիս, թիվ 3, էջ 1:

կառաւարութեան գցած մարտական ձեռնոցն ընդունել բաւական սպառնական եղանակով»³¹⁰:

1890 թ. Կարինի ցույցն ու դրան հաջորդած անմիջական իրադարձությունները հանդիպեցին հայերի թեև նախապես չժրագրված, սակայն ակտիվ դիմադրությանը: Առաջին անգամ հայը նաև զենքի դիմեց: Երկու կողմն էլ զոհեր և վիրավորներ ունեցան: Նշենք, որ այս ամենն անկյունադարձային եղավ արևմտահայ իրականության մեջ. ոչ միայն առաջին անգամ օրը ցերեկով քաղաքի կենտրոնում հայի գնդակից թուրք զոհվեց, այլև դրա անմիջական ազդեցության ներքո կոփվեց հայի հոգեբանությունը. մշտական զոհի կարգավիճակից նա շրջադարձ կատարեց դեպի պետք եղած դեպքում նաև սպանողի և կատարված անարդարությունների համար պատժողի կարգավիճակ: Կարինի դեպքերը, որպես ազատության համար բողոքի պողոթկում, մեծ արձագանք գտան ինչպես արևմտահայության, այնպես էլ արևելահայության շրջաններում: Կարինի դեպքերի անմիջական ազդեցության ներքո 1890 թ. հուլիսի 15-ին տեղի ունեցավ Գում Գափուի ցույցը, սեպտեմբերի 27-ին կազմակերպվեց Սարգիս Կուկունյանի արշավանքը, տարեվերջին՝ Տարոնի Վարդենիս գյուղի զինված դիմադրությունն իշխանության ներկայացուցիչներին, 1891 թ. Սկզբներին՝ կուսակալի ու Ռուսաստանի հյուպատոսության առջև բողոքի ցույցը Վանում և այլն: Նման ցույցեր ու ելույթներ կազմակերպվեցին գրեթե հայաշատ բոլոր խոշոր բնակավայրերում³¹¹: Այդ ցույցերն ու ելույթները շարունակվեցին նաև հետագայում՝ հաճախ վերածվելով արյունահեղ բախումների, որպիսիք էին Սասունի՝ 1893-1894 թթ., Վանի՝ 1896 թ. հերոսական ինքնապաշտպանական մարտերը, Բաբը Ալիի՝ 1895 թ. ցույցը, Զեյթունի՝ 1895-1896 թթ. ապստամբությունը և այլն: Այդ բոլոր տարիների ընթացքում հայ ֆիդայական պայքարը ևս երբեք տեղի չտվեց: Այն երբեմն բզկտվում, թուլանում էր, բայց կրկին ծավալվում, հզորանում էր անընդհատ՝ առաջին հերթին դրսնորվելով որպես արևմտահայ ժողովրդի ազատագրման նպատակին ուղղված մի հերոսամարտ, հետո էլ որպես զապաշապիկ արյունողություն ոսղի համար:

Ավելացնենք, որ գնահատելով որպես իր ազատության համար ոտքի ելած բողոքի արդարացի պողոթկում, Կարինի ցույցը ոգեշնչման աղբյուր հանդիսացավ նաև հայ

³¹⁰ Տե՛ս «Հնչակ», 1890, հուլիս, թիվ 3, էջ 12:

³¹¹ Տե՛ս ՀԺՊ, հ. 6, էջ 238:

մշակույթի բազմաթիվ նշանավոր ներկայացուցիչների ու ժողովրդական գուսանների ստեղծագործություններում և պայքարի ոգեկոչեց գալիք սերունդներին:

XIX դարի վերջին տասնամյակում զգալիորեն թուլացած Օսմանյան կայսրությունը կառավարող «Կարմիր գազան»³¹² Աբդուլ Համիդ II-ը վախենալով, որ Բեղլինի վեհաժողովում հայերի համար նախատեսված «բարենորոգումները պարունակում են իրենց մեջ պետութեան կործանման պացիլները»³¹³ և ցանկանալով կանխել կայսրության վերջնական փլուզումը, ձգտում էր իր տերության շուրջը համախմբել ամբողջ մահմեդական աշխարհը: Դրա իրագործման ճանապարհին իրենց ազգային-ազատագրական գաղափարներով հայերը լուրջ խոչընդոտ էին: Այդ արգելքը վերացնելու նպատակով արյունարբու սովորական որոշեց պարզապես բնաջնջել հայ ժողովրդին: Նա նախաձեռնեց 1894-1896 թթ. կոտորածները, որոնք թեև միշտ մնում են 1915 թ. ցեղասպանության ստվերում, սակայն Օսմանյան կայսրությունում, այդ թվում Կարինի նահանգում, բնակվող հայերի գոյությանը հասցված ամենամեծ հարվածներն էին եղեռնից առաջ: Այդ ոճրագործությունը, որի մասին վկայում են մեծաքանակ արխիվային վավերագրեր, տպագիր սկզբնադրյուրներ, ուղեգործություններ, հուշագրություններ, մամուլում գետեղված իրապարակումներ ու այլ աղբյուրներ, հայ և օտար ուսումնասիրողների բազմաթիվ աշխատություններ³¹⁴, մի օրում չծնվեց և պայմանավորված էր որոշակի սոցիալ-տնտեսական, քաղաքական, գաղափարախոսական, իրավական և բազում այլ նախադրյալներով, որոնք ընդհանուր էին ինչպես ամբողջ կայսրության, այնպես էլ Կարինի նահանգի համար:

XIX դ. վերջին Օսմանյան կայսրության թեև դանդաղ, բայց աստիճանաբար կապիտալիստական ուղիով զարգացող տնտեսության մեջ շատ կարևոր լծակներ ու կապիտալի (հատկապես փոխատվական) որոշ մասը գտնվում էին հայ գործարարների ձեռքում: Հայերն իրենց սոցիալական, տնտեսական և մշակութային զարգացմամբ էլ ավելի բարձր մակարդակի վրա էին, քան թուրքերը: Դա էլ ատելություն և թշնամանք էր առաջացնում էր հայերի նկատմամբ: Թուրք իշխանավորներն ու գործարար տարրը

³¹² Տե՛ս (Abdulhamid II), Ikinci Abdulhamid'in HatiraDefteri, İstambul, 1960, էջ 130: Արևմտահայության կոտորածների հեղինակ Աբդուլ Համիդը կյանքի վերջում գրի առած իր հուշագրություններում «միամտորեն» զարմանում էր, թե ինչու են իրեն անվանում «Կարմիր գազան»:

³¹³ Տե՛ս Եազրեան Գուրգեն, Ապտու Համիտ Բ. Կարմիր սովորականը, Պէյրութ, 1980, էջ 819:

³¹⁴ Դրանք այնքան շատ են, որ միայն թվարկումը մեծաքանակ էջեր կզբաղեցնի: Այդ պատճառով էլ ձեռնպահ ենք մնում դրանից և վկայակոչվածները կներկայացնենք համապատասխան տեղում:

տենդագին ելք էին որոնում ստեղծված իրավիճակից՝ ցանկանալով տեր դառնալ Երկրի ողջ հարստություններին, հանուն այդ նպատակի կանգ չառնելով ոչ մի միջոցի առջև: «Հայոց տնտեսական ակտիվությունն էր,-նշում է Զ. Կիրակոսյանը,-որ գրգռում ու կատաղեցնում էր թուրք բուրժուազիայի քաղաքական պարագլուխներին. Նրանք այլևս չեն հանդուրժելու Երկրի ներքին շուկայում հայոց տնտեսական վերընթացը»³¹⁵:

Բոլորովին էլ պատահական չէր, որ Աբդով Համիդ II սովթանի օրոք (1876-1908 թթ.) կառավարող վերնախավի գաղափարախոսությունը դարձավ պանխալամիզմը (համախամականություն): Հասկանալով, որ պետության թուլացման և քայլայման կարևոր պատճառներից մեկը եղել և շարունակում էր մնալ ազգային հարցը՝ կայսրության ամբողջականությունը և պետականությունը պահպանելու ելքը սովթանը տեսնում էր Երկիրը միակրոն և էթնիկ առումով միատարր դարձնելու մեջ: Ստեղծվեց պետությունը ճգնաժամից դուրս բերելու մանրակրկիտ մշակված, բայց իրեշավոր ծրագիր: Ի դեմս իսլամիզմի և օսմանիզմի հիմնարար դրույթների միախառնման³¹⁶, այն ուներ ամուր գաղափարախոսական հենք: Համիդի ջանքերով 1890-ականներից սկսած «թուրքական կյանքում այդ նոր հեղափոխական»³¹⁷ գաղափարախոսությունը դրվեց պետական քաղաքականության հիմքում: Աբդով Համիդ II-ը փաստորեն դարձավ հիմնադիրը «պետական դոկտրինայի, որի էությունը անփոփոխ մնաց և ուղեցույց եղավ թե՛ Երիտրուրքերի և թե՛ քեմալականների համար»³¹⁸:

Պետական քաղաքականության աստիճանի էր բարձրացվել մուսուլմանների բնակեցումը հայաբնակ գյուղերում: Նրանց տասը տարով ազատելով ռազմական ծառայությունից՝ նվիրում էին նաև հայերի կողմից արդեն մշակված, Եկամտաբեր հողեր, ցուց էր տրվում նյութական օժանդակություն³¹⁹: Դրանով թուրքերը ձգտում էին հայերին դուրս մղել Արևմտյան Հայաստանից և տիրանալ նրանց պատկանող ամեն ինչին: Կոնկրետ Կարինի նահանգում քրդերի մշտական հարձակումների հետևանքով ստեղծվել էր կյանքի և սեփականության անապահովություն, չկար խոսքի, խղճի

³¹⁵ Տե՛ս Կիրակոսյան Զ., Երիտրուրքերը պատմության դատաստանի առաջ (19-րդ դարի 90-ական թթ. – 1914 թ.), գիրք առաջին, Ե., 1982, էջ 122:

³¹⁶ Տե՛ս Մկրտչյան Լ., նշվ. հոդ., էջ 58:

³¹⁷ Տե՛ս Ziya Gokalp, The Principles of Turkizm, Netherlands, 1968, էջ 6:

³¹⁸ Տե՛ս Մկրտչյան Լ., Արևմտահայության ցեղասպանության արդուլիամիդյան քաղաքականությունը, Հայոց ցեղասպանությունը (ուսումնասիրություններ), Ե., 2001, էջ 58:

³¹⁹ Տե՛ս Գеноциդ արմեն в Османской империи, Ереван, 1991, էջ 122:

ազատություն, իշխանությունները մահմեդականների հետ համեմատած հայերի նկատմամբ ցուց էին տալիս ընդգծված անհավասար վերաբերմունք³²⁰: Նահանգում մեծ տարածում էին գտել հայերի բռնի մահմեդականացումը, երեխանների, մանկահասակ աղջիկների օանգվածային առևանգումներն ու վաճառքը: Հսկայական չափերի էր հասել բողոքի զուապ ձևը՝ արտագաղթը:

Աբդով Համիդի իշխանախումբն արևմտահայությանն ընկալում էր որպես կայսրության միությանն ու անվտանգությանը սպառնացող անմիջական վտանգ, որի համար էլ հայերը «լուսանցքայնացուել, իսկ մուսուլման առաջնորդները զօրեղացել էին»³²¹: Կարինի նահանգում թուրքերը քրդերին խոստանում էին հարստացնել հայերի հաշվին: Նրանք սկսեցին քրդական աշիրեթներն առաջին պլան մղել: Այդ իսկ պատճառով հայերի վրա հարձակումներն սկսեցին բացահայտ բնույթ կրել:

Այդ ընթացքում Ռուսաստանին սահմանամերձ Կարինի նահանգում տեղի ունեցավ հայ բնակչության աշխարհականացման գործընթաց, հայերը դարձան կարևոր գործոն կայսրության արևելյան մասերի անվտանգության ապահովման գործում: Իսկ այդ գործընթացում գերակշռող դարձան այնպիսի քաղաքական արտահայտություններ, ինչպիսիք են՝ անհավատարմություն, հայկական խառնակություն, ծառայություն օտարներին և այլն, որոնք, որպես կանոն, օգտագործվում են ի վնաս հայերի:

Իշխանությունները նաև շեշտադրում էին հայերի ազգային-ազատագրական շարժումները: Նրանք հաճախ էին թմբկահարում հայ հեղափոխականների և ազգայնականների՝ Անատոլիայի կեսը զավթել-չզավթելու վտանգը: Իրականում այդ ձգտումներն «այդքան ազդեցիկ եւ զօրեղ չէին կամ էլ շատ որոշակի վայրերով էին սահմանափակում այդ ուժն ու իշխանութիւնը: Բացի Վանից եւ Էրզրումից՝ այնքան անզօր էին, որ ծերբակալութեամբ վերջ կը դրուէր»³²²: Սակայն այս վտանգի ընկալումը, որ ամեն ինչից անկախ ի հայտ էր եկել համիդյան վարչակարգի մտայնության մեջ, ուժնացվում և հատուկ շեշտադրումներով մատուցվում էր մահմեդական բնակչությանը: Այդ իսկ պատճառով հնարված այն ընկալումը, որ հայ բնակչությունն անվստահելի է և

³²⁰ Տե՛ս «Դրօշակ», Վիեննա, 1891, էջ 6:

³²¹ Տե՛ս «Ակոս» շաբաթաթերթի աշխատակից Էմրէ Ճոն Տաղըլովովի հարցազրույցը «Սայմըն Ֆրէյզը» համալսարանում հետազոտական աշխատանք կատարող Էտիա Կեօլպաշիի հետ: Հարցազրույցը տե՛ս <http://www.aztagdaily.com/archives/190231>:

³²² Նույն տեղում:

ամեն պահի կայսրությունից կարող է անջատվել, այդ շրջանում սկսում է անմիջականորեն ազդել հայերի ճակատագրի վրա:

Սովթանի տնտեսական ճնշումներն ամենուրեք գուգակցվում էին քաղաքական հետապնդումներով: Հաճախ նույնիսկ առանց որևէ մեղքի, միայն կասկածելով ձերբակալում ու կտտանքների էին ենթարկում հայ երևելի մարդկանց, հատկապես մտավորականներին:

Բեռլինի վեհաժողովում վավերացված Հայկական հարցը խոշոր տերությունների ձեռքում կարևորագույն կովան էր դարձել՝ կայսրության գործերին միջամտելու համար: Զգտելով յուղոտ պատառներ պոկել փլուզման եզրին հասած «հիվանդ մարդուց»՝ նրանք բարենորոգումների խնդիրը շահարկելու աղիթը բաց չէին թողնում: Այդպիսի առիթ եղավ Մայիսյան բարենորոգումների հայտնի ծրագիրը: 1895 թ. հունվարին Մեծ Բրիտանիայի դեսպան ֆ. Քարրին արտգործնախարար Ջ. Քիմքերլիին է ներկայացնում Էրզրումում հյուպատոս Հ. Չերմսայդի մշակած հայկական բարենորոգումների ծրագրի մի նախագիծ³²³: Այնուհետև այդ նախագիծը ներկայացվում է Պոլսի հայոց պատրիարք Մ. Իզմիրյանին և Կ.Պոլսում Ռուսաստանի դեսպան Ա. Նելիդովին: 1895 թ. մարտին տեղի ունեցած դեսպանների խորհրդակցության ժամանակ հայտնի է դառնում, որ մեծ տերությունները համակարծիք չէին Հայկական հարցում³²⁴: Իր հերթին Ա. Համիդը մեծ տերությունների դեսպաններին տեղեկացնում է, որ բոլոր սովորականները, այդ թվում և ինքը, բարեսիրտ են եղել հայերի նկատմամբ, սակայն վերջին տարիներին հայերն իրենց «լավ չեն պահում», ինչն էլ զայրացնում է իր մյուս հպատակներին:

Երկար քննարկումների արդյունքում ներկայացվում է բրիտանական ծրագրի նոր տարբերակ, որով նախատեսվում էր բարելավել Վանի, Էրզրումի, Սեբաստիայի, Բիթլիսի, Խարբերդի և Դիարբեքիրի վիլայեթների հայության վիճակը: 13 գլխից և 40 հոդվածից բաղկացած այդ նախագծով Արևմտյան Հայաստանն ինքնավարության կարգավիճակ էր ստանում Եվրոպական հովանու ներքո:

Նոր նախագիծը մեծ տերությունների միջև նոր անհամաձայնությունների առիթ դարձավ, իսկ սովորական, օգտագործելով դա, մերժեց նախագիծը: Սակայն ի վերջո որոշ

³²³ Տե՛ս Public Record Office (London), Foreign Office (FO), 424/181, N 88/1, էջ 57:

³²⁴ Տե՛ս Հայոց պատմություն, հ. III, գիրք առաջին, Ե., 2010, էջ 522:

չափով տեղի տվեց և միայն հաստատեց բարենորոգումների իրագործման հանձնաժողովի կազմը: Դրանից հետո այդ հանձնաժողովի անդամները մեկնում են Երգրում, քանի որ Արևմտյան Հայաստանի կարևորագույն և հիմնական սկզբնակետ դիտարկվում էր այդ քաղաքը:

Հասկանալով, որ Եվրոպական տերությունների գործադրած ջանքերը դրական արդյունք չունեցան, Եվրոպական դիվանագիտության մի քանի ակտիվ միջնորդություններից և տարբեր գործիչների հայանպաստ հայտարարություններից ոգևորված՝ հայ հասարակական-քաղաքական շրջանակները հանդես եկան Աբդուլ Համիդի հակահայկական քաղաքականության դեմ: Ոտքի ելան հայության գրեթե բոլոր խավերը: Հայության ամենալայն շրջաններում տարածում էր ստանում զինվելու, զենքը ձեռքին կովելու և գոնե պատվով մեռնելու բնական ցանկությունը: Մշակվեց մարտական գաղափարախոսություն, կուսակցություններն իրենց վրա վերցրին համաժողովրդական պայքարի կազմակերպման գործը: Հայությունը վերջիններիս առաջնորդությամբ մտավ իր դարավոր գոյամարտի վճռական՝ զինված հեղափոխության ժամանակաշրջանը: Ինչպես ամեն մի ճնշված ազգի պայքար ընդդեմ բռնապետության, հայ ժողովրդի մաքառումը և՝ արդար էր, և՝ ուներ առաջադիմական, ազատագրական նշանակություն: Պայքարի բնույթով, ձևերով և եղանակներով այն իսկապես ժողովրդական էր և «պատմական րոպէի պահանջած պայմաններին»³²⁵:

1895 թ. սեպտեմբերի 18-ին հայկական նահանգներում բարենորոգումներ իրականացնելու պահանջով տեղի ունեցավ Բաբը Ալիի հայտնի ցուցը, որին մասնակցում էին ավելի քան չորս հազար մարդ: Խաղաղ ցուցը թուրքերի հրահրման արդյունքում վերածվում է արյունալի բախման³²⁶:

³²⁵Տե՛ս «Դրօշակ», 1891, թիվ 24, դեկտեմբեր:

³²⁶Բախմանը զոհ գնացին 15 ոստիկան և 60 անմեղ հայեր: Ցուցն ուժով ցրվում է, 500-ից ավելի հայեր ձերբակալվում են: Հաջորդ օրերին ևս փողոցներում շրջում էին զինվորներն ու ոստիկանները, որոնք խուզարկում էին հայերին և չնչին պատրվակով ձերբակալում: 1895 թ. սեպտեմբերի 18-ի գիշերը մահմեդական խաժամութը հարձակվում է Կետիկ փաշա և Գում Գափու թաղերի հայ բնակչության վրա: Տեղի է ունենում կոտորած, շատերին ձերբակալում են առանց որևէ պատճառի՝ «մեկ օրան մէջ 2000 հոգի ձերբակալած են»: Տե՛ս «Մոլճ», 1885, թիվ 12, էջ 1888-1889: Կալանվածները Ենթարկվում են կտտանքների: Հաջորդ օրերին քաղաքում տեղի են ունենում ջարդեր, որոնց զոհ են դառնում ավելի քան 2 հազար, իսկ ըստ որոշ աղբյուրների՝ 6 հազար անմեղ հայեր: Տե՛ս Հայոց պատմություն, հ. III, գիրք առաջին, Ե., 2010, էջ 528:

Մեծ տերությունների դեսպանների բողոքներին սովորական արձագանքում է բացարձակ անտարբերությամբ և լկտիաբար հայտարարում է, որ ներկայացված փաստերը չեն համապատասխանում իրականությանը: Ավելին՝ Բաբը Ալիի ցուցից անմիջապես հետո Օսմանյան կայսրության ամբողջ տարածքում սկսվում են անզեն հայերի՝ պատմության մեջ աննախադեպ զանգվածային կոտորածները:

1895 թ. սեպտեմբերին մայրաքաղաք Կ.Պոլսում սկսված հայկական ջարդերի ալիքը շատ արագ տարածվեց և իր մեջ առավ ամբողջ Արևմտյան Հայաստանն ու կայսրության հայաշատ մյուս վայրերը³²⁷: 1894-1896 թթ. կոտորածների ժամանակ զոհվեց 300 հազար հայ: Սակայն հայերի կորուստները միայն դրանով չեն սահմանափակվում: Ստեղծված անասելի հուսալքման պայմաններում մոտ 100 հազար հայ բռնի դարձան մահմեդական, և մոտավորապես այդքան հայեր էլ հարկադրված հեռացան իրենց հայրենիքից: Որբացավ ավելի քան 50,000 երեխա³²⁸: Թուրքական իշխանությունների կողմից իրականացված այդ ոճագործությունը ցեղասպանության դրսևորում էր, որի նպատակն էր արյան մեջ խեղդել արևմտահայերի ազգային-ազատագրական շարժումը և վերջնականապես վերացնել Հայկական հարցը: Ի դեպ, ջարդերը գերազանցապես իրականացվում էին Աբդով Համիդ II-ի կողմից հատուկ ստեղծված համիդիկ անկանոն հեծելագնդերի կողմից: Նկատենք, որ դա թուրքական կառավարության բնաջնջման առաջին փորձն էր, ուստի և որոշ վայրերում տեղական իշխանությունները չկարողացան կազմակերպված իրագործել կենտրոնի հրահանգները: Բոլոր «վրիպումներն» ու «սխալները» հետագայում հաշվի առան Աբդով Համիդի հետևորդները:

Փաստորեն Աբդով Համիդը որոշեց Հայկական հարցը լուծել վերջնականապես, այսինքն՝ Արևմտյան Հայաստանը մաքրելով հայերից՝ թե՛ կոտորելու, թե՛ հավատափոխելու, թե՛ գաղթի միջոցով: Սովորական կառավարությունն ամեն ինչի պատրաստ էր, միայն թե կարողանար ազատվել իր համար մեծ բեռ դարձած Հայկական հարցից: Ինչպես արդեն նշեցինք, մեծ

³²⁷ Ջարդերի, կողոպուտի և ավերածությունների ենթարկվեցին Տրապիզոնը, Բաբերդը, Եղեսիան, Դերջանը, Քղին, Սամսոնը, Երզնկան, Քիթիսը, Շապիս-Գարահիսարը, Կարինը, Խարբերդը, Զարսանջակը, Մալաթիան, Մարզվանը, Սղերդը, Մուշը, Դիարբեքիրը, Սեբաստիան, Վանը: Ողջ Արևմտյան Հայաստանը, հայաբնակ շրջանները բոցերի մեջ էին:

³²⁸ Տե՛ս <http://www.slaq.am/arm/news/148100/> և <http://www.genocide-museum.am>:

տերությունների խուսանավող քաղաքականությունը և նրանց միջև առկա հակասությունները հնարավորություն ընձեռեցին օսմանյան վարչակարգին իրագործելու իր դիվային ծրագիրը: Առաջ անցնելով նշենք, որ ջարդարարների անպատճելիությունը 1894-1896 թթ. հետագայում հիմք դարձավ՝ 1915 թ. ցեղասպանությունն իրագործելու համար:

Հայաստանի Հանրապետության ազգային արխիվի տարբեր ֆոնդերում պահվում են 1894-1896 թթ. համիլյան կոտորածներին վերաբերող տասնյակ գեկուցագրեր ու տեղեկագրեր³²⁹: Օրինակ՝ այն փաստաթղթերը, որոնք պահվում են << ազգային արխիվի թիվ 56 (Ս. Էջմիածնի լուսավորչական հայոց սինոդ) ֆոնդում, գրի են առնվել 1895 թվականի ընթացքում և ներկայացնում են հայ բնակչության դեմ կիրառված բռնությունների, ավերածությունների ու կոտորածների համայնապատկերը³³⁰: 1894-1896 թթ. ընթացքում Արևմտյան Հայաստանի հայոց թեմական առաջնորդների, առաջնորդական փոխանորդների, հոգևոր հովիվների, կրոնական ու քաղաքական ժողովների կողմից հայկական կոտորածների վերաբերյալ անընդհատ տագնապալից տեղեկագրեր ու գեկուցագրեր էին հղվում Ամենայն Հայոց Կաթողիկոս Մկրտիչ Խրիմյանի և Կ. Պոլսի հայոց պատրիարք Մատթեոս արքեպիսկոպոս Իզմիրյանի հասցեին³³¹: Արդեն 1894 թ. կոտորածներն այնքան մեծ չափեր էին ընդունել, որ դեկտեմբերի 7-ին հրաժարական տված պատրիարք Խորեն Աշրոյանին փոխարինած Մատթեոս Իզմիրյանն Աբդով Համիդին ուղղված նամակում պահանջում էր դադարեցնել դրանք³³²: Խոսելով իր հոտի ծանր կացության մասին՝ Մ. Իզմիրյանը մեծ վեզիրին 1895 թ. փետրվարի 8-ին հղած նամակում գրում էր. «Ամենուրեք քուրդ և չերքեզ հրոսախմբեր կասպատակեն՝ անարգել և համարձակ, սպանություններ կը գործեն, կը հափշտակեն երկրա գործ ժողովորյան գույքն ու կենդանիներն, կը վնասեն անոնց պարենն ու խոտի դեզերն և ձմռան եղանակին մեջ գյուղացիք չը գըտնելով

³²⁹ Տե՛ս օրինակ՝ ՀԱԱ, ֆ. 56, գ. 16, 17, 18 և այլն: Նկատենք, որ այդ տեղեկագրերի ու գեկուցագրերի մի մասը 1895-1896 թթ. հրապարակվել են «Արարատ» ամսագրում:

³³⁰ ՀԱԱ, ֆ. 56, գ. 16, թթ. 7-8 շրջ., հաստատված պատճեն, ծեռագիր: ՀԱԱ, ֆ. 56, գ. 17, գ. 70, թ. 5-8 շրջ., հաստատված պատճեն, ծեռագիր: ՀԱԱ, ֆ. 56, գ. 17, գ. 70, թ. 5-8 շրջ., հաստատված պատճեն, ծեռագիր:

³³¹ <http://www.armenianreligion.am/images/menus/752/pastatxter.pdf>, էջ 119:

³³² Տե՛ս Կոստանդնուպոլիս Ե., Դրվագներ Մադարիա Արքեպիսկոպոս Օրմանյանի կյանքից և գործունեությունից, Ե., 2015, էջ 22:

ուտեստ ո՞չ իրենց և ո՞չ ալ կենդանյաց համար՝ կը հարկադրին թողով անոնց իրենց կենդանիներն»³³³: Դրանցում մանրամասն ներկայացվում էր հայկական նահանգներում և կայսրության հայաշատ վայրերում տիրող իրավիճակը՝ սով, բռնություններ, թալան, իրկիզումներ, բռնի իսլամացում, կանանց ու աղջկների առևանգումներ, հայերի ձերբակալություններ, սպանություններ, ինքնապաշտպանական գործողություններ, համատարած կոտորած: Հաճախ նշվում էին այդ չարագործությունները կատարողների անունները:

Հատկանշական է, որ իրադարձություններին գրությունների հեղինակները տալիս էին ճիշտ քաղաքական գնահատականներ՝ հստակ հասկանալով, որ տեղի ունեցող կոտորածները ոչ թե տարերային բնույթ կրող իրադարձություններ են, այլ կառավարության կողմից իրականացվող հայացինց քաղաքականություն: Կ.Պոլսի հայոց պատրիարքին հասցեագրված մի նամակից տեղեկանում ենք, որ Էրզրումի գավառում զանգվածաբար բռնի իսլամացնում էին հայերին, իսկ դիմադրողներին պարզապես սպանում էին. «Ոչ միայն տղամարդկանց և տղայոց անգթօրէն թլիատում են հրապարակաւ, այլ և իբրև ապացոյց նոցա անկեղծ հաւատափոխութեան՝ կենդանի մնացածներին ստիպում են իրենց մատաղահաս կանանց և աղջկներին թուրքերի տալ կնութեան», -հայտնում են այդտեսակ նամակներից մեկի հեղինակները³³⁴: Նրանք հայտնում են նաև, որ շատերին բռնի մզկիթ են տանում և ստիպում անընդհատ կրկնել մահմեդականների աղոթքները: Նամակում ասվում է նաև այն մասին, որ թշվառ հայերի ամբողջ ունեցվածքը կողոպտել, են և վերջիններս, ծայրահեղ աղքատության մեջ լինելով հանդերձ, իրավունք չունեն «օգնութիւն ստանալու բարեգործական դրամներից, ապա թե ոչ նոցա կմեղադրեն անգլիացիների հետ յարաբերութիւններ ունենալու մեջ»³³⁵: Վտանգ կար նաև, -կարդում ենք նամակում, -որ նույնիսկ մահմեդականություն ընդունածներն «այժմ էլ իբրև մահմեդականութիւն ուրացողներ...կարող են կոտորվել»³³⁶:

Նկատելի էր, որ ջարդերի ժամանակ սպանում ու մահմեդականացնում էին հիմնականում հայ առաքելական եկեղեցու հետևորդներին: Իսկ այն հայերը, որոնք

³³³ՀԱԱ, ֆ. 57, գ. 5, գ. 3, թ. 1:

³³⁴Տե՛ս «Արարատ» ամսագիր, 1896, թիվ 3, էջ 123:

³³⁵Տե՛ս նոյն տեղում:

³³⁶Տե՛ս նոյն տեղում:

միսիոներների քարոզական աշխատանքների արդյունքում հեռացել էին հայոց եկեղեցուց, շատ դեպքերում փրկվում էին: Ուստի պատահական չէր, որ զգալի թվով հայեր ընտրում էին չարյաց փոքրագույնը. հեռանում էին հայոց եկեղեցուց՝ մնալով քրիստոնյաներ: Օգտագործելով կոտորածների ընթացքում և դրանից հետո ստեղծված ծանր կացությունը, ընչազուրկ մարդկանց ապահովելով սննդով և հագուստով՝ կայսրության հայաշատ վայրերում գործող օտարերկրյա միսիոներական կազմակերպությունները զբաղվում էին հոգեորսությամբ՝ օտարելով հայերին մայր եկեղեցուց, հայկական ակունքներից, արևմտահայության շրջանում տարածելով իրենց պետությունների քաղաքական և տնտեսական ազդեցությունը: Այդ մասին է վկայում օրինակ՝ Բարդուղիմեոս վարդապետ Թագաճյանի՝ Աղասուն ուղղված մի նամակը (1896 թ. օգոստոսի 11), որտեղ նա գրում էր. «Կյանքերնիս գնաց, դրամներս գնաց, աղքատությունն ու թշվառությունը կրոնքնիս ալ այժմ ձեռքներուս խլելու վրա է, ոմանք բողոքականության կը դիմեն»³³⁷:

1894-1896 թթ. ջարդերը հատկապես հայ առաքելական եկեղեցու հետևորդների դեմ ուղղված լինելու իրողությունը մեր օրերում ընդունում են նաև ոչ հայ ուսումնասիրողները: Այսպես օրինակ՝ Կ.Պոլսում լուս տեսնող «Ակու» թերթին տված հարցազրույցում «Սայմըն Ֆրէյզըր» համալսարանում հետազոտություններ կատարող Էդիա Կեոլբաշը, պատասխանելով թերթի թղթակից Էմրէ ջոն Տաղըլլովուի այն հարցին, թե կոտորածները տարածվե՞լ են արդյոք շրջանում բնակվող ոչ մուսուլմանների վրա, պատասխանել է. «Այո՛, սակայն բռնութեան հիմնական նպատակը առաքելական հայերն են եղել: Օրինակ՝ Արաբկիրում 200 հոգուց բաղկացած կաթոլիկ հայերի վրայ դրանք չեն տարածուել: Նրանք Բարձր Դրանը անգամ շնորհակալական նամակ են ուղարկել առ այն, որ կաթոլիկ հայերը կոտորածների չեն ենթարկուել...»³³⁸: Սակայն եղել են նաև վայրեր, ինչպիսիք են՝ Խարբերդը, Տիգրանակերտն ու Ուրֆան, որտեղ կոտորածների թիրախն են դարձել ոչ

³³⁷ՀԱԱ, §. 453, ց. 1, գ. 72, թ. 2:

³³⁸Տե՛ս 1915 թ. ոտնաձայները, Էմրէ ճոն Տաղըլլովուի հարցազրույցը 1894 թ. Սասունում, 1895 թ. Տրապիզոնում սկսուած ու ողջ միջին եւ Արեւելեան Անստովիայի (Արեւմտեան Հայաստան, «Ակունք»-ի խմբ.) վիլայեթներն ընդգրկած, այնուհետեւ Հալէպում եւ Կիլիկիայում, 1896 թ.՝ Վանում, Ակնում, Էրզրումում եւ Պոլիսում իրականացուած կոտորածների վերաբերեալ «Սայմըն Ֆրէյզըր» համալսարանում հետազոտական աշխատանք կատարող Էտիա Կեօլպաշիի հետ, <http://www.aztagdaily.com/archives/190231>, հոդվածը հայերեն է թարգմանել Անահիտ Քարտաշյանը:

միայն բոլոր հայերը, այլև մյուս ոչ մուսուլման համայնքները: Տիգրանակերտում մոտ 100 ասորի է սպանվել: Անգամ ասորիների պատրիարքի փոխանորդն ասելով, թե իր համայնքի անդամներին հայ համարելով սպանում են, խնդրել է Բ. Դուանը, որ հրովարտակ հրապարակի, որտեղ ասվի, որ իրենք սովորանի հավատարիմ ծառաներն են: Որպեսզի սխալմունքի զոհ չդառնային, ասորիները նույնիսկ «իրենց կրպակների վրայ կախում էին «մենք ասորի ենք» գրութիւն»³³⁹:

Մեկ այլ համանման փաստաթղթում էլ խոսվում է այն ցավալի իրավիճակի մասին, որ այդ ամենը կատարվում էր իշխանությունների աչքի առջև և նրանց թողտվությամբ. «Իսկ տեղական կառավարութիւնը այս պարագայից մէջ կը փայլի իր ցցուցած սառն անտարբերութեամբը»: Ավելին, զեկուցագրի հեղինակները հայտնում են, որ «...մանաւանդ շատ մը պարագաներ կապացուցանեն անոր (կառավարության - Ա.Ս.) հուանաւորութիւնն ու գործակցութիւնն այս աղետալի կոտորածներու և աւարառութեանց մէջ», որի արդյունքում է,-նամակագիրների կարծիքով, «... այս միջոցին Էրգրումի մէջ հաւաքած է հարիւրատր թալանչի և մարդասպան չէրթէզներ, քիւրտեր և զազաններ»³⁴⁰: Շարունակելով ներկայացնել տարածաշրջանի հայերի աղետալի վիճակը՝ մեկ այլ փաստաթղթում պատրիարք Իզմիրյանին հղած գրության մեջ հեղինակը նշում է. «Մինչև որ ծրագիրը գործադրութեան դրուի և բարենորոգմունք ներմուծուին որոշեալ նահանգաց մէջ հայ մը չմնար: Թիւրքիոյ կառավարութիւնն ու իսլամութիւնն իսպառ բնաջինջ պիտի ընեն հայերը և այն ատեն ո՞ւմ համար պիտի գործադրուի ծրագիրը և ի՞նչ բանի պիտի ծառայէ բարեկարգութիւնն, հայկական խնդիրն հայոց կոտորածո՞վ պիտի լուծուի արդեօր»³⁴¹:

Պատրիարք Իզմիրյանին հասցեագրված Կարինի քաղաքական և կրոնական ժողովի գրության մեջ մանրամասն նկարագրվում է քաղաքի հայության համար ստեղծված ծանր կացությունը, որն ընդհանուր էր նաև ողջ նահանգի համար. «Դառնանք քաղաքիս, ընդհանուր վիճակիս և նորա շրջակից արդի տագնապալից կացութեան, որ ցարդ չը մեղմանալէ զատ՝ օր ըստ օրէ, ժամէ ի ժամ և վայրկեան առ վայրկեան կը վատթարանայ, կը ծանրանայ և աւելի վտանգաւոր կը դառնայ և հայ

³³⁹ Տե՛ս նույն տեղում:

³⁴⁰ Տե՛ս հրապարակումներ, փաստաթղթեր 1894-1896 թթ. հայկական կոտորածների վերաբերյալ, տե՛ս <http://www.armenianreligion.am/images/menus/752/pastatxter.pdf>:

³⁴¹ Տե՛ս նույն տեղում:

ժողովրդեան վրայ տիրող ահ ու սարսափն ու մտահոգութիւնն գամ քան զգամ³⁴² կը շատնայ, մանաւանդ այլս և այլ կողմերէ հասած ահարեկիչ և սրտաճմլիկ լուրերովն Կ. Պոլսի, Տրապիզոնի, Երզնկայի, Ռոտոսթոյի, Նիկոմետիոյ և Բաղէշի հայոց աղէտալի կոտորածներէն յետոյ՝ սարսափով և ցաւօք սրտի կը լսուի, որ Տիգրանակերտի, Բաբերդի, Սղերդի և ուրիշ քաղաքաց ու նոցա գիւղերու հայերն ևս կոտորուեր ու թալանուեր են»³⁴³: Այնուհետև նամակի հեղինակները նշում են, թե հավանական է, որ տեղի մոլեռանդ և կատաղի թուրքերը՝ «հակառակ Վսեմ. Կառավարչի տուած խոստման, չեն հանդարտած և կը շարունակեն իրենց սպառնական ընթացքը հայոց դէմ, ստոր և յետ մնած այն գազանաբարոյութեան և կարծեցեալ դիւցազնութեան մէջը, զորս գործեցին այլ տեղերու իրենց եղբարք»³⁴⁴: Իրատեսորեն գնահատելով ստեղծված իրավիճակը՝ նամակի հեղինակները եզրակացնում են, որ եթե երկու շաբաթ քաղաքում ջարդեր չեն եղել, դա չի նշանակում, որ այլս չեն լինելու: Երկու շաբաթվա դադարն էլ հետևանք է հայերի «արթնութեան և զգուշաւոր ընթացքի»: Նրանք, նախապես զգալով վերահաս վտանգը, փուլացին թողնել բոլոր գործերը և ապաստանել իրենց տներում: Չնայած կառավարության և թուրք երևելիների տված կեղծ խոստումներին՝ հայերը չեն վստահում,-ասվում է նամակում,-սակայն աղքատ ժողովուրդը հանուն իրենց «նօթի և կարօտ ընտանեաց և զաւակաց ոգեպահիկին շաբթուայ մը մէջ երկու օր կը բանան խանութնին», բայց «օրուան մէկ երրորդ պահէն վերջ վերստին տուներնին դառնալ կը պարտաւորուին», քանի որ այստեղի մահմեդականները, հատկապես Սասունի դեպքից հետո հայության դեմ ավելի ատելությամբ ու վրեժինդրությամբ էին լցված: Քանի որ նրանք հարցի վերաբացման հեղինակ և սկզբնապատճառ տեղի հայերին էին համարում: Իսկ հայերը, տեղեկանալով այլ քաղաքներում և գավառներում մահմեդականների շահատակությունների մասին, ականատես լինելով կառավարության հովանավորչությանն ու «թոյլատու և գրգոհչ ընթացքին», դրսնորում էին խիստ զգուշավոր կեցվածք³⁴⁵:

Նամակի հեղինակները հայտնվել էին այնպիսի ծայրահեղ հուսահատ վիճակում, որ, այլ ելք չտեսնելով, միակ փրկությունն սպասում էին վերսից. «...եթէ այսօր ու վաղը

³⁴² Գամ քան զգամ – քայլ առ քայլ:

³⁴³ Տե՛ս <http://www.armenianreligion.am/images/menus/752/pastatxter.pdf>, էջ 130:

³⁴⁴ Տե՛ս նույն տեղում, էջ 131:

³⁴⁵ Տե՛ս նույն տեղում, էջ 131-132:

Տէր այցելութիւն մը չընէ և փրկութեան դուռ մը չբանայ մեզի, անտարակոյս այսօր ըլլայ, վաղ ըլլայ կամ շաբաթ մը վերջ ամենէն ծանր ու քստմնելի կոտորածն աստ տեղի պիտի ունենայ և տեղույս անզէն ու անպաշտպան հայերն իսպառ բնաջինջ պիտի ըլլուին»³⁴⁶: Սարսափահար ժողովուրդն ամեն վայրկյան կոտորածի ու մահվան էր սպասում սրտատրոփ, այդ պատճառով էլ «իւր աշխատութիւնն ու գործը թողած ներս փակուած մնացած է», մինչդեռ պիտի ջանար, որ կարողանար իր ընտանիքի գոնե առաջին անհրաժեշտության իրերն ու ձմեռվա պաշարն ապահովել: Նրանք շփոթված հարցնում են նաև, որ «Եթէ այսպէս տևէ այս դժնդակ կացութիւնն», ի՞նչ կլինի աղքատ ժողովոդի վիճակն առաջիկայում, քանի որ «փախչելու և ազատուելու ճար ու ճամբայ չունինք, և ինքնապաշտպանութեան միջոցներէ ալ բոլորովին զուրկ ենք»³⁴⁷:

Իրավիճակն ավելի էր ծանրանում նրանով, որ ամեն շաբաթ քրիստոնյաներին զգուշացնում էին, թե մահմեդականություն չընդունածներին մոտալուս կոտորած է սպառնում: Ժողովոդի օրերն ու ժամերը հաշված էին. «Վայրկեանէ վայրկեան մահուան կ'սպասէին», առավոտյան արթնացողը հույս չուներ, թե ողջ և առողջ կպառկի քնելու և գիշերը առանց վտանգի «անցունելով պիտի ողջունէ արշալոյսը այս ահ ու սարսափի մէջ»: Հատկապես ուրբաթ օրերը քրիստոնյաների համար սարսափելի էին, քանի որ սոսկալի կոտորածը, «իբրեւ կրօնական ջերմեռանդութեան արտայայտութիւն», տեղի է ունենում սովորաբար ուրբաթ օրվա իրապարակային պաշտամունքից հետո: Այդ պատճառով էլ ուրբաթ օրերը հայերն զգուշանում էին դուրս գալ աշխատանքի: Այդ օրը՝ բացի թուրքերի և մի քանի համարձակ հայերի խանութներից, շուկան գրեթե ամբողջովին փակ էր լինում: Այս պայմաններն ստեղծելով՝ թուրքերը ցանկանում էին բոլոր կողմերից հույսները կտրած հայերին ստիպել հավատափոխվել: Ավելին, երբ եվրոպական մամուլում իրապարակումներ եղան հայոց ջարդերի և զանգվածաբար բռնի մահմեդականացնելու մասին, թուրք պաշտոնյաները շրջում էին վերջին ժամանակներում մահմեդականացած գյուղերում և պատվիրում, որ եթե հարցնող լինի, չասեն, «թե իրենց բռնի են ստիպել մահմեդականութիւն ընդունել»³⁴⁸:

³⁴⁶ Տե՛ս «Արարատ» ամսագիր, 1896, թիվ 10, էջ 473:

³⁴⁷ Տե՛ս նույն տեղում, էջ 474:

³⁴⁸ Տե՛ս «Արարատ» ամսագիր, 1896, թիվ 3, էջ 123:

Կարինի քաղաքական և կրոնական ժողովների՝ Կ. Պոլսի Հայոց պատրիարք Մատթեոս Իզմիրյանին՝ Էրզրումի նահանգի հայկական կոտորածների մասին 1895 թ. նոյեմբերի 1-ի գրությունը տեղեկացնում էր, որ վախի ու սարսափի պայմաններում մարդիկ վախենում էին տներից դուրս գալ, շիվել միմյանց հետ: Ամենուրեք անվստահության մթնոլորտն էր իշխում, կյանքը կարծես կանգ էր առել. «Մեր յարաբերութիւնք և երթևեկութիւնք ընդհանրապէս դադրած են ուրիշ վիճակներու և նոյնիսկ մեր դաշտի գիտօրէից միջև,-կարում ենք նամակում,-ըստ առաջնոյն հաղորդակցութիւնք չեն կատարուիր շրջակայ քաղաքներու հետ, զի ճանապարհը անապահով և վտանգալից են, ի մի բան պաշարման վիճակի մէջ ենք»³⁴⁹: Մայրաքաղաք Կ.Պոլսից, Կարինից և այլ բնակավայրերից հայրենիք վերադառնալ ցանկացող հայ պանդուխտներն ու «վաճառականք կողոպտուած, սպաննուած ու անյայտացած են»³⁵⁰: Նամակագիրը հաղորդում է, որ «հազուադէպ է այժմ, որ տասէն քսանէն մէկ երկունք լոկ կեանքերնին ազատած ըլլան, սակայն այդպիսիք ալ այժմ մեռեալի նման են երկիրահար եղած ըլլալով»³⁵¹:

Կարինի նահանգում տիրող ծանր ու անկայուն կացության մասին է վկայում պատրիարք Իզմիրյանին ուղղված մի խումբ մշեցիների նամակը: Նամակագիրները հայտնում էին, որ «Կարնոյ մօտերը Արապ Զայիր ըսուած տեղը աւազակներէ առևանգուած մշեցի 8 ազգայինք տակաւին չգտնուեցան, և հակառակ մեր և նոցա ազգականաց ջանքերուն հետքերնին չգտնուեցաւ, տարակոյս չկայ այլս, որ սպաննուած ու անհետացուած են»³⁵²: Այնուիետև նամակագիրները տեղեկացնում էին, որ «Կարնոյ Գեր. Ս. Առաջնորդն ևս, այս անգամ գրութեամբ մը պատասխանելով յայտնած է, որ պարագայից բերմամբ անկարելի է իրեն հետազօտութիւններ կատարել և տեղեկութիւններ տալ այդ տարաբաղտներու մասին»³⁵³:

Փաստաթղթերից մեկում էլ ասվում էր, որ ընդհանրապէս գավառներից լուրեր «առած չեն», քանի որ պաշարման հետևանքով բոլոր ճանապարհները փակ են, երթևեկությունը՝ դադարեցված: «Երկբայելու տեղի չ'կայ, որ յիշեալ գաւառայ (Էրզրումի

³⁴⁹ Տե՛ս ՀԱԱ, ֆ. 56, գ. 17, գ. 68, թ. 5, հաստատված պատճեն, ձեռագիր:

³⁵⁰ Տե՛ս նոյն տեղում:

³⁵¹ Տե՛ս ՀԱԱ, ֆ. 56, գ. 17, գ. 70, թ. 7, հաստատված պատճեն, ձեռագիր:

³⁵² Տե՛ս նոյն տեղում:

³⁵³ Տե՛ս ՀԱԱ, ֆ. 56, գ. 17, գ. 70, թ. 8, հաստատված պատճեն, ձեռագիր:

գավառը նկատի ունի - Ս.Ա.) հայ ժողովուրդըն և անտանելի նեղութեան մէջ չ'լինէ»³⁵⁴: Այնուին այդ նույն փաստաթղթից տեղեկանում ենք, որ կառավարությունը մի քանի զինվորական շրջուն պահապան խմբեր է ուղարկել նահանգի գյուղերը «քրդաց արշաւանքը զսպելու և յափշտակուածներն անոնցմէ ետ առնելով տէրերուն վերադարձնելու պաշտօնով»³⁵⁵: Սակայն հնարավոր չի եղել դա անել: Նույնիսկ անհնարին է եղել զսպել քրդերին և «յառաջին առնով գեղութեանց և նորանոր դէպքերու»³⁵⁶: Պատճառն այն էր, որ հայ ժողովորի ցեղասպանության սկիզբ հանդիսացող այդ ջարդերի նախաձեռնող սովթան Աբդով Համիդ 2-րդը, հովանավորելով և ուղղորդելով քրդերին հարձակվել հայերի վրա, նպատակ էր հետապնդում՝ 1) խորացնել թշնամանքը երկու ժողովուրդների միջև, 2) հայերի ունեցվածքի կողոպուտով «կաշառել» քրդերին և նրանց զերծ պահել Եվրոպական տերությունների ազդեցությունից և հնարավոր հակակառավարական ելույթներից, 3) կոտորածների մէջ ամբաստանել «վայրի» քրդերին և այսպիսով քողարկել կառավարության՝ զանգվածային սպանություններին մասնակցության փաստը:

Մեկ այլ փաստաթուղթ էլ վկայում է, որ նահանգի հայերի մեծ մասը «քիւրտերէ թալանուեր և բնակիչք ցրուեր են»³⁵⁷, որ աղետն ընդհանուր է և սարսափելի, «չորեք կողմէ մահու և ընդհանուր կոտորածի սպառնալիքներ կը հասնին»³⁵⁸, բացի տուն ու տեղ կորցնելուց «անթիւ հայ անմեղ արիւններ թափուեցան տարապարտուց, կոտորուելով»³⁵⁹: Հրաշքով միայն կենդանի մնացածներն էլ օրհասական տագնապի և «մահուան ճգնաժամու մէջ են, եթէ ընդ փոյթ դարման մը չտարուի այս անտանելի և անել կացութեան»³⁶⁰:

Կասկածից դուրս էր, որ Էրզրումի նահանգի (ինչպես նաև մյուս նահանգների) հայոց պարբերաբար իրականացվող ջարդերը կանխամտածված էին: Քանի որ տեղի թուրքերը, «որք վատութիւն կը համարէին ուրիշ երկիրներու թուրք եղբայրներէն վատ մնալ», ամեն անգամ աննշան առիթի էին սպասում՝ իրականացնելու իրենց սև գործը:

³⁵⁴ Տե՛ս ՀԱԱ, ֆ. 56, գ. 17, զ. 71, թ. 4:

³⁵⁵ Տե՛ս նոյն տեղում:

³⁵⁶ Տե՛ս նոյն տեղում:

³⁵⁷ Տե՛ս ՀԱԱ, ֆ. 453, գ. 1, զ. 72, թ. 2:

³⁵⁸ Տե՛ս նոյն տեղում:

³⁵⁹ Տե՛ս նոյն տեղում:

³⁶⁰ Տե՛ս նոյն տեղում:

Այդպիսի առիթ եղավ սովորական մի իրադարձություն: Ուրբաթ մի օր՝ ժամ 4-5-ի կողմերը, մի քուրդ իր լիցքավորված և «ալրուած» ատրճանակը բերում է մի հայ զինագործի (գլուխի) մոտ նորոգելու: Պատրաստելու ընթացքում «զէնքը յանկարծակի կրակ կառնու, կարծակուի», որը մեծ իրարանցում է առաջացնում: Թուրքերն ու քրդերը զենքը ձեռքներին և պատրաստ «յարձակեցան նոյն ժամուն հրապարակի մէջ գտնուղ հայերու վրայ և սկսած հարուածներ տեղալ»³⁶¹: Ահաբեկված ու սարսափահար հայերը փորձեցին փախչել և ազատվել: Սակայն «անագան էր, ճամբայներ բռնուած ու գոցուած էին արդէն, թուրք հասարակութիւնն սպառազինեալ շուկայի մէջ լեցուած էր, փրկութիւն չկար հայոց»³⁶²: Աղետալի լուրն արագ տարածվում է քաղաքում և ընդհանուր ահ ու սարսափի մատնում խեղճ ու անզեն ժողովրդին: Ականատեսի վկայությամբ կանանց ու երեխաների բարձրացրած սրտակեղեք լաց ու կոծը, վայնասունն ու աղաղակները զարհուրելի և տխուր տեսարան էին ներկայացնում: Բարեբախտաբար, կարդում ենք փաստաթղթում, հայերն այնքան էլ շատ չէին շուկայի մեջ: Հետո էլ կայագորի թուրք հրամանատարը հեծյալ գորաջոկատով ու ոստիկան զինվորներով հրապարակ է ելնում և «քրդաց ու թուրքերու բազմութիւնն ցրուելու աշխատիլ և քաղաքիս մէջ շրջելով սիրտ ու ապահովութիւն տալ սարսափահար հայ ժողովրդեան»³⁶³:

Հայերը որոշ տեղերում փորձեցին ինքնապաշտպանվել, սակայն ուժերը խիստ անհավասար էին: Իշխանությունների օժանդակությունն ամբողջովին վայելող և լավ զինված Համիդիե գորաջոկատների, հայատյացության թույնով վարակված, հայերի անհաշիվ ոսկիներով հարստանալու մաղծով ոգսորված և մահմեդական մոլեռանդ մոլլաների կոչերին ենթակա խուժանի դեմ անզեն ու անպաշտպան հայերը քիչ բան կարող էին անել: Սակայն այդ պայմաններում նույնիսկ շատերն իրենց մեջ կորով էին գտնում և դիմադրում էին: Այդպիսի դիմադրության փայլուն օրինակ եղավ Վանի հերոսական ինքնապաշտպանությունն Արմենական կուսակցության առաջնորդ Մկրտիչ Ավետիսյանի գլխավորությամբ³⁶⁴: Թեև չզինված, սակայն իրենց խելացի

³⁶¹ Տե՛ս ՀԱԱ, ֆ. 453, գ. 1, գ. 59, թ. 8:

³⁶² Տե՛ս նոյն տեղում:

³⁶³ Տե՛ս ՀԱԱ, ֆ. 453, գ. 1, գ. 59, թ. 9:

³⁶⁴ Տե՛ս Սարգսյան Ս., Վանի 1896 թ. հերոսական ինքնապաշտպանությունը, Հայոց պատմություն, հ. III, գիրք առաջին, Ե., 2010, էջ 557-562:

պահվածքով, կազմակերպվածությամբ և առճակատումից խուսանավելով՝ ավելի մեծ ողբերգությունից կարողացան խուսափել կարնեցիները։ Հակառակ դեպքում հրապարակի և շուկայի «մէջ գտնուող ամբողջ հայերն զարդուելէ և հրոյ ճարակ լինելէ զկնի՝ հոսանքը պիտի յառաջանար հայոց թաղերու մէջ ևս»³⁶⁵: Իսկ այդ ժամանակ աղետն անխուսափելի կլիներ, քանի որ փաստորեն «քաղաքին հայերն անձնապաշտպանութեան միջոցներէն զուրկ կը գտնուին բոլորովին»³⁶⁶:

Հաջորդ օրերի ընթացքում, լսելով նաև «Բարէշի, Տիգրանակերտի և այլ հայաբնակ քաղաքներու ու վիճակներու հայոց զարդն», Կարինի սարսափահար ժողովուրդը «պաշարուած՝ առ ի զգուշութիւն և 'ի պաշտպանութիւն կեանքի», խանութները բացում էր կարճ ժամանակով, օրումեց և մտահոգ ու ահաբեկված սպասում էր այդ տագնապալից կացության «աղէտալի ելից ու վախճանին»³⁶⁷, իսկ որոշ տեղերում նույնիսկ ժողովուրդը, այլ ելք չգտնելով, «փախսած քարանձաւներու մէջ ապաստանած է»³⁶⁸: Որոշ հայեր էլ, տեղեկանում ենք մի վավերագրից, «վախենալով քաղաքում վերջին շաբաթվա իրադարձությունների կրկնությունից, մի քանի ընտանիքներով տեղափոխվում են առանձին տներ և այդպիսով ապրում են 50-60 և ավելի անձից կազմված համայնքներով»³⁶⁹:

Կարին քաղաքում և շրջակա գյուղերում կոտորածների կազմակերպիչն ու գաղտնի ղեկավարը հայատյաց զինվորական գավառապետ Շաքիր փաշան էր։ Իրականացնելով սովորականի հայաջինջ քաղաքականությունը՝ հայերի ունեցվածքին տիրանալու և կրօնական անհանդուրժողականությունից կուրացած, նա չէր խնայում նույնիսկ կանանց և երեխաներին։ Նրա այդ համբավն այնքան էր տարածվել, որ շրջակա բնակավայրերում սարսափում էին նրա հայտնվելուց։ «Կըսուի, թէ Շաքիր Բաշան մօտիկցած է Մշոյ և այսօր վաղը տեղս պիտի ժամանէ։ Անշուշտ Կարնոյ գործողութիւնքն աստ ևս պիտի կրկնէ, ի՞նչ ընելու ենք այդ պարագային»³⁷⁰։

1894-1896 թթ. իրադարձությունների մասին փաստական զգալի նյութ է պարունակում նաև ժամանակի պարբերական մամուլը, որը որոշ դեպքերում միակ

³⁶⁵ Տե՛ս ՀԱԱ, ֆ. 453, գ. 1, զ. 59, թ. 8:

³⁶⁶ Տե՛ս ՀԱԱ, ֆ. 453, գ. 1, զ. 59, թ. 9:

³⁶⁷ Նոյն տեղում:

³⁶⁸ Տե՛ս ՀԱԱ, ֆ. 56, գ. 17, զ. 70, թ. 5-8:

³⁶⁹ Տե՛ս ԱՅՐՊ, ֆ.. Պօսոլստու Կոնստանտինոպոլե, թ. 1865, գումար 3179, օպիս 517, լ. 107.

³⁷⁰ Տե՛ս ՀԱԱ, ֆ. 56, գ. 17, զ. 70, թ. 5-8 շրջ., հաստատված պատճեն, ծեռագիր:

աղբյուրն է այս կամ այն իրադարձության վերաբերյալ³⁷¹: 1894-96 թթ. տեղի ունեցած կոտորածներն Արևմտյան Հայաստանում հզոր արձագանք ստացան նաև հայ գրողների ստեղծագործություններում: Կոտորածների կազմակերպիչների, «քաղաքակիրթ» Եվրոպական պետությունների՝ մեր ժողովրդի ողբերգության նկատմամբ դրսնորած անտարբերությունը դատապարտելու հետ միաժամանակ հայ գրողները հնչեցնում էին թշնամուց վրեժ լուծելու, չհուսահատվելու, գոտեպնդվելու և համախմբվելու գաղափարները: Թիֆլիսում Ավետիք Արասխանյանի խմբագրությամբ լուս տեսնող «Մուրճ» ամսագիրն օրինակ, ելնելով այն փաստից, որ «նրանց (արևմտահայության) ճակատագիրը նաև իրենցն է», խոստանում էր ընթերցողներին «ամեն ամիս հաշիվ տալ Տաճկա-Հայաստանի ընթացիկ կյանքի դեպքերից»³⁷²: Պարբերականում տպագրվել են հոդվածներ, որոնք լուսաբանել են 1890-ական թթ. հայերի նկատմամբ իրականացված զանգվածային կոտորածները, հայ գաղթականության անասելի ծանր դրությունը, մեծ տերությունների դիրքորոշումը և այլն: Հասկանալի է, որ տպագրվել են ոչ բոլոր հաղորդագրությունները, քանի որ ռուսական իշխանությունները պարբերականները ենթարկել են խստագույն գրաքննության:

«Հայերի կոտորածները Տաճկաստանում» հոդվածում, օրինակ, «Մուրճի» թղթակից Ստ. Խաչ-Պապյանը հաղորդում է, որ Կ. Պոլսի հայկական մեծ ցուցից անմիջապես հետո Օսմանյան կայսրության ամբողջ տարածքում սկսվում են անգեն հայերի զանգվածային կոտորածները. «Պոլսէն մինչև Տրապիզոն, Կարինէն մինչև Մարաշ և Սեբաստիա, կոտորածը, մեծ հրդեհու պէս, ծաւալեցաւ ճարակեցաւ բոլոր Տաճկահայաստանի և Կիլիկիայի նահանգները: Թիւքի սուրը խտիր չի դներ սերի և տարիքի մէջ. երեխան իր մօրը գիրկը կը խողխողի. մայրը իր զաւակի առջև կը մորթի, զաւակը իր հօրը ներկայութեանը կը յօշոտի»³⁷³: Հիմնականում կենդանի են մնում այն հայերը, ովքեր համաձայնում են կրոնափոխ լինել³⁷⁴:

³⁷¹ 1894-1896 թթ. հայկական ջարդերի մասին մեծաքանակ իրապարակումներ կան Գր. Արծրունու «Մշակում», բայց քանի որ այդ իրապարակումների մասին շատ է գրվել, ձեռնպահ ենք մնում դրանց անդրադառնալուց:

³⁷² Տե՛ս «Մուրճ», Թիֆլիս, 1889, N 12, էջ 1888-1889:

³⁷³ Տե՛ս նույն տեղում, թիվ 11, էջ 1516:

³⁷⁴ Տե՛ս «Մուրճ», 1895, թիվ 11, էջ 1500:

1894-1896 թթ. ցավալի իրադարձությունները շրջադարձային եղան հայոց պատմության, առավել՝ կարինահայության համար: Միայն Կարին քաղաքում 1895 թ. հոկտեմբերի 18-ին սկսված ջարդերին զոհ գնացին 400 հայեր, կողոպտվեց 1500 խանութ ու պահեստ: Կարնո դաշտի հայկական գյուղերից ավերվում է 40-ը, իսկ 3-ի ամբողջ բնակչությունը բռնի մահմեդականացվում է: Կողոպտվում են Հասանկալեի վանքը և 20 եկեղեցի, սպանվում են 1500 հայեր³⁷⁵: Հոկտեմբերի 30-ին ջարդերը վերսկսվում են: Կարին քաղաքում սպանվում է ավելի քան 350 հայ, թալանվում և ավերվում են հայերին պատկանող շուրջ հազար խանութ և մեծ թվով արհեստանոցներ: Ի դեպ, կոտորածների ընթացքում քաղաքի մեծաքանակ հույն բնակչությունը չէր տուժել, ինչն ապացույցն էր այն բանի, որ իշխանությունների գործողություններն ուղղված էին բացառապես հայերի դեմ³⁷⁶:

Հաճախ իշխանություններն իրենց կողմից իրականացվող ջարդերն ու վանդալիզմը պատճառաբանում էին հայերի անհնազանդությամբ և հեղափոխական պահվածքով, որն այնքան էլ իրականությանը չէր համապատասխանում: Այսպես, 1895 թ. հոկտեմբերի 28-ին, Կարինում Ռուսաստանի հյուպատոսը դեսպան Ա. Նելիդովին ուղղված զեկուցագրի վերջում հատուկ շեշտում էր. «Իմ պարտքն եմ համարում լրացնելու մեմորանդումը կատեգորիկ հայտարարությամբ այն մասին, որ հոկտեմբերի 30-ին Երգրումում հայերի կողմից ոչ մի հեղափոխություն չի եղել»³⁷⁷:

Է. Դիլոնի բնորոշմամբ հայերի «ոչնչացման ծրագրի իրականացման առաջին քայլ»³⁷⁸ տնտեսական քայլայմանը հաջորդած կոտորածները մեծ ծավալներ ընդունեցին ամբողջ Արևմտյան Հայաստանում և կայսրության բոլոր հայաշատ վայրերում: Առանձնապես մեծ կորուստներ ունեցած երկրամասերից էր նաև Կարինը՝ իր արվարձան մի քանի գյուղերով (1200 զոհից ավելի)³⁷⁹, որը քաղաքի առանց այդ էլ փոքր թիվ կազմող հայության համար կորստաբեր եղավ: Նկատենք, որ այս թվական տվյալները վերջնական ճշգրտման կարիք ունեն, քանի որ եթե քաղաքներում հնարավոր էր կատարել քիչ թե շատ կանոնավոր հաշվառում, ապա նույնը գյուղական

³⁷⁵ Տե՛ս Հայոց պատմություն, հ. III, գիրք առաջին, Ե., 2010, էջ 531:

³⁷⁶ Տե՛ս նույն տեղում:

³⁷⁷ Տե՛ս АВРП, ф. Посольство в Константинополе, дело 3179, опицъ 517, л. 102.

³⁷⁸ Տե՛ս Диллон Э., Положение дел в Турецкой Армении, Братская помощь..., отд. II, էջ 15:

³⁷⁹ Տե՛ս Д-ր Лепсиус, Правда об Армении, Братская помощь..., отд. II, էջ 136-137:

վայրերի համար հնարավոր չէր: Հատկապես, եթե նկատի առնենք այն կարևոր հանգամանքը, որ Բեղլինի վեհաժողովին հաջորդած ժամանակաշրջանում Օսմանյան կայսրությունում պետական մակարդակով արվում էր ամեն ինչ՝ իրական վիճակագրությունը կեղծելու և միջազգային հանրությանը դրանցով թյուրիմացության մեջ գցելու համար: Այսպես, օրինակ, կայսրության արտաքին գործերի նախարար Արեգին փաշան, պատասխանելով տերությունների հարցումներին, հայտնում էր, թե Վանի, Դիարբեքիրի, Էրզրումի, Սվագի վիլայեթներում հայերը կազմում են բնակչության ընդամենը 17%-ը, իսկ մահմեդականները՝ 79%-ը³⁸⁰, ինչը բացահայտ կեղծիք էր: Իսկ այդտեսակ կեղծումներն ավելի էին խճում վիճակագրությունը: Ինչ վերաբերում է Կարինի ամբողջ նահանգին, ապա թուրքական պաշտոնական, Կ.Պոլսի պատրիարքարանի, Ա-Դոյի հաշվումների և այլ աղբյուրների տվյալները վկայակոչել և դրանց հիման վրա մանրակրկիտ վերլուծություններ է կատարել պատմաբան < Զատիկյանը: «Մեր հաշվարկներով,-գրում է < Զատիկյանը,- Կարինի նահանգում գոհերի քանակը կազմում է 44769 մարդ³⁸¹ (իսկ մեկ այլ հաշվարկով 51533 հայեր)»³⁸²: Այդ տվյալների վերջնական ճշտելը մեր խնդրը չէ: Նշենք միայն, որ բաղդատելով < Զատիկյանի, Ղ. Զարզգի, Օ. Ճգնավորյանի հաղորդած տեղեկությունները, գոհերի հավանական թվաքանակը մոտ 50 հազար էր:

Նշենք նաև, որ նահանգում կոտորածներին որպես հետևանք սովոր, տարափոխիկ հիվանդություններից, վախից և այլ պատճառներով եղած կորուստները ևս փոքր թիվ չեն կազմում³⁸³:

Բացասական մյուս հետևանքը հայերի արտագաղթի հսկայական ծավալներն էին, որն ամայացնում էր նահանգը՝ նպաստելով ազգային նկարագրի աղճատման հետագա խորացմանը: 1895-1896 թթ. կոտորածների հետևանքով մեծ թվով հայեր հեռացան Էրզրումից³⁸⁴: Նույնիսկ 1913 թ. այս նահանգից պանդիստության մեջ գտնվող հայերի թվաքանակը կազմում էր շուրջ 2 հազար մարդ³⁸⁵:

³⁸⁰ Տե՛ս ՀԱԱ, ֆ. 476, գ. 1, գ. 4, թ. 30:

³⁸¹ Տե՛ս Զատիկյան <., Կարինի նահանգի հայ բնակչության, արևմտահայության, 1894-1896 թթ. կոտորածների, Մեծ Եղեռնի գոհերի թվաքանակի հարցի շուրջ, «ՊԲՀ», թիվ 1(125), էջ 143-151):

³⁸² Տե՛ս նույն տեղում:

³⁸³ Տե՛ս Ա-Դո. Վանի, Բիթլիսի և Էրզրումի վիլայեթները, Երևան, 1912:

³⁸⁴ Տե՛ս Հայոց պատմություն, հ. III, գիրք առաջին, Ե., 2010, էջ 542:

³⁸⁵ Տե՛ս < Յակոբ ծ. վ. Քուեան, Բարձր Հայք, հ. Ա (Կարին քաղաքը), Վիեննա, 1925, էջ 89-90:

Կարինի նահանգի համար անչափ վտանգավոր եղավ նաև բռնի կրոնափոխությունը, որը նույնպես աղետալի չափեր ընդունեց 1895-1896 թթ. ընթացքում: Երևոյթ, որը եղել է օսմանյան բռնապետության ճիրաններում գալարվող քրիստոնյա ժողովուրդների մշտական ուղեկիցը կայսրության գոյության ամբողջ ընթացքում և հատկապես լայն տարածում է գտել Արևմտյան Հայաստանում: Այսպես, մահվան սպառնալիքով բռնի կրոնափոխված հայերի թվաքանակը նշված ժամանակաշրջանում տասնյակ հազարների է հասել: Եթե Վանի վիլայեթում բռնի կրոնափոխ է եղել 30 հազար մարդ³⁸⁶, Խարբերդի՝ 12500³⁸⁷, Դիարբեքիրի՝ 7500³⁸⁸, Բիթլիսի՝ 6500³⁸⁹, ապա Էրզրումում՝ 5200 մարդ³⁹⁰. Բայց եթե նկատի ունենանք, որ Էրզրումի նահանգում հայերի թվաքանակը 1880-ական թթ. առանց այն էլ զգալի պակասել էր³⁹¹, իսկ Կարին քաղաքում անհամեմատ քիչ թվով հայեր էին մնացել³⁹², ապա ստացված պատկերն ավելի քան մտահոգիչ էր:

Ֆիզիկապես ոչնչացնելուց բացի, թուրքերն ինչպես ողջ Արևմտյան Հայաստանում, այնպես էլ Կարինի նահանգում, հայերին իրենց բնօրրանից դուրս մղելու նպատակով իրականացնում էին նաև տնտեսական ցեղասպանություն: Իշխանությունները մահմեդականներին բացահայտ իրավունք էին վերապահել տիրանալու ամայացած բնակավայրերին՝ դրանց պատկանող հողերով հանդերձ՝ դրանով բացառելով փախստական հայերի վերադարձը հայրենի բնօրրաններ³⁹³: Դեռևս 1880-ական թթ. թուրքերը բոլոր միջոցներն օգտագործում էին հայերին հողագրելու և տարածաշրջանից դուրս մղելու համար: Այդ հալածանքները զանգվածային բնույթ կրեցին հատկապես 1895-1896 թթ. կոտորածների ընթացքում և դրանցից հետո: Ընդհանուր հաշվով այդ ընթացքում Գ. Տեր-Կարապետյանի (Տատրակ) հաշվարկներով

³⁸⁶ Տե՛ս Արարատ, 1896, թիվ 12, էջ 585:

³⁸⁷ Տե՛ս Դ-ր Լեպսիս, Правда об Армении, Братская помощь..., отд. II, էջ 142:

³⁸⁸ Նոյն տեղում:

³⁸⁹ Նոյն տեղում:

³⁹⁰ Նոյն տեղում:

³⁹¹ 1880-ական թթ. սկզբներին 2 կազմների և 142 նահիեների բաժանված Էրզրումի նահանգի բնակչության թվաքանակը, ըստ Հայոց ցեղասպանության հանրագիտարանի, 90 հազար էր, իսկ ըստ թուրքական աղբյուրների՝ ընդամենը 37480: Տե՛ս <http://www.armeniansgenocide.am/am/Encyclopedia-Of-armenian-genocide-erzrumi-hay-bnakchutyan-tvakanake>:

³⁹² Տե՛ս Լալայան Ե., Կարն զավադի տեղեկագիրը, ԲՀԱ, 1974, թիվ 3,

³⁹³ Տե՛ս Համբարյան Ա., Արևմտահայերի թվաքանակի հարցի շուրջ, «ԲԵՀ», 1969, թիւ 2, նաև՝ Տեր-Կարապետեան Գ., Տարօնի աշխարհ, պատկերներ ու պատմուածքներ, Փարիզ, 1931, էջ 345:

հայերից խլված հողերի ընդհանուր տարածքը կազմում էր մոտ մեկ միլիոն 30 հազար օրավար³⁹⁴:

Հայտնի իրողություն է, որ հայ ժողովուրդը, իր կազմավորման արշալուսից սկսած, դարերի ու հազարամյակների ընթացքում ստեղծել ու հետագա սերունդներին է թողել բազում հոգևոր ու նյութական արժեքներ, որով պատմության մեջ մնացել է որպես ստեղծագործ, արարող, շինարար ժողովուրդ: Աբդու Համիդի ոճրագործ քաղաքականության և, հատկապես կազմակերպած կոտորածներն ուղեկցվում էին նաև նյութական արժեքների զանգվածաբար ոչնչացմամբ ոչ պակաս ահավոր բարբարոսությամբ, որն, ըստ էության, 1894-1896 թթ. իրականացրած ցեղասպա նության առաջին փուլի երկրորդ կողմն էր: Ակնհայտ է, որ բնաջնջելով հայ ժողովուրդի մի խոշոր զանգվածին, նրա ստեղծած մշակութային արժեքները՝ թուրքերը նպատակ ունեին պատմության ասպարեզից ջնջելու այն ամենը, ինչը կապված էր հայ ժողովուրդի հետ և «...ամեն կերպ ջանալ ոչնչացնել բուն «Հայաստան» անվանումը Թուրքիայում»³⁹⁵: 1894-1896 թթ. շարդերի ժամանակ ոչնչացվել կամ մզկիթի են վերածվել 568 հայկական եկեղեցիներ³⁹⁶: Ըստ Մ. Օրմանյանի տեղեկության՝ ջարդերի ժամանակ «վանք չէ եղած որ անձեռնմխելի ըլլայ, եկեղեցի չէ մնացած, որ կա'մ քանդուած, կա'մ պղծուած, կա'մ մզկիթի փոխարկուած չըլլայ»³⁹⁷: Միայն 1894-96 թթ. էրզրումի նահանգում և գյուղերում կողոպտվել և մասամբ կամ ամբողջովին կործանվել են 36 եկեղեցիներ³⁹⁸:

Այսպիսով, ակնհայտ է, որ 1894-1896 թթ. ընթացքում.

- ֆիզիկապես ոչնչացնելով՝ թուրքերը հետապնդում էին հայերի թվաքանակի կտրուկ կրծատում իրենց իսկ բնօրրանում,
- հայերին տնտեսական հնարավորություններից զրկելով՝ նրանց զրկում էին գոյատելու միջոցներից,
- հայապատկան հողերը բռնի խելով և սեփականացնելով՝ հայրենազրկում էին նրանց,

³⁹⁴ Տե՛ս Հայոց պատմություն, հ. III, գիրք առաջին, Ե., 2010, էջ 545:

³⁹⁵ Հայերի ցեղասպանությունը Օսմանյան կայսրությունում: Փաստաթղթերի և նյութերի ժողովածու, Եր., 1991, էջ 562:

³⁹⁶ Տե՛ս Մշակութային ցեղասպանություն. Հայկական մշակութային եղեռնը օսմանյան Թուրքիայի տարածքում, «ՊԲՀ», թիվ 1(124), 1995, էջ 125:

³⁹⁷ Տե՛ս Օրմանյան Մ., Ազգապատում, հ. Գ, Երուսաղեմ, 1927, էջ 5029-5030:

³⁹⁸ Տե՛ս «Դրոշակ», օրգան Հ. Յ. Դաշնակցութեան, Վիեննա, 1896, թիւ 2, յունուար, էջ 15:

- մշակութային վանդալիզմ իրականացնելով և եկեղեցիները մզկիթների վերածելով՝ ստիպում էին հայերին դադարեցնել հոգևոր կապը հայրենի աշխարհի հետ:

Մեծաթիվ արխիվային վավերագրեր (դիվանագիտական փաստաթղթերի ժողովածուներ, մամուլ, վկայություններ) անհերքելիորեն վկայում են, որ 1880-ական թվականներից արևմտահայության նկատմամբ թուրքական վարչակարգի կողմից կիրառվել են միաժամանակ բոլոր Ենթակետերով սահմանված գործողությունները: Նախքան ֆիզիկական բնաջնջումը երկրում ստեղծվեցին կյանքի, կենցաղի դժոխային պայմաններ, պետական քաղաքականությամբ քայբայվեց հայ ընտանիքը, պատերազմ հայտարարվեց այդ ժողովողի կրոնին և մշակույթին: Այնուհետև ոչնչացվեց շուրջ 300 հազար հայ, նույնքան օսմանահպատակ հայ քաղաքացիներ տարագրվեցին երկրից, հազարավոր երեխաներ որպես ստրուկ վաճառվեցին՝ համարելով հարեմներն ու անառականոցները, մի հսկայական զանգված հարկադրաբար դավանափոխվեց՝ փրկելու համար կյանքը:

Այսպիսով, անժխտելի է, որ 1890-ական թթ. օսմանյան պետական վարչամեքենան սկսեց իրականացնել հայ ժողովողի զանգվածային ոչնչացումը: Դրանից հայ ժողովուրդը և, մասնավորապես կարինահայությունը մեծ և անդառնալի կորուստներ ունեցան: Եվ միայն ֆիդայական հերոսական պայքարի և կյանքը հայրենիքի զրիասեղանին դրած հայդուկների շնորհիվ Օսմանյան կառավարող շրջաններինկայսրությունը՝ կառավարող շրջաններն առժամանակ դադարեցրին հայության ֆիզիկական ոչնչացումն (ցեղասպանություն) իրականացնելու քաղաքականությունը:

2.3 Ֆիդայական շարժումը Կարինի նահանգում

XIX դարի 80-ական թթ. վերջերին ինչպես ողջ հայության մեջ, այնպես էլ Կարինի նահանգում ծայր առած ֆիդայական շարժումը³⁹⁹, որը պատմական տվյալ պահին թուրք բարբարոսների կողմից ոչնչացման եզրին հասցված հայության մի ստվար մասի՝ արևմտահայության գոյատևման հրամայականն էր, աստիճանաբար ուժեղանում էր ու ավելի էր կազմակերպվում: Պատերազմի ընթացքում կրած մեծ զրիդությունների դիմաց ոչինչ չստացած և ուժգնացող թուրքական բռնատիրության դեմ այլ ելք չգտնելով՝ հայ ժողովրդի մի մասը ստիպված լքում էր հայրենիքը, մի մասը՝ համակերպվում ստեղծված իրավիճակի հետ, իսկ մնացածն էլ գենքը ձեռքին պայքարի էր ենում օսմանյան բռնապետության դեմ: Ռ. Տեր-Մինասյանի բնորոշմամբ դրանք Մ. Խորիմյանի հոգևոր սաներն ու գաղափարական հետևորդներն էին. «Հայրիկն էր այս աշխարհը յեղաշրջողն ու ազատութեան կրակը Վառողը»⁴⁰⁰:

Դարավերջի ազգային, քաղաքական և հոգևոր այդ զարթոնքը փոխեց ժողովրդի ճակատագիրը: Հայության գոյապայքարի պատմության մեջ այդ ժամանակաշրջանից սկիզբ առած ֆիդայական պայքարի համար նախադրյաներ հանդիսացան ներքին սոցիալ-տնտեսական ու քաղաքական հանգամանքները, որոնց գումարվեցին նաև դրսից եկած որոշ ազդակներ: Մասնավորապես դրսի ազդեցության դրսնորումներ էին Սահմանադրական շարժումը, Արևմուտքի ազատաբաղծ գաղափարների տարածումը, քալկանյան ժողովուրդների ազատագրական պայքարի օրինակը և այլն: Սկսած ֆիդայական շարժման ու պայքարի դրսնորումները, մեծ ու փոքր ապստամբական ելույթները հետապնդել են հիմնականում երկու խնդիր՝ ա) դիմել վրիժառության՝ հնարավորինս հակազդել թուրք-քրդական բռնություններին և բ) նման ցուցադրական ելույթներով մեծ տերությունների ուշադրությունը իրավիրել Հայկական հարցի վրա:

³⁹⁹ Քաղաքագիտական առումով «շարժում» բնութագրվում է որպես մտքի ու գաղափարի հասարակական դրսնորում, իսկ «պայքարը»՝ այդ գաղափարի ավելի հաճախ բռնի միջոցներով նյութականացման փորձ: XIX դարի 80-ական թթ. սկսված հայ ազգային-ազատագրական շարժումը դրսնորվեց ժողովրդի մտավոր, կրթալուսավորական, գաղափարախոսական, սոցիալական և այլ ասպարեզներում, իսկ պայքարը՝ գենքի դիմելու ձևով, որը, աստիճանաբար ծավալվելով, իր մեջ առավ Արևմտյան Հայաստանի բոլոր գավառներն ու Օսմանյան կայսրության այլ հայաշատ տարածքներ: Դրան մասնակցում կամ սատարում էր ժողովրդի զգալի մասը, ինչի արդյունքում ավելի հաճախ շարժումն ու պայքարը գտնվում էին սերտ միասնության մեջ: Այս է պատճառը, որ «պայքար» և «շարժում» հասկացությունները երբեմն օգտագործվում եին որպես հոմանիշներ:

⁴⁰⁰ Տե՛ս Ռուբեն, Հայ յեղափոխականի մը յիշատակները, հ. Գ, Թեհրան, 1982 (Ե., 1990), էջ 41:

Ֆիդայական շարժումը⁴⁰¹ կարելի է բաժանել երկու պատմափուլի՝ 1880-ական թթ., երբ այն ցաքուցրիվ, անհատական, ինքնաբուխ ժողովրդական-վրիժառուական շարժում էր, և 1890-1907 թթ., երբ այն արդեն հայ ազգային կուսակցությունների կողմից կազմակերպվող և ուղղորդվող պայքար էր⁴⁰²: Հենց առաջին պատմափուլում էլ այն ունեցավ իր նախակարապետները (Հակոբ սարկավագ, Գալֆա Հակոբ, Մարգար Վարժապետ և այլք), ովքեր մեծ գործ կատարեցին ազատության կայծը բորբոքելու, ժողովրդի ոգին բարձրացնելու գործում:

Ֆիդայական պայքարը Կարինի նահանգում առաջացավ տարերայնորեն, ինքնաբուխ, առանց նախապատրաստության և սկզբնական շրջանում կրում էր տեղական և անկազմակերպ բնույթ: Այն ավելի շատ անհատական-պարտիզանական, վրեժինդրական շարժում էր և առաջացել էր տարերայնորեն: Հիմնականում անզեն ու անպաշտպան հայ մարդը, այլ ելք չտեսնելով, որևէ քուրդ թալանչի կամ թուրք պաշտոնյա էր սպանում և լքելով տուն ու տեղ, հարազատներին՝ ստիպված ապաստանում էր լեռներում: Այդ պայքարը նաև կարինահայության արդարացի ելույթն էր ընդդեմ ողջ նահանգն ընդգրկած համատարած անարդարության և մղվում էր հանուն գոյության, պատվի ու արժանապատվության: Շարժումն «սկզբնական շրջանում ուներ սոցիալական բովանդակություն»⁴⁰³ և ուղղված էր ճնշող ու թալանչի քուրդ ուազմական ավագանու և թուրք կեղեքից պաշտոնյաների դեմ:

Բոլոր հուշագիրներն ու այդ շարժմանն անդրադարձող հեղինակները ֆիդայիներին միաբերան համարում են ազգային-ազատագրական պայքարի մարտիկներ, քանի որ նրանք անասելի զրկանքներ ու տառապանքներ էին կրում, իսկ շատ դեպքերում՝ սեփական ժողովրդի ազատության սրբազն գործի նահատակներ դառնում: Ֆիդայիները նաև զգալի աշխատանք են կատարել՝ հայ ժողովրդի երկու հատվածների

⁴⁰¹ Արևմտահայերենում ավելի շատ օգտագործվում էր ջանֆիդա բառաձևը, որն արաբերենից էր անցել թուրքերենին և նշանակում էր կյանքը զոհաբերող: Օ. Ճգնավորյանի կարծիքով, որը միանգամայն հնարավոր է, թուրքերն էին այդպես անվանում բոլոր այն հայերին, որոնք «ազգային ազատագրութեան ճամբուն վրայ յանձն առած են իրենց կեանքը զոհիլ: Տե՛ս ՀԱԱ, ֆ. 420, գ. 16, թ. 8, թ. 21:

⁴⁰² Խորհրդահայ պատմագիտությանը հիմնականում բնորոշ է եղել ֆիդայական շարժումն ու կուսակցությունների գործունեությունն իրարից մեկուսացնելու միտումը, որն արվում էր, որպեսզի հայ ազգային կուսակցությունների խաղացած դերն ազատագրական պայքարում ամեն կերպ նսեմացվեր:

⁴⁰³ Տե՛ս Հայոց պատմություն, հ. III, գիրք առաջին, Ե., 2010, էջ 473:

միջև կապերն ամրապնդելու համար, տեսակցել են արևելահայ նշանավոր գործիչների հետ, նրանց օգնությամբ զենք ու զինամթերք ձեռք բերել, կամավորներ հավաքագրել:

Արևմտյան Հայաստանի տարածքով մեծ, առևտրական բանուկ ճանապարհների հանգուցակետում գտնվող, կարևոր ռազմավարական նշանակություն և տնտեսական ու մշակութային բարձր ներգրավվածություն ունեցող Կարինի նահանգն անմասն չէր այդ գործընթացներից: Այստեղ ևս սոցիալ-տնտեսական հարաբերությունների աննախադեպ վատթարացումը քայլայիշ ռերակատարություն ունեցավ նահանգի հայության վիճակի վրա: Սկսված ազատագրական խմորումները, որոնք սկզբում դրսևորվեցին Սահմանադրական շարժման տեսքով, հետագայում վերաճեցին զինված՝ ֆիդայական պայքարի: Այսինքն՝ ազգային-ազատագրական պայքարը մտավ գործնական կամ ավելի կոնկրետ՝ ռազմական գործողությունների փուլ: Այստեղ ևս տարերայնորեն սկսված այդ պայքարն ուղղված էր իշխանությունների և նրանց թողտվության պայմաններում թալանի, կողոպուտի ու ավազակային կենսակերպ վարող քրդերի ու մյուս քոչվոր ցեղերի դեմ: Ֆիդայինները՝ չհանդուրժելով քուրդ ցեղապետերի վայրագությունները և նրանց պատասխանելով «ակն ընդ ական», անսպասելի հարձակվում էին կառավարական զորքերի, քուրդ հրոսակախմբերի կամ հարկահանների վրա: Ֆիդայական խմբերն առաջնորդվում էին չգրված օրենքներով, այնտեղ տիրում էր երկաթյա կարգապահություն:

XIX դարի վերջին քառորդին ռուսական սահմանին մոտ գտնվող Կարին աշխարհում հայության վիճակը շատ ծանր էր, և ազատասիրական գաղափարներն ավելի հեշտ էին ներթափանցում: Այդ պատճառով էլ Կարնո աշխարհն առաջնորդվում մեկն էր, որտեղ սկսվեց ու աստիճանաբար թափ հավաքեց ֆիդայական շարժումը⁴⁰⁴:

⁴⁰⁴ Կարնո աշխարհում ծավալված ֆիդայական պայքարի մասին տեղեկություններ կան արխիվային վավերագրերում (ՀԱԱ, ֆ., 42, 56, 114, ԳԱԹ, թ. Ազատյան ֆոնդ և այլն), տպագիր որոշ սկզբնադրյուրներում (օրինակ՝ Նիւթեր Հ.Յ.Դաշնակցութեան պատմութեան համար, հ. Բ, Պեյրութ, 1965, հ. Գ, Պեյրութ, 1976), հուշագրություններում (Ռուբեն, Հայ յեղափոխականի մը յիշատակները, Թեհրան, 1982, Նշանական Մ., Առաջին կայձերը. Էջ մը Կարնոյ զարթօնքեն, 1930, Արամայիս Ազնավորյանի յուշերը, տպագրված «Հայրենիք» ամսագրի տարբեր համարներում), ժամանակի մամուլում («Հայրենիք», «Վեմ» ամսագրեր, «Մշակ», «Արմենիա», «Մուրճ» թերթեր և այլն) և մի շարք ուսումնասիրողների աշխատություններում: Տե՛ս Զարզգ Ղ., Հուշամատյան Բարձր Հայքի, Կարինապատում, Բեյրութ, 1957, Ա-Դո, Վանի, Բիթլիսի և Էրզրումի վիլայեթները. Ուսումնասիրութեան մի փորձ այդ երկրի աշխարհագրական, վիճակագրական, իրաւական և տնտեսական դրութեան, Ե., 1912, Հովհաննիսյան Ռ., Արևմտահայ ազգային-ազատագրական շարժումները և Կարինի «Պաշտպան

Երկրամասի առաջադեմ մտավորականների ակտիվ գործունեությունն ու քարոզությունը մեծապես նպաստեցին տեղի հայության ազատասիրական դրսնորումներին: Ժողովրդանպաստ դիրքորոշումներով դիմադրական շարժմանն իրենց գործունեությամբ և հետևողական քարոզական աշխատանքներով մեծապես նպաստեցին նաև տեղի առաջադեմ հոգևորականությունն ու հայրենասիրական կազմակերպությունները: Կարնո աշխարհի առաջին անձնազինները՝ ֆիդայինները, եղան շարժման համեստ, բայց առաքելատիա նախակարապետները և իրենց պատվավոր տեղն ունեն հայ ազատագրական շարժման ողջ պատմության մեջ:

Ճիշտ է ասված, որ պատմությունն իր տրամաբանությունն ունի և հոչակով պատվի է արժանանում ու անմահանում նա, ով առաջինն է գալիս ասպարեզ՝ հիմք դնելով որևէ շարժման, լինի դա գաղափարի, թե գործողությունների տեսքով: Նման հոչակ ձեռք բերեցին ու պատմության մեջ անմահացան նաև Կարսի հնոցով անցած քաջերը, ովքեր հիմնականում գնում էին գործելու Բարձր Հայքում⁴⁰⁵: Համամիտ ենք Ռ. Հովհաննիսյանի, Է. Կոստանդյանի և այլ հեղինակների այն տեսակետին⁴⁰⁶, որ Բարձր Հայքի հայության ազատասիրական գաղափարների արթնացման գործում մեծ դեր են կատարել «Ուսումնասիրաց», «Հողային», «Ընթերցասիրաց» կազմակերպությունները և հատկապես «Պաշտպան հայրենյացը»:

Բարձր Հայքում, չնայած իր կարճատև գոյությանը, ազատասիրական գաղափարների տարածման և ազգային զարթոնքի գործում առանձնահատուկ դերակատարություն ունեցած «Պաշտպան հայրենյաց» կազմակերպության հիմնական նպատակն էր զինել վստահելի և կարող անձանց. «...մասնաւրապէս գիւղերուն մէջ, որպէս զի կարող ըլլան պաշտպանել իրենք զիրենք քիւրտերու կամ թիւրքերու յարձակումներուն դէմ»⁴⁰⁷: Հայտնի է նաև, որ թեև իշխանությունների կողմից 1882 թ. կազմակերպությունը բացահայտվեց, և նրա անդամները ծանր պատիժների դատապարտվեցին, իսկ հայոց անդրանիկ հեղափոխական կազմակերպությունը դադարեց գոյություն ունենալուց, սակայն նրա ցանած գաղափարական սերմերը

Հայրենյաց» կազմակերպությունը», Ե., 1965, Հ. Զատիկյան, Կարինի նահանգը XIX դարի երկրորդ կեսին, Ե., 2013 և այլն:

⁴⁰⁵ Տե՛ս Հակոբյան Կ., Կարսի դերը արևմտահայ ազատագրական պայքարում 1880-1908 թթ., սեղմագիր, Ե., 2015, էջ 3:

⁴⁰⁶ Տե՛ս Հովհաննիսյան Ռ., նշվ. աշխ., Կոստանդյան Է., նշվ. աշխ., և այլն:

⁴⁰⁷ Տե՛ս Նշկեան Ա., Առաջին կայձերը. էջ մը Կարնոյ զարթօնքն, Ա.Տ., 1930, էջ 117:

շուտով ծլարձակեցին, և այն «այնչափ մեծ աղմուկ հանեց եւ «Զայնը հնչեց Էրզրումի հայոց լեռներէն» բանաստեղծութեան մը պատճառ դարձաւ...»⁴⁰⁸ և ռազմերթի հանեց ամբողջ հայությանը: Իսկ մոտ ապագայում, ինչպես ցույց տվեցին իրադարձությունների հետագա զարգացումը, իենց Էրզրումից հնչած այդ ձայնն էլ առաջացրեց շղթայական ռեակցիա և շարժումը տարածվեց նաև մյուս գավառներում: Այդ շարժման միջոցով նաև պարարտ հող նախապատրաստվեց և ֆիդայական շարժում առաջիններից մեկը Կարինում ծավալվեց. «1780-ական թվականներուն Կարին ի յայտ եկաւ ֆետայիական խումբ մը յանձինս Կարապետ Ազաթեանի, Կարապետ Ղումրիկեանի, Գալուստ Արխանեանի, Ռուբեն Շիշմանեանի (Քեռի), Եօղուն օղլի Մինաս Քահեանի, Միքաէլ Էփրանոսեանցի, Ղասապ արթինի և այլն, որոնք ասպատակային կոհիներ մղեցին թուրք, քիլտ, լազ և չերքեզ հարստահարիչներու և սպաննիչներուն դէմ»⁴⁰⁹:

Կարինի նահանգում հայդուկային պայքարի սկզբնական փուլի կարևոր դերակատարներից էր «Առաջիններից էրգիր անցած երիտասարդ ախալցիսացի Տիգրան Օքոնյանը» կամ Շամիլը⁴¹⁰. «առաջին հերթին Տիգրան Օքոնեան Օլթի Թամպորատ գիուղին մէջ կազմակերպեց 17 հոգինց ասպատակային խումբ մը որ յուլիս ամսուան սահմանը անցնելով մտաւ Նարման գաւառի Վէրիխաս գիուղը ահաբեկելու համար Փաշա և Խորիս Բէկերը, որոնք փորձանք դարձած էին այդ շրջանին մէջ, սակայն գրէթէ ապարդիուն անցաւ այդ ծեռնարկը»⁴¹¹: S. Օքոնյանի խումբը 1888-1889 թթ. գործում էր Օլթի շրջակայքում և սարսափ էր տարածել բոլոր հարստահարողների վրա: Նա առաջինն էր, որ թուրքերից ու քրդերից վրեժ լուծելու համար զինված խումբ մտցրեց Արևմտյան Հայաստան. «Տիգրան Օքոնեան առաջին յեղափոխականը կ'ըլլայ, Դաշնակցութեան կազմութենէն առաջ, որ Կովկասի մէջ մարտական խումբ մը կազմելով, Թուրքիա կը մտնէ ասպատակային գործունեութեամբ

⁴⁰⁸ Նոյն տեղում, էջ 146:

⁴⁰⁹ Տե՛ս ՀԱԱ, §. 420, գ. 16, գ. 8, թ. 118:

⁴¹⁰ Նա հանդուգն ու անվեհեր հայդուկ էր, որի խումբը գործում էր երկաթյա կարգապահությամբ: Աշխոյժ ու կենսուրախ երիտասարդ էր, աչքի էր ընկնում ընկերասիրությամբ: Տարված էր Ռաֆֆու հերոսներով և «ավազակ հայդուկների» խիզախ գործերի մասին լուրերով: Տե՛ս Մելքոնյան Ա., Զավախսը 19-րդ դարում և 20-րդ դարի առաջին քառորդին, Ե., 2003:

⁴¹¹ Տե՛ս ՀԱԱ, §. 420, գ. 16, գ. 8, թ. 121:

թուրքէն ու քիւրտէն վրեժ լուծելու համար»⁴¹²: 1892 թ. Տիգրանի խմբի կազմում էին ալեքսանդրապոլիցիներ Ուսով Գրիգորը, Քոռ Եղոն, Ալեքսանդրապոլից քիչ հեռու գտնվող Ղոնաղոան գյուղից Մարտիկը, ախալցխացի Վարդանը և Էլի շատ ուրիշներ: Օլթիում խմբին է միանում հայտնի ղաչաղ Կոլիկի Տղա անունով մի երիտասարդ, որից ողջ շրջանի թուրքերը սարսափում էին: Տիգրանը վաշխառուներին և հարուստներին թալանում և ավարը բաժանում էր չքավորներին: Իշխանությունները, տեղեկանալով խմբի գործունեության մասին, սկսում են հետևել նրա տեղաշարժերին: Հետապնդումներից ազատվելու համար Տիգրանը փորձում է անցնել սահմանը, սակայն դա նրան չի հաջողվում: Դրանից հետո խոմբը ցրում է, զենքերը պահ տալիս և ինքն անցնում է Կարին: Այստեղ սրվում են նրա և Խ. Կերեկցյանի⁴¹³ հարաբերությունները, որը ողբերգական ավարտ է ունենում: Արամ Արամյանի միջոցով S. Օքոնյանը սպանել է տալիս Խ. Կերեկցյանին: Ավելի ուշ Խ. Կերեկցյանի եղբայր Տիգրանը, մահամերծ եղբորից իմանալով եղելությունը, վրեժ է լուծում, և ինքն էլ սպանում է Օքոնյանին⁴¹⁴: Չնայած այս ողբերգությանը, որից սկզբնական շրջանում զերծ չէր ֆիդայական շարժումը, Օքոնյանի սկսած գործը շարունակվեց և ունեցավ իր արժանի հետևորդները:

Կարինում հայդուկային պայքարի արժանավոր ներկայացուցիչներից էր Արամ Արամյանը, որը գործել է S. Օքոնյանի-Շամիլի հետ: «Երկուսն էլ միեւնոյն խմորիցն էին՝ խիզախ, յանդուզն, նուիրուած ու մոլեռանդ յեղափոխականներ, հմուտ կազմակերպիչներ»⁴¹⁵: Նրանց զինակիցներին անվանում էին «համարձակներ»: Նալբանդյանի, Ռաֆֆու և Գամառ-Քաթիպայի բոցաշոնչ ստեղծագործություններից խանդավառված պատանի էր Ա. Արամյանը, որը դեռ վարժարանում ուսանելու տարիներին արդեն դրսևորում էր խիզախ ու անմնացորդ հայրենասերին բնորոշ հատկություններ: Հայրենիքի փրկության գործի նվիրյալը զինված պայքարը համարում էր հայ ազգի փրկության միակ ուղին: Ոչ մի դժվարության առջև չընկրկելով՝ Կարինի առաջնորդարանի դիվանապետ-քարտուղարը, «Յեղափոխական եւ մտաւորական տիպար» Արամյանը Կարինի երիտասարդության մեջ ներարկում ու արմատավորում էր

⁴¹² Տե՛ս Զարդգ Ղ., նշվ. աշխ., էջ 527:

⁴¹³ Հայտնի «Պաշտպան հայրենյացի» առաջնորդի մասին է խոսքը:

⁴¹⁴ Այդ մասին տե՛ս Արամյան Ազնավորյանի յուշերը, «Հայրենիք», 1937, թիվ 9, հուլիս, էջ 146:

⁴¹⁵ Տե՛ս Զարդգ Ղ., նշվ. աշխ., էջ 528:

ազատության ձգտումներն ու հայրենիքին ու նրա արդար դատին անմնացորդ նվիրվելու գաղափարները: Նրա մեծագույն ներդրումն ազգային-ազատագրական պայքարում եղավ այն, որ կարողացավ կապ հաստատել Կարնո աշխարհի տարբեր շրջաններում գործող Հունոյի և S. Օքոնյանի հայդուկային խմբերի միջև, համախմբել նրանց⁴¹⁶: Նա բոլոր խմբերին կոչ էր անում միմյանց հետ նախապես պայմանավորվել և գործել միասին, որի դեպքում, բնականաբար, արդյունավետությունն անհամեմատ բարձր կիներ: Արամի մյուս կարևոր ներդրումն այն էր, որ նա կապ էր պահպանում «արդէն իսկ ձեւ ու մարմնին առած, փաստ դարձած» Կարինի ըմբռստ Երիտասարդության և «Կովկասի «հայրենասէր»ներու» միջև:

Կարևոր էր նաև այն, որ խիզախ ու անվեհեր նկարագրով Ա. Արամյանը լուրջ գիտելիքների տեր մտավորական էր, լավ գիտեր հայ ժողովրդի հերոսական պատմությունը, արևմտահայ նահանգների քաղաքական կացությունը և տեղյակ էր նրա կրած տառապանքներին: Եվ բոլորովին էլ պատահական չէր, որ որպես Բարձր Հայքի ներկայացուցիչ, 1890 թվականին «հայ յեղափոխականներու Թիֆլիզի մէջ տուած ժամադրութեան եւ կատարած խորհրդակցութիւններուն» ներկա էր նաև Արամը⁴¹⁷: Արամին բնորոշող խոսուն փաստ է նաև այն, որ Հ.Յ.Դաշնակցության ծնունդից անմիջապես հետո Ա. Արամյանն ու S. Օքոնյանը, որպես «պատասխանատու կուսակցականներ» գալիս են Կարին, որպեսզի կազմակերպեն տեղի Երիտասարդությանը և ստեղծեն կուսակցության առաջին տեղական կառույցը:

Այնուհետև Ա. Արամյանը որոշ ժամանակ «կ'ապրի բեկումի եւ խոռվքի շրջան մը», որից հետո նոր եռանդով կրկին նետվում է պայքարի հորձանուտը: 1894 թ. ՀՅԴ բյուրոյի որոշումով, Ալեքսանդրապոլի և Կարսի կոմիտեների աջակցությամբ նա ու Դժոխք Հրայրը ֆիդայական մի խմբի հետ մտնում են Երկիր՝ Բասենի շրջանը՝ նպատակ ունենալով կազմակերպել և զինել այդ շրջանի ժողովրդին «ինքնապաշտպանութեան եւ յառաջիկայ յեղափոխական ծեռնարկներու համար»⁴¹⁸:

⁴¹⁶ Հայ ժողովրդի ազատագրության ուղիների մասին Արամ Արամյանի մոտեցումները շատ ընդհանրություններ ունեին Արմենական կուսակցության տեսաբանների և Հրայր Դժոխքի՝ համատեղ, ընդհանուր և հարմար պահին թշնամուն վճռական հարված հասցնելու տեսակետների հետ: Այն տարրերությամբ, որ Արամ Արամյանի այդ տեսակետները դեռևս հում էին և կարոտ հղկումների:

⁴¹⁷ Տե՛ս Զարդգ Ղ., նշվ. աշխ., էջ 529:

⁴¹⁸ Տե՛ս նույն տեղում, էջ 531:

«Զարկի եւ գործնական աշխատանքներուն» միայն հավատացող Ա. Արամյանը 1895 թ. ողբերգական իրադարձությունների նախօրեին կուսակցության թելադրանքով մեկնում է Կարին, որտեղ Ռուսում Զորյանի հետ կազմակերպում են թաղային ինքնապաշտպանության գործը: Նրանք տեղյակ էին, որ իշխանությունները ծրագրել են իրենց ոճիրն իրականացնել 1895 թ. հոկտեմբերի 21-ին, և տեսնդագին նախապատրաստվում էին դիմագրավել: Սակայն այդ ժամանակ Կարին են հասնում «բարենորոգման յանձնախումբի անդամները, որոնք առիթ կուտան թուրք կառաւարութեան փութացնել որոշուած ոճիրը, 3 օր առաջ գործադրել հայոց կոտորածը»⁴¹⁹: Այդ պատճառով հանկարծակի եկած հայերը մեծ կորուստներ ունեցան:

1895-1896 թթ. Ա. Արամյանը կուսակցության հանձնարարությունների բերումամբինում է Արևմտյան Հայաստանի տարբեր մասերում: Օգտագործելով այդ առիթը՝ նա ակտիվ թղթակցում է «Դրօշակ» թերթին: Դրանցում դրսևորվում է հասուն մտավորականը: Նա համոզված էր, որ հայությունը միայն իր վրա հույս դնելով, զինված պայքարով կկարողանա դառնալ իր ճակատագրի տերը:

Ա.Արամյանն իր հերոսական գործունեությունը շարունակում է մինչև 1896 թ., երբ մատնությամբ ձերբակալվում է և 1899 թ. մահապատժի ենթարկվում Կարինում: Քաջասիրտ հայդուկն անգամ կախաղանի տակ չի խոնարհվում. «Կախաղանի այդ բարձունքն, Արամ Արամյանի ոգին ու գաղափարները, ալիք ալիք կը տարածուին ոչ միայն Էրզրումի, այլ ամբողջ հայկական նահանգներու տարածքին վրայ, հպարտանք ու ոգի ներշնչելով ապրող ու գալոց հայ սերունդներուն»⁴²⁰: Նրա մահն ազատության գաղափարների և հայրենասիրության լավագույն դաս է դառնում խավարի մեջ ընդարմացած ու կամազուրկ դարձած հայ զանգվածների համար: Հերոսական այս արհամարհանքը «մահուան եւ զայն նիւթող բռնակալութեան դէմ կը սորվեցնէ» այդ զանգվածներին, որ մարդը մեկ անգամ է մեռնում, բայց հավերժ հիշվում են նրանք, ովքեր իրենց ազգի և հայրենիքի ազատության և անկախության համար են մեռնուած⁴²¹:

⁴¹⁹ Տե՛ս նույն տեղում:

⁴²⁰ Տե՛ս նույն տեղում, էջ 537:

⁴²¹ Տե՛ս նույն տեղում:

Ա. Արամյանի աննկուն ոգու և մեծ հավատի մասին է վկայում նաև նրա նամակը գրված Կարինի բանտից: Հասկանալով, որ այլևս փրկություն չկա, որ մահապատիժն անխուսափելի է, նա դարձյալ պահպանում է հոգու անդորրը, կոչ անում ժողովրդին միասնաբար, մինչև արյան վերջին կաթիլը կովել թշնամու դեմ, քանզի դա է հաղթանակի միակ ճանապարհը. «...կտակում ենք ձեզ մեր վրեժը եւ այն գործը, որին համար ձեր ընկերները ունին բարոյական այնքան արիութիւն, որ համարձակ քայլերով պիտի դիմեն դեպի կախաղան. բան մը, որ անկասկածէ վաղ թե ուշ կը բարձրացնէ դէպի ցանկալի վերածնութիւն»⁴²²:

Կարնո աշխարհի հայդուկային պայքարի մեջ կարևոր դերակատարություն է ունեցել ճանաչված հայդուկ Քեռին (Արշակ Գավաֆյան, Քյաֆթառ) ⁴²³, ով «մարտական դեկավարի մը յատկութիւններով եւ կարողութեամբ օժտուած, թուրք բռնակալութեան եւ ոճիրներուն դէմ անձնապէս ծառացած՝ վրիժառու տիպար մըն էր»⁴²⁴: Կարնեցի Քեռու մասին արժեքավոր տեղեկություններ են պահպանվել «Հ.Յ.Դաշնակցութեան Դիւան» փաստաթղթերի ժողովածուամ և Ղ. Չարլզի ստվարածավալ հատորում: Որոշ անդրադարձներ կան նրա ժամանակակիցների՝ Ռուբենի⁴²⁵, Արամի⁴²⁶, Մալխասի⁴²⁷, Կոմսի⁴²⁸ և այլոց հուշերում: Մ. Վարանոյանի⁴²⁹, Ս. Վրացյանի⁴³⁰, Հ. Գևորգյանի⁴³¹, Ա. Ներսիսյանի⁴³², Վ. Վալադյանի⁴³³ աշխատություններում, «Հայրենիք», «Դրօշակ» պարբերականներում հրապարակված նյութերում: Ընդհանուր առմամբ բոլոր հուշագիրները և ուսումնասիրողները միաբերան դրական են արտահայտվել Քեռու

⁴²² Տե՛ս նոյն տեղում, էջ 538: Նամակը ստորագրված է «Թաթով» և թվագրված՝ 30 Յուլիսի 1896 թ.:

⁴²³ Քեռու մասին ավելի մանրամասն տե՛ս Սարգսյան Ա., Քաջարի հայդուկ Քեռին (Արշակ Գաֆավյան), Հայաստան, ցեղասպանությունից վերածնունդ 1915-2015 (Երևանի «Գլածոր» համալսարանի պրոֆեսորադասախոսական կազմի, ասսիրանուների և հայցորդների յոթերորդ գիտական նստաշրջանի հոդվածների ժողովածու), Ե., 2015, էջ 335-371:

⁴²⁴ Տե՛ս Չարլզ Ղ., նշվ. աշխ., էջ 425:

⁴²⁵ Տե՛ս Ռուբեն, Հայ յեղափոխականի մը յիշատակները, հ. Ա (Կարսի հնոցին մէջ, Դէպի Երկիր, 1904), Լու Անճիլս, 1952:

⁴²⁶ Տե՛ս «Հայրենիք» ամսագիր, 1923 ապրիլ, էջ 82:

⁴²⁷ Տե՛ս Մալխաս, «Ապրումներ» («Յուշապատում», հատոր Ա., էջ 247):

⁴²⁸ Տե՛ս Փափագեան Վ., Իմ Յուշերը, հատոր Ա, Պեյրութ, 1952:

⁴²⁹ Տե՛ս Վարանդեան Ա., Հ.Յ.Դաշնակցութեան Պատմութիւն, Ա եւ Բ հատորներու միացեալ հրատարակութիւն, Բ. հրատարակութիւն, Պեյրութ, 2013:

⁴³⁰ Տե՛ս Վրացեան Ս., Կեանքի ուղիներով: Դէպեր, դէմքեր, ապրումներ, Գահիրէ, 1955:

⁴³¹ Տե՛ս Գևորգյան Հ., Ազատագրական պայքարի ուազմավարությունը և էջեր նրա հերոսապատումից, Ե., 2012:

⁴³² Տե՛ս Ներսիսյան Ա., Հ.Յ.Դաշնակցութեան պատմութիւն, հ. Բ (1898-1908 թթ.), Պեյրութ, 2008:

⁴³³ Տե՛ս Վալադյան Վ., Քեռին, «Հայրենիք», 1959, թիվ 11, էջ 24-35, թիվ 12, էջ 52-63:

մասին: Երկար հայդուկային կյանքով ապրած, հազար ու մի փորձություններով անցած և բազմաթիվ մարդկանց հետ հարաբերված մարտիկի համար սա բացառիկ դեպքերից է, երբ բոլորը գովաբանում են, մեծարում ու դրվատում թե՛ Քեռու անձը, թե՛ Նրա կատարած գործերը: Քեռին ծնվել է Կարինում՝ խանութապանի ընտանիքում: Վաղ տարիքից Արշակը ծանոթ էր թուրքերի բարքերին, ականատես է լինում հայերի հանդեպ անմարդկային քայլերին և խոշտանգումներին: Այդ ամենը խոցում են Նրա մանուկ հոգին ու էռթյունը լցնում անհուն վրեժով դեպի թուրքերը: Նա իր խմբով մեծ մասամբ գործում էր Բասենի և Էրզրումի շրջաններում: Այստեղ էլ ծևավորվում է ապագա «Քեռին..: Հունոն եղավ Արշակի հեղափոխական դաստիարակը, իսկ Արշակը՝ Հունոյի արժանի հաջորդը: 1877-1878 թթ. ոուս-թուրքական պատերազմից հետո, երբ ոուսները թուրքերին են վերադարձնում Կարինը, այստեղ ավելի են սաստկանում բռնությունները հայերի հանդեպ: Այդ ամենն այլևս անհանդուրժելի է դառնում Արշակի համար, որը թողնում է տուն ու տեղ և թուրքերից վրեժ լուծելու նպատակով դառնում հայդուկ: Մինչև 1887 թ. նա ինքնուրույն է գործում, իսկ դրանից հետո մտնում է Հունոյի խմբի մեջ ու մինչև 1890 թ. հայդուկային կոհվներ վարում Ալաշկերտ-Կաղզվանում:

Առաջին սերնդի հայդուկներից էր, ովքեր թուրքերի ու քրդերի անմարդկային արարքներ չհանդուրժող և նրանց դեմ պողթկացող այնազնվագույն անհատներ էին, որոնք ի վիճակի չլինելով այլևս հանդուրժել տարատեսակ անպատվությունները, թալանն ու սպանությունները, ստիպված գենքի էին դիմում: Նրանք չէին հանդուրժում, որ մեղավորներին պատժելու փոխարեն իշխանությունները միշտ ձերբակալում ու տանջահար էին անում հայերին և իրենց տմարդի պահվածքով նրանց ընտրության այլ հնարավորություն չէին թողնում: 1890 թ. Քեռին մասնակցում է Ս. Կուկունյանի արշավանքին, իսկ 1895 թ. ծանր օրերին Անդրանիկի հետ էր. «իր իսկ վկայութեամբ՝ ըլլալով անոր լաւագոյն գործակիցներէն մէկը»⁴³⁴: Այնուհետև մասնակցում է Սասունի ինքնապաշտպանական մարտերին, ապա անցնելով Կովկաս՝ մասնակցում հայթաթարական կոհվներին: Քեռին վերածնվող հայ ժողովրդի ապագայի նկատմամբ լավատեսության մարմնացումներից էր:

⁴³⁴ Տե՛ս Զարդգ Ղ., նշվ. աշխ., էջ 509:

Հայդուկային պայքարին նվիրված աշխատություններում Քեռու՝ Արշակ Գավաֆյանի (1858-1916) անունը հաճախ է հիշատակվում, սակայն նրա մասին քիչ է գրվել: Քեռին առանձնացել է իր համեստությամբ, գործին անմնացորդ նվիրումով և բոլոր հանձնարարություններն անտրտունջ կատարելու իր պատրաստակամությամբ: Էռլեյամբ շատ համեստ, նրան էլ իր զինակից Ռոստոմի նման չէր հետաքրքրում, թե հետագայում որևէ մեկը կցանկանա գրել իր գործունեության մասին և հետո նա հետաքրքրվում էր միայն ներկայով. «կարեւորութիւն էր ընծայում» միայն՝ իր ապրած ներկայի մէջ կատարուող դէպքերին, որոնց վկայ ու մասնակից էր լինում նաեւ ինքը: Այս էր իր մտայնութիւնը»⁴³⁵: Ո՞չ ինքն է հուշեր գրել, ո՞չ էլ ուրիշին է գրի առնել տվել: Բայց որքան էլ համեստ լիներ Քեռին, դա երբեք էլ չի արդարացնում ուսումնասիրողներին: Ինչպես օրինակ՝ 1950 թ. կուսակցության 60-ամյակին նվիրված «Յուշապատում Հ. Յ. Դաշնակցութեան 1890-1950» ստվար հատորի հեղինակներին, որոնք միայն հպանցիկ են հիշատակում նրա անունը: Իսկապես անարդարացի է, որ 600-էջանոց աշխատության մեջ ընդամենը հիշատակվում է Քեռու անունը, այն էլ՝ ի միջի այլոց, ուրիշների առիթներով: Ավելին, Քեռու անունը չի հիշատակվում նոյնիսկ այն դեպքերում, երբ անպայման պիտի լիներ. «Անդրանիկի հետ էին անուանի հայդուկներ Սեբաստացի Մուրատը, Գէորգ Չավուշը, Սեպուհը, Կայծակ Առաքելը, Սէյտո Պօղոսը, Կիմիշխանեցի Աւօն եւ այլ կտրիճ մարտիկներ»⁴³⁶: Քեռին չկա այդ անունների շարքում, չնայած որ նրանց հետ նա ևս 1904 թ. գտնվել է Սասունում: Արդարության դեմ չմեղանչելու համար ասենք, որ Թորգոմի հրամանատարությամբ Սասուն հասած «Մրրիկ» հեծյալ խմբի մասին խոսելիս հեղինակները որպես հրամանատարի օգնական հիշատակել են Քեռուն՝ «Ֆարհատ» ծածկանունով, սակայն այս դեպքում էլ չի բացատրվում, թե ով էր այդ Ֆարհատը⁴³⁷:

Իսկական անունն Արշակ Գավաֆյան է (գրականության մեջ հանդիպում է նաև՝ Գալֆայան, Գաֆաֆյան, Ղաֆաֆյան ձևերով): Քեռու ազգանվան վերաբերյալ նշենք, որ «Հ.Յ. Յուշամատեան Ալբոմ-Ատլասի» Ա. և Բ. հատորներում առկա տոհմանունը Գավաֆյան է: «Դրօշակի» 2004 թ. Ապրիլյան համարի մի հրապարակման մեջ Քեռու

⁴³⁵ Վալեթեան Վ., Քեռին, «Հայրենիք» ամսագիր, 1959, թիվ 12, էջ 52:

⁴³⁶ Տե՛ս Յուշապատում Հ. Յ. Դաշնակցութեան 1890-1950, Բոստոն, 1950, էջ 389:

⁴³⁷ Այդպես է նա հիշատակվում հայտնի խմբապետ Թորգոմ-Թումանի, Անդրանիկի, Ռուբեն Տեր-Մինասյանի և այլ հուշագիրների երկերում:

տոհմանունը նշվում է Գալֆայան⁴³⁸: Ա. Ազնավուրյանի «Հուշերում»⁴³⁹ և նշվում է այդ ձևով: Ղ. Զարզգի մոտ «Գավաֆեան» ձևն է⁴⁴⁰: Տ. Պողոսյանի «Տարեգիրքում»⁴⁴¹ և այլ աղբյուրներում Քեռու ազգանունը հիշատակված է Գալֆայան ձևով: Այդ շփոթը պարզելու համար հետազոտող Տ. Պողոսյանը դիմում է Թեհրանում բնակվող Քեռու կրտսեր Եղբորը՝ Բագրատին, ում հաղորդած տեղեկության համաձայն՝ Քեռու տոհմական ազգանունը Գավաֆյան է: Նույնը վկայել է նաև Քեռու այրին՝ տիկին Քրիստինե Քեռին, ով նույնաբես Երկար տարիներ բնակվում էր Թեհրանում: Այնպես որ, կարծում ենք, իսկական ազգանունը Գավաֆյան է:

Կցկտուր տեղեկություններ են պահպանվել «Էրզրումի Քեռու» մանկության և պատանեկության, ընտանեկան պարագաների և կյանքի վերաբերյալ: Նույնիսկ շփոթ կա նրա ծննդյան թվականի վերաբերյալ. կենսագիրները տատանվում են 1855, 1856, 1858 և 1863 թվականների միջև: Պատանեկան տարիներին զբաղվել է արհեստով, դարձել հմուտ կոշկակար, նորոգել թամբեր: Հայդուկային կյանքի առաջին տարիներին Քեռին ուներ անբաժան ընկեր՝ դարձյալ Արշակ անունով, և նրանց միմյանցից տարբերելու համար ծննդավայրի հատկանիշով էին անվանում. մեկին՝ Էրզրումի Արշակ, մյուսին՝ Դարաբաղջի: Երկարատև թափառումներից հետո Կարին վերադարձած Քեռին իր ինքնությունը ոստիկանությունից թաքցնելու համար ինքնակոչվում է նաև Ֆարիատ: Այդ մասին առաջին անգամ տեղեկանում ենք 1896 թ. Կարինում մատնիչ Մկրտիչին ահաբեկելու առիթով սկսված խուզարկությունների մասին Ա. Արամյանի՝ ՀՅԴ կենտրոնին գրած մի նամակից. «տոների խուզարկութեան ժամանակ Ֆարիատը Երկու անգամ ազատուեց»⁴⁴²:

Նա ուներ նաև Քյաֆթառ Արշակ մականունը, որը մի դիպվածի արդյունք էր: Ականատես Ա. Ազնավուրյանի վկայությամբ կատակասեր Արշակն իր առջևից քայլող ծիուն խրտնեցնում է և աքացի ստանում, որի արդյունքում փշրվում են նրա զոյգ ատամները, և ընկերները նրան անվանում են Քյաֆթառ, այսինքն՝ անատամ ծերուկ⁴⁴³:

⁴³⁸ Տե՛ս Հովհաննիսյան Ջ., Հայ կամավորական շարժումը, «Դրոշա»կ, ապրիլ, 2004, էջ 101:

⁴³⁹ Տե՛ս Ազնաւուրեան Ա., Յուշեր, «Հայունիք» ամսագիր, թիվ 8, 1957, էջ 82:

⁴⁴⁰ Տե՛ս Զարզգ Ղ., Կարինապատում, Պեյրութ, 1957, էջ 506:

⁴⁴¹ Տե՛ս Պողոսյան Տ., Տարեգիրք, Թեհրան, 1970, էջ 497:

⁴⁴² Տե՛ս Հ.Յ.Դաշնակցութեան Դիւան, հ. Ա, էջ 377:

⁴⁴³ Տե՛ս նույն տեղում:

Նույնը վկայում է նաև նշանավոր ֆիդայի Բալաջանը⁴⁴⁴: Ժամանակակիցները նշում են, որ իր հանդուզն նկարագրի համար Քեռին Պարսկաստանում եղած ժամանակ անվանվել է նաև «Մտրակով Շերունի»: «Քեռի» մականունն Արշակն ստացել էր Սասունում: «Մորեղբայր» նշանակությամբ այդ բառով նահապետական բարքերով ու ավանդական սովորություններով ապրող սասունցիները մեծարում էին իրենց կյանքի բարի օրինակով, մաքուր կենցաղով, պարկեշտ պահվածքով, առաքինի նկարագրով, հայրական վերաբերմունքով իրենց համայնքի վստահությունն ու համակրանքը շահած անհատներին: Հաշվի առնելով, որ նա սասունցի չէր, իսկ սասունցիներն էլ ընդգծված անվստահություն ունեին դրսից եկած ցանկացած մարդու նկատմամբ, կարելի է պատկերացնել, թե ինչպիսի նկարագիր է ունեցել Քեռին, որ մեկ կարճ ժամանակահատվածում այդպիսի հարգանքի և մեծարման է արժանացել Սասունում:

Ֆիդայական պայքարի նվիրյալների կոհորտայում չկա մեկ ուրիշը, որ հայ ժողովրդի ազատագրական պայքարին նվիրված տարիների գումարով հավասարվի Քեռուն: Ժամանակակիցների միաբերան վկայությամբ կյանքի 58 տարիներից 35-ը նա նվիրաբերեց հայության ազատության դատին: Հայ հեղափոխական շարժմանն սկսել է մասնակցել 18 տարեկանում, երբ անդամակցում կամ համակրում է «արեւմտահայոց ազատութեան գաղափարի շեփորահար Կարնոյ Պաշտպան Հայրենեաց Միութեան» և մասնակցում 1882 թ. Կարինում տեղի ունեցած մեծ ցույցին:

1895 թ. նա հայտնվում է Արևմտյան Հայաստանում և Բասենի հովտում կազմակերպում ինքնապաշտպանություն ընդդեմ թուրքերի ու քրդերի զինված ավազակախմբերի: 1903 թ. Քեռին մի խումբ ֆիդայիների հետ մեկնում է Սասունի ինքնապաշտպանությունը կազմակերպողներին օգնելու:

Հայրը թամբագործ էր: Արհեստավոր հորն օգնելու համար կիսատ է թողնում ուսումը և ինքն էլ դառնում թամբագործ: Հետագա տարիներին հաճախ էր օգտագործում իր արհեստը և նորոգում-կարգի էր բերում ֆիդայիների թամբերն ու մյուս անհրաժեշտ պարագաները: Ընդհանրապես նա շատ էր սիրում և առանձնակի հակում ուներ կարգի բերելու ֆիդայիների տնտեսությունը: Պատահական չէր, որ 1903 թ. Սասուն գալով, որպես «Մրրիկ» խմբի հայդուկներից մեկը, Քեռին ընկերների

⁴⁴⁴ Տե՛ս նույն տեղում, էջ 381:

միաձայն որոշմամբ ստանձնում է կովող բոլոր խմբերի պահեստապետի պաշտոնը, որ «այն ժամանակուայ ճգնաժամային պայմաններում շատ պատասխանատու եւ ծանր գործ էր»⁴⁴⁵: Մ. Վարանդյանը նշում էր, որ «Քեռին 1904ի օրերուն, Սասնոյ մէջ սուկ պահեստապետ մըն էր, բայց անոր աստղը հետզիետէ կը բարձրանար Կովկասի Հայթրքական կոհիներէն ի վեր, ուր ինք մէկն էր անուանի դերակատարներէն՝ Մուրատի, Կորինի եւ այլոց հետ»⁴⁴⁶: Այսինքն՝ Քեռին օժտված էր միաժամանակ և՝ պահեստապետի, և՝ ռազմավարի անվիճելի կարողություններով: Նրա համար զբաղեցրած դիրքի ու կատարած գործի բնույթի տարբերություն գոյություն չուներ: Նա պատրաստ էր կատարելու ցանկացած հանձնարարություն: Նրան չէր հետաքրքրում առաջադրվող գործը կատարելով հեղինակություն պիտի շահեր, թէ հանրության համար կմնար աննկատ: Քեռին ծարավի չէր ժողովրդականության ու ծափերի, ձգտում չուներ անպատճառ ղեկավար ու հրամանատար դառնալու:

1889 թ. վերջերին Արշակը Կաղզվան գյուղաքաղաքում փոքրիկ սրճարան ուներ: Այն դարձել էր յուրակերա հավաքատեղի, որտեղ հաճախ քննարկվում էին ազգային-հեղափոխական իրադարձությունները: Մի օր այստեղ է գալիս Հարություն Մարտիրոսյանը (հայտնի՝ Հունոն) և, պատմելով իր հեղափոխական անցյալի մասին, խումբ է հավաքագրում թուրքերի ու քրդերի դեմ կովելու նպատակով: Արշակն առաջին ցուցակագրվողներից մեկն էր: Հայդուկային կյանքի առաջին իսկ օրերից դրսնորվում են Արշակի բնավորության այնպիսի գծեր, որոնք վկայում էին նրա մարդկային լավագույն նկարագրի մասին: Նա համեստ էր, քչախոս, «սակաւապէտ ու չարքաշ: Հնազանդօրէն կարգապահ, պատրաստ էր ենթարկուելու իրենց խմբապետի հրահանգներին, որոնցից իրաքանչիւրը անառարկելի հրաման էր իրեն համար»⁴⁴⁷: Կարգապահ հնազանդությունը և համեստությունն Արշակի անհատական խառնվածքի ու նկարագրի բնորոշ կողմերն էին, և այդ հատկանիշները լիովին պահպանվեցին հետագա բոլոր տարիների ընթացքում և նույնիսկ այն ժամանակ, երբ ինքն էր հրամանատար: Ժամանակակիցներն ընդգծում են նաև նրա պարզությունը, մարդամոտ լինելու և արագ բարեկամանալու հատկությունները. «Քեռուն պատահում

⁴⁴⁵ Տե՛ս Վալադեան Վ., «Հայրենիք» ամսագիր, թիվ 12, 1959, էջ 8:

⁴⁴⁶ Տե՛ս Վարանդեան Մ., <3. Դաշնակցութեան պատմութիւն, հ. Բ, էջ 73:

⁴⁴⁷ Տե՛ս Վալադեան Վ., «Հայրենիք» ամսագիր, թիվ 12, 1959, էջ 15:

Էի առաջին անգամ, բայց կարծես իին ծանօթներ էինք», - ասում է Արամը իր հուշերից մեկում⁴⁴⁸: Նրա մասին շատ ջերմ տողեր է գրել նաև Մալխասը. «Քեռին զարմանալիօրէն հանդարտ, խաղաղ մարդ մ’եր, տարտիման ու հարազատ: Ծանօթանալէդ կէս ժամ վերջը, այնպէս կը թուէր թէ ամբողջ կեանք մը անցուցեր ես հետը: Հայրական վերաբերում ունէր բոլորի հանդէպ, եւ բոլորն ալ կ’ենթարկուէին անոր ձեւերուն, որոնք վանողական ոչինչ ունէին»⁴⁴⁹: «Համեստ էր, լրակեաց: Զգացում էր նախկին արհեստատորը. աշխատասէր, խոհուն, գլուխը կախ, իր բանին ու գործին: Քայլում էր հանդարտ, հայեացքն ինքնամփոփի, հագուստը շատ համեստ, արհեստատորի արտաքին ու պահուածք: Ոչ մի ցուցարութիւն, ոչ մի ճիգ տպատրութեան: Իր ուժերի ճշմարիտ գիտակցութիւնն ունէր եւ իր արժանիքի իսկական ըմբռնումը: Անծանօթ էր իրեն ինչպէս յոխորտանքը, այնպէս էլ նուաստութիւնը: Չափած, կշռած, խոհուն ու նստած մի մարդ էր: Իր կարծիքները, դատողութիւններն ու հարցումները մատնում էին երկարամեայ փորձառութիւն եւ ուշադիր նկատառում»⁴⁵⁰, Քեռու մասին հուշագրել է Նիկոլ Աղբայյանը:

Ցուցամոլությունը, պարծենկոտությունը, սնապարծությունը Քեռու համեստ բնավորությանը խորթ էին: Նա հաճախ էր սաստում իր այն զինվորներին, որոնք փորձում էին դրվատել իր որևէ արարք: Այս պարագան էլ եղել է այն հիմնական պատճառներից մեկը, որ իր կյանքի շատ դրվագներ անհայտ մնան սերունդներին: Հետաքրքիր է սփյուռքահայ մտավորական Քնար Մանճիկյանի վկայությունը. «Երբ առաջին անգամ տեսա Քեռուն, չի ուզում հավատալ, որ իմ առջև հայդուկային շարժման առաջնորդն է: Նա բարձրահասակ էր, մի քիչ կուգիկ, ուներ ալեհեր գլուխ, արծվային պրոֆիլ, փայլուն աչքեր, հոռմեական քիթ, եռանդուն, կամային ծնոտ: Շալվարի փողքերը խրած էին սապոգների մեջ, ձեռքին տերողորմյան էր: Արտաքինը զինվորականի չէր: Նա ուներ մանր առևտրականի, արհեստավորի, մի խոսքով՝ ինչի տեսք ասես, միայն ոչ ռազմիկի: Անդրանիկի կողքին, որը հաճուքով դրվագներ էր պատմում իր մարտական կյանքից, Քեռին բոլորովին լրակյաց էր: Ընդհանուր գրուցի

⁴⁴⁸ Տե՛ս «Հայրենիք» ամսագիր, թիվ 4, 1923, էջ 82:

⁴⁴⁹ Տե՛ս Մալխաս, Ապրումներ, էջ 274:

⁴⁵⁰ Տե՛ս Անանյան Գ., Նիկոլ Աղբայյան, կյանքը և գրական-հրապարակախոսական գործունեությունը, Ե., 2002, էջ 14:

ժամանակ ամենասակավախոսն էր: Երբ նրան խնդրեցին մի քանի խոսք ասել, նա պատասխանեց. «Ես իմ խոսքերը թողել եմ մարտադաշտում»⁴⁵¹:

Հետագայում Քեռին մասնակցում է Հունոյի ղեկավարած Մատուաբերդի «արշավանքին», այնուհետև իր անբաժան ընկերոջ՝ Ղարաբաղցի Արշակի հետ 1890թ. անդամագրվում է Կովկունյանի ջոկատին, որի անհաջողությունից հետո Քեռուն հաջողվում է խուսափել ձերբակալությունից և թաքնվել Կարինում⁴⁵²: Այստեղ խմբապետությունը վստահվում է արդեն ՀՅԴ-ին անդամագրված Ֆարիատ-Արշակին, 1894-1895 թթ. ջարդերի ժամանակ կարողանում է կազմակերպել տեղի հայ գյուղացիների պաշտպանությունը և հնարավորինս քիչ կորուստներով դուրս գալ ստեղծված ծանր կացությունից⁴⁵³:

Ավելացնենք, որ բոլոր հուշագիրները միաբերան ընդգծել են նրա գնահատելի համեստությունը, կատարած գործի կարևորության գիտակցումը, որդեգրած առաքելության վեհությունն ու պատասխանատվության մեծ զգացումը, ռազմարվեստին փայլուն տիրապետելն ու մարդկային կերպարը զարդարող բնավորության լավագույն գծերի առկայությունը⁴⁵⁴: Նրան բոլորն էլ սիրում էին: Նրա մոտ հաճույքով էին գնում: Հպարտանում էին նրանով: Քեռին ուներ հրամանատարի՝ մարդկանց պահպանելու, իզուր զոհերից խուսափելու արժեքավոր հատկանիշներ: Մարտում խիստ էր: Մարտից հետո բոլորի բարեկամն էր ու լավ ընկերը:

Քեռուն լավագույնս իմացող Վ. Վալադյանն էլ գրում է. «Քեռին երբեք չէր խառնում կուսակցական վէճերին: Որքան էլ նա իր անձնական համակրանքով կամ հակակրանքով թեր կամ դէմ լինէր այս կամ այն անհատին, հաւաքական ձեռնարկների մէջ միշտ կը խուսափէր իր անձնական նախասիրութեանց համեմատ դիրք ճշդելուց: Քեռին, ի բնէ դէրիշի խառնուածք ունենալով, երբեք չէր մտածում բարեկեցիկ լինելու

⁴⁵¹ Տե՛ս Մանճիկեան ք., Պատմութեան համար դէմքեր, դէպքեր, դէպի արմատներ, Լոս-Անջելս, 2006, էջ 42:

⁴⁵² Տե՛ս Եղիազարյան Կ., Սարգս Կովկունյանի արշավանքը, Ե., 2016, էջ 123:

⁴⁵³ Ավելի ուշ Քեռին անցնում է Կովկաս և ամբողջությամբ նվիրվում ֆիդայական գործունեության: 1897 թ. մասնակցում է Խանասորի արշավանքին, ապա Սասունի 1904 թ. ապստամբությանը: Ռևանդուզի ճակատամարտում 1916 թ. մայիսին 15-ին հերոսաբար զոհվում է:

⁴⁵⁴ Օրինակ՝ Թ. Խազարբեկյանը (տե՛ս ՀԱԱ, ֆ. 49, գ. 1, գ. 4, թ. 13), Անդրանիկը (տե՛ս Զորավար Անդրանիկի Կովկասեան ճակատի օրագրութիւնը (1914-1917), Բոստոն, 1924, էջ 63): Քեռուն մասին շերմ են արտահայտվել «Ռուսակիյե վեղոմոստի» (տե՛ս «Русские Ведомости», 18 մայիսի, 1916), «Արև» (տե՛ս «Արև» օրաթերթ, 14 հունիսի, 1916), «Հորիզոն» (տե՛ս «Հորիզոն», 28 դեկտեմբեր, 1915) և այլ գործիչներ ու թերթեր:

մասին: Նա ի ծնէ ժումկալ էր: Դէպի իր անձը ցուցաբերած անտարբերութեան ու անհոգութեան, իր հագուստ-կապուստին նկատմամբ անփութութեան, իր վարած պարզ կենցաղին համար Հայաստանի կարգ մը շրջաններու մէջ ժողովուրդը անոր տուած է «դէրիշ» մակդիրը որ, կրօնական թէ աշխարհական իմաստով, հաւատքի մը, դատի մը, գաղափարի մը մոլեռանդօրէն ծառայողին ինքնամոռաց անհատին կերպարն է»⁴⁵⁵:

Երախտագետ հայ ժողովուրդն իր քաջարի հերոսի հիշատակին նվիրեց ազգային-հեղափոխական մեր երգերից ամենասրտաբուկն ու հուզիչը, քեռու առաքինությունների պատշաճ ներբողն ու գործերի փառաբանությունը: Երգ, որը մեր օրերում ևս ներշնչման վարար աղբյուր է բոլոր հայորդիների համար:

Կարնո աշխարհի առաջին հայդուկներից էր Հարություն աղա Տէր Մարտիրոսյանը (Հունո, Յունո)⁴⁵⁶: Ժամանակակիցների վկայությամբ Հունոն «կիսագրագէտ, յաղթ, առոյգ տղամարդ մը, որ ասպատակային խումբ մըն էր վարեր... Տիպար հայդուկ մըն էր, որ կը գործէր լուռ ու մունջ, լի ահարկու վրէժինդրութեամբ թուրքերու եւ մանաւանդ քիլտերու հանդէա»⁴⁵⁷: Նա շատ հանդուզն էր և կովարար, ինչի մասին փաստում էր նաև հայրը. «Վերջին աստիճան կտրիճ էր: Սուրը բերանը խոթէին չէր վախնար»⁴⁵⁸: Մի օր, երբ գյուղ եկած թուրք հարկահանները և ժանդարմներն իրենց սանձարձակ արարքներով անարգում ու խոշտանգում էին խեղճ ու անգրագետ գյուղացիներին, Հունոն նրանց հետ կովի է բռնվում, ջարդում է մեկի գլուխը և փախչում Ալաշկերտ: Այս դիպվածից հետո էլ սկսվում է նրա հայդուկային գործունեությունը, որի մասին արժեքավոր տեղեկություններ են հաղորդում Ա. Ազնավուրյանը⁴⁵⁹ «որպէս դեպքերու անմիջական վկայ», Բ. Վարդապետ Թավաքայանը⁴⁶⁰, «որպէս մէկը, որ ի մօտոյ տեղեակ է եղել Յունոյի մահուան պարագաներին»⁴⁶¹, «Դրօշակ» թերթը⁴⁶² և այլ աղբյուրներ:

⁴⁵⁵ «Հայրենիք» ամսագիր, թիվ 12, 1959, էջ 34:

⁴⁵⁶ Հունոն որոշ ժամանակ հարել է Հնչակյան կուսակցությանը, իսկ ավելի ուշ դարձել դաշնակցական:

⁴⁵⁷ Զարզգ Ղ., նշվ. աշխ., էջ 508, Յունոյի մասին տե՛ս նաև Յուշեր Արմենակ Եկարյանի, Պէյրութ, 1985, էջ 32:

⁴⁵⁸ «Հայրենիք», Բոստոն, 1938, թիվ 5, Յարութիւն Տէր Մարտիրոսեան (Յունո), Ս. Թորգոմեան, էջ 112:

⁴⁵⁹ Արամայիս Ազնավուրյանի հուշերը, «Հայրենիք» ամսագիր, թիվ 5, 1937:

⁴⁶⁰ Վրացյան Ա., Բագրատ Վրդ. Թավաքայանի նամակները, «Հայրենիք», Բոստոն, 1933, հ. 12, թիվ 1, էջ 103-110, հ. 12, թիվ 2, էջ 98-112, 1934, հ. 12, թիվ 3, էջ 84-95:

⁴⁶¹ Հրոսակապետ Հունօն, «Հայրենիք» ամսագիր, թիվ 5, 1958, էջ 43-51:

⁴⁶² «Դրօշակ», թիվ 2, 1892, թիվ 1, 1901 և այլն:

1890 թ. կեսերից իր շուրջը համախմբելով մի քանի բախտակից քաջ ու «ղաչաղ» դարձածների՝ Հունոն ստեղծում է իր խումբը և ասպատակային գործունեություն ծավալում Ալաշկերտ-Կաղզվան ճանապարհների վրա. «Անցեալ տարուայ գարնան սկզբներին (հոդվածը գրվել և լուս է տեսել 1892 թ. փետրվարին - Ս.Ա.) աւազակապետ Յարութիւն աղան իր խմբով գտնուում էր Ալաշկերտի շրջանակներում»⁴⁶³: Երբ խմբին տարբեր կողմերից քրդական բռնությունների մասին սրտաճմիկ լուրեր են հասնում, վրեժիսնդրությամբ տոգորված խումբն այդ բոլորին արժանի պատասխան տալու համար սպասում էր հարմար առիթի: Այդ մասին իմանալով՝ «սեպտեմբեր 14-ի առաւտեան պահուն»⁴⁶⁴ քրդերը որոշում են նախահարձակ լինել և մեծ բազմությամբ հարձակվում են խմբի վրա: Կոիվը տևում է մինչև երեկո: Քրդերը ստվարանալով (400-500 ձիավոր և հետևակ) պաշարում են հայերին: Կովի ամենաթեժ պահին ոչնչից չվախեցող Հունոն «կամենալով փոխել խմբի դիրքը, առաջ է շարժում, ճեղքում է քրդերի շղթան» և կարողանում է իր մարդկանց փրկել անխուսափելի կործանումից⁴⁶⁵:

Այնուհետև Հունոն Բասենի դաշտում մտերմանում է տեղացի քրդերից մի քանիսի հետ, և նրանց խմբերը միավորվում են: Սկզբում նրանք հնարավորության դեպքում առանց խտրականության թալանում էին քրդերին, թուրքերին ու նաև հայերին: Մի անգամ էլ խումբը կովի է բռնվում իրեն հետապնդող կառավարական զորքերի հետ: Այստեղ շատերը զոհվում են, իսկ հրաշքով կենդանի մնացած Հունոն փախչում Կովկաս: Որոշ ժամանակ հետո վերադառնում է և շարունակում արդեն գիտակցված պայքարն անօրեն թալանչիների դեմ՝ հարուցելով շրջապատի հիմնականում ավազակությամբ զբաղված քրդերի զայրույթը: Վերջիններս ամենուր հետևում էին Հունոյին և փորձում հաշվեհարդար տեսնել նրա հետ: Ի վերջո, Մատուարերդի մոտ քրդերին հաջողվում է շրջապատել Հունոյի խմբին: Հարյուրավոր քրդերի կողմից պաշարման մեջ ընկած Հունոն կարողանում է քաջաբար կովել և ապահովել իր խմբի հաջողությունն ու, ճեղքելով պաշարման օղակը, հասնում է Կաղզվան:

⁴⁶³ «Նամակ Ալաշկերտից: Հրոսակային խմբի կոհիւր», «Դրօշակ», փետրվար, 1892: Այստեղ թղթակցությունում անճշտություն կա. ոչ թե 1891 թ. է դա եղել, այլ 1890 թ., քանի որ Հունոյի խմբի՝ 1890թ. այդ տարածաշրջանում գործելու իրողությունը հայտնի փաստ է և վիճարկման ենթակա չէ:

⁴⁶⁴ Նոյն տեղում:

⁴⁶⁵ Հրոսակապետ Հունոն, «Հայրենիք» ամսագիր, թիվ 5, 1958, էջ 44:

Կուկունյանի արշավախմբին մասնակցած և հետո նրա հետ միասին Սախալին աքսորված տղաներից մեկը՝ Հովսեփի Մովսիսյանն իր հուշերում⁴⁶⁶ Մատուաբերդի դեպքերի մասին, որ լսել էր Կուկունյանի զինվոր Ա. Ազնավուրյանից, հետևյալն է ավելացնում. «Յունօն բեկուած սրտով Կաղզուան է հասցնում խոմքը: Այնուիետև դեռ էլի ապրեց եւ, մի շարք ծառայութիւններ անելուց յետոյ, մեռաւ, գլուխը Արամայիսի գրկում»⁴⁶⁷: Զմանրամասնելով նշենք, որ Հունոյի գործունեության գնահատանքի կողքին հուշագրություններում և ուսումնասիրություններում առկա է նաև ոչ այնքան դրական կարծիք. «Յեղափոխական կարող էին,-գրում է ֆիդայական պայքարի կենսագիրներից Վ. Վալայյանը,-եւ իսկապէս էլ դարձան, երբեմնի աւազակներ Չաթօն, Շերօն, Խլաթցի Սէրոբը, Ախալքալաքցի Տիգրան Օքոնեանը, բայց ոչ Յարութիւն-աղաները: Լավ կլինի, որ մեր ազատագրական շարժման պատմութեան մէջ որոմները զատենք մաքուր ցորեններից»⁴⁶⁸:

Այդ շրջանում հայդուկային պայքարի աննկուն գործիչներից էին նաև կարնեցիներ Գարեգին Կարնեցին և Միքայելը՝ երկու անրաժան ընկերներ⁴⁶⁹, Հովհաննես Կորկոտյանը⁴⁷⁰, Վահան Շահինյանը, Սեպուհը, Կայծակ Առաքելը և ուրիշներ:

14 տարեկանում թողնելով ուսումը՝ Հ. Կորկոտյանը հոր արհեստանոցում զինագործություն է սովորում, այնուիետև արհեստը կատարելագործելու համար տեղափոխվում է Թիֆլիս, որտեղ էլ անդամագրվում է ՀՅԴ-ին և դառնում «Վրէժ» խմբի անդամներից մեկը: Այստեղ «կըզբաղուի զինավարժութեամբ, կըդառնայ լաւ նշանառու»⁴⁷¹: Մի քանի փորձություններից հետո նրան հաջողվում է հասնել Կարին: Այստեղ անվախ Կորկոտյանը մի ընկերոց հետ կարողանում է մտնել քաղաքի բանտը և զարմանալի ճարպկությամբ «կ'ազատէ բանտարկուած իր մէկ ընկերը՝ Ղարապաղի

⁴⁶⁶ «Հայրենիք» ամսագիր, 1933 և 1934 թթ. լույս տեսած մի քանի համարներ:

⁴⁶⁷ «Հայրենիք», 1934, Մարտ, էջ 60:

⁴⁶⁸ Տե՛ս «Հայրենիք» ամսագիր, թիվ 5, 1958, էջ 51:

⁴⁶⁹ Գարեգին Ղոնյանը և Քյոսեն՝ Միքայելը, երկու ըմբոստ հայդուկներ էին՝ սիրված ժողովրդի կողմից, նրանց կողքին էին հայդուկներ բարերդից Գևորգը և Էրզրումցի Եղիշը՝ «Սև օձ» անունով: 1914 թ. միացել են Քեռու Խմբին և զոհվել քուրդ ավազակների ռեմ մղած հերոսական կրիվներից մեկում: Իսկ թե կրնկրետ որ և ինչ պայմաններում, ցավոք, մեզ տեղեկություն գտնել չհաջողվեց:

⁴⁷⁰ Էրզրումցի էր, որի ընտանիքը ապրում էր Ախալցխայում: Դեռ փոքր տարիքում գալով Թիֆլիս՝ ծանոթանում և առնչվում է հեղափոխական (այդ բառով էր այդ տասնամյակներում «որակվել» Արևմտյան Հայաստանի և հայության փրկության գյոյամարտը - Կ. Ա.) գաղափարներին և որոշում է «Վրէժ» խմբի հետ անցնել Երկիր: Ապա 1895 թ. վերադառնում է Կարին ու մասնակցում դիմադրական կրիվներին: Այստեղ էլ Հովհաննեսն ընկնում է հերոսի մահով:

⁴⁷¹ Տե՛ս Զարդը Ղ., նշվ. աշխ., էջ 651:

Արշակը»⁴⁷²: Իշխանությունները ձեռնարկում են բոլոր միջոցները՝ «Կորկոտ»-ին ձերբակալելու համար, բայց ապարդյուն: Փախստական վիճակում էլ Կորկոտյանն ընդհարումներ է ունենում ոստիկանության հետ, բայց միշտ «յաղթական դուրս կուգայ»: «Կորկոտն» ինքնակամ կարողանում է պատժել նաև մի քանի մատնիչների՝ դրանով կատաղեցնելով ոստիկանությանը:

Շուտով վրա է հասնում 1895 թ. հոկտեմբերի 18-ի հայկական կոտորածը: Կորկոտն ու նրա մորեղբոր տղա Մարտիրոսն ատրճանակներով զինված, փողոց են դուրս գալիս և կովի բռնվում զինվորների և խուժանի հետ: Ուժերը խիստ անհավասար էին և նրանք ստիպված նահանջում են և փակվում Մարտիրոսենց տանը: Պաշարողները տասը զոհի գնով հրդեհում են տունը, և Հ. Կորկոտյանը զոհվում է:

Կարինի նվիրյալներից էր նաև Վահան Շահինյանը, ով սահմանադրության շրջանում «քաղաքական թէ հասարակական գետնի վրայ» նյութական և բարոյական մեծ զոհողություններով ու իր հետևողական պայքարով կարողացել էր դառնալ քաղաքի բարեկեցիկ և հարուստ հայ երիտասարդության առաջնորդը: Նա խուսափում էր պաշտոններ ստանձնելուց և ցուցականությունից, բայց ամուր «յենարան մըն էր ազատական գործունէութեան եւ ձեռնարկներուն մէջ»: Այդ պատճառով էլ մեծ հարգանք ու վստահություն էր վայելում Կարինի երիտասարդության կողմից: Որևէ դժվարության դեպքում առաջին հերթին Վահանն էր «...որ կը փնտող էր, որպէս գործնական միտք մը, բոլոր շրջանակները համոզելու եւ գործի մղելու ի վիճակի անձնաւորութիւն մը»⁴⁷³: Կարինի հանրային կյանքը կարոտ էր այդպիսի գործիչների, ովքեր իրենց հետևից էին տանում նաև հարուստ երիտասարդներին, ովքեր եռանդուն մասնակցում էին ազգային կյանքին ու գործերին, առանց «ինքզինքնին հայ զանգուածներէն հեռացնելու եւ աղայական հովեր առնելու»⁴⁷⁴: Անսահման էր նրա սերը դեպի հայությունը, անսահման էր նաև նրա ժողովրդականությունը:

Կարինի ազատատենչ հայության շրջանում իր ուրույն տեղն ուներ նաև Դարպասյան բազմաճյուղ գերդաստանը, որի արժանավոր ներկայացուցիչներն էին Տիգրանը (հայտնի դերասանուիի Արուս Ռուկանյանի հայրը), Արամը, Դերենիկն ու

⁴⁷² Տե՛ս նոյն տեղում, էջ 652:

⁴⁷³ ՀԱԱ, ֆ. 420, գ. 16, գ. 8, թ. 34:

⁴⁷⁴ Նոյն տեղում:

Հրանդը: Իրենց հայրենասիրական գործունեության համար իշխանությունների կողմից հետապնդվելով՝ նրանք հեռանում են Կարինից, իսկ հետագայում անդամագրվում ՀՅԴ-ին: Նրանցից Դերենիկը, պաշտոնյաների շրջանում ծանոթներ ունենալու շնորհիվ պաշտոնեության մեջ, բազմաթիվ կեղծ անձնագրերով «կը դիրացնէ վտանգուած յեղափոխականներու եւ հանրային գործիչներու երթեւեկը»⁴⁷⁵:

Կարինի հերոսական դեմքերից էր նաև Ռուբեն Շիշմանյանը՝ «Երզնկացի կամ Դերսիմի քենին»: Երիտասարդ տարիքում որոշելով լուծել թուրքերի կողմից դավադրաբար սպանված եղբոր վրեժը՝ Ռուբենը նետվում է ֆիդայական պայքարի հորձանուտը՝ սկզբում ճանապարհների վրա ասպատակությամբ, իսկ ավելի ուշ արդեն իր հեղափոխական գործունեությամբ դառնալով թուրքերի սարսափը: Չնայած երիտասարդ տարիքին՝ Քենին մշտապես զուգակցում էր քաջությունը և կազմակերպելու ու դեկավարելու հմուտ կարողությունները, որոնք շուտով «դարձուցին զինքը ոչ միայն յեղափոխական մարտիկ մը, այլ նաեւ, որոշ ծրագրով գործող դեկավար. իսկ աւելի ուշ, հայ յեղափոխական շարժման կարեւոր տիպարներէն մէկը»⁴⁷⁶: Գործունեության առաջին օրերից իսկ նրա նպատակն էր խմբեր կազմել, զինել նրանց և դառնալ հարվածող ուժ, որը պիտի կարողանար զսպել թուրքերին ու քրդերին և «ճամբայ բանալ հայ ազատագրական պայքարին»⁴⁷⁷: 1894 թ. Ռ. Շիշմանյանը փոքրաթիվ խմբով հարձակվում է մի թուրք պաշտոնյայի և նրան ուղեկցող ժանդարմների վրա և այս դեպքի պատճառով հետապնդվելով՝ բարձրանում է Սեպուհ լեռը, որտեղից ասպատակային հարձակումներ է կազմակերպում թուրքական բանակի վրա: Այս արտասովոր դեպքը զայրացնում է Երզնկայի չորրորդ բանակի հրամանատարին, որն էլ հրամայում է պաշարել խմբին և գերի վերցնել նրանց: Դրսուրելով հրամանատարին վայել լավագույն հատկանիշներ՝ Ռ. Շիշմանյանը կարողանում է շրջապատման միջից դուրս բերել խոմբը: Հետագայում ծերբակալվում է և 4 տարի տևած դատավարական քաշքուկից հետո զանազան զրպարտանքներով թուրքերը, «ապացուցելով» նրա մեղքը դատապարտում են մահվան: Նրա հերոսական կերպարը միշտ ոգեշման աղբյուր եղավ կարինահայության համար:

⁴⁷⁵ Զարզգ Ղ., նշվ. աշխ., էջ 655:

⁴⁷⁶ ՀԱԱ, ֆ. 420, գ. 16, գ. 8, թ. 53:

⁴⁷⁷ Նույն տեղում:

Կարնո աշխարհում աչքի ընկնող հայուվներ էին Անտոն Գոշը, Նիկոլը, Մելքոնը, Տուրբախը (Հարությոն Այվազյան կամ Կիրակոսյան), Գերասիմը, Կայծակ Առաքելը (Աբաջյան, բաբերդցի Աղա)⁴⁷⁸, Բաբերդցի Սեպուհը (հայտնի է նաև Քյոսա Արշակ անունով) և շատ ուրիշներ, որոնք դարձան Կարինի հայության կուոքերը:

Կարինի նահանգի հյուսիսարևմտյան մասում գտնվող Բաբերդի գավառի Թոմնա (Թոմլա) գյուղում է 1872 թ. ծնվել ֆիդայական պայքարի նվիրյալ զորավար Սեպուհը (Արշակ Ներսիսյան): Բնավորությամբ ըմբռստ և ազատատեսչ Ներսես հորից այդ որակները ժառանգած Արշակը փոքր տարիքից աչքի էր ընկնում չարաճի բնավորությամբ և հակում ուներ «փորձելու ամեն բան, որ նորություն էր իր համար»⁴⁷⁹: Նրան բնորոշ էր նաև այն, որ միայնակ կարող էր պայքարել մի քանի հոգու դեմ:

1882 թ. Ներսեսը, հոգնելով լազերի դեմ մշտական կոիվներից, ընտանիքով տեղափոխվում է Տրապիզոն: Այստեղ էլ լուավորչական երկսեռ դպրոցում ուսանելու տարիներին իր ուսուցիչներից (հատկապես ապագա հայտնի հնչակյան գործիչ Հմայակ Խուշապույանից) Արշակն առաջին անգամ լսում է ազգային-ազատագրական պայքարի քարոզներ: Դրանք այն տարիներն էին, երբ Բեռլինի վեհաժողովում խարված հայությունը փարում էր գենքի գաղափարին: Սեպուհի վրա խոր տպավորություն են թողնում հատկապես արդեն ազատագրական պայքարի գաղափարով ներշնչված մշեցի և վանեցի ճամփորդները, որոնք երկիր վերադառնալիս կամ պանդխտության մեկնելիս անցնում էին Տրապիզոնով: Թեև հինգ տարի հետո Սեպուհը կրկին վերադառնում է հայրենի գյուղ, սակայն իր աշխույժ և կովարար բնավորությամբ և դրանցում բոլորին հաղթելով՝ շատ հայտնի է դառնում, ինչին նպաստում են նաև Տրապիզոնում ստացած մարմնամարզական դասերը: Հանձին Սեպուհի՝ «հայ ազգային-ազատագրական պայքար էր մտնելու մի անձնավորություն, որի բնորոշ հատկանիշներն էին ակտիվությունը, համարձակությունը, չպարտվելու և միշտ հաղթող մնալու ձգտումը, հետևողականությունը»⁴⁸⁰: Շուտով թողնելով ուսումը՝ Սեպուհն անցնում է աշխատանքի: Այստեղ էլ պատանին աչքի էր ընկնում ոչ միայն իր

⁴⁷⁸ Կայծակ Առաքելը (Տիգրան Աբաջյան) Բարձր Հայքի Բաբերդ քաղաքից էր: Մանկությունից գենքի և որսի սիրահար, լավ նշանառու: Երիտասարդ տարիքում պետական զորանոցից գենք գողանալու համար բանտարկվում է: Բարեկամների միջամտությամբ ազատվելով՝ անցնում է Երզնկա և միանում Երզնկացի Քեռու խմբին, որտեղ էլ դրսնորվում են նրա քաջությունն ու հեղափոխական ոգին:

⁴⁷⁹ «Հայրենիք», 1937, թիվ 2, Արամայիս Ազնավորեանի յուշերը, էջ 141:

⁴⁸⁰ Տե՛ս Ներսիսյան Ա., Զորավար Սեպուհ, Ե., 2014, էջ 18:

համարձակ և հանդուգն նկարագրով, այլև ֆիզիկական բացառիկ օժտվածությամբ՝ «երկար հասակ, նուրբ, կապուտաչյա, շեկ, քիթը բարեծն, ձախ այտին վրա պիսակ, ճակատն ու գլուխը ձևավոր»⁴⁸¹:

Այս շրջանում ծանոթանալով Հնչակյան կուսակցության անդամներից Թովմաս Զալայյանի հետ և ոգևորվելով հայրենիքի փրկության համար պայքարի գաղափարով՝ Սեպուհը նույնպես դառնում է հնչակյան՝ երդվելով հնազանդ լինել և մինչև կյանքի վերջը հավատարիմ մնալ հայրենիքին, սրբությամբ կատարելով իր վրա որված բոլոր պարտականությունները⁴⁸²: Իսկապես նա հավատարիմ է մնում իր խոստմանը և կատարում կուսակցության դժվարին հանձնարարությունները⁴⁸³: Հնչակյանների կազմակերպած Գում Գափուի ցուցից հետո հայտնի է դառնում, որ իշխանությունների ձեռքն ընկած մի գրության մեջ հնչակյան գործիչների ցուցակում Սեպուհի, անունը ևս կա, ինչը նշանակում էր, որ նրան կարող էին ձերբակալել: Սեպուհը ձեռք բերելով Եվտեմ Զախարյան անուն-ազգանունով կեղծ անձնագիր, հեռանում է Սևաստոպոլ⁴⁸⁴:

Այստեղ ևս արկածներ հեղինակելով և միշտ հաղթելով՝ Սեպուհը հայտնվում է Կուկունյանի արշավանքի ստեղծած եթերային երազախառն մթնոլորտում: Արշավանք, որը թեև դժբախտ ավարտ ունեցավ, սակայն հայության ուշադրությունը սևեռեց արևմտահայ խնդրի վրա: Օրակարգ մտավ արևմտահայության ազատագրական պայքարին օժանդակելու մղումը: Այդ ոգևորությունից անմասն չէր նաև Սեպուհը, ով Սևաստոպոլում վերջնականորեն կողմնորոշվում է դեպի ՀՅ Դաշնակցությունը, որն էլ հնարավորություն է ընձեռում իրականություն դարձնելու նրա երազանքը՝ անցնել Երկիր և մասնակցել այնտեղ ընթացող ազգային-ազատագրական պայքարին:

1895 թ. Կարսում անդամագրվելով Հրայրի խմբին՝ Սեպուհը դառնում է կուսակցական կապավոր և փայլուն իրականացնում այդ դժվարին առաքելությունը՝ իր նպաստը բերելով Հրայրի խմբին: Այստեղ գործող Հրայրը Ռուբենի վկայությամբ 1895-1896 թթ. Կարսում և Բասենում գործում էր հետևյալ խելացի ծրագրով. «Նախ՝ կազմակերպել թրքական մասի հայերը սուսիկ-փուսիկ, առանց աղմուկի, առանց զուլումի: Երկրորդ՝ ոռոսական Բասենէն եւ Թախտի շրջանէն որոշուած վայրերու մէջ,

⁴⁸¹ Տե՛ս Լազեան Գ., Յեղափոխական դեմքեր (Մտաւորականներ եւ հայդուկներ), Գահիրէ, 1945, էջ 24:

⁴⁸² Տե՛ս «Հայրենիք» ամսագիր, 1925, թիվ 1, էջ 135:

⁴⁸³ Օրինակ՝ 1890 թ. հունիսին ահարեկում է մատնիչ Գրիգորին և այլն:

⁴⁸⁴ Տե՛ս «Հայրենիք» ամսագիր, 1943, թիվ 2, էջ 76:

սահմանի վրա, տեղական խմբերով ռազմանյութ բերել լեռներու մէջ թաքցնել եւ հեռանալ: Թուրքական Բասենէն կուգան խմբեր, իբր գյուղացիներ, կը հանէն այդ թաքնուած զենքերը եւ գիշերով կը հասցնէն Հրայրին ու նորէն գյուղացի կղառնան»⁴⁸⁵: Փոխադրման այս ձևը բավականին արդյունավետ էր և շոշափելի արդյունք տվեց:

Ի վերջո, 1895 թ. հովհայան մի գիշեր իրականանում է Սեպուհի երազանքը՝ անցնել Երկիր և ազատագրական պայքարի մասնակիցը դառնալ. «Բարերդի կորյունի համար բացված էր ճանապարհը, որ հնարավորություն կտար քաջությունը, ուժն ու տաղանդը ի գործ դնելու հանուն հարազատ ժողովրդի ազատության ու բարօրության»⁴⁸⁶: Այնուին սկսվում է արկածներով լեցուն և հերոսական մի ամբողջ շրջան, երբ Սեպուհի կյանքը թեև շատ անգամ է վտանգվում, սակայն ամեն անգամ փրկվելով՝ նոր լիցքերով նա նետվում է ազատագրական պայքարի դաշտ⁴⁸⁷:

Սեպուհը հայ ազատագրական շարժման ծառայող խմբապետների և ապա զինվորական իրամանատարների մեջ որոշ չափով գրագետ անձնավորություն էր: Նա ի վիճակի էր զինվորական խնդիրներից դուրս գրավվել նաև հանրային, կուսակցական ու քաղաքական խնդիրներով: Նա ուներ նաև հարաբերվելու և շրջապատի վրա տպավորություն թողնելու կարողությունը: Այս առավելություններով և բարեմասնություններով նա կուսակցական ու խմբապետական գործունեության ժամանակ վճռական դեր է կատարել բազմաթիվ բարդ իրավիճակներում. «զինք դարձուցած էին փնտուած անձ մը, բոլոր միջավայրերու մէջ, միշտ դրական գործերու հետամուտ, միշտ զինուորական գործողութեանց անձնատուր»⁴⁸⁸: Սեպուհի ամբողջական կերպարի օրինակով ողջ հայութեան հետ Կարնո աշխարհն էլ կարող է հպարտությամբ ու խորը հարգանքով գրել Ամերիկայում գտնվող նրա շիրմի վրա. «ահա Ձեզ հայութեան ազնուագոյն զաւակներէն մէկը, որուն կեանքն ու գործերը կրնան օրինակ ծառայել, հայ ապրող եւ գալոց սերունդներուն հաւասարապէս»⁴⁸⁹:

⁴⁸⁵ Ռուբէն, Հայ Յեղափոխականի մը յիշատակները, հ. Ա, Թեհրան, էջ 125:

⁴⁸⁶ Տե՛ս Ներսիսյան Ա., Զորավար Սեպուհ, Ե., 2014, էջ 31:

⁴⁸⁷ Քանի որ Սեպուհի կյանքի գրեթե բոլոր մանրամասները լուսաբանված են հուշերի և նրան նվիրված ուսումնասիրությունների (դրանցում շահեկանորեն առանձնանում է հատկապես Ա. Ներսիսյանի նշված Զորավար Սեպուհ, Ե., 2014, գործը) մեջ, ուստի առանց մանրամասնությունների մեջ մտնելով՝ զնահատենք նրա գործունեությունը միայն մեր խնդրո առարկա ժամանակաշրջանում:

⁴⁸⁸ Տե՛ս Զարզգ Դ., նշվ. աշխ., էջ 664:

⁴⁸⁹ Տե՛ս նույն տեղում, էջ 665:

Բարձր Հայքում և Ալաշկերտում երկար տարիներ ժողովրդի պաշտպանության պատվաբեր գործը կատարել է Ա. Ազնավուրյանի հայդուկային խոմքը, որի մասին, ցավոք, մեզ քիչ բան է հայտնի: Բացառություն են, թերևս, նրա հուշերի որոշ պատառիկներ, որոնք տարբեր տարիներին տպագրվել են «Հայրենիք» ամսագրում: Այդ հրապարակումներից տեղեկանում ենք, որ նրա զինակից ընկերներն են եղել Հունոն և երկու Արշակները, որոնց հետ նա անցկացրել է իր հայդուկային ողջ կյանքը: Խոմքը մեծ ներդրում է ունեցել հատկապես Բասենի շրջանում 1895-1896 թթ. հայերի նկատմամբ թուրք-քրդական հարձակումների ու գազանությունների դեմն առնելու գործում: Ազնավուրյանի խոմքն զբաղվել է Երևան-Փարաքար-Բայազետ-Շահրիար-Կողը գծով Երկիր զինամթերքի փոխադրության դժվարագույն առաքելությամբ⁴⁹⁰:

Տարիներ շարունակ Քյոփիրի Քյոյում է պայքարել Գրիգոր Տեր-Մկրտչյանի հայդուկային ուժեղ խոմքը, որի անդամներից էին Նորբայազետցի Արտաշես Բարիկյանը (Եգոր), սալմաստեցի Ավետիսը, տիվրիկցի Վարդան Տեր-Դավթյանը (Բիծա), ալեքսանդրապոլցի Գրիգոր Լոռեցյանը (Պիղատոս), Մշո Վարդենիս գյուղից Օհան Լարոյանը (Լորթո), թիֆլիսեցի Ռուբեն Տեր-Կարապետյանը, վանեցիներ Խաչիկ Աբրահամյանը, Գասպարը, Գրիգոր Ասլանյանը, շատախցի Ազր Քյոսեյանը, ախալքալաքցի Ստեփան Նազարեթյանը (Իվան), ախալցխացի Սարգիս Յաղանյանը, ղազախցի Մկրտիչ Հակոբյանը, շուշեցի Արշակ Ոսկանյանը, համադանցի Սաղաթել Զոհրաբյանը, Խաչիկ Խիզանցին, ղզլարցիներ Մկրտիչ Սովթանյանը (Մկո), Փանոսը, Աբգարը, Մարտիրոսը, Մարիամ Մակարյանը (Մարո), Աստվածատուր Միրզայանը և ուրիշներ, որոնք իրենց անձը նվիրաբերել են հայրենիքի ազատագրության սուրբ գործին: Նշենք նաև, որ հայդուկային խմբերի կարևոր առաքելություններից էր Երկրի խորքերը զենք-զինամթերք տեղափոխելը: Այդ կարևոր գործողությունների ընթացքում տեղի էին ունենում բախումներ քրդերի և ոստիկանական ուժերի հետ, որոնց ընթացքում հաճախ գրիվում էին մեծ թվով հայդուկներ: Այսինքն՝ այդ գործընթացն արդեն այնքան էլ արդյունավետ չէր և պատճառ էր դառնում մեծաթիվ գրիերի:

Կարնո աշխարհի ազատագրական գործիչներից էին նաև կարնեցիներ Արմեն Գարոն (Գարեգին Փաստրմանյան), Վարդգեսը (Հովհաննես Սերենկյույան, Զարմայր)՝

⁴⁹⁰ Տե՛ս «Հայրենիք» ամսագիր, 1958, թիվ 5, Հրոսակապետ Յունոն, էջ 48:

Կարնու և ողջ հայության սիրելի Գիսակը, Գարեգին Կարնեցին (Գարեգին Ղոռյան), Միքայելը (Քյոսա), Բաբերդցի Գևորգը, Կարնեցի Եղիշը, Բալաջանը (Ստեփան Ստեփանյանց), Վանի Սարգիսը, Կայծակ Առաքելը (Բաբերդցի վարազ) և ուրիշ շատ-շատերը, որոնց մի մասի անուններն անհայտ մնացին սերունդներին:

Կարնեցի մեծահարուստ ընտանիքի զավակ Գ Փաստրմաճյանը, հակառակ այն իրողությանը, որ, ապահովված լինելով նյութական բարեկեցությամբ, կարող էր ճոխ և անհոգ կյանքով ապրել, գիտակցաբար ընտրեց հեղափոխականի դժվարին ճանապարհը և իրեն նվիրաբերեց հայ ժողովրդի և հայրենիքի փրկության գործին: Ժառանգաբար Գարեգինին էր փոխանցվել գերդաստանին հատուկ ազատատենչ ոգին. բռնության դեմ ծառանալու համար զոհվել էր Խաչատուր պապը, որն իր խելքի և համարձակության շնորհիվ մեծ հարստության տեր էր դարձել, սակայն չէր հանդուրժել կուսակալների տմարդի պահվածքը, որի համար էլ սպանվել էր: 1890-ական թթ. Կարինի դեպքերի ժամանակ հայրը՝ Հարությունն ու հորեղբայրը՝ Հովհաննեսը կովեցին թուրքերի դեմ: Ականատեսների վկայությամբ ցույցի ժամանակ «առաջին անգամ ըլլալով, թուրքին դէմ ատրճանակ գործածողը» Հովհաննեսն է Եղել⁴⁹¹: Հայրը դեպքերից հետո կտրուկ մերժում է ստորագրել կուսակալի պահանջը՝ տեղի ունեցածը հայ խոռվարարներին վերագրելու մասին:

Մանուկ Գարեգինի վրա մեծ ազդեցություն էին թողել նաև մեծերի զրոյցները: 1877-1878 թթ. պատերազմի ընթացքում իրենց տանը հաճախ հյուրընկալվող հայազգի գեներալներ Լոռիս-Մելիքովի, Տեր-Ղուկասովի, Լազարսի հետ:

1890 թ., երբ հնարավոր էր Սանասարյան վարժարանի վրա թուրք խուժանի հարձակումը, Գ. Փաստրմաճյանը դառնում է ավագ դասարանների սաների կողմից կազմակերպված ինքնապաշտպանության ղեկավարը, որն էլ դարձավ նրա՝ պայքարի գործին նվիրվելու մկրտությունը:

XIX դարի վերջերին ինչպես ամբողջ, այնպես էլ Կարինի նահանգում գործող ֆիդայական պայքարն սկսեց աստիճանաբար անկում ապրել: Դա հետևանք էր այն իրողության, որ ռուս-թուրքական սահմանամերձ գոտի Կարինի նահանգն առաջիններից մեկն էր, որ գտնվում էր երկու կայսրությունների իշխանությունների

⁴⁹¹ Տե՛ս Զարդ Ղ., նշվ. աշխ., էջ 540:

ուժեղացված հսկողության ներքո՝ և յուրաքանչյուր տեղաշարժ ու գործողություն անմիջապես նկատվում էին, խիստ պատժվում, որը մեծաքանակ մարդկային ու նյութական ռեսուրսների կորուստների պատճառ էր դառնում, այլևս անարդյունավետ և նպատակահարմար չէր: Կուսակցությունները և ֆիդայի ղեկավարները համոզվել էին, որ ուժերի խիստ անհավասարության պայմաններում անհնարին էր միայնակ հաղթել թուրք-քրդական միացյալ թշնամուն: Ի դերև ելան բոլոր այն հույսերը, որ մեծ տերությունները կստարեն հայ ժողովրդին, ինչպես եղել էր բոլղարների դեպքում: Այս տարակարծությունները փարատելու և վերջնական որոշման հանգելու նպատակով 1896-1897 թթ. տեղի են ունենում այդ ժամանակաշրջանում ֆիդայական շարժումը հիմնականում ղեկավարող Դաշնակցություն կուսակցության շրջանային և 1897-1898 թթ. ՀՅԴ կովկասյան մարմինների տարեկան շրջանային ժողովները, որոնք քննարկում են ֆիդայական խմբերի գործունեության և շատ այլ կարևոր խնդիրներ: Սուր բանավեճեր են ծավալվում ֆիդայական խմբերի հետագա գոյության նպատակահարմարության հարցի շուրջ: Ժողովականներն ի վերջո հանգում են այն եզրակացության, որ ՀՅԴ-ն պետք է դադարեցնի շարժումն Արևմտյան Հայաստանում, քայլ շարունակի մարտական-զինամարզական խմբեր կազմակերպելու ծրագիրը⁴⁹²:

Առաջ անցնելով նշենք, որ Արևմտյան Հայաստանի «յեղափոխական շարժման հինգ գլխաւոր վառարաններ»-ից մեկի՝ Կարինի նահանգում հայդուկային պայքարն այնպիսի լայն ընդգրկումներ չունեցավ, ինչպես օրինակ՝ Սասունում, Մուշում կամ Տարոնում, քանի որ նահանգում թուրքական երրորդ բանակի ներկայությունն ազատ գործելու հնարավորություն չէր տալիս:

⁴⁹²Տե՛ս Նիւթեր ՀՅ. Դաշնակցութեան պատմութեան համար, հ. Բ, էջ 54-58:

ԵԶՐԱԿԱՑՈՒԹՅՈՒՆՆԵՐ

Արխիվային ու տպագիր վավերագրերի, հուշագրությունների, ժամանակի պարբերական մամուլից և հրապարակի վրա առկա տարաբնույթ ուսումնասիրություններից քաղած փաստական նյութի հիման վրա ներկայացնելով XIX դարի վերջին քառորդի հայ ազգային-ազատագրական պայքարի դրսնորումները Կարինի նահանգում՝ հանգել ենք հետևյալ եզրակացությունների՝

1. Կարինի նահանգը, գտնվելով առևտրառազմավարական ճանապարհների հանգուցակետում, այդ շրջանում ուներ ոչ միայն կարևոր տնտեսական և քաղաքական դերակատարություն, այլև դարձել էր ազատախոհական խմորումների օջախներից մեկը։ Ուստի միանգամայն բնական էր, որ գաղափարական կենտրոն Կ.Պոլսից անմիջապես հետո մյուս հայկական գավառների շարքում առաջիններից մեկն այստեղ սկսվեցին ազատագրական լուրջ խմորումներ։

2. Սահմանադրական շարժումն ազգային և հոգևոր-մշակութային փոխհարաբերությունների նոր փուլ էր։ Այն արևմտահայությանը վստահություն ներշնչեց իր ուժերի նկատմամբ, ազատագրական գաղափարախոսության միջոցով ճեղքեց կրոնադավանական կաղապարները, իրավականորեն ձևակերպեց ժողովրդի բողոքելու իրավունքը, հող նախապատրաստեց՝ պայքարելու ազգային ինքնորոշման իրավունքի համար, եղավ արևմտահայ ազգային-ազատագրական պայքարի գաղափարախոսական մեկնակետն ու զինված պայքարի կարևորագույն նախադրյաներից մեկը։ Սահմանադրությունից բխող «Սահմանադրական հրահանգ գավառաց համար» և «Կարինի բարենորոգումների ծրագիրը» ոչ միայն նպաստեցին, այլև լրացուցիչ խթան եղան Կարինի նահանգում այդ պայքարի համար։

3. Զեյթունի 1862 թ. ապստամբությունն անգնահատելի նշանակություն ունեցավ հայության ինքնագիտակցության բարձրացման, թուրքական բռնություններին ուժով հակադրվելու մտայնության տարածման համար և դարձավ զինված պայքարի կարևոր նախադրյաներից մեկը ևս։

4. Կարինահայությունը գաղափարական վերափոխումների առաջնագծում էր և իր կազմակերպչական ու գործնական արարքներով մարտահրավեր նետեց դարավոր

հարմարվողականությանը և արևմտահայ իրականության մեջ առաջիններից մեկը դուրս եկավ ազատագրական պայքարի:

5. Համընդհանուր վերազարթոնքի շրջանում Ազգային սահմանադրությամբ ոգեշնչված պոլսահայության և հարստահարվող ու հետամնաց գավառահայության արանքում գտնվող կարինահայ մտավորականությունը, լավ հասկանալով դրա անհրաժեշտությունը, ամբողջ ուժով զարկ տվեց կրթամշակութային, քարոզական և կազմակերպական աշխատանքներին: Այդ նպատակով Կարինում մի շարք կազմակերպություններ հիմնվեցին:

6. Արևմտահայ իրականության մեջ առաջիններից մեկը և ամենահզորը Կարինի «Պաշտպան հայրենյաց» ազատագրական կազմակերպությունն էր: Այն իր առջև դրված նպատակներով, կազմակերպական կուր կառուցվածքով, մարտական շարքերով և գաղտնի գործելու բարձր մակարդակով պարարտ հող նախապատրաստեց կուսակցությունների տեղական կառուցների արդյունավետ գործունեության համար: Ու թեև միայն մանկության շրջան ապրած և առաջին անվստահ քայլերն անող «Պաշտպան հայրենյացն» իր նպատակների կենսագործման համար մղած պայքարի արշալուսին նահատակվեց, սակայն նրա գործունեությունը նշանակալից երևույթ էր արևմտահայ ազգային-ազատագրական շարժումների համատեքստում և կազմում է 1880-ական թթ. սկսված նրա վերելքի փառապսակը:

7. Հայ ժողովրդի ազգային-ազատագրական պայքարը հիմնավորվում էր պատմական և սոցիալ-տնտեսական ու քաղաքական դրդապատճառներով: 1890-ական թթ. առաջին կեսին առավել ուժեղ, բազմամարդ ու գործունյա միջուկը ձևավորվել է ռուս-թուրքական սահմանի վրա գտնվող Կարինի նահանգում: Սահմանի երկու կողմում էլ գտնվեցին հզոր անհատներ, ովքեր իրենց հայրենանվեր գործունեությամբ ոգեկոչեցին ու պայքարի ձեռնոց նետեցին թուրքական իշխանություններին:

8. Կարինում Արմենական կուսակցության գործունեության մասին թեև ուղղակի վկայություններ չգտնվեցին, սակայն շատ փաստեր անուղղակի վկայում են, որ այդպիսի առնչություններ, այնուամենայնիվ, եղել են:

9. Հայկական կուսակցություններից առաջինը հնչակյանները Կարինում ստեղծեցին իրենց տեղական կառույցը և համագործակցելով «Պաշտպան հայրենյացի» նախկին անդամների հետ՝ առաջինը զենք բարձրացրին իշխանության ներկայացուցչի դեմ:

10. Համագգային զարթոնքի աստեղային շրջանում՝ 1890-ական թթ. «կենսունակության քննությանը չդիմացած» հնչակյանների պառակտումը և արմենականների կտրուկ թուլացումը հանգեցրին ՀՅԴ-ի շուրջ ազատամարտի ուժերի ու հնարավորությունների կենտրոնացման խնդիրը: Այդ նույն գործընթացը տեղի ունեցավ նաև Կարինում, որի արդյունքում ազատամարտի առաջատար ուժը և այդ ուժերի կենտրոնացման առանցքը Կարինում դարձավ ՀՅԴ տեղական մարմինը:

11. Կարինում ազգային կուսակցությունների տեղական մարմինների ձևավորման շրջանում գերակայողն անմիջապես զինված ելույթներ ունենալու և դրանցով Հայկական հարցի վրա մեծ տերությունների ուշադրությունը գրավելու մարտավարությունն էր, որը հանգեցրեց նրանց և թուրքական բանտերի քավարանով անցած, ավելի իմաստնացած և խիստ զգուշավոր դարձած պաշտպանհայրենյացական ավագ սերնդի միջև, ինչը երբեմն հանգեցնում էր անցանկայի երևույթների:

12. 1890 թ. Կարինի ցույցն ազատության համար բողոքի պողոթկում էր. առաջին անգամ հայը զենքի դիմեց, որն անկյունադարձային եղավ: Հայի գնդակից թուրք զոհվեց, և դրա ազդեցության ներքո փոխվեց նրա հոգեբանությունը. սկսվեց մշտական զոհի կարգավիճակից դուրս գալու, անարդարությունների համար պատժող և վրիժառու դառնալու վերափոխման գործընթացը:

13. Օրախնդիր դարձած Հայկական հարցին ու բարենորոգումների պահանջներին հակադարձելով՝ իշխանությունները որդեգրեցին հայաջինչ քաղաքականություն, որն ընդգծված բնույթ կրեց հատկապես Ռուսաստանին սահմանամերձ Կարինի նահանգում: Թեև 1894-1896 թթ. կոտորածները միշտ մնում են 1915 թ. ցեղասպանության ստվերում, սակայն դրանք Կարինի նահանգում բնակվող հայերի գոյությանը հասցված ամենամեծ հարվածներն էին եղեռնից առաջ: Հայերի մեծ մասը կոտորվեց, շատերը կորոնափոխ եղան կամ լքեցին երկրամասը: Արդյունքում XIX դարի

20-30-ական թթ. տեղի ունեցած գործընթացը նոր թափով շարունակվեց և մեկ անգամ ևս անդառնալիորեն փոխեց նահանգի ժողովրդական նկարագիրն ի վնաս հայության:

14. XIX դարի վերջին քառորդին տեղի ունեցավ սահմանամերձ կարինահայության աշխարհականացման գործընթաց. կարինահայերը դարձան կարևոր գործոն կայսրության արևելյան մասերի անվտանգության ապահովման գործում: Այստեղ ավելի հաճախ սկսեցին շրջանառվել դավաճանություն և հայկական խառնակություն արտահայտությունները, որոնք օգտագործվում էին հայերին վնասելու նպատակով:

15. 1890-ական թթ. օսմանյան իշխանությունների կողմից հայ ժողովրդի զանգվածային ոչնչացման դեմ հայության շարքերում կարինահայերը ևս գենքը ձեռքին դուրս եկան ֆիդայական պայքարի: Կարինը դարձավ կարևորագույն տարանցիկ ուղիներից մեկը՝ դեպի Երկիր գենք-զինամթերք և կռվող ուժեր փոխադրելու համար:

ՕԳՏԱԳՈՐԾՎԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ

1. ԱՐԽԻՎԱՅԻՆ ՆՅՈՒԹԵՐ

ա) Հայաստանի ազգային արխիվ

- 1.1 §. 45, q. 1, g. 4 (Դազմական գործողությունները Կովկասյան ճակատում 1914-1918 թթ. Նազարբեկովի անտիպ հուշերը):
- 1.2 §. 56, g. 16-18, q. 68, 70, 71, հաստատված պատճեն, ձեռագիր 18, 56 (Ս. Էջմիածնի լուսավորչական հայոց սինոդի ֆոնդ):
- 1.3 ՀԱԱ, §. 57, g. 5, q. 3 (Ամենայն հայոց կաթողիկոսի դիվան):
- 1.4 §. 314, g. 8, q. 6, g. 32, q. 8 (անձնական ծագում ունեցող վավերագրեր):
- 1.5 §. 408, g. 1, q. 2, g. 1 (Փաստաթղթերի հավաքածու Սոցիալ-դեմոկրատական հնչայյան կուսակցության և ամերիկահայ հասարակական-քաղաքական գործիչ Ներսես Փիլիկյանի գործունեության վերաբերյալ):
- 1.6 §. 420, g. 16, q. 8, 9, 11, 12, g. 81, q. 214 (Արտասահմանից ստացված վավերագրական նյութերի հավաքածու,) Ճգնաւրեան Օ., Հայ ազատագրական ճիգերը Արեւմտեան Հայաստանի մէջ, ձեռագիր անավարտ մենագրություն:
- 1.7 §. 424, g. 2, q. 116 (Դարբինյան Արտակ՝ հասարակական-քաղաքական գործիչ, հրապարակախոս):
- 1.8 §. 524 (Կարինի Սանասարյան վարժարանին նվիրված նյութերը):
- 1.9 §. 450, g. 2, q. 1,թ. 27 (Փաստաթղթերի հավաքածու Հայկական հարցի վերաբերյալ):
- 1.10 §. 453, g. 1, q. 59, 72 (Պետրոսյան Ապահ՝ հասարակական-քաղաքական գործիչ):
- 1.11 §. 476, g. 4, q. 51 (Շահպարոնյան Վարդան):
- 1.12 §. 818, g. 1, q. 23, 515 (Ներսիսյան Մկրտիչ Գեղամի):
- 1.13 §. 1296, g. 1, q. 51 (Գեղամյան Եղիշե՝ պատմաբան):
- 1.14 §. 1396, g. 1, q. 1, 8, 15, 46, 66 (Տեր-Մկրտչյան Անուշավան՝ քաղաքական գործիչ):
- 1.15 §. 1456, g. 1, q. 1, 38, g. 2, q. 7, 9, 24 (Սոցիալ-դեմոկրատական հնչայյան կուսակցություն):
- 1.16 §. 1457, g. 1, q. 1, 68, g. 2, q. 16, g. 3, q. 1-6 (Հայ հեղափոխական

Դաշնակցություն կուսակցություն):

1.17 §. 4047, գ. 2, գ. 9, Լսոն Սարգսյան, Հուշեր 1889-1892 թվականներից (ՀՀԴ ծագումը, առաջին քայլերը և Ա. ընդ. ժողովը):

1.18 Արխիվ վնեահե պօլիտիկայի թանգարանի արխիվ (ԳԱԹ) լ. 163.

բ) Եղիշե Զարենցի անվան գրականության և արվեստի թանգարանի արխիվ (ԳԱԹ)

1.19 Բ. Նավասարդյանի ֆոնդ, վավ. 9-111, Կերեկցյան Տիգրան, Խաչատուր Գևորգ Կերեկցյանի կենսագրությունը, ձեռագիր:

1.20 Թ. Ազատյանի §., բաժ. XII , գ. 11507, 11508, 11512, 11519:

1.21 Բ. Նավասարդյանի ֆոնդ, վավ. 9-111, թ. 38 «Թ» 55:

1.22 Սրվանձտյանց Գ.-ի §., II բ., գ. 65:

գ) ՀՀ ԳԱԱ պատմության ինստիտուտ

1.23 Լեոյի անձնական արխիվ, §. 1, գ. 1, գ. 162, գ. 175:

2. ՏՊԱԳԻՐ ՍԿՐԻԱՂԲՅՈՒՐՆԵՐ

ա) հայերեն

2.1 Ազգային սահմանադրութիւն հայոց, Կ.Պոլիս, 1860, նույնը՝ Կ.Պոլիս- Սթանպօլ, 1863, նույնը՝ Անթիլիաս, 1968:

2.2 Դիւան Հ. Յ. Դաշնակցութեան, յաւելած «Հայրենիք» ամսագրի, հրատ., Պոսթըն, 1934, 395 էջ, Բ հատ., Պոսթըն, 1938, 464 էջ:

2.3 Հայաստանը բոլժուական դիվանագիտության և սովետական արտաքին քաղաքականության փաստաթյալերում (1828-1923), Զ. Կիրակոսյանի խմբագրությամբ, Ե., «Հայաստան» հրատարակչություն, 1972, 810 էջ:

2.4 Հայերի ցեղասպանությունը Օսմանյան կայսրությունում (փաստաթյալերի և նյութերի ժողովածու), Մ. Ներսիսյանի խմբագրությամբ, Ե., 1991, 746 էջ:

2.5 Հիմնական կանոնագիր Միացեալ ընկերութեանց հայոց (1880-1908), Կ.Պոլիս, 1912, Վ. և Հ. Ներսէսեան, 14 էջ:

2.6 Նիւթեր Հ.Յ. Դաշնակցութեան պատմութեան համար, խմբ.՝ Հր. Տանապետեանի, հրատ. Հ. Յ. Դաշնակցութեան, Պէյրութ, «Վահէ Սէթեան» տպարան, Ա հատ., թ. տպագր., 1984, 304 էջ, Բ հատ., թ. տպագր., 1985, 302 էջ, Գ. հատ., 1976, 357 էջ,

Դ հատ., 1982, 384 էջ:

- 2.7 Նիւթեր <Հ.Յ.Դաշնակցութեան պատմութեան համար, Եր. Փամպութեանի, հրատ. Հ. Յ. Դաշնակցութեան, Պեյրութ, «Վահէ Սէթեան» տպարան, Ե հրատ., 2007, 529 էջ, Զ հատ., 2010, 559 էջ, Է հատ., 2010, 384 էջ, Ը հատ., 2011, 496 էջ, Թ հատ., 2012, 560 էջ:

բ) ռուսերեն

- 2.8 Գеноцид армян в Османской империи, сборник документов и материалов под редакцией М. Г. Нерсисяна, составители: М. Г. Нерсисян, Р. Г. Саакян (այսուհետև՝ Գеноцид армян...), с. 112.

- 2.9 Сборник договоров России с другими государствами, 1856-1917, Москва, 1952.

- 2.10 Современное состояние Оттоманской империи, составил М. А. Убичини и П. де Куртейль, Санкт- Петербург, 1877,

գ) լրագիր հուշագրություններ, ժամանակակիցների վկայություններ և հրապարակումներ

- 2.11 Ա. Ազնաւորեանի յուշերը, գրի առաւ՝ Ե. Հայրապետեան, «Հայրենիք» ամսագիր, Բուստոն, 1936, թիւ 9, էջ 99-110, թիւ 10, էջ 75-82, թիւ 11, էջ 115-122, 1937, թիւ 1, էջ 136-142, թիւ 2, էջ 135-144, թիւ 4, էջ 144-149, թիւ 5, էջ 135-141, թիւ 6, էջ 150-153, թիւ 8, էջ 133-141, թիւ 9, էջ 145-151, թիւ 10, էջ 156-160, թիւ 11, էջ 133-136, թիւ 12, էջ 126-136, 1938, թիւ 1, էջ 145-150, թիւ 2, էջ 118-123, թիւ 3, էջ 130-137, թիւ 4, էջ 158-163, թիւ 6, էջ 130-136, թիւ 7, էջ 137-140, թիւ 8, էջ 154-157, թիւ 9, էջ 140-143, թիւ 11, էջ 149-155, թիւ 12, էջ 134-139:

- 2.12 Եկարեան Ա., Յուշեր Արմենակ Եկարեանի, Պեյրութ, 1985, Ռ.Ա. Կուսակցութեան Ա., Եկարեան ակումբի հրատ., 255 էջ:

- 2.13 Դարբինեան Ա., Հայ ազատագրական շարժման օրերէն, Յուշեր 1890-ին 1940, Երեան, 2003, Բ, 389 էջ:

- 2.14 Զորավար Անդրանիկի Կովկասեան ճակատի պատմական օրագրութիւնը (1914-1917), Պութոն, 1924, «Պայքար» տպ., 200 էջ:

- 2.15 Խան-Ազատ Ռ., Հայ յեղափոխականի յուշերից, «Հայրենիք» ամսագիր, 1927, թիւ 1, էջ 122-135, թիւ 2, էջ 112-124, թիւ 8, էջ 60-72, թիւ 9, էջ 52-63, թիւ 10, էջ 56-72,

թիւ 11, էջ 124-138, թիւ 12, էջ 122-129, 1928, թիւ 1, էջ 146-154, թիւ 2, էջ 91-100, թիւ 3, էջ 114-128, թիւ 4, էջ 123-135, թիւ 5, էջ 102-114, թիւ 6, էջ 126-141, թիւ 7, էջ 153-160, թիւ 8, էջ 134-148, թիւ 10, էջ 136-142, թիւ 11, էջ 146-156, թիւ 12, էջ 149-157, 1929, թիւ 3, էջ 117-125, թիւ 4, էջ 99-108, թիւ 5, էջ 102-114, թիւ 6, էջ 107-115, թիւ 7, էջ 147-160:

2.16 Մալխաս (Արտաշես Հովսեփյան), Ապրումներ, Ա հատ., Թեհրան, տպ. «Ֆարաբի», 1982, 520 էջ:

2.17 Նշկեան Յ. Մ., Առաջին կայծերը, էջ մը Կարնոյ զարթօնքին, «Պայքար»-ի տպարան, ա. տ., 1930, 146 էջ:

2.18 Ռուբէն, Հայ յեղափոխականի մը յիշատակները, Երեւան, «Աղանա», Ա հատ., 1990, 402 էջ, Բ հատ., 1990, 328 էջ, Գ հատ., 1990, 374 էջ, Դ հատ., 1991, 414 էջ, Ե հատ., 1991, 384 էջ, Զ հատ., 1991, 460 էջ:

2.19 Փափազեան Վ., Իմ Յուշերը, հատ. Ա, Պոսթըն, տպ. «Հայրենիք»-ի, 1950, 600 էջ:

3. ԷԼԵԿՏՐՈՆԱՅԻՆ ԿԱՅՔԵՐ

3.1 http://www.armeniansgenocide.am/am/Encyclopedia_Of_armenian_genocide_erdzrumi_hay_bnakchutyan_tvakanake:

3.2 <http://www.aztagdaily.com/archives/190231>

3.3 akunq.net/am/?p=2241:

3.4 armenian-community.ge/News/954

3.5 <http://www.armenianreligion.am/images/menus/752/pastatxter.pdf>, էջ 119:

3.6 <http://www.armenianreligion.am/images/menus/752/pastatxter.pdf>, էջ 130:

3.7 <http://www.slaq.am/arm/news/148100/>, և <http://www.genocide-museum.am>:

4. ԳՐԱԿԱՆՈՒԹՅՈՒՆ

ա) հայերեն

4.1 Անանյան Գ., Նիկոլ Աղբալյան, կյանքը և գրական-հրապարակախոսական գործունեությունը, Երևան, 2002, ԵՊՀ, էջ 313:

4.2 Առաքելյան Հ., Զեյթուն (տեղագրություն, ազգագրություն և վարչական տեսութիւն), Թիֆլիս, Ա., 1896, 92 էջ:

4.3 Գևորգյան Հ., Ազատագրական պայքարի ռազմավարությունը և էջեր նրա

հերոսապատումից, Երևան, հեղինակային իրատարակություն, 2012, 597 էջ:

- 4.4 Գիլալեան Գ., Հայ քաղաքական մտքի զարգացումը Եւ ՀՀ. Դաշնակցութիւնը, Փարիզ, հրատ. Հ.Յ.Դաշնակցութեան, 1927, 137 էջ:
- 4.5 Գիլխանդարեան Ա., Ազգային շարժումների դրդապատճառները Ժմ դարում, Փարիզ, 1939:
- 4.6 Եազըճյան Գ., Ապտով Համիտ Բ. Կարմիր սովորանը, Պէյրութ, 1980, Սեւան, 872 էջ:
- 4.7 Եղիազարյան Կ., Սարգիս Կուկունյանի արշավանքը, Երևան, ԵՊՀ հրատ., 2016, 180 էջ:
- 4.8 Զատիկյան Հ., Կարինի նահանգը XIX դարի երկրորդ կեսին, Երևան, 2013, Նորավանք ԳԿՀ, 424 էջ:
- 4.9 Զեյթունի պատմագիրը, Պուենոս Այրես, 1960, Զեյթունի հայր. Միութ. հրատ., 1150 էջ:
- 4.10 Զեյթունցի, Զեյթունի անցեալէն ու ներկայէն, Բ մաս, Բարիզ, 1903, Ա հ., 240 էջ:
- 4.11 Զորավար Անդրանիկի Կովկասեան ճակատի պատմական օրագրութիւնը (1914-1917), Պութոն, 1924, «Պայքար» տպ., 200 էջ:
- 4.12 Թառոյան Կ., Արևմտահայերի սոցիալ-քաղաքական վիճակը և ազատագրական պայքարը սովորանական թուրքիայի բռնապետության դեմ (1878-1908 թթ.), Երևան, <<ԳԱԱ «Գիտություն» հրատարակչություն, 2001, 445 էջ:
- 4.13 Թումայան Կ., Պատմութիւն Արևելեան խնդրոյ և առաջնորդ Հայկական հարցի, հ. Բ, Լոնտոն, 1905, 675 էջ:
- 4.14 Լազեան Գ., Յեղափոխական դէմքեր (մտաւրականներ, հայդուկներ), Հ.Յ.Դ հրատ. Երիտ. Միութեան Գահիրէ, «Նուպար» տպարան, 1945, 413 էջ:
- 4.15 Լեռ, Թուրքահայ հեղափոխության գաղափարաբանությունը, հ. Ա, Երևան, «Շաղիկ», 1994, 204 էջ:
- 4.16 Լէօ, Թիլրքահայ յեղափոխութեան գաղափարաբանութիւնը, հատ. Բ, Պարիզ, տպագրութիւն՝ Պահրի Եղբարց, 1935, 262 էջ:
- 4.17 Խուդինյան Գ., Հայ Յեղափոխական Դաշնակցության ծնունդը, Երևան, «Արտագերս», 2000, 227 էջ:

- 4.18 Խուղինյան Գ., <Յ Դաշնակցության քննական պատմություն (ակունքներից մինչև 1895 թվականի վերջերը), հրատարակություն <Յ. Դաշնակցության, Երևան, <<ԳԱԱ պատմության ինստիտուտ, 2006, 440 էջ:
- 4.19 Կիտուր Ա., Պատմութիւն Ս.Դ. Հնչակեան կուսակցութեան, 1887-1962, հ. Բ, 1963 Պեյրութ, Շիրակ տպ., 636 էջ:
- 4.20 Կիրակոսյան Զ., Բուրժուական դիվանագիտությունը և Հայաստանը (XIX դարի 70-ական թթ.), Երևան, 1978, Հայաստան, 362 էջ:
- 4.21 Կիրակոսյան Զ., Երիտթուրքերը պատմության դատաստանի առաջ (19-րդ դարի 90-ական թթ. – 1914 թ.), գիրք առաջին, Երևան, 1982, «Հայաստան», 464 էջ:
- 4.22 Կոստանդյան Է., Գարեգին Մրվանձտյանց (կյանքը և գործունեությունը), Երևան, 1979, <ՍՍՀ ԳԱ հրատարակչություն, 193 էջ:
- 4.23 Կոստանդյան Է., Մկրտիչ Խրիմյան, հասարակական-քաղաքական գործունեությունը, Երևան, 2000, Զանգակ-97, 446 էջ:
- 4.24 Կոստանդյան Է., Ակնարկներ արևմտահայ մշակութային և հասարակական-քաղաքական կյանքի պատմության /19-րդ դարի 80-ական թվականներ/, Երևան, 2005, 176 էջ:
- 4.25 Կոստանդյան Է., Դրվագներ Մաղաքիա արքեպիսկոպոս Օրմանյանի կյանքից և գործունեությունից, Երևան, 2015, <<ԳԱԱ պատմության ինստիտուտ, 341 էջ:
- 4.26 Հակոբյան Կ., Կարսի դերը արևմտահայ ազատագրական պայքարում 1880-1908 թթ., թեկնածուական ատենախոսության սեղմագիր, Երևան, 2015, 28 էջ:
- 4.27 Համբարյան Ա., Հայ հասարակական-քաղաքական միտքը արևմտահայության ազատագրության ուղիների մասին, Երևան, 1990, «Հայաստան», 480 էջ:
- 4.28 Համբարյան Ա., Ազատագրական շարժումները Արևմտյան Հայաստանում 1898-1908 թթ., Երևան, <<ԳԱԱ «Գիտություն» հրատարակչություն, 1999, 447 էջ:
- 4.29 Հայոց պատմություն, հ. III, գիրք առաջին, Երևան, 2010, Զանգակ-97, 728 էջ:
- 4.30 Հովհաննիսյան Ն., Քրդերի մասնակցությունը հայերի ցեղասպանությանը, քրդական գործոնը Արևմտյան Հայաստանի հարցի լուծման հայկական հայեցակարգում, Ե., 2016:
- 4.31 Հովհաննիսյան Գ., Հնչակյան կուսակցության պատմություն (1887-1915թթ.),

Երևան, Մեսրոպ Արք. Աշճեան մատենաշար, թիվ 83, Երևան, <<ԳԱԱ
պատմության ինստիտուտ, 2012, 354 էջ:

- 4.32 Հովհաննիսյան Ռ., Արևմտահայ ազգային-ազատագրական շարժումները և
Կարինի «Պաշտպան հայրենյաց» կազմակերպությունը (XIX դարի 70-80-ական
թթ.), Երևան, 1965, Հայկական ՍՍՌ ԳԱ հրատարակչություն, 388 էջ:
- 4.33 Ղազարյան Հ., Արևմտահայությունը ցեղասպանության նախօրյակին, Երևան,
«Տիգրան Մեծ» հրատարակչություն, 2001, 690 էջ:
- 4.34 Ղազարեան Վ., Արմենական կուսակցութիւն, Պեյրութ, 1985, Զարթօնք, 65 էջ:
- 4.35 Ճիզմենեան Մ., Պատմութիւն ամերիկահայ քաղաքական կուսակցութեանց, 1890-
1925, Ֆրեզնո, 1930, «Նոր օր», 572 էջ:
- 4.36 Մանճիկեան Ք., Պատմութեան համար. դէմքեր, դէպքեր, դէպի արմատներ, Լու-
Անջելըս, 2006, Յ. և Ք. Մանճիկեան հրատ., 209 էջ:
- 4.37 Մելքոնյան Ա., Էրզրում. Էրզրումի նահանգի հայ ազգաբնակչությունը XIX դարի
առաջին երեսնամյակին (ժողովրդագրական ուսումնասիրություն), Երևան, 1994,
<<ԳԱԱ հրատարակչություն, 180 էջ:
- 4.38 Մելքոնյան Ա., Զավախնքը 19-րդ դարում և 20-րդ դարի առաջին քառորդին,
Երևան, «Զանգակ-97», 2003, 543 էջ:
- 4.39 Մկրտչյան Լ., Արևմտահայության ցեղասպանության աբդովիամիոյան
քաղաքականությունը, Հայոց ցեղասպանությունը (ուսումնասիրություններ), Ե.,
2001, էջ 58-67:
- 4.40 Մկրտչյան Լ., Զեյթունի ապատամբությունը 1895-1896 թթ., Երևան, ԵՊՀ
հրատարակչություն, 1995, 209 էջ:
- 4.41 Յուշապատում Հ. Յ. Դաշնակցութեան 1890-1950, հրատարակութիւն՝ Հ.Յ.Դ.
Բիլոյի, Բոստոն, «Հայրենիք»ի տպարան, 1950, 636 էջ:
- 4.42 Նաթանեան Մ., Արմենական կուսակցութիւնը, ծագումին սկսեալ մինչեւ
Սահմանադրական Ռամկավար կուսակցութեան կազմութիւնը, խմբագրութիւն եւ
ներածութիւն Տիգրան Գէորգեանի, Գահիրէ, 1990, 106 էջ:
- 4.43 Նալբանդեան Մ., Երկու տող, Փարիզ, 1861, Արամեան տպ., 48 էջ:
- 4.44 Ներսիսյան Ա., Հ.Յ.Դաշնակցութեան պատմութիւն, հ. Բ. /1898-1908թթ./,

Պէյրութ, 2008, Ա, 400 էջ:

- 4.45 Ներսիսյան Մ., Հայ ժողովրդի ազատագրական պայքարը թուրքական բռնապետության դեմ 1850-1890 թթ., Երևան, 2002, <<ԳԱԱ «Գիտություն» հրատ., 492 էջ:
- 4.46 Ուզունեան Հ., Արեամտահայ ազատագրական պայքարին ծագումը Արմենական կուսակցութեան մէջ եւ Ռամկավար Ազատական Կուսակցութիւնը իր 60-ամեակին, Լոս Անճելը, Գալֆորնիա, 1986, G. Printing, 54 էջ:
- 4.47 Չարջագ Ղ., Յուշամատեան Բարձր Հայքի, Կարինապատում, Պէյրութ, 1957, «Մշակ», 792 էջ:
- 4.48 Զերազ Մ., Թե ինչ շահեցանք Պէրլինի վեհաժողովէն, Կոստանդնուպօլիս, 1878, «Տնտեսեան» տպ., 30 էջ:
- 4.49 Պատմութիւն Ս.Դ. Հնչաեան կուսակցութեան, 1887-1962, հ. Ա, խմբ.' Կիտուր Ա., հրատարակութիւն Ս.Դ.Հնչակեան կուս. պատմագրութեան կեդր. յանձնախումբի, տպարան «Շիրակ», Պեյրութ, 1962, 640 էջ:
- 4.50 Պողոսյան Հ., Զեյթունի պատմությունը, Երևան, 1969, «Հայաստան», 458 էջ:
- 4.51 Պողոսյան Վ., Հայոց ցեղասպանության առաջին փուլը ֆրանսիական պատմագրության և հասարակական մտքի գնահատմամբ (XIX դ. վերջ-XX դ. սկիզբ), Երևան, 2005, <<ԳԱԱ «Գիտություն» հրատ., 272 էջ:
- 4.52 Պողոսյան Տ., Րաֆֆի Տարեգիրը, Թեհրան, 1970, «Մոդերն» տպ., 687 էջ:
- 4.53 Սարգսյան Ս., Հայ Սահմանադրական ռամկավար կուսակցություն 1908-1921 թթ., Երևան, 2009, «Տիգրան Մեծ», 244 էջ:
- 4.54 Սարգսյան Ս., «Արմենիա» պարբերականը ազատագրական գաղափարախոսության ակունքներում, Երևան, 2014, «Անտարես», 680 էջ:
- 4.55 Սարուխան Ա., Հայկական խնդիրն և Ազգային սահմանադրությունը Թիւրքիայում (1860-1910), հ. Ա, Թիֆլիս, 1912, «Էպօխա» տպարան, 480 էջ:
- 4.56 Սասունի Կ., Հրայրի դեղը հայ ազատագրական շարժման մեջ (ակնարկ մը անոր յեղափոխական նկարագրին վրայ), տպարան «Ատլաս», Պեյրութ, 1964, 48 էջ:
- 4.57 Սիմոնյան Հ., Անդրանիկի ժամանակը, Երկու գրքով, գիրք Ա, Երևան, 1996, «Կահսա», 830 էջ, գիրք Բ, Երևան, 1996, «Կահսա», 752 էջ:

- 4.58 Ստեփանյան Ի., Ռուբեն Տեր-Մինասյան (կյանքը և գործը), Երևան, «ՎՄՊ-Պրինտ», 2008, 183 էջ:
- 4.59 Վարանդեան Մ., <Յ.Դաշնակցութեան պատմութիւն, Ա. Եւ Բ. հատորներու միացեալ իրատարակութիւն (անձնանուններու Եւ տեղանուններու ցանկերով հարստացած), Բ իրատարակութիւն, Պեյրութ-2013, 653 էջ:
- 4.60 Վարանդեան Մ., <Յ.Դաշնակցութեան պատմութիւն, հ. Բ., Թեհրան, 1981, «Վարանդեան» հրատ., 351 էջ:
- 4.61 Վրացեան Ս., Կեանքի ուղիներով: Դէպքեր, դէմքեր, ապրումներ, Հ. Ա, Գահիրէ, 1955, տպ. «Յուսաբեր»,, 295 էջ:
- 4.62 Տասնապետեան Հ., Ռոստոմ, Պեյրութ, 1979, <Յ. Դաշնակցութեան հրատ., 444 էջ:
- 4.63 Տասնապետեան Հ., <Յ.Դաշնակցութեան կազմակերպական կառոյցի հոլովոյթը Եւ այլ ուսումնասիրութիւններ, Պեյրութ, Համազգայինի «Վահէ Սէթեան» տպարան, 2009, 491 էջ:
- 4.64 Տեր-Կարապետեան Գ., Տարօնի աշխարհ, պատկերներ ու պատմուածքներ, Փարիզ, 1931, Ա, 340 էջ:
- 4.65 Քուեան Յ., Բարձր Հայք, հ. Ա (Կարին քաղաքը), Վիեննա, 1925, Միսիթարյան տպ. 496 էջ:
- 4.66 Օրմանեան Մ., Խոհ Եւ Խոսք. Իր կեանքին վերջին շրջանին մեջ, Երուսաղեմ, 1929, Սրբոց Յակոբեանց, 504 էջ:
- բ) ռուսերեն**
- 4.67 Армянский вопрос. Геноцид армян, библиография литературы на русском языке (1877-1997), составители П.О. Оганесян, Э. А. Бабаян, издательство «Хоск», 1998, ст8: 6.
- 4.68 Амфитеатров А., Армянский вопрос, С.-Петербург, 1906.
- 4.69 Гасымлы М., Анатolia и Южный Кавказ в 1724-1920-е гг.: в поисках исторической истины, Москва, «Инсан», 2014, 523 стр.:
- 4.70 Диллон Э., Положение дел в Турецкой Армении, Братская помощь..., отд. II, էջ 15:
- 4.71 Դ-ր Лепсиус, Правда об Армении, Братская помощь..., отд. II, էջ 136-137:

- 4.72 Макколь М.. Ответственность Англии перед Арменией (Положение армян в Турции до вмешательства держав в 1895 году, в кн.: Положение армян до вмешательства держав в 1895 году, М., 1896, с. 131-211).
- 4.73 Малама Я., Описание Эрзрумского жилайета, СПб, 1874:
- 4.74 Ролен-Жекмен М. Г., Армения, армяне и турки. Положение армян в Турции до вмешательства держав в 1895 году, Москва, 1896, стр. 18-19
- 4.75 Чернов С. Л., К вопросу о Сан-Стефанском договоре 1878 г., “История СССР”, 1975, с. 136.

գ) անգլերեն

- 4.76 Hakobian A., Armenia and the war, London, 1917.4.96 Nalbandian Louise, The Armenian revolutionary movement. University of California press, Berkeley, Los-Angeles, 1975, 286 p.

5. ՀՈԴՎԱԾՆԵՐ

- 5.1 Եղիազարյան Կ., Սարգս Կովկանյանը և նրա գլխավորած արշավանքը, «Պատմաբանասիրական հանդես», 2000, թիվ 1, էջ 69-84:
- 5.2 Զատիկյան Հ., Կարինի նահանգի հայ բնակչության, արևմտահայության, 1894-1896 թթ. կոտորածների, Մեծ եղեռնի զոհերի թվաքանակի հարցի շուրջ, «Պատմաբանասիրական հանդես», թիվ 1(125), էջ 143-151):
- 5.3 Զատիկյան Հ., Կարնո նահանգի պատմությունից (XIX դ. երկրորդ կես), «Լրաբեր հասարակական գիտությունների», 1991, թիվ 5, էջ 173-181:
- 5.4 Զատիկյան Հ., Կարինի բարենորդումների ծրագրը (1879 թ.), «Բանբեր Հայաստանի արխիվների», 1991, թիվ 3, էջ 42-51:
- 5.5 Լալայան Ե., Կարնո գավառի տեղեկագիրը, «Բանբեր Հայաստանի արխիվների», 1974, թիվ 3, էջ 29-37:
- 5.6 Խառատյան Ա., Դարձյալ արևմտահայերի սահմանադրության մասին, «Պատմաբանասիրական հանդես», թիվ 2, 2008, էջ 81-93:
- 5.7 Խուդինյան Գ., Հ.Յ. Դաշնակցության գործունեությունը Էրզրումի վիլայեթում 1890-1895 թթ., Հայոց պատմության հարցեր, <<ԳԱԱ պատմության ինստիտուտ, Ե., 2003, էջ 57-65:

- 5.8 Խուղինյան Գ., Հայ Յեղափոխական Դաշնակցության ծրագրի և կանոնագրի պատմությունից, «Բանբեր Հայաստանի արխիվների», Երևան, 2002, թիվ 1, էջ 63-64:
- 5.9 Համբարյան Ա., Արևմտահայերի թվաքանակի հարցի շուրջ, «Բանբեր Հայաստանի արխիվների», 1969, թիւ 2,
- 5.10 Հարությունյան Գ., 1877-1878 թթ. ռուս-թուրքական պատերազմը և Հայկական հարցը Սան-Ստեֆանոյի պայմանագրում, «Պատմաբանասիրական հանդես», թիվ 2, 2006, էջ 22-40:
- 5.11 Հովհաննիսյան Զ., Հայ կամավորական շարժումը, «Դրօշակ», ապրիլ 2004, էջ 101:
- 5.12 Հովհաննիսյան Ռ., Կարինի «Պաշտպան հայրենյաց» կազմակերպության պատմությունից, «Պատմաբանասիրական հանդես», 1964, թիվ 2, էջ 292-298:
- 5.13 Մելքոնյան Է., Մկրտիչ Ներսիսյանն ընդդեմ հայ ազգային-ազատագրական շարժման պատմության կեղծարարների, «Լրաբեր հասարակական գիտությունների», թիվ 1, 1996, էջ 28-40:
- 5.14 Մշակութային ցեղասպանություն Հայկական մշակութային եղեռնը օսմանյան Թուրքիայի տարածքում, «Պատմաբանասիրական հանդես», թիվ 1(124), 1995, էջ 124-131:
- 5.15 Ստեփանյան Խ., Ռուբեն Տեր-Մինասյան. պայքարի առաջին փորձառությունը, «ԲՀԱ», 2004, թիվ 1, էջ 144-149:
- 5.16 Վրացյան Ս., Բագրատ Վրդ. Թափաքայլանի նամակները, «Հայրենիք», Բոստոն, 1933, թիւ 1, էջ 103-110, թիւ 2, էջ 98-112, 1934, թիւ 3, էջ 84-95:

6. ՊԱՐՔԵՐԱԿԱՆՆԵՐ

- 6.1 «Արարատ» ամսագիր, 1896, թիվ 10:
- 6.2 «Արեւ» օրաթերթ, 14 հունիսի, 1916:
- 6.3 «Արծուի Վասպուրական», 1862-1863, թիվ 1:
- 6.4 «Արօր», թիվ 1, 2, 3, 4, 5, 6-7, 8-9-10, 12, 1910, թիվ 1, 2-3, 4, 5-6, 7-8, 9, 1911, 25 հոկտեմբերի, թիվ 245:
- 6.5 «Բանբեր Հայաստանի արխիվների», Երևան, 2002, թիվ 1:

- 6.6 «Դրօշակ», 1892, փետրուար, թիվ 3, թիվ 2, 1892, թիվ 1, 1901, 1896, թիվ 2, թիվ 3, փետրուար, 1892, ապրիլ 2004:
- 6.7 «Կոռունկ հայոց աշխարհին», 1862, թիվ 10, 1863, թիվ 1, թիվ 3:
- 6.8 «Հայրենիք» ամսագիր, թիվ 4, 1923, 1927, թիվ 1, թիվ 2, 1932: 1934, մարտ, թիվ 2, 5, 9, 1937, թիվ 5, 6, 8, 9, 1938, թիվ 5, 1957, թիվ 5, 8, 1958, թիվ 12, 1959, թիվ 6, 1960, 1959, թիվ 12, 1933, հ. 12, թիվ 1, էջ 103-110, հ. 12, թիվ 2, 1934, հ. 12, թիվ 3:
- 6.9 «Հորիզոն», 28 դեկտեմբեր, 1915:
- 6.10 «Մասիս», 1883, թիվ 3463-3464, թիվ 3497: 1862, 25 օգոստոսի և 11 սեպտեմբերի, 1880, թ. 2718:
- 6.11 «Մամոլ», 1882, թիվ 973:
- 6.12 «Մշակ», քաղաքական-գրական ամենօրեա լրագիր, Թիֆլիս, 1878, թիվ 165, 1879, թիվ 126, 1883, թիվ 4, թիվ 6:
- 6.13 «Մեղու», 1857, թիվ 8, 1862, թիվ 169:
- 6.14 «Մոլճ», Թիֆլիս, 1895, N 6, 1889, N 12, 1895, N 11, 12:
- 6.15 «Հնչակ», սեպտեմբեր, 1880, թ. 2718, 1883, թիվ 3463-3464, 1888, 1890, թիվ 6, 14 սեպտեմբեր:
- 6.16 «МОСКОВСКИЙ телеграф», 1883, № 2
- 6.17 «Public Record Office» (London), Foreign Office (FO), 424/181, N 88/1, էջ 57:
- 6.18 «Turkey», թիվ 1(1892), London, 1892, էջ 16, 19, 37: